

Je² cjoa⁴ xi³ qui³s'in³ je² pa²stro⁴

Je² xi³ N²ai³-na¹ qui³si³s'e³nqui³,
je² Espiritu Santo

1 Ji³-lai²³ Teófilo, je² xon⁴ xi³
ti¹tjon² qui³squi³-le²³ ya⁴
qui³nchja²t'a³ nca³yi³je³ cjoa⁴
xi³ Jesús tsa³c'e¹ts'ia⁴cao⁴ nca³
c'o⁴qui³s'in³, c'o⁴ nca³ qui³s'in³,
cao⁴ nca³ tsa³ca³co¹ya³, 2sa³⁷nta³ je²
ni⁴čhjin³ nca³ qui³tjo³ve¹ ja⁴nc'a¹. Xi³
to⁴t'a³ts'e⁴ je² Espiritu Santo Jesús
je³qui³tsjoa³-le⁴ cjoa⁴-te¹xo³ma³ je²
pa²stro⁴ xi³ tsa³cja³⁷a¹jin³. 3C⁷ia⁴
nca³ je³tsa³cja³⁷a¹ cjoa⁴ñain³,
Jesús tsa³ca³co¹-le⁴ yao³-le⁴ nca³
ti¹jna³con³. Li² to⁴c'o⁴cji³ ncjin²
cjoa⁴ xi³ tsa³ca³co¹, nca³ ña³qui³
c'o⁴a⁴²tjin¹ nca³ ti¹jna³con³. Ña³chan²
ni⁴čhjin³ Jesús coan³tsen³-ni³le⁴
pa²stro⁴-le⁴, c'o⁴ tsa³cja¹cao⁴ xi³
t'a³ts'e⁴ cjoa⁴te¹xo³ma³-le⁴ Ni³na¹.
4C⁷ia⁴ nca³ Jesús ti¹jna³cao⁴-sa³ je²
pa²stro⁴, tsa³c'e¹ne²-le⁴ nca³ tsi²
tsa² coi⁴tjo³-ni³ Jerusalén, to⁴nca³
ca²ta³co³ya³-le⁴ je² xi³ N²ai³-na¹
qui³si³s'e³nqui³-le⁴ nca³ je². Jesús
c'o⁴i⁴qui³tso²-le⁴: Coi³ xi³ qui³no²⁷ya²-
ni³nao¹³. 5Ña³qui³ cjoa⁴qui²xi⁴ nca³
Juan tsa³ca³te¹nta¹-ni³ cao⁴ na³nta¹,
to⁴nca³ ma³čhian³-le⁴ ni⁴čhjin³ nca³
jon² sa⁴te²nta¹-nio³ cao⁴ je² Espiritu
Santo.

Jesús qui³tjo³ve¹ ja⁴nc'a¹

6C⁷ia⁴ nca³ tjio¹xco¹,
qui³tsi²na³nqui³-le⁴: Señor, a³
c'o⁴e¹nta³ya³ nqui²jnc³c'a²-lai⁴
cho⁴ta⁴ Israel je² cjoa⁴te¹xo³ma³ coi³
ni⁴čhjin³-vi⁴. 7 Jesús c'o⁴a⁴qui³tso²-le⁴:
Li²coi³ jon² v'a³cao⁴-no³ nca³ jchao⁴³
c'ia⁴-ni³ a³xo⁴ jo³ chon³-ni³. Je²
N²ai³-na¹ to⁴je² to⁴jnc³ tsa³c'e¹jna³-
le⁴ yao³-le⁴ cjoa⁴te¹xo³ma³. 8 To⁴nca³
tjoe¹-no³ nca³n'ion¹ c'ia⁴ nca³ je²
Espiritu Santo cjoa⁴ai¹-no³. Jon²
coaon⁴³ testigo-na⁴ i⁴ Jerusalén, cao⁴
nca³qui³jnta² na³nqui³ Judea, cao⁴
ya⁴ Samaria, cao⁴ ña³ sa³⁷nta³ nca³
fe³t'a³ son³⁷nte³. 9 C⁷ia⁴ nca³ Jesús
je³c'o⁴qui³tso², tjen⁴ nca³ je² pa²stro⁴
tjio¹co³tsen³-le⁴, Jesús qui³tjo³ve¹
ja⁴nc'a¹. Qui³cha³jin³ yo³jvi³. Pa²stro⁴
li²coi³ ti⁴tsa³ve³-ni³ Jesús. 10 Tjen⁴
nca³ tjio¹co³tsen³nc'a¹ pa²stro⁴,
nca³ ti¹fi² Jesús, jao² cho⁴ta⁴x'in⁴
tsa³qui³ncha³t'a³-le⁴ pa²stro⁴.
Na³jño³čho³ y'a³cja¹. 11 Je² cho⁴ta⁴
xo⁴cjoan³-ve⁴ c'o⁴a⁴qui³tso²-le⁴: Jon²
cho⁴ta⁴x'in⁴ galileos, a¹-ni³ nca³
ti³ncha³nto³-nio³, nca³ ti³cho²tsen³-
lao⁴³ nc'a³jmi³. Ti⁴je²-ni³ Jesús xi³
ji³tjo³xin²-no³, xi³ qui³ nc'a¹, ti⁴c'o⁴a⁴-
s'in² cjoa⁴ai¹-ni³, jo³-s'in² nca³
ca²⁷yao³ nca³ ca²fi²mi³ nc'a¹.

**Matías coan³xqui⁴cao⁴
xi³ te³jnc³ pa²stro⁴**

12 C⁷ia⁴ ji³n³choa³-ni³ ni³nto³ j³ña³ nca³ Olivar ⁷mi² xi³ ti¹jna³čhian³-le⁴ Jerusalén, jo³-s⁷in² nca³ tjo³⁷nte³-le⁴ fi² j³ña³ čhian³ c⁷ia⁴ nca³ ni⁴čhjin³ ni²cja¹ya³. Ja³⁷ai³-ni³ Jerusalén. 13 Ja³⁷a³s⁷en³ Jerusalén. Qui³mi³ cuarto xi³ ma³jao²jco³-ni³ j³ña³ nca³ tjo¹ Pedro, Jacobo, Juan, Andrés, Felipe, Tomás, Bartolomé, Mateo, Jacobo ⁷nti¹-le⁴ Alfeo, Simón Zelote, Judas nts⁷e⁴ Jacobo. 14 Je² nca³ts⁷i³ pa²stro⁴-vi⁴ cao⁴ ya¹nchjin¹, cao⁴ María na⁴-le⁴ Jesús, c⁷oa⁴ cao⁴ nts⁷e⁴, to⁴jnc³ cjoa⁴fa³⁷ai³tsjen³-le⁴, c⁷oa⁴ to⁴jnc³ tjo¹. Nchaon³nchaon³ tjo¹-v⁷e¹ts⁷oa³-le⁴ Ni³na¹. 15 C⁷ia⁴ ni⁴čhjin³-ve⁴ Pedro tsa³qui³so¹tjen⁴j³in³-le⁴ nts⁷e⁴. (Je² nca³ts⁷i³ cho⁴ta⁴ xi³ coan³xco¹ jnc³ ciento cao⁴ can³-la⁴ ma³-ni³.) Pedro qui³tso²-le⁴: 16 Nca³ts⁷io³ ⁷nti¹nts⁷e³, coan³chjen¹ nca³ ji³tjo³son² xon⁴ Escritura jo³ qui³tso² nca³s⁷a⁴ xi³ t⁷a³ts⁷e⁴ Judas, je² xi³ qui³ca³co¹-le⁴ je² xi³ qui³tsoa³ Jesús. Je² Espíritu Santo xo⁴ qui³tso² cao⁴ ts⁷oa³ David. 17 Je² cho⁴ta⁴-ve⁴ coan³xqui⁴ cao⁴ ña¹-vi⁴. Qui³ts⁷ai²-le⁴ ⁷nte³ nca³ qui³si³cji³tjo³son² xa¹-vi⁴. 18 Je²-vi⁴⁷ni³ tsa³ca³tse³ jnc³ ⁷nte³ cao⁴ je² taon⁴ xi³ qui³njen²-ni³le⁴ cjoa⁴ts⁷en⁴-le⁴. Qui³sca³tsa³cjan² t⁷a³na³nqui³. Qui³tjo³⁷ai² ts⁷oa⁴, nca³yi³je³ n⁷o¹y⁷e⁴-le⁴ qui³tsao³va³. 19 Tsa³ve³ nca³ts⁷i³ xi³ tsa³ca³tio² ya⁴ Jerusalén. Coi³ cjoa⁴ Acéldama ⁷mi² je² ⁷nte³-ve⁴ nca³ en¹-le⁴ xi³ tso²-ni³ ⁷nte³njin¹. 20 Ya⁴ tji¹t⁷a³ libro xi³ salmos ⁷mi²: Ca²ta³vi³xo²ya³ ni³⁷ya³-le⁴, ni⁴⁷ya³-jin² cho⁴ta⁴ xi³

ca²ta³va³tio². Cja⁴⁷ai¹ cho⁴ta⁴ xi³ ca²ta³v⁷ai²-le⁴ xa¹-le⁴. 21 Ma³chjen¹-la⁴⁷ni³ jnc³ xi³ testigo ca²ta³ma³ cao⁴ ña¹ nca³ Cristo ja³⁷a²ya³-le⁴, 22 jnc³ xi³ ts⁷e⁴ je² cho⁴ta⁴x⁷in⁴ xi³ tjo¹cao⁴-na¹ nca³ntsai² ni⁴čhjin³ c⁷ia⁴ nca³ je² Nai³-na¹ Jesús tsa³c⁷e²jna³j³in³-na¹, sa³⁷nta³ ni⁴čhjin³ nca³ Juan tsa³ca³te¹nta¹, c⁷oa⁴ sa³⁷nta³ ni⁴čhjin³ nca³ qui³tjo³ve¹j³in³-na¹ Jesús ja⁴nc⁷a¹. 23 C⁷ia⁴ jao² cho⁴ta⁴ tsa³cja³⁷a¹j³in³: Jnc³ xi³ Matías, jnc³ xi³ José xi³ Barsabás ⁷mi², nqui²jnc³ jan³⁷ain¹ tjin¹-le⁴ Justo ⁷mi². 24 Tsa³c⁷e¹ts⁷oa³: Ji³ Señor xi³ ⁷yai³ ni⁴ma⁴-le⁴ nca³ts⁷i³, ta⁴co²-na³j³in⁴ j³ña³-le⁴ xi³ chja³⁷a²j³in³ nca³ jao²-vi⁴, 25 jme¹-ni³ nca³ je² scoe¹-si¹ni³ xa¹-le⁴ pa²stro⁴ xi³ qui³tsjion³ Judas nca³ tsa³ca³jnqui³ je¹. Je³qui³ j³ña³ ⁷nte³ ts⁷a³cao⁴-le⁴. 26 Qui³si³sca¹cao⁴. Je² Matías qui³njen²-le⁴. Coan³xqui⁴cao⁴ xi³ te³jnc³ pa²stro⁴.

2 C⁷ia⁴ nca³ ji³cho² ni⁴čhjin³-le⁴ s⁷oi¹ Pentecostés, nca³ts⁷i³ to⁴jnc³ tjo¹. 2 Nti⁴ton⁴ ja³⁷ai³-ni³ nc⁷a³jmi³ jnc³ xi³ fa³ne³, jo³-ni³ ntjao⁴ xi³ n⁷ion¹ fa³⁷a³. Ja³ne³ya³ nca³yi³je³ ni³⁷ya³ j³ña³ nca³ tjo¹. 3 Coan³tsen³-le⁴ jo³-ni³ tsa² ni⁴jen⁴⁷i¹ xi³ coan³jao²ya³. Jnc¹jnc¹ qui³tsao³son²-le⁴. 4 C⁷ia⁴ cjai¹nca³ to⁴qui³s⁷e³j³in³ ni⁴ma⁴-le⁴ nca³ts⁷i³ je² Espíritu Santo. Tsa³c⁷e¹ts⁷ia⁴cao⁴ nca³ cja⁴⁷ai¹ en¹ qui³nchja⁴, jo³-s⁷in² nca³ je² Espíritu qui³tsjoa³-le⁴ nca³ qui³nchja⁴ya³. 5 Coi³ ni⁴čhjin³ tjo¹ ya⁴ Jerusalén cho⁴ta⁴ judíos, cho⁴ta⁴x⁷in⁴ xi³ ve³xcon¹ Ni³na¹. Ja³⁷ai³-ni³ nca³qui³jnta² ⁷nte³ xi³ tjin¹ son³⁷nte³-vi⁴. 6 C⁷ia⁴

coan³xco¹ nca³ts⁷i³ cho⁴ta⁴ncjin²-
 ve⁴ nca³ qui³nch⁷oe¹ je²-ve⁴. Jo³
 to⁴coan³xcon¹-le⁴ nca³ jnc¹o¹jnc¹
 qui³nch⁷oe¹-le⁴ nca³ qui³nchja⁴ xi³
 ti⁴ts⁷e⁴-ni³ en¹. ⁷Jo³ to⁴c⁷oa⁴coan³-le⁴,
 jo³ to⁴coan³xcon¹-le⁴. Qui³tso²: A³
 tsi² tsa² cho⁴ta⁴ galileo je² nca³ts⁷i³
 xi³ tjio¹nchja⁴. ⁸Jo¹ ma³-ni³⁷ni³ nca³
 no²⁷ya²-le⁴² nca³ jnc¹o¹jnc¹oa¹ je²
 en¹-na¹ xi³ qui³tsin³coa⁴². ⁹Cho⁴ta⁴
 partos, cho⁴ta⁴ medos, cho⁴ta⁴
 elamitas, nca³ts⁷ia³² xi³ ti³yoa³²
 ya⁴ Mesopotamia, i⁴ Judea, ya⁴
 Capadocia, ya⁴ Ponto, ya⁴ Asia, ¹⁰ya⁴
 Frigia, ya⁴ Panfilia, ya⁴ Egipto, je²
⁷nte³ Africa xi³ tjio¹ntai³-le⁴ na³nqui³
 Cirene, cho⁴ta⁴ romanos xi³ to⁴ja³⁷ai³
 co³tsen³, cho⁴ta⁴ judíos cao⁴ je² xi³
 qui³si³c⁷a³ntjai²ya³ yao³-le⁴ nca³
 judío coan³, ¹¹cho⁴ta⁴ cretenses
 cao⁴ cho⁴ta⁴ árabes, no²⁷ya²-le⁴²
 nca³ nchja⁴ xi³ ti⁴tsan⁴²-nia³² en¹
 je² cjoa⁴xcon¹ xi³ ts⁷e⁴ Ni³na¹.
¹²Jo³ to⁴c⁷oa⁴coan³-le⁴ nca³ts⁷i³,
 to⁴qui³jma²-le⁴. C⁷oi⁴qui³tso²-le⁴
 nca³ i⁴ nca³ jan¹ xi¹ncjin¹: Jme¹ xi³
 tso²ya³-ni³le⁴ je²-vi⁴. ¹³C⁷oa⁴ xi³c⁷a³
 to⁴tsa³qui³jno²que³, c⁷oi⁴qui³tso²:
 Cjai¹-la² nca³ tse³ xan¹ ca²⁷vi³-vi⁴.

Pedro qui³nchja⁴ya³jini³-le⁴ cho⁴ta⁴

¹⁴C⁷ia⁴ Pedro tsa³ca³sen²nto³jini³-
 le⁴ cao⁴ xi³ te³jnc³ pa²stro⁴,
 n⁷ion¹ qui³nchja⁴cao⁴, c⁷oa⁴
 qui³nchja⁴ya³jini³-le⁴: N⁷ai³ judíos,
 c⁷oa⁴ nca³ts⁷io³ xi³ ti³yo³ i⁴
 Jerusalén, na¹nta³ yao³ je²-vi⁴,
 c⁷oa⁴ ti⁴no¹⁷yao²³ en¹-na⁴. ¹⁵Je²
 cho⁴ta⁴-vi⁴ a³li² ch⁷i⁴-jin², jo³-
 s⁷in² nca³ ni²cja³⁷ai³tsjaon³, nca⁴
 s⁷a⁴coan³ jan² hora-le⁴ ni⁴chjin³.
¹⁶To⁴nca³ je²-vi⁴ xi³ c⁷oa⁴qui³tso²
 Joel, je² xi³ qui³nchja⁴ya³ t²a³ts⁷e⁴

Ni³na¹: ¹⁷C⁷oa⁴tso² Ni³na¹ nca³
 c⁷oa⁴coan⁴ c⁷ia⁴ nca³ cjoe⁴t⁷a³-ni³
 ni⁴chjin³. Je² Espiritu Santo-na⁴
 si³c⁷a³vi¹son²-le⁴ nca³ts⁷i³ cho⁴ta⁴. Je²
 xti³x⁷in⁴-no³, c⁷oa⁴ je² xti³ya¹nchjin¹-
 no³ coi⁴nchja⁴ya³. Je² cho⁴ta⁴xti³-no³
 scoe⁴ cjoa⁴xcon¹, c⁷oa⁴ je²
 cho⁴ta⁴jchi¹nca³-no³ c⁷oi⁴-le⁴ ni³jna¹.
¹⁸Xi³ cjoa⁴qui²xi⁴, c⁷ia⁴ ni⁴chjin³-ve⁴
 je² cho⁴nta³-na⁴ xi³ x⁷in⁴ cao⁴ xi³
 ya¹nchjin¹ si³c⁷a³vi¹son²-le⁴ Espiritu
 Santo-na⁴. C⁷oa⁴-s⁷in² coi⁴nchja⁴ya³.
¹⁹Coa³coa³ cjoa⁴xcon¹ ya⁴ nc⁷a³jmi³,
 c⁷oa⁴ i⁴ son³⁷nte³-vi⁴ tsjoa³ choa⁴
 xi³ njin¹ cao⁴ l⁷i¹ cao⁴ ni⁴⁷nti⁴. ²⁰Je²
 ts⁷oi¹ coan⁴njon²-ni¹, c⁷oa⁴ je² sa¹
 njin¹ coan⁴, to⁴nqui³-ni³ nca³ cjoa⁴⁷ai¹
 ni⁴chjin³-le⁴ Nai³-na¹. N⁷ion¹ tse³
 cjoa⁴ xi³ coan⁴tsen³ coi³ ni⁴chjin³-
 ve⁴. ²¹C⁷oa⁴coan⁴ nca³ je² nca³ts⁷i³ xi³
 coi⁴nchja⁴-le⁴ Jesucristo je² Nai³-na¹
 cao⁴ jan³⁷ain¹-le⁴ coi⁴tjo³ntjai²-
 ni¹. ²²Nca³ts⁷io³ n⁷ai³ israelitas,
 ti⁴no¹⁷yao²³ je² en¹-vi⁴: Jesús cho⁴ta⁴
 nazareno, cho⁴ta⁴x⁷in⁴ xi³ Ni³na¹
 ja³⁷ai³-ni³ xi³ coan³qui²xi⁴ya³jini³-
 no³ xi³ to⁴t²a³ts⁷e⁴ nca³n⁷ion¹-le⁴,
 cao⁴ cjoa⁴xcon¹, cao⁴ choa⁴. Je²
 cjoa⁴-vi⁴ xi³ Ni³na¹ qui³si³nta³ cao⁴
 Jesús nqui³xcon³ nca³ jon², jo³-s⁷in²
 nca³ c⁷oa⁴-ti⁴ yao³ nca³ jon². ²³Je²
 Jesús qui³ni²⁴ntsja³, jo³-s⁷in² nca³
 Ni³na¹ to⁴nqui³-ni³ qui³sco³son²-
 ni³le⁴, c⁷oa⁴ to⁴nqui³-ni³ tsa³ve³. Jon²
 qui³nto³vao³ qui³ni²c⁷en³-nio³ cao⁴
 ntsja³ cho⁴ta⁴je¹. Tsa³cja³t⁷ao³ cro².
²⁴Je² Jesús Ni³na¹ qui³sco²mi³tjen⁴,
 tsa³cja³⁷a¹xin²-le⁴ je² cjoa⁴n⁷ain³ xi³
 ts⁷e⁴ cjoa⁴vi³ya³. Li²coi³ coan³ nca³
 ntia³ qui³s⁷e³jna³n⁷ion¹ cjoa⁴vi³ya³
 Jesús. ²⁵Je² David qui³tso² xi³
 t²a³ts⁷e⁴: Tsa³⁷ve³-nia¹³ je² Nai³-
 na¹ nca³ntsjai² nqui³xcoan³. I⁴

ntsa⁴qui²xi⁴ ti¹jna³, jme¹-ni³ nca³
tsi² cjoa⁴tse¹xcon¹-si¹nia³. **26** Coi³
cjoa⁴ ni⁴ma⁴-na⁴ coan³tsjoa³-le⁴,
c²oa⁴ ni³jen³ to⁴tsjoa³ coan³-le⁴.
C²oa⁴-ti⁴ yao³-na⁴ nta³ si⁴²cja¹ya³
nca³ ti¹co³ya³cao⁴cjoa⁴. **27** Li²coi³
si⁴c²e¹jnai³ ni⁴ma⁴-na⁴ nqui³
cjoa⁴te¹xo³ma³-le⁴ cjoa⁴vi³ya³. Li²coi³
c²oi⁴²nte³-lai⁴ Cristo xi³ ²nti¹tsje³-li⁴
nca³ cjo⁴²nto³. **28** Tsa³c²in²ya³-nai¹³
ntia⁴²-le⁴ cjoa⁴vi³jna³chon³.
Cjai¹nca³ to⁴tsjoa³ coan⁴ ni⁴ma⁴-
na⁴ c²ia⁴ nca³ ti³jna³cao⁴-nai¹³.
29 Nca³ts²io³ ²nti¹nts²e³, tjo³⁷nte³-na³
nca³ fa³cao⁴tsen³-no³ xi³ t²a³ts²e⁴ je²
cho⁴ta⁴jchi¹nca³-na¹ David xi³ c²en³,
c²oa⁴ xi³ qui³s²e³ñai³. Je² tsjo¹-le⁴
ti¹jna³cao⁴-na¹ sa³nta³ nt²ai⁴-vi⁴.
30 Je² David xi³ qui³nchja⁴ya³ tsa³ve³
nca³ c²oa⁴-s²in² Ni³na¹ qui³tsjoa³
ts²oa³ nca³ ña³qui³ cjoa⁴qui²xi⁴
c²oe¹jna³ne² ya¹xi²le⁴-le⁴ jnc³ xi³
cjo⁴n³choa³-ni³ ntje⁴-le⁴, je² Cristo.
31 C²oa⁴-s²in² David to⁴nqui³-ni³
tsa³ve³, c²oa⁴ qui³nchja⁴ xi³ t²a³ts²e⁴
cjoa⁴fa³⁷a²ya³-le⁴ Cristo, nca³ tsi²
tsa² ya⁴ qui³s²e³jna³ ni⁴ma⁴-le⁴ nqui³
cjoa⁴te¹xo³ma³-le⁴ cjoa⁴vi³ya³, ni⁴je²-
jin² yao³-le⁴ ji³⁷nto³. **32** Je² Jesús xi³
Ni³na¹ qui³si³cja³⁷a¹ya³-le⁴. Nca³ts²i³-
jin⁴ testigo ni¹⁴.jin⁴ xi³ t²a³ts²e⁴
je²-vi⁴. **33** Ni³na¹ qui³si³quin³nc²a³
Jesús, qui³si³c²e¹jna³ ya⁴ nca³qui²xi⁴-
le⁴. Jesús qui³tjoe¹-le⁴ je² Espíritu
Santo xi³ N²ai³-na¹ qui³tsjoa³ ts²oa³
nca³ tsjoa¹-le⁴. C²oa⁴-s²in² Jesús
qui³si³c²a³vi¹son² je² cjoa⁴-vi⁴ xi³
²yao³ xi³ no²⁷yao²³ nt²ai⁴-vi⁴. **34** Je²
David li²coi³ qui³mi³ nc²a³jmi³,
to⁴nca³ je² c²oa⁴qui³tso²: Je² Nai³-
na¹ qui³tso²-le⁴ Nai³-na⁴, ti⁴jnai³
nca³qui²xi⁴-na⁴, **35** sa³nta³ nca³
si³c²e¹jna³nquia³ ntso⁴coi³ co²ntran⁴-

li⁴. **36** Cjai¹nca³ nta³ ca²ta³ve³
nca³ts²i³ cho⁴ta⁴ Israel nca³ je²
Jesús xi³ jon² tsa³cja³t²ao³ cro²,
Ni³na¹ tsa³ca³sen¹nta³ Nai³-na¹ c²oa⁴
Cristo. **37** C²ia⁴ nca³ qui³nch²oe¹ en¹
xo⁴ tso²-ve⁴, cho⁴ta⁴ qui³si³cjao¹jin³
ni⁴ma⁴-le⁴, c²oa⁴qui³tso²-le⁴ Pedro
cao⁴ xi³c²a³ pa²stro⁴: Nca³ts²io³
²nti¹nts²ai³⁴-jin⁴, jme¹-ni³ xi³ s²iain⁴-
jin⁴ nt²ai⁴. **38** C²ia⁴ Pedro qui³tso²-le⁴:
Ti⁴c²a³ntjai²yao³ cjoa⁴fa³⁷ai³tsjen³-
no³, ca²ta³sa³te¹ntao¹³ nca³ts²io³
nca³ cho⁴ta⁴-le⁴ Cristo coan⁴³,
jme¹-ni³ nca³ cha⁴t²a³-si¹ni³ je¹-
no³, c²oa⁴ tjoe¹-no³ je² cjoa⁴tjao²
xi³ je² Espíritu Santo. **39** Tsaon⁴³-
nio¹³ je² xi³ Ni³na¹ qui³tsjoa³-no³
ts²oa³ cao⁴ xti³-no³ cao⁴ nca³ts²i³ xi³
cjin³ tjio¹, jo³ tjjin¹ ma³-ni³ xi³ je²
Nai³-na¹, je² Ni³na¹-na¹, coi⁴nchja⁴-
le⁴. **40** A³li² to⁴c²oa⁴cji³ en¹ xi³
cja⁴²ai¹ xi³ qui³nchja⁴ Pedro nca³
qui³tsjoa³ en¹ nca³ tsa³c²e¹ne²-le⁴,
c²oa⁴qui³tso²: Ch²a⁴sje³ntjai²-lao⁴³
yao³-no³ cho⁴ta⁴ts²en⁴ xi³ tjjin¹
nt²ai⁴-vi⁴. **41** Je² xi³ qui³scoe¹ en¹-
le⁴ qui³sa³te¹nta¹-ni³. Jan²-la⁴ jmi³
ma³-ni³ cho⁴ta⁴ xi³ ja³⁷a³s²en³t²a³-le⁴
coi³ ni⁴chjin³-vi⁴. **42** Nchaon³nchaon³
to⁴coi³ qui³tjen⁴nqui³-le⁴ je² en¹
jo³-s²in² qui³tso²ya³ pa²stro⁴, c²oa⁴
nca³ to⁴jnc³ coan³xco¹, c²oa⁴ nca³
qui³si³xcoa⁴ nio⁴xti²la⁴, c²oa⁴ nca³
tsa³c²e¹ts²oa³.

C²oa⁴qui³s²in³ cho⁴ta⁴-le⁴ Cristo

43 Nca³ts²i³ cho⁴ta⁴ qui³tso³cjon¹-
le⁴. Cjai¹nca³ to⁴ncjin² cjoa⁴xcon¹
cao⁴ choa⁴ xi³ qui³s²in³ je² pa²stro⁴.
44 Je² nca³ts²i³ xi³ coan³cjain¹-le⁴
ñ³ai³qui³ tsa³ca³tio²tjin¹-ni¹. To⁴jnc³
tjin¹-le⁴ nca³yi³je³ tso³jmi²-le⁴.
45 Tso³jmi²-le⁴ cao⁴ na³nqui³-le⁴

tsa³ca³te¹na³-ni¹. Qui³si³c²a³vi¹-le⁴
 nca³ts⁷i³ jo³-s⁷in² nca³ coan³chjen¹-le⁴
 nca³ jnco¹jnco¹. ⁴⁶Nchaon³nchaon³
 qui³si³sin³ nca³ts⁷i³ ya⁴ya³ yo⁴nc⁴,
 c⁷oa⁴ ya⁴³ ni³⁷ya³-le⁴ qui³si³xcoa⁴
 nio⁴xti²la⁴. Ña³tjen⁴ tsa³cjen²
 cao⁴ cjoa⁴tsjoa³ nca³ ña³qui³
 tjio¹jnco³con³ ni⁴ma⁴-le⁴. ⁴⁷Cjai¹nca³
 to⁴je³ya³ ts⁷a³sje³ Ni³na¹, c⁷oa⁴
 nca³ts⁷i³ cho⁴ta⁴ na⁴xi⁴na³nta¹
 cjai¹nca³ to⁴nta³ ts⁷a³sje³ nca³
 je². Nchaon³nchaon³ je² Nai³-na¹
 qui³si³cja³⁷a³s⁷en³t⁷a³-le⁴ je² cho⁴ta⁴-
 le⁴ Cristo je² xi³ coi⁴tjo³ntjai².

3 Pedro cao⁴ Juan ña³tjen⁴
 qui³mi³ ya⁴ yo⁴nc⁴, choa⁴-le⁴
 nca³ v⁷e¹ts⁷oa³ cho⁴ta⁴, las tres nca³
 ma³xon².

²Cho⁴ta⁴ ya⁴ ja³⁷ai³cao⁴ jnco³
 cho⁴ta⁴x⁷in⁴ xi³ chi⁴⁷nque¹
 jo³ sa³⁷nta³ nca³ qui³tsin³.
 Nchaon³nchaon³ ya⁴ qui³si³c⁷e¹jna³
 jcho³ xo⁴ntjoa⁴-le⁴ yo⁴nc⁴, coi³
 xo⁴ntjoa⁴ xi³ na⁴sca¹ cji³ ⁷mi².
 Ya⁴ qui³si³je¹-le⁴ limosna je² xi³
 fa³⁷a³s⁷en³. ³Je² cho⁴ta⁴ chi⁴⁷nque¹-
 vi⁴ c⁷ia⁴ nca³ tsa³ve³ Pedro cao⁴
 Juan nca³ tjio¹fa³⁷a³s⁷en³ ya⁴³
 yo⁴nc⁴, tsa³c⁷e¹ts⁷oa³-le⁴ nca³
 ca²ta³tsjoa¹ jo³ tjin¹-le⁴ limosna.

⁴Pedro cao⁴ Juan qui³sco³⁷a²
 qui³tso²: Cho¹tsen³⁷a²-na³jin⁴. ⁵C⁷oa⁴
 je² cho⁴ta⁴-ve⁴⁷ni³ qui³sco³⁷a³jnta².
 Ti¹co³ya³ tsa²jme³ xi³ tsjoa¹ i⁴tse¹-
 le⁴. ⁶C⁷oi⁴qui³tso² Pedro: Tsin²-na³
 taon⁴choa³, tsin²-na³ taon⁴si³ne²,
 to⁴nca³ je² xi³ tjin¹-na³, tsjoa³-
 le²³. Cao⁴ jan³⁷ain¹-le⁴ Jesucristo
 xi³ Nazaret ts⁷e⁴, ti²so⁴tjai⁴
 to¹mjin³. ⁷Qui³scoe¹ ntsja³
 nca³qui²xi⁴ qui³sco²mi³tjen⁴. C⁷ia⁴
 qui³s⁷e³ nti⁴ton⁴-le⁴ nca³n⁷ion¹
 ntso⁴co⁴ cao⁴ ya¹sin³ntso⁴co⁴. ⁸C⁷ia⁴

qui³squi²⁴nc⁷a³, tsa³ca³sen²nto³,
 tsa³c⁷a³mjen³. Ja³⁷a³s⁷en³ yo⁴nc⁴
 cao⁴ Pedro cao⁴ Juan. Tso²⁷va³,
 cji²⁴nc⁷a³, jo³ v⁷a³sje³je³ya³ Ni³na¹.
⁹Nca³ts⁷i³ cho⁴ta⁴ na⁴xi⁴na³nta¹
 tsa³ve³ nca³ tso²⁷va³ nca³
 v⁷a³sje³je³ya³ Ni³na¹. ¹⁰Ve³ nca³ts⁷i³
 nca³ je² ⁷nti¹cho⁴ta⁴ xo⁴cji³-ve⁴ je² ni¹
 xi³ qui³si³je¹ limosna, xi³ tsa³c²e²jna³
 jcho³ xo⁴ntjoa⁴-le⁴ yo⁴nc⁴ xi³ na⁴sca¹
 cji³ ⁷mi². Jo³ nca³ to⁴coan³xcon¹-
 le⁴, jo³ to⁴qui³tso³cjon¹ je² cjoa⁴ xi³
 coan³-le⁴.

Pedro c⁷oi⁴qui³tso²-le⁴ na⁴xi⁴na³nta¹

¹¹Je² cho⁴ta⁴ chi⁴⁷nque¹ xi³
 coan³nta³-ni³ qui³tsoa³ Pedro
 cao⁴ Juan. Nca³ts⁷i³ cho⁴ta⁴
 na⁴xi⁴na³nta¹ ji³cho²nch⁷oe² ya⁴nqui³
 corredor jña³ nca³ Salomón ⁷mi².
 To⁴coan³xcon¹-le⁴ nca³ts⁷i³. ¹²C⁷ia⁴
 nca³ Pedro tsa³ve³, c⁷oi⁴qui³tso²-le⁴
 cho⁴ta⁴ na⁴xi⁴na³nta¹: Cho⁴ta⁴x⁷in⁴
 israelitas, a¹-ni³ nca³ ma³xcon¹-
 si¹ni³no³ je²-vi⁴. A¹-ni³ nca³
 cho²tsen³⁷a²-si¹ni³na³jin⁴ jo³-ni³
 tsa²jin⁴-jin⁴ xi³ qui³ni²c⁷a³mjin³⁴-
 jin⁴ je² cho⁴ta⁴-vi⁴ cao⁴ nca³n⁷ion¹,
 c⁷oa⁴ cao⁴ cjoa⁴nta³ xi³ ti⁴tsain⁴-
 ni³jin⁴. ¹³Je² Ni³na¹-le⁴ Abraham
 cao⁴ Isaac cao⁴ Jacobo, je² Ni³na¹-le⁴
 n⁷ai³jcha¹cjin³-na¹ tsa³c²a³sje³je³ya³
 Jesús xi³ ⁷nti¹-le⁴, je² xi³ jon²
 qui³ni²⁴ntsja³. A³li² tsain⁴-jin²jin⁴
 tsa³qui³xon¹³ nqui³xcon⁴ Pilato,
 c⁷ia⁴ nca³ je² qui³si³cja³⁷ai³tsjen³
 nca³ si⁴²c⁷e¹jna³ntai¹. ¹⁴Jon²
 tsa³c⁷e²⁷mao³ je² xi³ tsje³, xi³ tjin¹-
 le⁴ cjoa⁴qui²xi⁴. Qui³ni²jao¹³ nca³
 qui³ts⁷ai²-no³ jnco³ cho⁴ta⁴ xi³ c⁷en³
 qui³tjen⁴-le⁴. ¹⁵C⁷oa⁴ qui³ni²c⁷aon³
 je² xi³ tsjoa¹ cjoa⁴vi³jna³chon³, je²
 xi³ Ni³na¹ qui³si³cja³⁷a³ya³jin³-ni³le⁴

xi³ c'en³. Testigo ni¹⁴-jin⁴ nca³ts⁷i³-jin⁴ xi³ t'a³ts⁷e⁴ je²-vi⁴. ¹⁶Jesús qui³si³nta³ je² cho⁴ta⁴-vi⁴ xi³ ti³⁷yao³ xi³ ⁷ya³xcon³, nca³ ma³cjain¹-na³jin⁴ xi³ t'a³ts⁷e⁴ Jesús. To⁴coi³ nca³ ma³cjain¹-na³jin⁴ t'a³ts⁷e⁴ Jesús, coi³ nca³ ca²v⁷ai²-ni³le⁴ cjoa⁴nta³ je² cho⁴ta⁴-vi⁴ nca³ ña³qui³ ca²ma³nta³-ni³ nqui³xcon³ nca³ jon². ¹⁷Nt⁷ai⁴-vi⁴ntai⁴, ⁷nti¹nts⁷e³, je³⁷ve³ nca³ to⁴cjoa⁴njon²-no³ nca³ c'oa⁴qui³n⁷iaon²³. Ti⁴c'oa⁴qui³s⁷in³-ni³ cho⁴ta⁴ti¹tjon²-no³. ¹⁸To⁴nca³ c'oa⁴-s⁷in² Ni³na¹ je³qui³si³tjo³son² je² en¹-le⁴ xi³ qui³tso² nca³ Cristo cjoa⁴⁷a² cjoa⁴ñain³. Coi³ xi³ to⁴nqui³-ni³ qui³tso²ts⁷i³ cho⁴ta⁴-le⁴ xi³ qui³nchja⁴ya³. ¹⁹Ti⁴c'oa⁴ntjai⁷yao³ tso²c'oa⁴ cjoa⁴fa³⁷ai³tsjen³-no³, ca²ta³v⁷a³ntjai²ya³-nio³, jme¹-ni³ nca³ cha⁴⁷a³-si¹ni³ je¹-no³, jme¹-ni³ nca³ cjoa⁴⁷ai¹-si¹ni³ ni⁴chjin³ nca³ coi⁴njen⁴ nch⁷an¹ jo³-s⁷in² Ni³na¹ coa⁴te²xo³ma³, ²⁰c'oa⁴ jme¹-ni³ nca³ Ni³na¹ si⁴²ca³sen¹-si¹ni³ Jesucristo, xi³ qui³sa³sen²nta³-no³. ²¹To⁴nca³ cjoa⁴qui²xi⁴ nca³ ma³chjen¹ nca³ c'oe¹jna³ Jesucristo ya⁴ nc⁷a³jmi³, jo³ sa³⁷nta³ nca³ cjo⁴cho³ ni⁴chjin³ nca³ coan⁴cho⁴tse⁴ya³ nca³yi³je³, jo³-s⁷in² qui³tso² Ni³na¹ cao⁴ ts⁷oa³ cho⁴ta⁴-le⁴ xi³ tsje³ xi³ qui³nchja⁴ya³ sa³⁷nta³ coa²tse³. ²²Je² Moisés c'oi⁴qui³tso²-le⁴ n⁷ai³jcha¹cjin³-na¹: Je² Nai³-no³ Ni³na¹-no³ sco¹mi³tjen⁴jin³-le⁴ nts⁷ao³ jnc³ xi³ coi⁴nchja⁴ya³ t'a³ts⁷e⁴ Ni³na¹ jo³-ni³ an³. Je² xi³ coi⁴no¹⁷ya²-lao⁴³ nca³yi³je³ jo³ coi⁴tso⁴-no³. ²³Je² nca³ts⁷i³ xi³ tsi² cjo⁴nch⁷oe¹-le⁴ je² cho⁴ta⁴ xi³ coi⁴nchja⁴ya³ t'a³ts⁷e⁴ Ni³na¹, ña³qui³ ntia³ tjo¹xin²-ni¹. ²⁴Nca³ts⁷i³ cho⁴ta⁴ xi³ qui³nchja⁴ya³ t'a³ts⁷e⁴ Ni³na¹

sa³⁷nta³ c'ia⁴ ni⁴chjin³ Samuel, c'oa⁴ je² nca³ts⁷i³ xi³ ji³nchoa³-sa³ni³ xi³ qui³nchja⁴, ña³qui³ je² tsa³c'ia¹ma³ tso²ya³ jme³ xi³ coan⁴ coi³ ni⁴chjin³-vi⁴. ²⁵Jon² nio¹³ xi³ xti³-le⁴ je² xi³ qui³nchja⁴ya³ t'a³ts⁷e⁴ Ni³na¹, c'oa⁴ tsaon⁴³ je² cjoa⁴ xi³ Ni³na¹ tsa³c'ie¹n⁷ion¹ cao⁴ n⁷ai³jcha¹cjin³-na¹. Ni³na¹ c'oa⁴qui³tso²-le⁴ Abraham: Nca³ts⁷i³ xi²nqui⁴ xi³ tjin¹ son³⁷nte³ coan⁴chi³con³⁷ain³ xi³ to⁴⁷a³ts⁷e⁴ ntje⁴-li⁴. ²⁶Ni³na¹ qui³sco²mi³tjen⁴ ⁷nti¹-le⁴. C'ia⁴ jon² nio¹³ xi³ ti¹tjon²cjoa²la² Ni³na¹ qui³si³ca³sen¹-no³ je² ⁷nti¹-le⁴, jme¹-ni³ nca³ si⁴²chi³con³⁷ain³-si¹ni³no³ nca³ si⁴²c'aa³ntjai²ya³ ntia⁴²-no³ nca³ jnc¹jnc¹³ nca³ li²coi³ ti⁴c'oa⁴s⁷ian⁴-nio³ cjoa⁴ts⁷en⁴-no³.

Qui³sca³ni¹ nto⁴ya¹ Pedro cao⁴ Juan

4 Je² Pedro cao⁴ Juan tjio¹fa¹cao⁴ cho⁴ta⁴ na⁴xi⁴na³nta¹ c'ia⁴ nca³ ji³cho²ne²-le⁴ na⁴⁷mi³ cao⁴ nai³-le⁴ yo⁴nc⁴, cao⁴ cho⁴ta⁴ saduceos. ²Cjai¹nca³ to⁴jt³ coan³-le⁴ nca³ Pedro cao⁴ Juan c'oa⁴-s⁷in² tsa³ca³co¹ya³-le⁴ cho⁴ta⁴ na⁴xi⁴na³nta¹. Qui³nchja⁴ya³jin³-le⁴ nca³ cho⁴ta⁴ cjoa⁴⁷a¹ya³jin³-ni³le⁴ c'en³ jo³-s⁷in² nca³ Cristo ja³⁷a²ya³-ni³le⁴. ³C'ia⁴ qui³tsoa³ Pedro cao⁴ Juan. Qui³sca³ni¹ nto⁴ya¹ sa³⁷nta³ coan³nchaon³-ni³, nca⁴ je³coan³xon². ⁴Ncjin² xi³ qui³nch⁷oe¹ je² en¹ coan³cjain¹-le⁴. Aon²-la⁴ jmi³ ma³-ni³ xi³ cho⁴ta⁴x⁷in⁴.

C'oi⁴qui³tso²-le⁴ cho⁴ta⁴xa¹ Pedro

⁵Xi³ coan³nchaon³-ni³ coan³xco¹ cho⁴ta⁴xa¹, cho⁴ta⁴jchi¹nca³, cho⁴ta⁴ scribano ya⁴ Jerusalén. ⁶Coan³xco¹ Anás xi³ na⁴⁷mi³ti¹tjon²,

Caifás, Juan, Alejandro, cao⁴
 nca³ts²i³ xi³ xi¹ncjin¹ na⁴⁷mi³.
 7 Qui³si³qui³ncha²va³sen³ Pedro
 cao⁴ Juan, c⁷oa⁴ qui³sco²na³nqui³-
 le⁴: Jñā¹-le⁴ nca³n⁷ion¹, ⁷ya¹ xi³
 ca²tsjoa¹⁷n³te³ nca³ c⁷oa⁴ca²n⁷iaon²³
 je²-vi⁴. 8 C⁷ia⁴ cja¹nca³ to⁴ti¹jna³j³in³
 ni⁴ma⁴-le⁴ Pedro je² Espíritu
 Santo, c⁷oa⁴qui³tso²-le⁴: Nca³ts²io³
 cho⁴ta⁴xa¹-le⁴ na⁴xi⁴na³nta¹ cao⁴
 cho⁴ta⁴jchi¹nca³-le⁴ cho⁴ta⁴ Israel,
 9 ti¹chjo²na³nqui³-na³j³in⁴ nt⁷ai⁴-vi⁴ xi³
 t²a³ts²e⁴ je² cjoa⁴nta³ xi³ ca²n⁷ian²-
 lai⁴j³in⁴ j³inco³ cho⁴ta⁴ xi³ ti¹m⁷en³,
 jo³-s⁷in² nca³ ca²ma³nta³-ni³ je²-
 vi⁴. 10 Na¹nta³⁷yao³ nca³ts²io³ cao⁴
 nca³ts²i³ na⁴xi⁴na³nta¹ Israel nca³
 je² cho⁴ta⁴-vi⁴ ti¹jna³ nqui³xcon³,
 c⁷oa⁴ je³coan³nta³-ni³ xi³ to⁴t⁷a³ts²e⁴
 je² xi³ Jesucristo ⁷mi², xi³ Nazaret
 ts²e⁴, je² xi³ tsa³cja³t⁷ao³ cro², c⁷oa⁴
 je² xi³ Ni³na¹ qui³si³cja³⁷a¹ya³j³in³-
 ni³le⁴ c⁷en³. 11 Jesucristo, je² ni¹ je²
 la⁴jao⁴ xi³ ca²⁷ya³taon³ nca³ jon²
 xi³ ma³-no³ chjo¹mi³tjen⁴ ni³⁷ya³,
 to⁴nca³ nt⁷ai⁴-vi⁴ntai⁴ s⁷e³jna³
 ti¹tjon² ya⁴ xi⁴nqui⁴-le⁴. 12 Ni⁴to⁴⁷ya³-
 j³in²sa³ xi³ v⁷a³sje³ntjai²-na¹, nca³
 tsi² xi³ cja⁴⁷ai¹ xi³ tjio¹ i⁴ son³⁷n³te³-
 vi⁴ xi³ ma³-le⁴ v⁷a³sje³ntjai²-na¹.
 13 C⁷ia⁴ coan³xcon¹-le⁴ nca³ts²i³ nca³
 qui³sco²tsen³-le⁴ cjoa⁴n⁷ion¹to³con²-
 le⁴ Pedro cao⁴ Juan. Ve³ts²i³
 nca³ to⁴xquia⁴ ⁷nti¹cho⁴ta⁴ ni¹,
 xi³ tsi² tsa² tse³ qui³sco²t⁷a³ya³.
 Tsa³ve³xcon³ nca³ tsa³ca³tio²cao⁴
 Jesús. 14 Qui³sco²tsen³-le⁴ je²
 cho⁴ta⁴x⁷in⁴ xi³ coan³nta³-ni³, xi³
 ya⁴ ti¹jna³cao⁴. A³li²coi³ coan³
 nca³ qui³nchja⁴ co²ntran⁴ xi³
 t²a³ts²e⁴. 15 C⁷ia⁴ tsa³ca³te¹xo³ma³-
 le⁴ nca³ ca²ta³vi³tjo³j³in³-le⁴ cho⁴ta⁴
 xi³ ti¹jna³-le⁴ junta. C⁷ia⁴ je²

cho⁴ta⁴xa¹-ve⁴⁷ni³ tsa³cja¹ya³-ni³.
 16 C⁷oi⁴qui³tso²: Jme¹ xi³ ni²coa⁴²
 cho⁴ta⁴ xo⁴cjoan³-ve⁴. Cjoa⁴qui³xi⁴
 ni¹ tsen³ choa⁴ xi³ qui³tsjoa³. Ve³
 nca³ts²i³ xi³ tjio¹ i⁴ Jerusalén.
 A³li²coi³ coan⁴ c⁷oe¹⁷ma³-le⁴².
 17 N⁷ion¹ c⁷oe¹ne²-le⁴² nca³ li²⁷ya³ xi³
 ti⁴cjoa⁴²cao⁴-ni³ cao⁴ je² jan³⁷ain¹-
 vi⁴ nt⁷ai⁴-vi⁴ c⁷oa⁴ xi³ fi²-sa³ni³,
 jme¹-ni³ nca³ tsi² coai⁴son²-sa³ni³le⁴
 cho⁴ta⁴ na⁴xi⁴na³nta¹ je² cjoa⁴-
 ve⁴. 18 C⁷ia⁴ qui³nchja⁴-le⁴ Pedro
 cao⁴ Juan. Tsa³ca³te¹xo³ma³-le⁴
 nca³ ni⁴⁷tse¹-j³in² coan⁴ coi⁴nchja⁴,
 ni⁴coa⁴co²ya³-j³in² cao⁴ jan³⁷ain¹-
 le⁴ Jesús. 19 C⁷ia⁴ Pedro cao⁴ Juan
 c⁷oi⁴qui³tso²-le⁴: Cho¹son²-ni³lao⁴³
 a³ nta³ tj³in¹ nqui³xcon⁴ Ni³na¹
 tsa² jon² xi³ no²⁷ya²-no³ a³xo⁴
 Ni³na¹ xi³ no²⁷ya²-le⁴. 20 A³li²coi³
 coan⁴ nca³ jyo¹ coi⁴yoi³⁴-j³in⁴ xi³
 t²a³ts²e⁴ xi³ tsa³⁷yai³⁴-j³in⁴, xi³
 qui³no²⁷yai²⁴-j³in⁴. 21 C⁷ia⁴ cho⁴ta⁴xa¹-
 ve⁴ qui³sca³ni¹ntai¹ Pedro cao⁴
 Juan. Ch⁷ao³-s⁷in² tsa³c⁷e¹ne²-le⁴.
 A³li²coi³ qui³sa³co³sja³-le⁴ jo³-s⁷in²
 nca³ tsjoa¹-le⁴ cjoa⁴n⁷ain³ to⁴t⁷a³ts²e⁴
 cho⁴ta⁴ na⁴xi⁴-na³nta¹, nca⁴ nca³ts²i³
 ts²a³sje³je³ya³ Ni³na¹ jñā³-le⁴ xi³
 coan³. 22 Ts²a³to³ ñā³chan² no¹-le⁴ je²
 cho⁴ta⁴ xi³ c⁷oa⁴-s⁷in² coan³nta³-ni³
 cao⁴ je² cjoa⁴xcon¹-vi⁴.

**Cho⁴ta⁴-le⁴ Cristo qui³si³je¹
 cjoa⁴n⁷ion¹ta³con²**

23 Xi³ je³to⁴tjen⁴ntai¹ Pedro
 cao⁴ Juan, qui³con³-le⁴ mi²yo⁴-
 le⁴. Tsa³c⁷e¹ na⁴jmi¹ jo³ qui³tso²-le⁴
 cho⁴ta⁴ti¹tjon²-le⁴ na⁴⁷mi³ cao⁴
 cho⁴ta⁴jchi¹nca³. 24 C⁷ia⁴ nca³
 qui³nch⁷oe¹, to⁴j³inco³jtā² qui³tsjoa³-
 le⁴ cjoa⁴nta³ Ni³na¹, c⁷oi⁴qui³tso²-le⁴:
 Señor, ji³ ni¹³ Ni³na¹ xi³ qui³ni²ntai³

nc²a³jmi³ cao⁴ son³⁷nte³ cao⁴
 nta¹chi³con³ cao⁴ nca³yi³je³ xi³ tj¹in¹-
 le⁴ nca³ je². **25** Ji³ xi³ c²oi⁴qui³si³ cao⁴
 ts⁷oa³ David, je² cho⁴⁷nta³-li⁴: A¹-ni³
 nca³ c²oa⁴-s⁷in² to⁴qui³squi³⁷ntia¹-
 si¹ni³ cho⁴ta⁴ son³⁷nte³, c²oa⁴
 je² cho⁴ta⁴ na⁴xi⁴na³nta¹ a¹-ni³
 nca³ qui³si³cja³⁷ai³tsjen³-si¹ni³
 cjoa⁴ xi³ tsi²jme³ chji¹-le⁴.
26 Je² cho⁴ta⁴ti¹tjon²-le⁴ xi³ tj¹in¹
 son³⁷nte³ tsa³qui³so¹tjen⁴, c²oa⁴
 je² xi³ va³te¹xo³ma³ to⁴jnc³
 coan³xco¹ co²ntran⁴-le⁴ Nai³-na¹,
 c²oa⁴ co²ntran⁴-le⁴ Cristo xi³ ts⁷e⁴.
27 Herodes cao⁴ Poncio Pilato,
 cao⁴ cho⁴ta⁴ xi³ li² judío jin², cao⁴
 na⁴xi⁴na³nta¹-le⁴ Israel, cjoa⁴qui²xi⁴
 nca³ coan³xco¹ i⁴ na⁴xi⁴na³nta¹je³
 co²ntran⁴-le⁴ Jesús ⁷nti¹-li⁴ xi³ tsje³,
 xi³ tsa³c²ai²-lai⁴ cjoa⁴te¹xo³ma³.
28 Je² coan³xco¹co²ntran⁴-le⁴ nca³
 c²oa⁴s⁷in² jo³-s⁷in² to⁴nqui³-ni³
 qui³cho²son²-ni³lai⁴ cao⁴ nca³n⁷ion¹-
 li⁴ nca³ c²oa⁴-s⁷in² c²oa⁴coan⁴.
29 Nt⁷ai⁴-vi⁴ntai⁴, Señor, cho¹tsen³-
 lai⁴ jo³-s⁷in² nca³ ch⁷ao³-s⁷in²
 v⁷e¹ne²-na³jin⁴. Cho¹x⁷a¹⁷nte³-
 lai⁴ cho⁴⁷nta³-li⁴ nca³ tsi² tsa²
 ca²ta³fi²cja³⁷a¹ cjoa⁴jcon³ nca³
 coi⁴nchja⁴ en¹-li⁴. **30** Tjai³ ntsai⁴,
 jme¹-ni³ nca³ coan⁴nta³-si¹ni³ ch⁷in³.
 Cho⁴ cao⁴ cjoa⁴xcon¹ ca²ta³ma³ xi³
 to⁴t⁷a³ts⁷e⁴ jan³⁷ain¹-le⁴ Jesús ⁷nti¹-li⁴
 xi³ tsje³. **31** C⁷ia⁴ nca³ je³tsa³c²e¹ts⁷oa³,
 ja³⁷a³ chaon¹ ya⁴ ⁷nte³ jña³ nca³
 coan³ña³. Espíritu Santo qui³s⁷e³jin³
 ni⁴ma⁴-le⁴ nca³ts⁷i³. Li²coi³
 qui³tsa³cjon¹ nca³ qui³nchja⁴ en¹-le⁴
 Ni³na¹.

Ts⁷e⁴ nca³ts⁷i³ nca³yi³je³ xi³ tj¹in¹-le⁴

32 Je² nca³ts⁷i³ xi³ coan³cjain¹-
 le⁴ to⁴jnc³ coan³ ni⁴ma⁴-le⁴ cao⁴

cjoa⁴fa³⁷ai³tsjen³-le⁴. Ni⁴jnc³-jin²
 xi³ qui³tso²-le⁴ xi¹-ncjin¹: Ts⁷an⁴
 nia¹³ tso³jmi² xi³ tj¹in¹-na³. **33** A³li²
 to⁴c²oa⁴cji³ nca³n⁷ion¹ qui³s⁷e³-le⁴
 pa²stro⁴ nca³ qui³tsjoa³ en¹ nca³
 ja³⁷a²ya³-ni³le⁴ Nai³-na¹ Jesús. A³li²
 to⁴c²oa⁴cji³ cjoa⁴nta³ xi³ qui³s⁷e³-le⁴
 nca³ts⁷i³. **34** Ni⁴⁷ya³-jin² xi³ ni⁴jme³-
 jin² xi³ coan³tsin²-le⁴. Nca³ts⁷i³ xi³
 tj¹in¹-le⁴ na³nqui³, c²oa⁴ tsa² ni³ya³,
 c²oa⁴-s⁷in² tsa³ca³te¹na³. Ja³⁷ai³
 ca³ni¹ nca³yi³je³ taon⁴-le⁴ tso³jmi²
 xi³ qui³sa³te²na³. **35** Ya⁴nqui³ ntso⁴co⁴
 pa²stro⁴ tsa³ca³tio¹ taon⁴. Ts⁷a³vi¹-
 le⁴ nca³ jnc¹jnc¹ cho⁴ta⁴ jo³ tj¹in¹
 xi³ ma³chjen¹-le⁴. **36** C⁷ia⁴ tj¹in¹ jnc³
 cho⁴ta⁴ levita xi³ José ⁷mi². Je²
 pa²stro⁴ Bernabé qui³tso²-le⁴ (xi³
 tso²-ni³ ⁷nti¹-le⁴ cjoa⁴ni²je³con³). Ya⁴
⁷nte³-le⁴ Chipre ts⁷e⁴ je² cho⁴ta⁴-ve⁴.
37 Tj¹in¹-le⁴ na³nqui³ xi³ tsa³ca³te¹na³.
 Ja³⁷ai³cao⁴ taon⁴-le⁴. Ya⁴ tsa³c²e¹jna³
 nqui³ ntso⁴co⁴ pa²stro⁴.

Ananías cao⁴ Safira

5 To⁴nca³ jnc³ cho⁴ta⁴x⁷in⁴ xi³
 Ananías ⁷mi², cao⁴ chjon⁴²-le⁴
 xi³ Safira ⁷mi², tsa³ca³te¹na³ jnc³
 na³nqui³-le⁴.

²Tsa³cja³⁷a¹xin²t⁷a³ chji¹-le⁴ xi³
 t⁷a³ts⁷e⁴ yao³-le⁴. C²oa⁴-ti⁴ tsa³ve³
 chjon⁴²-le⁴. Je² xi³ ts⁷a³nqui³-
 le⁴ ja³⁷ai³cao⁴. Tsa³c²e¹jna³ nqui³
 ntso⁴co⁴ pa²stro⁴. **3** Pedro qui³tso²:
 Ananías, a¹-ni³ nca³ ya⁴ ti¹jna³jin³-
 si¹ni³ ni⁴ma⁴-li⁴ Satanás nca³
 en¹nti³so³ chja²coai⁴ Espíritu
 Santo, nca³ ti³chja³⁷a²xin²t⁷a³-
 ni¹ je² chji¹-le⁴ na³nqui³-li⁴. **4** C⁷ia⁴
 nca³ qui³s⁷e³jna³-li², a³ tsi² tsi⁴ ni¹.
 C⁷ia⁴ nca³ je³qui³sa³te²na³, a³ tsi²
 tsa² ji³ xi³ qui³s⁷e³jna³ya³ ntsai⁴
 taon⁴-ve⁴. A¹-ni³ nca³ c²oa⁴-s⁷in²

tsa³c²e²-ni³ ni⁴ma⁴-li⁴. A³li² cho⁴ta⁴-jin² xi³ tsa³ca³sen²nti³so³-lai⁴, je² Ni³na¹. ⁵C²ia⁴ nca³ qui³nch⁷oe¹ Ananías je² en¹ xo⁴ tso²-ve⁴, c²ia⁴ qui³sca³ts⁷o³tjen⁴, je³c²en³. A³li² to⁴c²oa⁴cji³ qui³tso³cjon¹ nca³ts⁷i³ xi³ qui³nch⁷oe¹ nca³ c²en³. ⁶Cho⁴ta⁴xti³ tsa³qui³ncha³nto³, tsa³ca¹jte¹ yao³-le⁴ Ananías. Tsa³c²a³sje³, tsa³c²e¹ñai³. ⁷C²ia⁴ nca³ je³coan³ jo³-ni³ jan² hora, ja³⁷a³s²en³ chjon⁴²-le⁴. A³li²coi³ ve³ jme³-ni³ xi³ ca²ma³. ⁸C²ia⁴ Pedro c²oa⁴qui³tso²-le⁴: C²oa⁴t²in²-nai¹³, a³ c²oa⁴tjin¹ tsa³ca³te²na³-nio³ je² na³nqui³-no³. C²oa⁴ je² c²oi⁴qui³tso²: Jaon³, c²oa⁴tjin¹. ⁹Pedro c²oi⁴qui³tso²-le⁴: A¹-ni³ nca³ c²oa⁴-s²in² qui³cho³va²ya³-si¹nio³ nca³ qui³ch⁷a²na⁴cha⁴-lao⁴³ je² Espíritu xi³ ts⁷e⁴ Nai³-na¹. Coe⁴-ni³ ya⁴ ncha³ jcho³ xo⁴ntjoa⁴-ve⁴ je² xi³ ca²v⁷e¹ñai³ x²in⁴-li⁴. C²oa⁴-ti⁴ c²oa⁴sje³-li². ¹⁰Nti⁴ton⁴ chjon⁴²-ve⁴ qui³sca³ts⁷o³tjen⁴ ya⁴nqui³ntso⁴co⁴ Pedro. Je³c²en³. C²ia⁴ ja³⁷a³s²en³ cho⁴ta⁴xti³. Tsa³ve³ nca³ qui³jna³c²en³ chjon⁴²-ve⁴. Nti⁴ton⁴ tsa³c²a³sje³ tsa³c²e¹ñai³t²a³-le⁴ x²in⁴-le⁴. ¹¹A³li² to⁴c²oa⁴cji³ qui³tso³cjon¹ nca³ts⁷i³ xi³ ts⁷e⁴ na⁴xi⁴na³nta¹-le⁴ Cristo cao⁴ nca³ts⁷i³ xi³ qui³nch⁷oe¹ je² en¹-vi⁴.

Ncjin² ma³-ni³ cjoa⁴xcon¹ xi³ qui³s²in³

¹²A³li² to⁴c²oa⁴cji³ choa⁴ cao⁴ cjoa⁴xcon¹ xi³ qui³s²in³ pa²stro⁴ cao⁴ ntsja³ ja⁴j³in³-le⁴ cho⁴ta⁴ na⁴xi⁴na³nta¹. Nca³ts⁷i³ to⁴jnc³ cjoa⁴fa³⁷ai³tsjen³-le⁴, c²oa⁴ to⁴jnc³ tjio¹ ya⁴nqui³ corredor-le⁴ Salomón. ¹³Je² xi³c²a³ ni⁴jnc³-jin²la² coan³n⁷ion¹con³ nca³ qui³t²a³-le⁴ pa²stro⁴. To⁴nca³ je² cho⁴ta⁴

na⁴xi⁴na³nta¹ cjai¹nca³ to⁴nta³ tsa³c²a³sje³ pa²stro⁴. ¹⁴Je² xi³ coan³cjain¹-le⁴ t²a³ts⁷e⁴ Jesús to⁴sin³ to⁴nta³ coan³ncjin². A³li² to⁴c²oa⁴cji³ ncjin² ma³-ni³ cao⁴ x²in⁴ cao⁴ ya¹nchjin¹. ¹⁵Ts⁷a³sje³ xi³ tjio¹m⁷en³ ya⁴³ ntia⁴², c²oa⁴ qui³si³ca¹yo³son² ya¹na⁴chan³ cao⁴ ni³jña³, jme¹-ni³ nca³ c²oa⁴cao⁴c²a³-si¹ni³le⁴ ⁷nta³ to⁴nc⁷ian¹-le⁴ Pedro c²ia⁴ nca³ cjoa⁴⁷ai¹. ¹⁶C²oa⁴ti⁴ je² cho⁴ta⁴ xi³ ts⁷e⁴ na⁴xi⁴na³nta¹ xi³ tjio¹ntai³, a³li² to⁴c²oa⁴cji³ ji³cho² ya⁴ Jerusalén. Ja³⁷ai³cao⁴ xi³ tjio¹m⁷en³, cao⁴ cho⁴ta⁴ xi³ nai⁴² tjio¹j³in³ ni⁴ma⁴-le⁴. Ña³qui³ ji³tjo³xin²-le⁴ ch⁷in³-le⁴ nca³ts⁷i³.

Tsa³nca³tjen⁴nqui³co²ntran⁴-le⁴ Pedro cao⁴ Juan

¹⁷C²ia⁴ tsa³qui³so¹tjen⁴ na⁴⁷mi³ti¹tjon² cao⁴ nca³ts⁷i³ xi³ tjio¹cao⁴ xi³ cho⁴ta⁴ saduceos. A³li² to⁴c²oa⁴cji³ coan³chi⁴ni⁴que³. ¹⁸Qui³tsoa³ je² pa²stro⁴. Qui³sca³ni¹nto⁴ya¹-le⁴ na⁴xi⁴-na³nta¹. ¹⁹Xi³ je³coan³njion² jnc³ a²ncje⁴-le⁴ Nai³-na¹ qui³sco³⁷ai² xo⁴ntjoa⁴-le⁴nto⁴ya¹. Tsa³c²a³sje³ je² pa²stro⁴-ve⁴, c²oa⁴qui³tso²-le⁴. ²⁰Ta³nquin¹ qui³yo³ya⁴³ yo⁴nc⁴. C²oa⁴t²in²-lao⁴³ nca³ts⁷i³cho⁴ta⁴ na⁴xi⁴na³nta¹ nca³yi³je³ en¹xi³ t²a³ts⁷e⁴ je² cjoa⁴vi³-jna³chon³. ²¹C²ia⁴ nca³ qui³nch⁷oe¹ jña³-le⁴xi³ tsa³c²in²-le⁴, ja³⁷a³s²en³ yo⁴nc⁴ nca³ qui³s²e³sen¹. Tsa³ca³co¹ya³. C²ia⁴ ja³⁷ai³ je² na⁴⁷mi³ti¹tjon² cao⁴ nca³ts⁷i³ xi³ tjio¹cao⁴. Qui³nchja⁴-le⁴ cho⁴ta⁴xa¹ cao⁴ nca³ts⁷i³cho⁴ta⁴jchi¹nca³ xi³ ts⁷e⁴ ntje⁴-le⁴ Israel. Qui³si³ca³sen¹cja³⁷a¹ pa²stro⁴-ve⁴ ya⁴nto⁴ya¹. ²²C²ia⁴ nca³ ji³cho²policía, li²coi³ qui³sa³co³sja³-

le⁴ je² pa²stro⁴-ve⁴ ya⁴³ nto⁴ya¹. Qui³si³c^o1fa³ya³-ni³, c^ooa⁴ tsa³c^oe¹ na⁴jmi¹. **23** C^ooa⁴qui³tso²: C^oia⁴ nca³ ca²fi³choi³⁴-jin⁴, ca²⁷ya¹³⁴-jin⁴ nca³ cjai¹nca³ n^oion¹ tji¹chjoa² nto⁴ya¹. Je² cho⁴ta⁴ xi³ ya⁴ tjio¹ma³ si¹coi²nta⁴ tjio¹ ya⁴jcho³ xo⁴ntjoa⁴. C^oia⁴ nca³ qui³cho³⁷ai²⁴-jin⁴, ni⁴⁷ya³-jin² xi³ tjin¹ ya⁴³ nto⁴ya¹. **24** C^oia⁴ nca³ qui³nch^oe¹ en¹ xo⁴ tjin¹-vi⁴, je² na⁴⁷mi³ti¹tjon² cao⁴ je² nai³-le⁴ yo⁴nc^o, cao⁴ cho⁴ta⁴ti¹tjon²-le⁴ na⁴⁷mi³, a³li²coi³ tsa³ve³ jo³ coan⁴ je²-vi⁴. **25** C^oia⁴ ja³⁷ai³ jnco³ xi³ tsa³c^oe¹-le⁴ na⁴jmi¹: Coe⁴-ni³ je² cho⁴ta⁴ xi³ qui³cha²nio²³ nto⁴ya¹, i⁴ tjio¹ ya⁴³ yo⁴nc^o, tjio¹va³co¹ya³-le⁴ cho⁴ta⁴. **26** C^oia⁴ qui³ nai³-le⁴ yo⁴nc^o cao⁴ policia. Ja³⁷ai³cao⁴-la²nta³, nca⁴ qui³tso³cjon¹-le⁴ cho⁴ta⁴ na⁴xi⁴na³nta¹, tsa² lao⁴ coa⁴sen²-le⁴. **27** C^oia⁴ nca³ ja³⁷ai³cao⁴, qui³si³ca³tio²va³sen³ junta. Je² na⁴⁷mi³ti¹tjon² qui³sco²na³nqui³-le⁴: **28** A³ tsi² tsa² c^ooa⁴-s^oin² n^oion¹ sta³c^oe²ne²-lai²⁴jin⁴, nca³ tsi² tsa² coa⁴co²yao³ cao⁴ je² jan³⁷ain¹. Coe⁴-ni³ jo³ ti³cha³ni²son²³ nca³qui³jnta² Jerusalén je² en¹ xi³ ti³va³co²yao³. C^ooa⁴ me³-no³ cha³ni²ne²-na³jin⁴ je² njin¹-le⁴ cho⁴ta⁴ xo⁴cji³-ve⁴. **29** C^oia⁴ c^ooi⁴qui³tso² Pedro cao⁴ nca³ts^oi³ pa²stro⁴: Nqui²-sa⁴ ma³chjen¹ nca³ ni²cji³tjo³son²-le⁴² Ni³na¹ cao⁴-ni³ tsa² cho⁴ta⁴son³⁷nte³. **30** Je² Ni³na¹-le⁴ n^oai³jcha¹cjin³-na¹ qui³sco²mi³tjen⁴ Jesús. Je² xi³ jon² qui³ni²c^oaon³, ya⁴ tsa³cjen³t^oao³ jnco³ ya¹. **31** Je²-vi⁴ xi³ Ni³na¹ qui³si³quin³nc^oa³ ya⁴ nca³qui²xi⁴-le⁴. Je²-vi⁴ xi³ cho⁴ta⁴ti¹tjon²-na¹, c^ooa⁴ xi³ v^oa³je³ntjai²-na¹, jme¹-ni³ nca³ tsjoa¹-si¹ni³le⁴ cjoa⁴nta³

cho⁴ta⁴ Israel nca si⁴²c^oa³ntjai²ya³ cjoa⁴fa³⁷ai³tsjen³-le⁴, nca³ cha⁴t^oa³-le⁴ je¹-le⁴. **32** Jin⁴ ni¹⁴-jin⁴ testigo xi³ t^oa³ts^oe⁴ je² cjoa⁴. C^ooa⁴ testigo je² Espiritu Santo xi³ Ni³na¹ qui³tsjoa³-le⁴ je² xi³ si¹cji³tjo³son²-le⁴. **33** C^oia⁴ nca³ qui³nch^oe¹ je²-vi⁴, n^oion¹ coan³jti³-le⁴, tsa³cjao¹ya³-ni³ nca³ me³-le⁴ si⁴²c^oen³. **34** C^oia⁴ tsa³ca³sen²nto³jin³-le⁴ cho⁴ta⁴junta jnco³ cho⁴ta⁴ fariseo xi³ Gamaliel ²mi², je² xi³ va³co¹ya³ cjoa⁴te¹xo³ma³. Nca³ts^oi³ cho⁴ta⁴ na⁴xi⁴na³nta¹ cjai¹nca³ ve³xcon¹. Je² Gamaliel tsa³ca³te¹xo³ma³ nca³ jnco³ tjo² ca²ta³vi³tjo³ je² pa²stro⁴. **35** C^ooi⁴qui³tso²-le⁴: Nca³ts^oi³ xi³ cho³ta³ israelitas, cho¹tsen³-lao⁴³ yao³-no³ xi³ t^oa³ts^oe⁴ je² cho⁴ta⁴ xo⁴cjoan³-ve⁴, jo³-s^oin² cho¹son²-ni³lao⁴³. **36** Nca³s^oa⁴ nca³ ni⁴chjin³ jchi¹nca³ ji³so¹tjen⁴ jnco³ xi³ Teudas ²mi². C^ooi⁴qui³tso²: An³-vi⁴, an³ nqui²sa⁴-vi⁴. No³-la⁴ ciento ma³-ni³ cho⁴ta⁴x^oin⁴ xi³ qui³t^oa³-le⁴. To⁴nca³ qui³ni²c^oen³-ni¹ je² Teudas. Nca³ts^oi³ xi³ qui³t^oa³-le⁴ qui³tsao³va³. Li²jme³ xi³ ti⁴coan³ qui³s^oin³-ni³. **37** C^oia⁴ nca³ je³ja³⁷a³to³ xo⁴cjoan³-ve⁴, ji³so¹tjen⁴ Judas, je² cho⁴ta⁴ galileo, je² ni⁴chjin³ nca³ qui³s^oe³nta³ padrón. A³li² to⁴c^ooa⁴cji³ cho⁴ta⁴ na⁴xi⁴na³nta¹ xi³ je² qui³cao⁴. C^ooa⁴-ti⁴ c^oen³ nca³ je². Nca³ts^oi³ xi³ je² qui³t^oa³-le⁴ ña³qui³ qui³tsao³va³. **38** Nt^oai⁴-vi⁴ntai⁴ c^ooa⁴xin³-no³: Ca²ta³v^oe²-la²no³, to⁴c^ooa⁴-la²s^oin² ti⁴ca³tio¹ je² cho⁴ta⁴x^oin⁴-vi⁴. Je² cjoa⁴ xi³ tji¹nta³-le⁴, c^ooa⁴ je² xa¹-vi⁴ tsa² ts^oe⁴ cho⁴ta⁴x^oin⁴, si⁴²cha³. **39** To⁴nca³ tsa² ts^oe⁴ Ni³na¹ ni¹, a³li²coi³ coan⁴-no³ jo³ si⁴cao⁴³. Ti⁴coi²ntao⁴³ yao³-no³ tsa² coi³ ni⁴chjin³ coi⁴yo³ta²ja³-lao⁴³

Ni³na¹. ⁴⁰Cho⁴ta⁴junta tjio¹jin³con³cao⁴ je² Gamaliel. Qui³nchja⁴-le⁴ pa²stro⁴. C⁷ia⁴ nca³ je³t³sa³ca¹-le⁴, ch⁷ao³-s⁷in² tsa³c⁷e⁷ne²-le⁴ nca³ tsi² tsa² cao⁴ jan³⁷ain¹-le⁴ Jesús coi⁴nchja⁴. C⁷oa⁴ qui³sca³ni¹ntai¹-ni³. ⁴¹Je² pa²stro⁴-ve⁴ ji³tjo³jin³-le⁴ cho⁴ta⁴junta. Cjai¹nca³ to⁴tsjoa³-le⁴ nca³ c⁷oa⁴-s⁷in² tsa³quin²-le⁴ nca³ qui³ch⁷a²sje³nqui³ xi³ t⁷a⁷ts⁷e⁴ jan³⁷ain¹-le⁴ Jesús. ⁴²Nca³ntsjai²ni⁴chjin³ ya⁴³ yo⁴nco⁴ ya⁴³ ni³ya³-le⁴ ni⁴to⁴c⁷ia³-jin² tsa³ca³tio²jyo¹ nca³ tsa³ca³co¹ya³, c⁷oa⁴ nca³ qui³nchja⁴ya³ t⁷a³ts⁷e⁴ Jesús je² Cristo.

Ña³to³ ma³-ni³ cho⁴ta⁴
xi³ tsa³cja³⁷a¹jin³

6 C⁷ia⁴ ni⁴chjin³-ve⁴ cjai¹nca³coan³ncjin²ya³ cho⁴ta⁴-le⁴ Cristo. Je² cho⁴ta⁴ griegos cjai¹nca³to⁴ch⁷ao³ tsa³ca³tio²-le⁴con³ cho⁴ta⁴hebreos nca³ je² ya¹nchjin¹-le⁴ xi³ je³c⁷en³ x⁷in⁴-le⁴ li²coi³ c⁷oa⁴-s⁷in²ts⁷a³cao⁴-le⁴ je² tso³jmi² xi³ v⁷a³vi¹-le⁴ nchaon³nchaon³.

²C⁷ia⁴ je² xi³ te³jao² pa²stro⁴ qui³nchja⁴ma³ña³-le⁴ nca³ts⁷i³ cho⁴ta⁴-le⁴ Cristo, c⁷oa⁴qui³tso²-le⁴: A³li²coi³ nta³ tjin¹ nca³ jin⁴-jin⁴ c⁷oe¹jnai³⁴-jin⁴ je² en¹-le⁴ Ni³na¹ nca³ c⁷oe¹yai³⁴-jin⁴ t⁷a³ ya¹mi²xa⁴. ³Chja⁴⁷a²jion³ xi²nquo⁴³, nti¹nts⁷e³, ña³to³ cho⁴ta⁴x⁷in⁴ xi³ ya³-le⁴ nca³ nta³ cho⁴ta⁴, xi³ cjai¹nca³ to⁴tjin¹jin³ ni⁴ma⁴-le⁴ je² Espiritu Santo, c⁷oa⁴ xi³ tjin¹-le⁴ cjoa⁴⁷i³sen³-ta³con². Je² xi³ c⁷oi⁴-le⁴² je² xa¹-vi⁴. ⁴Jin⁴-jin⁴ to⁴jo³ c⁷oe¹ts⁷oa³ ntsjai²-ni¹⁴jin⁴, coa⁴co²ya³ ntsjai²-ni¹⁴jin⁴ en¹-le⁴ Ni³na¹. ⁵Je² en¹ xi³ qui³tso² je² pa²stro⁴ cjai¹nca³ nta³

qui³sa³sen³-le⁴ nca³ts⁷i³ cho⁴ta⁴-ve⁴. C⁷ia⁴ tsa³cja³⁷a¹jin³ Esteban, jnc³ cho⁴ta⁴x⁷in⁴ xi³ cjai¹nca³ nta³ ma³cjain¹-le⁴, c⁷oa⁴ xi³ cjai¹nca³ to⁴tjin¹jin³ ni⁴ma⁴-le⁴ je² Espiritu Santo. C⁷oa⁴-ti⁴ tsa³cja³⁷a¹jin³ Felipe, Prócoro, Nicanor, Timón, Parmenas, cao⁴ Nicolás xi³ ja³⁷ai³⁷a³-le⁴, xi³ ya⁴ Antioquía ts⁷e⁴. ⁶Je² xi³ ña³to³-ve⁴ tsa³qui³ncha³va³sen³ nqui³xcon⁴ pa²stro⁴. Je² pa²stro⁴ tsa³c⁷e¹ts⁷oa³ tsa³ca¹yo³son²-le⁴ ntsja³. ⁷Cjai¹nca³ qui³son² je² en¹-le⁴ Nai³-na¹. N⁷ion¹ coan³ncjin²ya³ cho⁴ta⁴-le⁴ ya⁴ Jerusalén. C⁷oa⁴-ti⁴ cjai¹nca³ ncjin² ma³-ni³ na⁴⁷mi³ xi³ c⁷oa⁴-s⁷in² coan³cjain¹-le⁴.

Qui³tsoa³ Esteban

⁸Je² Esteban cjai¹nca³ to⁴qui³s⁷e³-le⁴ cjoa⁴nta³ cao⁴ nca³n⁷ion¹. A³li² to⁴c⁷oa⁴cji³ cjoa⁴xcon¹ c⁷oa⁴ choa⁴ xi³ qui³s⁷in³ jin³-le⁴ cho⁴ta⁴. ⁹C⁷ia⁴ qui³sco²mi³tjen⁴ ya³-le⁴ c⁷a³ cho⁴ta⁴ xi³ ts⁷e⁴ nt⁷ia³ sinagoga-le⁴ cho⁴ta⁴ xi³ c⁷oa⁴⁷mi²-le⁴ cho⁴ta⁴ntai¹, cao⁴ xi³ ts⁷e⁴ cho⁴ta⁴ cireneos, cao⁴ xi³ ts⁷e⁴ cho⁴ta⁴ alejandrinos, cao⁴ xi³ ts⁷e⁴ Cilicia, cao⁴ xi³ ts⁷e⁴ Asia. Tsa³cjao¹ti³ya³-ni³ cao⁴ je² Esteban. ¹⁰To⁴nca³ li²coi³ coan³ tsa³ca³tio²ta²ja³-le⁴ je² cjoa⁴⁷i³sen³ta³con²-le⁴ cao⁴ je² Espiritu xi³ je² Esteban qui³nchja⁴ya³-ni³. ¹¹C⁷ia⁴ qui³tso²ya³⁷ma³ c⁷a³ cho⁴ta⁴ xi³ c⁷oa⁴coi⁴tso⁴ nca³ qui³nch⁷oe¹-le⁴ Esteban nca³ qui³nchja⁴⁷aon³-le⁴ Moisés cao⁴ Ni³na¹. ¹²Qui³si³qui³so¹tjen⁴ cjoa⁴si³ jin³-le⁴ cho⁴ta⁴ na⁴x¹na³nta¹ cao⁴ cho⁴ta⁴jchi¹nca³ cao⁴ cho⁴ta⁴ scribano. Ji³cho²con³-le⁴,

qui³tsoa³che¹. Ji³cho²cao⁴ ya⁴ jña³
 nca³ tjio¹ cho⁴ta⁴ junta. ¹³C⁷ia⁴
 tsa³ca³sen¹va³sen³-le⁴ testigos
 nti³so³ xi³ c⁷oa⁴qui³tso²: Je² cho⁴ta⁴
 xo⁴cji³-ve⁴ a³li²coi³ v²e²jna³jyo¹
 nca³ c⁷oa⁴-s⁷in² ti¹nchja⁴⁷aon³-le⁴
 je² ⁷nte³tsje³-vi⁴ cao⁴ je² cjoa⁴-
 te¹xo³ma³. ¹⁴Qui³no²⁷ya²-lai⁴jjin⁴
 nca³ c⁷oa⁴qui³tso² nca³ je² Jesús
 xi³ Nazaret ts⁷e⁴ si⁴²qui³xo¹ya³ je²
⁷nte³-vi⁴, si⁴²c⁷a³ntjai⁷ya³ je² cjoa⁴
 xi³ n⁷ian² xi³ qui³tsjoa³-na¹ Moisés.
¹⁵C⁷ia⁴ je² nca³ts⁷i³ cho⁴ta⁴junta
 qui³sco³⁷a² Esteban. Tsa³ve³ ncjain¹
 jo³-ni³ xi³ ts⁷e⁴ jnco³ a²ncje⁴.
7 C⁷ia⁴ je² na⁴⁷mi³ti¹tjon²
 c⁷oa⁴qui³tso²: A³ cjoa⁴qui²xi⁴
 nca³ c⁷oa⁴tjin¹ je²-vi⁴. ²C⁷ia⁴ Esteban
 qui³tso²: Nca³ts⁷io³ ⁷nti¹nts⁷e³ cao⁴
 xi³ n⁷ao³, ti⁴no¹⁷yao²³: Je² Ni³na¹ xi³
 tjin¹-le⁴ cjoa⁴je³ya³ ts⁷a³tsen³-le⁴
 cho⁴ta⁴jchi¹nca³-na¹ Abraham, c⁷ia⁴
 nca³ ti¹jna³ Mesopotamia. Cje³-sa³
 fi³cho¹-jin² ya⁴ Harán. ³Ni³na¹
 c⁷oa⁴qui³tso²-le⁴: Ti²tjo⁴-ni³
 na³nqui³-li⁴. Ca²ta³va³tio² xi²nqui⁴.
 T⁷in³ ya⁴ na³nqui³ jña³ nca³ coa³co³-
 le²³. ⁴C⁷ia⁴ ji³tjo³-ni³ na³nqui³-le⁴
 cho⁴ta⁴ caldeos. Ya⁴ ji³cho²c⁷e²jna³
 ya⁴ Harán. C⁷ia⁴ nca³ c⁷en³ n⁷ai³-le⁴,
 Ni³na¹ qui³si³c⁷a³ntjai⁷ya³-le⁴ ⁷nte³.
 Ja³⁷ai³cao⁴ i⁴ ⁷nte³-vi⁴ jña³ nca³ ti³yos³
 nt⁷ai⁴-vi⁴. ⁵Ni³na¹ li²coi³
 qui³tsjoa³cjoa⁴tjao²-le⁴ na³nqui³, ni⁴
 sa³⁷nta³ jña³ nca³ coa⁴sen² jnco³
 ntso⁴co⁴. To⁴nca³ Ni³na¹ qui³tsjoa³
 ts⁷oa³ nca³ tsjoa¹-le⁴ xi³ ti⁴ts⁷e⁴-ni³,
 cao⁴ xi³ ts⁷e⁴ ntje⁴-le⁴ xi³ scan³-le⁴
 nca³ je² cjoa⁴⁷ai¹, nta³ tsa² cje³
 tjin¹-jin²le⁴ ⁷nti¹. ⁶Ni³na¹
 c⁷oi⁴qui³tso²-le⁴: Je² ntje⁴-li⁴
 c⁷oi¹ma³son² ⁷nte³ xi³ cja⁴⁷ai¹ ts⁷e⁴,
 jña³ nca³ to⁴cho⁴⁷nta³ coan⁴, c⁷oa⁴

to⁴taon³ jcha⁴ ño³ ciento no¹. ⁷Ni³na¹
 qui³tso²: To⁴nca³ an³ tsjoa³-le⁴
 cjoa⁴n⁷ain³ je² na⁴xi¹na³nta¹ jña³
 nca³ cho⁴⁷nta³ coan⁴. Coan⁴scan³-ni³
 coi⁴tjo³xin²-ni¹, c⁷oa⁴ i⁴ ⁷nte³-vi⁴
 scoe⁴xcon¹-na³. ⁸Ni³na¹
 tsa³c⁷e¹n⁷ion¹-le⁴ Abraham je² cjoa⁴
 circuncisión. C⁷oa⁴-s⁷in² Abraham
 qui³s⁷e³-le⁴ Isaac. Xi³ coan³jjin³-ni³
 ni⁴čhjin³ cjoa⁴ circuncisión
 qui³tsjoa³-le⁴. C⁷oa⁴ je² Isaac
 qui³s⁷e³-le⁴ Jacob. C⁷oa⁴ je² Jacob
 qui³s⁷e³-le⁴ je² cho⁴ta⁴jchi¹nca³ xi³
 te³jao² ma³-ni³. ⁹To⁴coi³ cjoa⁴ nca³
 coan³xin²con³que³, je²
 cho⁴ta⁴jchi¹nca³-ve⁴ tsa³ca³te¹na³-le⁴
 José cho⁴ta⁴ xi³ qui³cao⁴ ya⁴ Egipto.
 To⁴nca³ Ni³na¹ ti¹jna³cao⁴ José.
¹⁰Ts⁷a³sje³ntjai² José nca³yi³je³
 cjoa⁴n⁷ain³ xi³ tjin¹-le⁴. Qui³tsjoa³-le⁴
 cjoa⁴nta³ cao⁴ cjoa⁴⁷i³sen³ta³con² ya⁴
 nqui³xcon⁴ Faraón xi³ cho⁴ta⁴ti¹tjon²
 ya⁴ na³nqui³ Egipto. Faraón
 tsa³ca³sen¹ José nca³jco⁴-le⁴ Egipto,
 c⁷oa⁴ nca³jco⁴-le⁴ nca³yi³je³ nt⁷ia³-le⁴.
¹¹C⁷ia⁴ ja³⁷ai³ cji³nčha¹ nca³qui³jnta²
 Egipto cao⁴ na³nqui³ Canaán. A³li²
 to⁴c⁷oa⁴cji³ cjoa⁴n⁷ain³ tsa³cja³⁷a¹
 cho⁴ta⁴. Je² n⁷ai³jcha¹cjin³-na¹ li²coi³
 qui³sa³co³-le⁴ xi³ qui³squi³ne³. ¹²C⁷ia⁴
 nca³ qui³nčh⁷oe¹ Jacob nca³ tjin¹
 na⁴jme¹ ya⁴ Egipto, ya⁴ qui³si³ca³sen¹
 je² n⁷ai³jcha¹cjin³-na¹ nca³ ti¹tjon².
¹³C⁷ia⁴ nca³ coan³ jao² c⁷a³-ni³, José
 tsa³ca³co¹-le⁴ yao³-le⁴ nts⁷e⁴. C⁷oa⁴-
 s⁷in² Faraón tsa³ve³ xi¹ncjin¹ José.
¹⁴José qui³si³ca³sen¹ qui³nchja⁴-le⁴
 Jacob je² n⁷ai³-le⁴ cao⁴ nca³ts⁷i³
 xi¹ncjin¹. Jan²can³ cao⁴-ni³
 čhja³⁷aon² ma³-ni³ cho⁴ta⁴. ¹⁵
 C⁷oa⁴-s⁷in² Jacob qui³jen³ ya⁴ Egipto
 jña³ c⁷en³ nca³ je², cao⁴ nca³ts⁷i³
 n⁷ai³jcha¹cjin³-na¹. ¹⁶Qui³cao⁴

yao³-le⁴ n'ai³jcha¹cjin³-na¹ ya⁴
 Siquem. Ya⁴ qui³s'e³ñai³ ya⁴ tsjo¹ xi³
 Abraham tsa³ca³tse³-ni³ cao⁴ taon⁴
 je² xti³-le⁴ Hamor xi³ Siquem ts'e⁴.
 17 C'ia⁴ nca³ je³coan³chian³ je²
 ni⁴chjin³ xi³ Ni³na¹ qui³tsjoa³-le⁴
 ts'oa³ Abraham, je² cho⁴ta⁴
 na⁴xi⁴na³nta¹ coan³ncjin²ya³, c'oa⁴
 qui³s'e³-le⁴ nca³n'ion¹ ya⁴ Egipto,
 18 sa³nta³ ji³so¹tjen⁴ nqui²jnc³
 cho⁴ta⁴ti¹tjon² xi³ tsi² tsa² ve³xcon³
 José. 19 Je²-vi⁴ni³ cjai¹nca³ to⁴tse³
 cjoa⁴ma²ñā⁴ qui³cja³a¹-le⁴ nca³
 tsa³c'e¹xa¹-le⁴ xi²nquia⁴. Ch'ao³
 qui³si³cao⁴ je² n'ai³jcha¹cjin³-na¹, jo³
 sa³nta³ nca³ cjoa⁴n'ion¹
 ts'a³sje³jjin³sen¹ nca³ts'i³ nti¹xti³-le⁴,
 jme¹-ni³ nca³ cha⁴-si¹ni³ ntje⁴-le⁴.
 20 Ti⁴je²-ni³ ni⁴chjin³ qui³tsin³
 Moisés. C'oa⁴ je² cjai¹nca³ na³sca¹
 qui³s'e³ nqui³xcon⁴ Ni³na¹. Jan² sa¹
 qui³ni²jcha¹ ya⁴ ni³ya³-le⁴ n'ai³-le⁴.
 21 C'ia⁴ nca³ ts'a³sje³jjin³sen¹ je²
 tso²ti³-le⁴ Faraón qui³scoe¹. Je²
 qui³si³jcha¹ jo³-ni³ tsa² nti¹ xi³ ts'e⁴.
 22 Tsa³ca³co¹ya³-le⁴ Moisés nca³yi³je³
 cjoa⁴chji⁴ne⁴ xi³ ts'e⁴ cho⁴ta⁴
 egipcios. A³li² to⁴c'oa⁴cji³ nc'e³
 tsa³c'e²jna³ cao⁴ nca³yi³je³ xi³
 qui³tso², cao⁴ nca³yi³je³ xi³ qui³s'i³n³.
 23 C'ia⁴ nca³ je³tjin¹-le⁴ ñā³chan² no¹,
 ja³ai³-le⁴ jnc³ cjoa⁴fa³ai³tsjen³ nca³
 coan³me³-le⁴ nca³ qui³con³-le⁴ nts'e⁴,
 je² xti³-le⁴ Israel. 24 C'ia⁴ nca³ tsa³ve³
 jnc³ xi³ to⁴ch'ao³ ti¹ni²cao⁴, je²
 Moisés qui³si³toan¹ntjai², c'oa⁴
 qui³si³nca³jao³-ni³ je² xi³ ch'ao³
 ti¹ni²cao⁴ nca³ qui³si³qui²aon³ je²
 cho⁴ta⁴ egipcio. 25 Moisés
 qui³si³cja³ai³tsjen³ nca³ je² nts'e⁴
 coan⁴cho⁴ya³-le⁴ nca³ Ni³na¹
 ti¹tsjoa¹-le⁴ cjoa⁴vi³tjo³ntjai² cao⁴
 ntsja² Moisés, to⁴nca³ je² nts'e⁴

li²coi³ coan³cho⁴ya³-le⁴. 26 Xi³
 coan³nchaon³-ni³ tjio¹cjan¹ jao²
 nts'e⁴. C'ia⁴ Moisés ja³ai³con²-le⁴,
 coan³me³-le⁴ nca³ qui³si³ca³tio¹jyo²,
 c'oa⁴qui³tso²-le⁴: Nts'e³ cho⁴vao²²³
 nca³ jon². A¹-ni³ nca³ c'oa⁴-s'i²n²
 ch'ao³ ni²cao⁴-si¹nio³ xi²nquio⁴.
 27 C'ia⁴ je² xi³ ch'ao³ ti¹si¹cao⁴
 xi³jnc³, qui³sca³ni¹tsja¹ qui³tso²-le⁴
 Moisés: ya¹-ni³ xi³ cho⁴ta⁴ti¹tjon²
 ca²va³sen¹jna³-li². ya¹-ni³ xi³ xca²le⁴
 ca²tso²-li² xi³ t'a³tsain⁴-jin⁴. 28 A³
 me³-li² nca³ si⁴c'en³-nai¹³, jo³-s'i²n²
 nca³ qui³ni²c'ain³ je² cho⁴ta⁴ egipcio
 nco²jña⁴. 29 C'ia⁴ nca³
 je³c'oa⁴qui³tso², Moisés tsa³nca³-ni¹,
 jo³-ni³ cho⁴ta⁴ xi³ cao⁴ cjoa⁴n'ion¹
 qui³chon³sje³jjin³-ni³ nte³-le⁴.
 Qui³c'e²jna³ ya⁴ nqui²jnc³ nte³ jña³
 nca³ Madián mi², jña³ nca³
 qui³s'e³jao²-le⁴ nti¹xti³.
 30 Coan³son²-le⁴ ñā³chan² no¹ ya⁴
 nte³-ve⁴. Jnc³ a²ncje⁴ coan³tsen³-le⁴
 Moisés ya⁴ nte³t'a³xin²t'a³ jña³ nca³
 ni³nto³ Sinaí mi². Jnc³ ya¹xca⁴cha³
 ti¹ti². Ya⁴ l'i¹-le⁴ ts'a³tsen³-jin³ je²
 a²ncje⁴. 31 C'ia⁴ Moisés qui³sco²tsen³.
 To⁴coan³xcon¹-le⁴ jme³ xi³ tsa³ve³.
 Qui³chian³ jme¹-ni³ nca³ nta³
 scoe⁴-si¹ni³. C'ia⁴ je² Nai³-na¹
 tsa³cja¹cao⁴. 32 An³ nia¹³ Ni³na¹-le⁴
 n'ai³jcha¹cjin³-li², Ni³na¹-le⁴
 Abraham, Ni³na¹-le⁴ Isaac, Ni³na¹-le⁴
 Jacob. To⁴nca³ Moisés
 to⁴qui³tso³cjon¹-ni¹. A³li²coi³
 coan³n'ion¹con³ nca³ qui³sco²tsen³.
 33 C'ia⁴ je² Nai³-na¹ c'oa⁴qui³tso²-le⁴
 Moisés: Chja⁴a²xin²³ jte¹ xi³ cja³
 nto⁴coi³. Je² nte³ jña³ nca³
 ti³vi³sen²nai²³-vi⁴ nte³tsje³xcon¹ ni¹.
 34 Tsa³ve³, tsa³ve³-nia¹³ je²
 cjoa⁴n'ain³ xi³ tjin¹-le⁴ je² cho⁴ta⁴-na⁴
 xi³ tjio¹ ya⁴ Egipto. Qui³nch'oe³-nia¹³

nca³ tji¹cj³⁷ntia¹va³. Coi³ xa¹
ca²vi²tjo⁴jen³-nia³, nca³
c⁷oa³sje³ntje²³. N³choai¹³ nt⁷ai⁴, ya⁴
sca³ni³-le²³ ya⁴ Egipto. ³⁵Je² Moisés
xi³ cho⁴ta⁴ Israel to⁴tsa³cja³⁷a¹xin²
nca³ qui³tso²: ⁷ya¹-ni³ xi³
cho⁴ta⁴ti¹tjon² ca²va³sen¹jna³-li².
⁷ya¹-ni³ xi³ xca²le⁴ ca²tso²-li². Je²-vi⁴
xi³ Ni³na¹ qui³si³ca³sen¹ nca³
cho⁴ta⁴ti¹tjon², nca³ c⁷oa³sje³ntjai²
cao⁴ ntsja³ a²ncje⁴ xi³ coan³tsen³jjin³
ya¹xca⁴cha³. ³⁶Moisés tsa³c⁷a³sje³
cho⁴ta⁴ Israel. Ña³chan² no¹ n⁷ion¹
tse³ cjoa⁴xcon¹ cao⁴ choa⁴ xi³
qui³s⁷in³ ya⁴ na³nqui³ Egipto, cao⁴
ya⁴ na³nta¹ Mar Rojo, cao⁴ ya⁴
⁷nte³t⁷a³xin²t⁷a³. ³⁷Je²-vi⁴ je² Moisés
xi³ qui³tso²-le⁴ nca³ts⁷i³ xti³-le⁴
Israel: Je² Nai³-no³ Ni³na¹-no³
sco¹mi³tjen⁴jjin³-no³ jnco³ nts⁷ao³ xi³
coi⁴nchja⁴ya³jjin³-no³ jo³-ni³ an³, je²
xi³ coi⁴no¹⁷ya²-lao⁴³. ³⁸Je² cho⁴ta⁴
xo⁴⁷mi²-ve⁴ je² ni¹ xi³ tsa³c⁷e²jna³cao⁴
je² na⁴xi⁴na³nta¹-le⁴ Ni³na¹ ya⁴
⁷nte³t⁷a³xin²t⁷a³, cao⁴ je² a²ncje⁴ xi³
tsa³cja¹cao⁴ ya⁴ ni³nto³ Sinaí, cao⁴
je² nca³ts⁷i³ n⁷ai³jcha¹cjin³-na¹. Je²
Moisés xi³ tsa³c⁷ai²-le⁴ je² en¹ xi³
ts⁷e⁴ cjoa⁴vi³jna³chon³ jme¹-ni³ nca³
tsjoa¹-si¹ni³na¹. ³⁹Je² n⁷ai³jcha¹cjin³-
na¹ coan³cai³-le⁴ nca³
qui³si³tjo³son²-le⁴ Moisés, to⁴sa³
tsa³cja³⁷a¹xin²-le⁴. Coan³me³-le⁴
ni⁴ma⁴-le⁴ nca³ qui³-nca¹ni³ ya⁴
Egipto. ⁴⁰C⁷oa⁴qui³tso²-le⁴ Aarón:
Ti⁴nta³-na³jjin⁴ ni³na¹ xi³ ca²ta³fi²
ti¹tjon²-na³jjin⁴. Je² Moisés xi³
tsa³c⁷a³sje³-na³jjin⁴ ya⁴ na³nqui³
Egipto, a³li²coi³ ⁷yai³⁴-jjin⁴ jme³-ni³
xi³ coan³-le⁴. ⁴¹C⁷ia⁴ qui³si³nta³ jnco³
toro ⁷nti¹. Qui³tsjoa³t⁷a³-le⁴ cjoa⁴tjao²
je² xco¹son²-ve⁴. A³li² to⁴c⁷oa⁴cji³
tsjoa³ coan³-le⁴ cho⁴ta⁴ Israel cao⁴ je²

xa¹ xi³ coan³-le⁴ ntsja³. ⁴²To⁴nca³
Ni³na¹ tsa³cja³⁷a¹xin² yao³-le⁴.
C⁷oa⁴-sin² qui³sca³ni¹ cho⁴ta⁴ Israel
nca³ scoe⁴xcon¹ ts⁷oi¹ cao⁴ sa¹ cao⁴
ni³ño³, jo³-s⁷in² tjia¹t⁷a³ ya⁴ libro-le⁴
cho⁴ta⁴ xi³ qui³nchja⁴ya³: A³ c⁷oa⁴-
s⁷in² tsa³c⁷ai²t⁷a³-nao¹³ cho⁴c⁷en³
cao⁴ cjoa⁴tjao² ya⁴ ⁷nte³t⁷a³xin²t⁷a³
ña³chan² no¹. ⁴³To⁴nca³ qui³ch⁷ao²³
je² nt⁷ia³na³jño³ xi³ ts⁷e⁴ Moloc, cao⁴
je² ni³ño³-le⁴ je² ni³na¹-no³ Renfán.
Je² ni¹ xco¹son² xi³ jon² qui³ni²ntao³
nca³ tsa³ya³xcon¹³. To⁴sa³ sca³ni³-
no³ jan¹, jña³ cjin³-sa³le⁴ Babilonia.
⁴⁴Ya⁴ ⁷nte³t⁷a³xin²t⁷a³ je²
n⁷ai³jcha¹cjin³-na¹ qui³s⁷e³-le⁴ je²
nt⁷ia³na³jño³ xi³ tjia¹ en¹-le⁴ Ni³na¹.
C⁷oa⁴-s⁷in² c⁷ia⁴ nca³ tsa³cja¹cao⁴
Moisés, Ni³na¹ tsa³ca³te¹xo³ma³ nca³
c⁷oa⁴-s⁷in² ca²ta³si¹nta³ nt⁷ia³na³jño³
jo³ cji³ nca³ tsa³ve³. ⁴⁵C⁷ia⁴ nca³
je³qui³s⁷e³-le⁴ nt⁷ia³na³jño³ je²
n⁷ai³jcha¹cjin³-na¹, c⁷oa⁴-ti⁴
ja³⁷ai³cao⁴ c⁷ia⁴ nca³ ja³⁷a³s⁷en³ cao⁴
Josué ya⁴ ⁷nte³-le⁴ cho⁴ta⁴ xi³ li²
judío-jin². Ni³na¹ tsa³cja³⁷a¹xin² je²
cho⁴ta⁴ xi³ li² judío-jin² nqui³xcon⁴
n⁷ai³jcha¹cjin³-na¹, sa³⁷nta³ ni⁷chjin³-
le⁴ David. ⁴⁶Je² David qui³sa³co³-le⁴
cjoa⁴nta³ nqui³xcon⁴ Ni³na¹.
Qui³si³je¹ nca³ ca²ta³sa³co¹-le⁴ jnco³
ni³⁷ya³ xi³ t⁷a³ts⁷e⁴ je² Ni³na¹-le⁴
Jacob. ⁴⁷To⁴nca³ Salomón
qui³si³nta³-le⁴ ni³⁷ya³. ⁴⁸To⁴nca³ je²
Ni³na¹ xi³ nc⁷a³ ti¹jna³, li²coi³
v⁷e²jna³⁷ya³ ni³⁷ya³ xi³ ntsja³ cho⁴ta⁴
ma³nta³-ni³. Je² xi³ qui³nchja⁴ya³
t⁷a³ts⁷e⁴ Ni³na¹ tso²: ⁴⁹Je² nc⁷a³jmi³
je² ni¹ ya¹xi²le⁴-na⁴, c⁷oa⁴ je²
son³⁷nte³ je² ni¹ jña³ nca³
si³cja¹ya³ne²³ ntso⁴coa³. Jña¹-le⁴
ni³⁷ya³ xi³ ni²nta³-nao¹³, tso² Nai³-
na¹, a³xo⁴, jña¹-ni³ ⁷nte³ jña³ nca³

si³cja¹ya³ nca³ an³. ⁵⁰A³ tsi² tsa² je² ntsa⁴ xi³ qui³si³nta³ nca³yi³je³ je²-vi⁴. ⁵¹Jon² cja¹nca³ to⁴xi¹j¹in³ jco³. Jon² jo³-ni³ tsa² cho⁴ta⁴ xi³ tsin²-le⁴ cjoa⁴ circuncisión, a³li²coi³ va³sen²sin³-nao¹³ cao⁴ ni⁴ma⁴-no³, c⁷oa⁴ cao⁴ xo⁴ño³. To⁴ña³qui³ c⁷oa⁴-s⁷in² vi³yo³ta²ja³-lao³ je² Espíritu Santo. Je² xi³ qui³s⁷in³ n⁷ai³jcha¹cjin³-no³, c⁷oa⁴²-ti⁴ ti³n⁷ian²-ncao¹³ nca³ jon². ⁵²Je² n⁷ai³jcha¹cjin³-no³, jña¹-le⁴ cho⁴ta⁴ xi³ qui³nchja⁴ya³ xi³ tsi² tsa² tsa³nca³tjen⁴nqui³ co²ntran⁴-le⁴. Ña³qui³ qui³si³c²en³-ni¹ je² xi³ to⁴nqui³-ni³ qui³nchja⁴ya³ nca³ cjoa⁴⁷ai¹ jnc³ xi³ tj¹in¹-le⁴ cjoa⁴qui²xi⁴. Je²-vi⁴ xi³ jon² qui³nto³va³o²³ nt⁷ai⁴-vi⁴, c⁷oa⁴ xi³ qui³ni²c⁷aon³. ⁵³Qui³s⁷e³-no³ je² cjoa⁴te¹xo³ma³ xi³ qui³ts⁷ai²-ni³no³ cao⁴ a²ncje⁴, c⁷oa⁴ li²coi³ qui³ni²tjo³son²³. ⁵⁴C⁷ia⁴ nca³ cho⁴ta⁴ qui³nch⁷oe¹ en¹ xo⁴ tso²-ve⁴, a³li² to⁴c⁷oa⁴cji³ jti³ coan³-le⁴ ni⁴ma⁴-le⁴. Jo³ qui³squi³ne³ne² ni⁴⁷ño⁴ nca³ jti³ coan³-le⁴ xi³ t⁷a³ts⁷e⁴ Esteban. ⁵⁵To⁴nca³ je² Esteban, a³li² to⁴c⁷oa⁴cji³ Espíritu Santo xi³ tj¹in¹j¹in³ ni⁴ma⁴-le⁴. Qui³sco²tsen³ nc⁷a³jmi³. Tsa³ve³ cjoa⁴je³ya³-le⁴ Ni³na¹, c⁷oa⁴ tsa³ve³ Jesús xi³ sen¹nto³t⁷a³ nca³qui²xi⁴-le⁴ Ni³na¹. ⁵⁶Esteban c⁷oa⁴qui³tso²: Coe⁴-ni³, ti²⁷ve³-nia¹³ nc⁷a³jmi³ nca³ ti⁴x²a⁴, c⁷oa⁴ je² n⁷nti¹-le⁴ cho⁴ta⁴ xi³ ya⁴ sen¹nto³t⁷a³ nca³qui²xi⁴-le⁴ Ni³na¹. ⁵⁷C⁷ia⁴ a³li² to⁴c⁷oa⁴cji³ qui³squi³⁷ntia¹xa¹ nca³ts⁷i³. Tsa³c⁷e¹chjoa² xo⁴ño³. Nca³ts⁷i³ qui³to²ca³ne²-le⁴ co²ntran⁴-le⁴. ⁵⁸Tsa³c⁷a³sje³j¹in³ na⁴xi⁴na³nta¹. Tsa³c⁷e¹-le⁴ la⁷jao⁴. Je² xi³ coan³ testigo ya⁴ qui³si³ca³tio¹ na³jño³-le⁴ nqui³ ntso⁴co⁴ jnc³ cho⁴ta⁴x⁷ti³ xi³

Saulo ⁷mi². ⁵⁹A³li² to⁴c⁷oa⁴cji³ la⁷jao⁴ xi³ tsa³c⁷e¹-le⁴ Esteban. To⁴nca³ qui³nchja⁴-le⁴ Cristo: Señor Jesús, chjoe¹tjoai²³ ni⁴ma⁴-na⁴. ⁶⁰Tsa³ca³sen²xco¹nch⁷in³ Esteban, n⁷ion¹ qui³nchja⁴: Señor a³li² je¹ xo⁴tj¹in¹-vi⁴j¹in² mi³chon³t⁷a³-lai⁴ je² cho⁴ta⁴-vi⁴. Xi³ je³c⁷oa⁴qui³tso², qui³s⁷e³fe²-ni¹.

Saulo tsa³nca³tjen⁴nqui³ co²ntran⁴-le⁴ na⁴xi⁴na³nta¹-le⁴ Cristo

8 Saulo tsa³ca¹cjao³jco⁴ nca³ qui³ni²c⁷en³ Esteban. C⁷oa⁴ tsa³c⁷a³-ni³ je² ni⁴chj¹in³-vi⁴ nca³ ña³qui³ tsa³nca³tjen⁴nqui³ co²ntran⁴-le⁴ je² na⁴xi⁴na³nta¹-le⁴ Cristo xi³ tjio¹ ya⁴ Jerusalén. Nca³ts⁷i³ qui³tsao³va³ nca³qui³jnta² na³nqui³ Judea cao⁴ Samaria.To⁴je²-sa³ pa²stro⁴ xi³ tsi² tsa² qui³tsao³va³. ²Cho⁴ta⁴ xi³ tsa³ve³xcon¹ Ni³na¹, qui³c⁷e¹ñai³ Esteban. A³li² to⁴c⁷oa⁴cji³ qui³squi³⁷ntia¹t⁷ain³ nca³ je². ³C⁷ia⁴ je² Saulo qui³si³qui³xo²ya³ na⁴xi⁴na³nta¹-le⁴ Cristo. C⁷oa⁴ ja³⁷a³s⁷en³ ni³⁷ya³-le⁴ nca³ jnc³jnc³o¹, tsa³ca¹je³ x⁷in⁴ cao⁴ ya¹nchj¹in¹. Qui³sca³ni¹ nto⁴ya¹.

Felipe qui³nchja⁴ya³ ya⁴ Samaria

⁴To⁴nca³ je² nca³ts⁷i³ xi³ qui³tsao³va³, qui³ nca³qui³jnta², qui³nchja⁴ya³ je² en¹-le⁴ Ni³na¹. ⁵C⁷ia⁴ Felipe qui³j¹en³ jnc³ na⁴xi⁴na³nta¹ ya⁴ Samaria. C⁷oa⁴ qui³nchja⁴ya³j¹in³-le⁴ xi³ t⁷a³ts⁷e⁴ Cristo. ⁶Ña³qui³ nta³ qui³nch⁷oe¹ cho⁴ta⁴ nca³yi³je³ cjoa⁴ xi³ qui³tso² Felipe. Tjio¹nch⁷oe¹-le⁴, c⁷oa⁴ tjio¹ve³ nca³yi³je³ choa⁴ xi³ ti¹tsjoa¹. ⁷Ncjin² cho⁴ta⁴ xi³ ntjao⁴ xi³ nta³j¹in³ tjio¹j¹in³ ni⁴ma⁴-le⁴, ji³tjo³-le⁴ ntjao⁴-

ve⁴, qui³squi³⁷ntia¹cao⁴. Cjai¹nca³
 ncjin² cho⁴ta⁴yo⁴ma⁴, cao⁴ je² xi³
 chi⁴⁷nque¹, xi³ coan³nta³. ⁸ Coi³
 cjoa⁴ nca³ cjai¹nca³ tse³ cjoa⁴tsjoa³
 xi³ tjin¹ ya⁴ na⁴xi⁴na³nta¹. ⁹ Ti¹jna³
 jnco³ cho⁴ta⁴x⁷in⁴ xi³ Simón ⁷mi²,
 xi³ nca³s⁷a⁴ ma³-le⁴ v⁷e¹nta³ ya⁴
 na⁴xi⁴na³nta¹-ve⁴. Tsa³c⁷a³na⁴cha⁴-
 le⁴ cho⁴ta⁴ xi³ Samaria ts⁷e⁴ nca³
 c⁷oa⁴qui³tso²-le⁴ yao³-le⁴ nca³ n⁷ion¹
 cho⁴ta⁴xcon¹. ¹⁰ Nca³ts⁷i³ ña³qui³
 nta³ qui³nch⁷oe¹-le⁴, jo³ sa³⁷nta³
⁷nti¹x⁷ti³, jo³ sa³⁷nta³ cho⁴ta⁴jchi¹nca³.
 C⁷oa⁴qui³tso²: Je²-vi⁴ xi³ tjin¹-le⁴ je²
 nca³n⁷ion¹-le⁴ Ni³na¹ xi³ n⁷ion¹ tse³.
¹¹ Cho⁴ta⁴ ña³qui³ nta³ qui³nch⁷oe¹-le⁴
 nca⁴ ncjin² no¹ tsa³qui³ncha³xcon¹-
 le⁴ cho⁴ta⁴ cao⁴ cjoa⁴v⁷e²nta³-le⁴.
¹² C⁷ia⁴ nca³ cho⁴ta⁴ coan³cjain¹-le⁴
 Felipe xi³ qui³nchja⁴ya³ je² en¹nta³
 xi³ t⁷a³ts⁷e⁴ cjoa⁴te¹xo³ma³-le⁴
 Ni³na¹, c⁷oa⁴ xi³ t⁷a³ts⁷e⁴ Jesucristo,
 qui³sa³te¹nta¹ xi³ ya¹nchjin¹-ve⁴, xi³
 x⁷in⁴-ve⁴. ¹³ Sa³⁷nta³ ti⁴je²-ni³ Simón
 c⁷oa⁴-ti⁴ coan³cjain¹-le⁴. C⁷ia⁴ nca³
 je³qui³sa³te¹nta¹, qui³t⁷a³-le⁴ Felipe.
 Tsa³ve³ je² choa⁴ cao⁴ cjoa⁴xcon¹
 xi³ cji³ma³, to⁴coan³xcon¹-le⁴. ¹⁴ Je²
 pa²stro⁴ xi³ tjio¹ ya⁴ Jerusalén
 qui³nch⁷oe¹ nca³ ya⁴ Samaria
 qui³tjoe¹ je² en¹-le⁴ Ni³na¹. C⁷ia⁴
 qui³si³ca³sen¹-le⁴ Pedro cao⁴ Juan.
¹⁵ C⁷ia⁴ nca³ ji³cho² Pedro cao⁴ Juan,
 tsa³c⁷e¹ts⁷oa³ntjai² cho⁴ta⁴, jme¹-ni³
 nca³ tjoe¹-si¹ni³le⁴ je² Espíritu Santo.
¹⁶ (Nca³ cje³ fa³⁷a³s⁷en³j³in³-jin²le⁴.
 To⁴qui³sa³te¹nta¹-ni³ xi³ t⁷a³ts⁷e⁴
 jan³⁷ain¹-le⁴ Nai³-na¹ Jesús.) ¹⁷ C⁷ia⁴
 Pedro cao⁴ Juan tsa³ca¹yo³son²-
 le⁴ ntsja³. C⁷oa⁴ je² qui³tjoe¹-le⁴ je²
 Espíritu Santo. ¹⁸ C⁷ia⁴ nca³ tsa³ve³
 Simón nca³ to⁴je² ntsja³ pa²stro⁴
 coaljna³son²-le⁴ cho⁴ta⁴ nca³

tsjoa¹-le⁴ Espíritu Santo, c⁷ia⁴
 coan³me³-le⁴ nca³ tsjoa¹-le⁴ taon⁴
 je² pa²stro⁴. ¹⁹ C⁷oa⁴qui³tso² Simón:
 T⁷ai²-nao¹³ an³ je² cjoa⁴te¹xo³ma³
 je²-vi⁴, jme¹-ni³ nca³ to⁴⁷ya³-
 ni³ve⁴ xi³ ntsa⁴ cjoa³son²-le⁴
 tjoe¹-si¹ni³le⁴ je² Espíritu Santo.
²⁰ C⁷ia⁴ Pedro c⁷oa⁴qui³tso²-le⁴:
 Je² taon⁴-li⁴ ca²ta³m⁷en³coai⁴,
 nca³ ni²cja³⁷ai³tsjain³ nca³ je²
 cjoa⁴tjao²-le⁴ Ni³na¹ ma³ vi³nta³-
 ni³ taon⁴. ²¹ Ji³ tsin²-li² ⁷nte³-jin²
 xi³ t⁷a³ts⁷e⁴ xa¹ xo⁴tjin¹-vi⁴, nca⁴ je²
 ni⁴ma⁴-li⁴ li²coi³ qui²xi⁴ t⁷a³ts⁷e⁴
 Ni³na¹. ²² Ti⁴c⁷a³ntjai²yai³
 cjoa⁴fa³⁷ai³tsjen³-li⁴ xi³ t⁷a³ts⁷e⁴ je²
 cjoa⁴ts⁷en⁴-li⁴. T⁷e²ts⁷oa³-lai⁴ Ni³na¹
 tsa² coan⁴-sa³ nca³ si⁴²cha³t⁷a³-li²
 je² cjoa⁴fa³⁷ai³tsjen³-le⁴ ni⁴ma⁴-li⁴.
²³ ve³ nca³ je² xi³ sja³ ti¹jna³j³in³-
 li², c⁷oa⁴ ti³jna³j³in³ cjoa⁴ñ⁷ain³ xi³
 to⁴⁷a³ts⁷e⁴ cjoa⁴ts⁷en⁴-li⁴. ²⁴ C⁷ia⁴
 Simón c⁷oa⁴qui³tso²: T⁷ian⁴-nao¹³
 cjoa⁴nta³, t⁷e²ts⁷oa³lao⁴³ je² Nai³-
 na¹ xi³ t⁷a³ts⁷an⁴, jme¹-ni³ nca³
 ni⁴jnco³-jin² cjoa⁴ xi³ ti³⁷mi²-nao¹³ve⁴
 nchoa³ne²-si¹ni³na³. ²⁵ C⁷ia⁴ nca³ je²
 pa²stro⁴ je³qui³tsjao³ en¹-le⁴, c⁷oa⁴
 je³qui³nchja⁴ en¹-le⁴ Ni³na¹, c⁷ia⁴
 qui³-nca¹ni³ ya⁴ Jerusalén. Cjai¹nca³
 ncjin² ⁷nte³-le⁴ cho⁴ta⁴ samaritanos
 jña³ qui³nchja⁴ya³ je² en¹nta³ xi³
 t⁷a³ts⁷e⁴ Cristo.

Felipe cao⁴ cho⁴ta⁴ Etiope

²⁶ To⁴nca³ jnco³ a²ncje⁴-le⁴ Nai³na¹
 c⁷oi⁴qui³tso²-le⁴ Felipe: Ti⁴so¹tjai⁴,
 t⁷in³ jña³ nca³ nca³qui²xi⁴-le⁴
 son³⁷nte³, je² ntia⁴² xi³ fi²jen³-ni³
 Jerusalén, xi³ fi³cho¹-ni³ Gaza jña³
 nca³ ⁷nte³t⁷a³xin²t⁷a³. ²⁷ C⁷ia⁴ Felipe
 ji³so²tjen⁴, qui³. Coe⁴-ni³ jnco³
 cho⁴ta⁴ etiope xi³ cho⁴ta⁴⁷nti⁴, c⁷oa⁴

xi³ gobernador xi³ ts⁷e⁴ Candace je² reina-le⁴ cho⁴ta⁴ etíopes. Je² cho⁴ta⁴-ve⁴ v⁷e²jna³⁷nta³ nca³yi³je³ cjoa⁴nchi⁴na¹-le⁴. Cho⁴ta⁴ xo⁴cji³-ve⁴ ja³⁷ai³ que³xcon¹ Ni³na¹ ya⁴ Jerusalén. ²⁸ Ji³n³choa³-nca¹ni³, ti¹jna³ya³ carro-le⁴. Ti¹v⁷e¹xquia⁴ xon⁴-le⁴ Isaías je² xi³ qui³nchja⁴ya³ t⁷a³ts⁷e⁴ Ni³na¹. ²⁹ Je² Espíritu Santo c⁷oa⁴qui³tso²-le⁴ Felipe: Na³tjen⁴ t⁷in³coa⁴ je² carro-ve⁴. ³⁰ Felipe qui³to²ca³con³-le⁴ cho⁴ta⁴-ve⁴. Qui³nch⁷oe¹-le⁴ nca³ ti¹v⁷e¹xquia⁴ xon⁴-le⁴ Isaías. C⁷oa⁴qui³tso²-le⁴: A³ ma³cho⁴ya³-li² xi³ ti³v⁷e²xquia⁴. ³¹ Cho⁴ta⁴-ve⁴ qui³tso²: Jo¹-s⁷in² coan⁴-ni³na³, tsa² tsi² ⁷ya³ xi³ coi⁴tso⁴ya³-na³. C⁷ia⁴ tsa³c⁷e¹ts⁷oa³-le⁴ Felipe nca³ ca²ta³fi²quin³ya³ carro-le⁴, nca³ ya⁴ ca²ta³v⁷e²jna³⁷t⁷a³-le⁴ nca³ je². ³² Je² xi³ tji¹t⁷a³ xon⁴ Escritura xi³ ti¹v⁷e¹xquia⁴, je² je²-vi⁴: Jo³-ni³ tsa² va³rre² xi³ qui³cha³-ni³ nca³ si⁴c⁷en³, c⁷oa⁴ jo³-ni³ tsa² va³rre² ⁷nti¹ xi³ tsi²coi³ cji³⁷ntia¹ nca³ ti¹jna³t⁷a³-le⁴ xi³ v⁷e¹jon³-le⁴, c⁷oa⁴-s⁷in² li²coi³ qui³sco³⁷ai² ts⁷oa³ nca³ qui³nchja⁴. ³³ C⁷ia⁴ nca³ tsa³cja³⁷a¹ cjoa⁴n⁷ain³, a³li²jme³ cao⁴ cjoa⁴qui²xi⁴ xi³ qui³s⁷e³nta³⁷jⁱⁿ³-ni³le⁴. Je² na⁴xi⁴na³nta¹-le⁴ ⁷ya¹-ni³ xi³ coan⁴ coa⁴co² jo³ coan³ cjoan³. Ji³tjo³xin²-le⁴ son³⁷nte³-vi⁴ je² cjoa⁴vi³jna³chon³-le⁴. ³⁴ C⁷ia⁴ je² cho⁴ta⁴⁷nti⁴-ve⁴ qui³tso²-le⁴ Felipe: Tjin¹-li² cjoa⁴nta³, ⁷ya¹ ni¹³ xo⁴ tso²-le⁴ je²-vi⁴ nca³ c⁷oa⁴qui³tso² je² xi³ qui³nchja⁴ya³ t⁷a³ts⁷e⁴ Ni³na¹. A³ je² xo⁴ tso²-le⁴ yao³-le⁴, a³xo⁴ cja⁴⁷ai¹ ni¹. ³⁵ C⁷ia⁴ Felipe tsa³c⁷e¹ts⁷ia⁴ nca³ qui³nchja⁴. Tsa³c⁷e¹ts⁷ia⁴cao⁴ sa³⁷nta³ je² xon⁴ escritura-vi⁴, c⁷oa⁴qui³tso²-le⁴ je² en¹nta³ xi³

t⁷a³ts⁷e⁴ Jesús. ³⁶ C⁷ia⁴ nca³ tjo¹fi² ya⁴³ ntia⁴², ji³cho² j^{na}³ tjin¹ na³nta¹. C⁷oa⁴qui³tso² je² cho⁴ta⁴⁷nti⁴-vi⁴: Tjin¹ na³nta¹ i⁴-vi⁴. A¹-ni³ nca³ tsi² coan⁴-ni³ nca³ sa³te¹nta¹ an³-vi⁴. ³⁷ Je² Felipe c⁷oa⁴qui³tso²: Tsa² cao⁴ nca³yi³je³ ni⁴ma⁴-li⁴ ma³cjain¹-li², coan⁴-jin²⁷ni³. Cho⁴ta⁴⁷nti⁴-ve⁴ c⁷oa⁴qui³tso²: Ma³cjain¹-na³ nca³ Jesucristo je² ni¹ ⁷nti¹-le⁴ Ni³na¹. ³⁸ Tsa³ca³te¹xo³ma³ nca³ qui³si³ca³sen⁷jna³ je² carro-le⁴. Ji³tjo³jen³jⁱⁿ³ na³nta¹ nca³ jao², Felipe cao⁴ cho⁴ta⁴⁷nti⁴-ve⁴. Felipe tsa³ca³te¹nta¹ cho⁴ta⁴⁷nti⁴-ve⁴. ³⁹ C⁷ia⁴ nca³ ji³tjo³jⁱⁿ³-ni³ na³nta¹, je² Espíritu-le⁴ Nai³-na¹ tsa³cja³⁷a¹xin² Felipe. Je² cho⁴ta⁴⁷nti⁴-ve⁴ li²coi³ ti⁴tsa³ve³-ni³ Felipe. Tsjoa³ tjin¹con³ nca³ qui³ ntia⁴²-le⁴. ⁴⁰ To⁴nca³ je² Felipe ya⁴ ti¹jna³ ya⁴ Azoto. C⁷ia⁴ nca³ ts⁷a³mjen³ ya⁴³ ntia⁴² qui³tso²ya³ je² en¹nta³ xi³ t⁷a³ts⁷e⁴ Cristo nca³qui³jnta² na⁴xi⁴na³nta¹, sa³⁷nta³ nca³ ji³cho² ya⁴ Cesarea.

**Saulo qui³si³c⁷a³ntjai²ya³
cjoa⁴fa³⁷ai³tsjen³-le⁴**

(Hechos 22:6-16; 26:12-18)

9 Saulo to⁴jo³ c⁷oa⁴tso²-sa³ nca³ si⁴²c⁷en³ cho⁴ta⁴-le⁴ Nai³-na¹. Ji³cho²nch⁷oe² je² na⁴⁷mi³ti¹tjon². ² Qui³si³je¹-le⁴ xon⁴nca³n⁷ion¹-le⁴ xi³ c⁷oa⁴-le⁴ je² nt⁷ia³ sinagogas ya⁴ Damasco, jme¹-ni³ nca³ cjoa⁴⁷ai¹cao⁴-ni³ presos ya⁴ Jerusalén, tsa² nka³ sa⁴co²sjai³-le⁴ cho⁴ta⁴x²in⁴ a³xo⁴ ya¹nchjin¹ xi³ c⁷oa⁴-s⁷in² ma³cjain¹-le⁴. ³ C⁷ia⁴ nca³ ti¹fi² ja⁴ya³ ntia⁴², c⁷ia⁴ nca³ ji³cho² ^čhian³ Damasco, to⁴ña³cjoan¹ ja³⁷a³ nca³ coan³⁷i³sen³ntai³-le⁴ jnc³o³ l⁷i¹ xi³ nc⁷a³jmi³ ji³n³choa³-ni³. ⁴ Saulo

qui³sca³t²a³ na³nqui³, qui³nch²oe¹-
le⁴ jnc³ xi³ qui³nchja⁴: Saulo,
Saulo, a¹-ni³ nca³ an³ ?mi³tjen⁴nqui³
co²ntran⁴-si¹ni³nai¹³. ⁵C⁷ia⁴ Saulo
qui³tso²: ?ya¹-ni³ ji³, Señor. C⁷ia⁴
je² qui³tso²: An³ nia¹³ Jesús
xi³ ti³⁷mi³tjen⁴nqui³ co²ntran⁴-
nai¹³. To⁴si⁴qui²⁷oain³ yao³-li⁴, tsa²
coi⁴njon¹-lai⁴ ya¹ xi³ yao³xcon¹
cji³. ⁶C⁷ia⁴ Saulo ja³tse³, cjai¹nca³
to⁴qui³tso³cjon¹, c⁷oa⁴qui³tso²:
Señor, jme¹-ni³ xi³ me³-li² nca³ s⁷ian³
an³. Je² Nai³-na¹ c⁷oa⁴qui³tso²-
le⁴: Ti⁴so¹tjain⁴, ti⁴tja¹s⁷ain³
na⁴xi⁴na³nta¹-vi⁴. Ya⁴ c⁷oa⁴c⁷oin¹-
li² jña³-le⁴ xi³ ma³chjen¹-li² nca³
c⁷oa⁴s⁷ia⁴. ⁷Je² cho⁴ta⁴x⁷in⁴ xi³
tjen⁴cao⁴ Saulo tsa³qui³ncha³jyo¹-
ni¹, to⁴coan³xcon¹-le⁴. Qui³nch²oe¹
jta⁴-le⁴ xi³ ti¹nchja⁴, to⁴nca³ li²⁷ya³ xi³
tsa³ve³. ⁸C⁷ia⁴ Saulo ji³so²tjen⁴t²a³-
ni³ na³nqui³. Qui³sco³⁷ai² xcon⁴,
a³li²coi³ ti⁴coan³tsen³-ni³le⁴. Cho⁴ta⁴
to⁴qui³tsoa³ ntsja³ nca³ qui³s⁷en³cao⁴
ya⁴ Damasco. ⁹Jan² ni⁴chjin³ ya⁴
tsa³c⁷e²jna³ nca³ ni⁴⁷tse¹-jin² tsen³-
le⁴. A³li²coi³ tsa³cjen², li²jme³ xi³
tsa³c⁷i³. ¹⁰Jnc³ cho⁴ta⁴-le⁴ Cristo
ti¹jna³ ya⁴ Damasco xi³ Ananías
?mi². Je² Nai³-na¹ c⁷oa⁴qui³tso²-le⁴
ya⁴ya³ ni³jña¹-le⁴: Ananías. C⁷oa⁴
je²-?ni³ c⁷ia⁴ qui³nchja⁴: I⁴ ti²jna⁴-vi⁴,
Señor. ¹¹Je² Nai³-na¹ c⁷oa⁴qui³tso²-
le⁴: Ti⁴so¹tjain⁴, t⁷in³⁷nchoi²³
calle jan¹ jña³ nca³ qui²xi⁴ ?mi².
Chjo¹na³nqui³ ya⁴³ nt⁷ia³-le⁴ Judas
jnc³ xi³ Saulo ?mi². Tarso ts⁷e⁴.
Coe⁴-ni³ ti¹v⁷e¹ts⁷oa³. ¹²Je³tsa³ve³
ya⁴ya³ ni³jña¹-le⁴ jnc³ cho⁴ta⁴x⁷in⁴
xi³ Ananías ?mi², xi³ cjoa⁴⁷ai¹con³-
le⁴, coa⁴²jna³son²-le⁴ ntsja³, jme¹-ni³
nca³ nqui²jnc³c²a² coan⁴tsen³-
si¹ni³le⁴. ¹³C⁷ia⁴ qui³nchja⁴ je²

Ananías: Señor, cjai¹nca³ to⁴njin²
cho⁴ta⁴ xi³ qui³nch²oe³-le⁴ xi³
t²a³ts⁷e⁴ je² cho⁴ta⁴-ve⁴, jo³ nca³
ch⁷ao³ qui³si³cao⁴ cho⁴ta⁴-li⁴ ya⁴
Jerusalén. ¹⁴Sa³⁷nta³ i⁴-vi⁴ y⁷a³-
sa³ cjoa⁴te¹xo³ma³ xi³ t²a³ts⁷e⁴
cho⁴ta⁴ti¹tjon²-le⁴ na⁴⁷mi³ nca³ tsoa³
nca³ts⁷i³ xi³ jan³⁷ain¹-li⁴ nchja⁴.
¹⁵C⁷ia⁴ je² Nai³-na¹ c⁷oa⁴qui³tso²-
le⁴ Ananías: T⁷in³. Je² cho⁴ta⁴-vi⁴
tsa³cja³⁷a³jian³, nca³ coan⁴chjen¹-
na³ jme¹-ni³ nca³ coai⁴cao⁴-ni³
jan³⁷ain¹-na⁴ nqui³xcon⁴ cho⁴ta⁴ xi³
li² judío-jin², cao⁴ cho⁴ta⁴ti¹tjon²,
cao⁴ xti³-le⁴ Israel. ¹⁶An³ coa³co³-le⁴
nca³yi³je³ cjoa⁴⁷ñ⁷ain³ xi³ ma³chjen¹
nca³ cjoa⁴⁷a³ntjai² xi³ to⁴t²a³ts⁷e⁴
jan³⁷ain¹-na⁴. ¹⁷C⁷ia⁴ Ananías qui³,
ja³⁷a³s⁷en³ ni³⁷ya³. Tsa³ca¹jna³son²-
le⁴ ntsja³, c⁷oa⁴qui³tso²: Saulo
?nti¹nts⁷e³, je² Nai³-na¹ Jesús xi³
coan³tsen³-li² nca³ ja²⁷ai⁴ ya⁴³
ntia⁴², qui³si³ca³sen¹-na³ jme¹-ni³
nca³ coan⁴tsen³ nqui²jnc³c²a²-
si¹ni³li², c⁷oa⁴ nca³ tse³ s⁷e⁴j³in³-si¹ni³
ni⁴ma⁴-li⁴ Espíritu Santo. ¹⁸Nti⁴ton⁴
je² xi³ c⁷oa⁴cjoan³ chjoa⁴jtse¹
cjoan³ ji³tjo³xin²-le⁴ xcon⁴
Saulo. Coan³tsen³-ni³le⁴. C⁷ia⁴
nca³ ji³so²tjen⁴, qui³sa³te¹nta¹.
¹⁹Xi³ je³tsa³cjen² Saulo, qui³s⁷e³-le⁴
nca³n⁷ion¹.

Saulo qui³nchja⁴ya³ ya⁴

**Damasco To⁴jo³ tj¹ni³ ni⁴chjin³
tsa³c²e²jna³cao⁴ je² cho⁴ta⁴-le⁴**

Cristo xi³ tjio¹ ya⁴ Damasco.

²⁰Nti⁴ton⁴ ya⁴³ nt⁷ia³ sinagogas
qui³nchja⁴ya³ Saulo xi³ t²a³ts⁷e⁴
Cristo. C⁷oa⁴qui³tso² nca³ je² ni¹
xi³ ?nti¹-le⁴ Ni³na¹. ²⁴Nca³ts⁷i³ xi³
qui³nch²oe¹-le⁴ to⁴coan³xcon¹-
le⁴, c⁷oa⁴qui³tso²: A³ tsi² je²-vi⁴ xi³

ya⁴ Jerusalén qui³si³c⁷en³ je² xi³
 qui³nchja⁴ je² jan³⁷ain¹-le⁴ Cristo.
 Coi³ xa¹ ja³⁷ai³ i⁴-vi⁴ nca³ coai⁴cao⁴
 preso jña³ tjio¹ cho⁴ta⁴ti²tjon²-le⁴
 na⁴⁷mi³. ²²To⁴nca³ Saulo to⁴nqui²sa⁴-
 sa³ n⁷ion¹ qui³s⁷e³-le⁴ nca³n⁷ion¹. Je²
 cho⁴ta⁴ judíos xi³ tjio¹ ya⁴ Damasco
 qui³tso²-le⁴ nca³ coan³sca¹ya³-le⁴.
 Ña³qui³ qui³si³qui²xi⁴ Saulo nca³
 Jesús je² Cristo. ²³Xi³ je²ja³⁷a³to³
 ncjin² ni⁴chjin³, je² cho⁴ta⁴ judíos
 tsa³cjao¹ya³-ni³ jo³-s⁷in² nca³
 si⁴²c⁷en³ Saulo. ²⁴To⁴nca³ Saulo
 qui³nch⁷oe¹ jo³-s⁷in² nca³ me³-
 le⁴ si⁴²c⁷en³che¹. Cho⁴ta⁴ judíos
 ña³qui³ qui³si³coi²nta⁴ xo⁴ntjoa⁴ nca³
 ni⁴chjin³ nca³ ni⁴tjen⁴, nca³ me³-
 le⁴ nca³ si⁴²c⁷en³. ²⁵C⁷ia⁴ cho⁴ta⁴-le⁴
 Cristo qui³scoe¹ Saulo nca³ njion².
 Qui³si³c⁷e¹jna³ya³ jnco³ ni⁴sin⁴ya¹
 nc⁷a³. Qui³sca³ni¹jen³jton³ xjao¹ xi³
 tji¹ntai³.

Jerusalén ti¹jna³ Saulo

²⁶Xi³ je²ja³⁷ai³ ya⁴ Jerusalén,
 me³-le⁴ nca³ coan⁴ña³t⁷a³-le⁴
 cho⁴ta⁴-le⁴ Cristo. To⁴nca³ nca³ts⁷i³
 qui³tso³cjon¹-le⁴ Saulo. A³li²coi³
 coan³cjain¹-le⁴ tsa² c⁷oa⁴-ti⁴ cho⁴ta⁴-
 le⁴ Cristo nca³ je². ²⁷C⁷ia⁴ Bernabé
 qui³scoe¹ Saulo. Ja³⁷ai³cao⁴-le⁴
 pa²stro⁴. Tsa³c⁷e¹-le⁴ na⁴jmi¹ jo³-
 s⁷in² nca³ tsa³ve³ Nai³-na¹ ya⁴ya³
 ntia⁴², c⁷oa⁴ jo³-s⁷in² nca³ je² Nai³-
 na¹ tsa³cja¹cao⁴, c⁷oa⁴ jo³-s⁷in²
 nca³ to⁴nta³ coan³n⁷ion¹con³ nca³
 qui³nchja⁴ya³ xi³ t⁷a³ts⁷e⁴ jan³⁷ain¹-
 le⁴ Jesús ya⁴ Damasco. ²⁸C⁷oa⁴-s⁷in²
 Saulo tsa³c⁷e²jna³jjin³-le⁴ pa²stro⁴
 ya⁴ Jerusalén. ²⁹Cjai¹nca³ to⁴nta³
 coan³n⁷ion¹con³ nca³ qui³nchja⁴ya³
 xi³ t⁷a³ts⁷e⁴ jan³⁷ain¹-le⁴ Nai³-na¹.
 Tsa³cjao¹ya³-ni³ cao⁴ cho⁴ta⁴ griegos.

To⁴nca³ je²-vi⁴⁷ni³ coan³me³-le⁴ nca³
 si⁴²c⁷en³. ³⁰C⁷ia⁴ nca³ cho⁴ta⁴nts⁷e⁴
 tsa³ve³, ña³tjen⁴ qui³cao⁴ Saulo
 ya⁴⁷nta³ Cesarea. Ya⁴ qui³si³ca³sen¹
 ya⁴ Tarso. ³¹Nca³qui³jnta² Judea cao⁴
 Galilea cao⁴ Samaria ña³qui³ nch⁷an¹
 tjio¹ na⁴xi⁴na³nta¹-le⁴ Cristo. Li²jme²
 cjoa⁴si³ xi³ tjin¹-le⁴. Qui³s⁷e³-sa³le⁴
 nca³n⁷ion¹ nca³ c⁷oa⁴-s⁷in² tjio¹ma³,
 nca³ qui³tsa³cjon³que³ Nai³-na¹. Je²
 Espiritu Santo tsa³ca³sen²cao⁴, c⁷oa⁴-
 s⁷in² coan³ncjin²ya³.

Coan³nta³ Eneas

³²C⁷oa⁴coan³ nca³ Pedro
 tsa³c⁷a³mjen³son² nca³ts⁷i³ cho⁴ta⁴-
 le⁴ Cristo. C⁷oa⁴-ti⁴ ja³⁷ai³con²-le⁴ je²
 cho⁴ta⁴-le⁴ Cristo xi³ tjio¹ ya⁴ Lida.
³³Ya⁴ qui³sa³te³cjao³ jnco³ xi³ Eneas
 ?mi². Coan³ jin³ no¹ nca³ ti¹qui³jna³,
 nca³ tsi² ti⁴ma³ si¹tin²ya³-ni³ yao³-
 le⁴. ³⁴Pedro c⁷oi⁴qui³tso²-le⁴: Eneas,
 Jesucristo si⁴²nta³-li². Ti⁴so¹tjain⁴,
 tja³xco¹yai³ ni³jña³-li⁴. Ji³so²tjen⁴
 nti⁴ton⁴. ³⁵Tsa³ve³ nca³ts⁷i³ cho⁴ta⁴
 xi³ tjio¹ ya⁴ Lida cao⁴ ya⁴ Sarón.
 Qui³t⁷a³-le⁴ Nai³-na¹.

Qui³s⁷e³-nca¹ni³le⁴

cjoa⁴vi³jna³chon³ Dorcas

³⁶Ya⁴ Jope ti¹jna³ jnco³ chjon⁴²
 xi³ c⁷oa⁴-ti⁴ cho⁴ta⁴-le⁴ Cristo.
 Tabita ?mi², xi³ tso²-ni³ Dorcas.
 A³li² to⁴c⁷oa⁴cji³ nta³ chjon⁴²
 je²-vi⁴. Cjai¹nca³ nta³ tjin¹ xa¹-
 le⁴, c⁷oa⁴ tse³ limosna xi³ tsjoa¹.
³⁷C⁷oa⁴coan³ je² ni⁴chjin³-ve⁴
 nca³ coan³aon³-le⁴. C⁷oa⁴ c⁷en³.
 C⁷ia⁴ nca³ je³qui³si³ca³ncno¹ya³,
 qui³si³ca¹jna³ yao³-le⁴ ya⁴ cuarto
 jña³ nc⁷a³. ³⁸Je² na⁴xi⁴na³nta¹ xi³
 Lida ?mi² ti¹jna³chian³-le⁴ Jope. Je²
 cho⁴ta⁴-le⁴ Cristo qui³nch⁷oe¹ nca³

Pedro ya⁴ ti¹jna³. Jao² cho⁴ta⁴x⁷in⁴ qui³sca³n¹ln¹nch⁷oe², tsa³c⁷o¹ts⁷oa³-le⁴: A³li² ni²tse³ya²-jin²³, nti⁴ton⁴ n¹choa¹chon³-ni³na³jin⁴. ³⁹C⁷ia⁴ Pedro ji³so²tjen⁴, qui³cao⁴ nca³ je². Xi³ je³ji³cho², qui³cao⁴ ya⁴ cuarto j¹na³ nc⁷a³. Jo³ tsa³qui³ncha³t²a³-le⁴ ya¹nchjin¹ xi³ je³c⁷en³ x⁷in⁴-le⁴. Tjio¹cji³⁷ntia¹, tjio¹va³co¹-le⁴ na³j¹no³ ch⁷o¹tji³ xi³ Dorcas qui³si³nta³ c⁷ia⁴ nca³ ti¹jna³cao⁴-sa³. ⁴⁰C⁷ia⁴ Pedro qui³ts⁷aon³sje³ nti³tsin³ nca³ts⁷i³. Tsa³ca³sen²xco¹nch⁷in³, tsa³c⁷e¹ts⁷oa³. Qui³sco²tsen³-le⁴ yao³-le⁴ c⁷en³-ve⁴, c⁷oi⁴qui³tso²: Tabita ti⁴so¹tjain⁴. C⁷oa⁴ je²-vi⁴⁷ni³ qui³sco³⁷ai²nqui³ xcon⁴. C⁷ia⁴ nca³ tsa³ve³ Pedro, tsa³c⁷e²jna³qui²xi⁴. ⁴¹Pedro qui³tsjoa³-le⁴ ntsja³, qui³si³qui³so¹tjen⁴. C⁷ia⁴ qui³nchja⁴-le⁴ nca³ts⁷i³ cho⁴ta⁴-le⁴ Cristo cao⁴ je² ya¹nchjin¹ xi³ c⁷en³ x⁷in⁴-le⁴. Tsa³ca³co¹-le⁴ Dorcas nca³ ti¹jna³con³. ⁴²A³li² to⁴c⁷oa⁴cji³ qui³son² je²-vi⁴ nca³qui³jnta² ya⁴ Jope. A³li² to⁴c⁷oa⁴cji³ cho⁴ta⁴ xi³ coan³cjain¹-le⁴ xi³ t²a³ts⁷e⁴ Nai³-na¹. ⁴³C⁷oa⁴coan³ nca³ ncjin² ni⁴chjin³ tsa³c⁷e²jna³ Pedro ya⁴ Jope, ya⁴³ nt⁷ia³-le⁴ jnco³ Simón chji⁴ne⁴chjoa⁴.

Pedro cao⁴ Cornelio

10 Ya⁴ Cesarea ti¹jna³ jnco³ cho⁴ta⁴x⁷in⁴ xi³ Cornelio ⁷mi². Je²-vi⁴ xi³ nca³jco⁴-le⁴ jnco³ ciento so³nta²do⁴ xi³ Italiana ⁷mi². ²A³li² to⁴c⁷oa⁴cji³ tsa³ve³xcon¹, cao⁴ nca³yi³je³ nt⁷ia³-le⁴ qui³tsa³cjon³que³ Ni³na¹. A³li² to⁴c⁷oa⁴cji³ limosna tsjoa¹-le⁴ cho⁴ta⁴ na⁴xi⁴na³nta¹, c⁷oa⁴ ña³qui³ v⁷e¹ts⁷oa³ntsjai²-le⁴ Ni³na¹. ³Tjin¹ xi³ tsa³ve³ Cornelio nca³ tsa³c⁷ai²-le⁴ ni³j¹na¹, jo³-ni³ tsa² las

tres nca³ ma³xon². Jnco³ a²ncje⁴-le⁴ Ni³na¹ ji³cho²nch⁷oe², c⁷oa⁴qui³tso²-le⁴: Cornelio. ⁴C⁷oa⁴ je²-vi⁴ qui³sco³⁷a², jo³ to⁴qui³tso³cjon¹-ni¹, c⁷oa⁴qui³tso²: Jme¹ ni¹³, Señor. C⁷oi⁴qui³tso²-le⁴: Je² xi³ ti³v⁷e²ts⁷oi³, cao⁴ je² limosna xi³ ti³v⁷ai²³, ji³cho² ca³t⁷a³-le⁴ cjoa⁴fa³⁷ai³tsjen³-le⁴ Ni³na¹. ⁵Nt⁷ai⁴-vi⁴ ti⁴ca³sain¹³ x⁷in⁴ ya⁴ Jope. Ca²tji³cja³⁷a¹ jnco³ Simón. Pedro ⁷mi² je² jan³⁷ain¹-le⁴ xi³ ma³jao²-ni³. ⁶Pedro ti¹jna³ nt⁷ia³-le⁴ jnco³ Simón chji⁴ne⁴chjoa⁴. Ja⁴ntai³ nta¹chi³con³ qui³jna³ ni³⁷ya³-le⁴. Je² c⁷oa⁴coi⁴tso⁴-li² j¹na³-le⁴ xi³ ma³chjen¹ nca³ s⁷iaⁱⁿ⁴. ⁷Qui³ je² a²ncje⁴ xi³ ti¹fa¹cao⁴ Cornelio. C⁷ia⁴ Cornelio qui³nchja⁴-le⁴ jao² cho⁴⁷nta³-le⁴ cao⁴ jnco³ so³nta²do⁴ xi³ ve³xcon¹ Ni³na¹, xi³ ti⁴je²-ni³ so³nta²do⁴-le⁴ xi³ si¹chjen¹ntsjai². ⁸Xi³ je³tsa³c⁷e¹-le⁴ na⁴jmi¹ nca³yi³je³, qui³si³ca³sen¹ ya⁴ Jope. ⁹Xi³ coan³nchaon³-ni³ c⁷ia⁴ nca³ tjio¹fi² ya⁴³ ntia⁴², c⁷ia⁴ nca³ ji³cho²chian³ na⁴xi⁴na³nta¹-ve⁴, jo³-ni³ tsa² nchi³sen³, Pedro qui³tsin³ ya⁴ son²nc⁷a³ ni³⁷ya³ nca³ c⁷oe⁴²ts⁷oa³. ¹⁰A³li² to⁴c⁷oa⁴cji³ coan³vao³-le⁴, coan³me³-le⁴ nca³ tsa³cjen². C⁷ia⁴ nca³ s⁷a⁴ ti¹s⁷e³nta³-le⁴ tso³jmi² xi³ squi⁴ne⁴, tsa³c⁷ai²jnco³-le⁴ ni³j¹na¹. ¹¹Tsa³ve³ nc⁷a³jmi³ nca³ ti⁴x⁷a⁴. Ya⁴ ji³nchoa³jen³-ni³ jnco³ tso³jmi², jo³-ni³ tsa² jnco³ na³j¹no³ xi³ n⁷ion¹ te³, xi³ tjin¹n⁷ion¹tjon² nca³ ño³ xi⁴nqui⁴-le⁴. Ji³nchoa³jen³ t²a³na³nqui³. ¹²Ya⁴ ja³⁷ai³ya² nca³yi³je³ jco⁴ya³ cho⁴ xi³ ño³ ma³ ntso⁴co⁴ xi³ tjin¹ i⁴ son³⁷nte³-vi⁴, cao⁴ cho⁴ xi³ fi²jve³, cao⁴ ni⁴se³ xi³ fi²tjen⁴nc⁷a¹. ¹³Pedro qui³nch⁷oe¹ jnco³ xi³ qui³nchja⁴-le⁴: Ti⁴so¹tjain⁴ Pedro, ti⁴c²ain³, chi⁴na¹. ¹⁴C⁷ia⁴

c^oi⁴qui³tso² Pedro: Ma³jain² Señor. Ni⁴to⁴c^oia³-jin²la² qui³squi²ne⁴ tso³jmi² xi³ xcon¹, a³xo⁴ xi³ ch⁷ao³ cjoan³. ¹⁵Nqui²jnc³a² ti⁴qui³nch⁷oe¹-nca¹ni³ je² jta⁴: Je² xi³ Ni³na¹ qui³si³tsje³, a³li² tso³jmi²xcon¹-jin² ⁷mi²-lai⁴. ¹⁶Jan² c⁷a³ nca³ c⁷oa⁴-s⁷in² coan³. Je² na³jño³ qui³tjoe¹ nqui²ntia³-ni³ ya⁴ nc⁷a³jmi³. ¹⁷Pedro li²coi³ ma³cho⁴ya³-le⁴ jme³ xi³ tso²ya³-ni³ je² ni³jña¹-ve⁴ xi³ ca²v⁷ai²-le⁴. Coe⁴-ni³ ji³cho² je² cho⁴ta⁴ xi³ qui³si³ca³sen¹ Cornelio. Qui³tsi²na³nqui³ ni³ya³-le⁴ Simón. Ja³⁷ai³jcho³ xo⁴ntjoa⁴. ¹⁸C⁷ia⁴ qui³tsi²na³nqui³ tsa² ti⁷jna³ ya⁴-ve⁴ jnc³ Simón xi³ tj¹in¹-le⁴ nqui²jnc³ jan³⁷ain¹ xi³ Pedro ⁷mi². ¹⁹C⁷ia⁴ nca³ ti¹si¹cja³⁷ai³tsjen³ Pedro je² ni³jña¹ xi³ ca²v⁷ai²-le⁴, je² Espíritu c⁷oi⁴qui³tso²-le⁴: Coe⁴-ni³ i⁴ tjio¹-vi⁴ jan² cho⁴ta⁴x⁷in⁴ xi³ va¹sjai³-li². ²⁰Ti⁴so¹tjain⁴ nt⁷ai⁴, t⁷in³jain⁴, a³li² jao²-jin² v⁷ai²to³coin²³ nca³ c⁷oin¹coai⁴. An³ ca²si³ca³sen¹³ je² cho⁴ta⁴-ve⁴. ²¹C⁷ia⁴ Pedro qui³jen³con³-le⁴ cho⁴ta⁴ xi³ Cornelio qui³si³ca³sen¹, c⁷oa⁴qui³tso²: An³ nia¹³ xi³ vi³jnchi³sjai³-nao¹³. Jme¹ ni¹³ cjoa⁴ xi³ tj¹in¹ nca³ ca²nchoa³-si¹nio³. ²²Cho⁴ta⁴-ve⁴ qui³tso²: Ni²xa¹-lai⁴jin⁴ Cornelio, je² xi³ nca³jco⁴-le⁴ jnc³ ciento so³nta²do⁴, c⁷oa⁴ cho⁴ta⁴cjoa⁴qui²xi⁴ xi³ ve³xcon¹ Ni³na¹, c⁷oa⁴ xi³ nta³ cho⁴ta⁴ tso²-le⁴ nca³ts⁷i³ na⁴xi⁴na³nta¹ judío. Jnc³ a²ncje⁴-le⁴ Ni³na¹ qui³si³qui³nch⁷oe¹ nca³ ca²ta³si¹ca³sen¹cja³⁷a¹-li² ni³⁷ya³-le⁴, nca³ ca²ta³nch⁷oe¹-li² je² en¹ xi³ ti³v⁷ai²³. ²³C⁷ia⁴ Pedro qui³si³cja³⁷a³s⁷en³ ni³⁷ya³-le⁴ cho⁴ta⁴-ve⁴, c⁷oa⁴ qui³tsjoa³-le⁴ ⁷nte³. Xi³

coan³nchaon³-ni³ ji³so²tjen⁴, qui³cao⁴ cho⁴ta⁴-ve⁴. Tjin¹ c⁷a³ cho⁴ta⁴nts⁷e⁴ xi³ tjio¹ ya⁴ Jope xi³ c⁷oa⁴-ti⁴ qui³cao⁴. ²⁴Xi³ coan³nchaon³-ni³ ja³⁷a³s⁷en³ ya⁴ Cesarea. Cornelio ti¹co³ya³-le⁴. Je³qui³nchja⁴-le⁴ nca³ts⁷i³ xi¹ncjin¹ cao⁴ mi²yo⁴-le⁴ xi³ nqui²sa⁴ nta³ fao¹. ²⁵C⁷ia⁴ nca³ ja³⁷a³s⁷en³ Pedro, ji³tjo³cja³⁷a¹ Cornelio. Tsa³ca³sen²xco¹nch⁷in³t⁷a³-le⁴, tsa³ve³xcon¹ Pedro. ²⁶To⁴nca³ Pedro qui³si³qui³so¹tjen⁴, c⁷oa⁴qui³tso²: Ti⁴so¹tjain⁴. C⁷oa⁴-ti⁴ an³-je⁴ cho⁴ta⁴ nia¹³. ²⁷Pedro tsa³cja¹cao⁴, c⁷oa⁴ ja³⁷a³s⁷en³. N⁷ion¹ ncjin² cho⁴ta⁴ qui³sa³co³-le⁴ xi³ coan³xco¹. ²⁸C⁷oi⁴qui³tso²-le⁴: ⁷ya³-nio¹³ nca³ jon²-vi⁴ nca³ tsi² tsa² tjo³⁷nte³ nca³ jnc³ cho⁴ta⁴ judío si⁷jnc³ yao³-le⁴, a³xo⁴ fi²con³-le⁴ cho⁴ta⁴ xi³ li² judío-jin². To⁴nca³ Ni³na¹ qui³tso²ya³-na³ nca³ ni⁴jnc³-jin² cho⁴ta⁴ xi³ xcon¹, a³xo⁴ xi³ ch⁷ao³ cjoan³ xin¹-le⁴. ²⁹Co³ cjoa⁴ c⁷ia⁴ nca³ qui³no²cjoa⁴-nai¹³, ja²⁷ai⁴ nti⁴toan⁴. C⁷oa⁴-s⁷in² nt⁷ai⁴ cjo³na³nquia³, a¹-ni³ nca³ an³ qui³no²cjoa⁴-si¹ni³nao¹³. ³⁰C⁷ia⁴ Cornelio c⁷oa⁴qui³tso²: Coan³ño³-na³ ni⁴chjin³ nca³ ti²jna⁴nchjan³ coi³-la⁴ hora-vi⁴. Las tres nca³ ma³xon², ti²v⁷e³ts⁷oa²³ i⁴ ni³⁷ya³-na⁴. Coe⁴-ni³ jnc³ cho⁴ta⁴ tsa³ca³sen² nqui²xcoan³. Fa³te³ cji³ na³jño³-le⁴. ³¹C⁷oa⁴qui³tso²: Cornelio, je² xi³ ti³v⁷e²ts⁷oi³, qui³no²⁷ya²-li², c⁷oa⁴ je² limosna xi³ ti³v⁷ai²³, ji³cho² ca³t⁷a³-le⁴ cjoa⁴fa³⁷ai³tsjen³-le⁴ Ni³na¹. ³²Ti⁴ca³sain¹³ cho⁴ta⁴ ya⁴ Jope, ca²tji³cja³⁷a¹ jnc³ Simón. Pedro ⁷mi² je² jan³⁷ain¹-le⁴ xi³ ma³jao²-ni³. Ti¹jna³ nt⁷ia³-le⁴ jnc³ Simón chji⁴ne⁴chjoa⁴. Ja⁴ntai³ nta¹chi³con³ qui³jna³ ni³⁷ya³-le⁴. C⁷ia⁴

nca³ cjoa⁴⁷ai¹, cjoa¹cao⁴-li². **33**
 C⁷oa⁴-s⁷in² nti⁴ton⁴ qui³si³ca³sen¹-
 le²³. C⁷oa⁴ ji³·ni³, cjai¹nca³nta³
 ca²n⁷iaⁱⁿ²³ nca³ ca²n⁷choa¹. Nt⁷ai⁴-
 vi⁴ntai⁴ nca³ts⁷i³-jin⁴ i⁴ ti³yoi³⁴-jin⁴
 nqui³xcon⁴ Ni³na¹, nca³
 coi⁴no²⁷yai²⁴-jin⁴ nca³yi³je³ xi³
 c⁷oa⁴qui³tso²-li² Ni³na¹. **34** C⁷ia⁴
 Pedro tsa³c⁷e¹ts⁷ia⁴ nca³ qui³nchja⁴:
 Cjoa⁴qui²xi⁴ ni¹, ti²⁷ve³-nia¹³ nca³
 Ni³na¹ to⁴nco¹son² fi²cao⁴ nca³ts⁷i³.
35 To⁴jña³-ni³ son³⁷nte³, je² xi³
 tso³cjon¹que³ Ni³na¹, xi³ s⁷in¹ xi³
 cjoa⁴qui²xi⁴, Ni³na¹ tjao²que³-ni¹.
36 Jon² ya³-nio¹³ je² en¹ xi³ Ni³na¹
 qui³si³ca³sen¹-le⁴ xti³-le⁴ Israel.
 Qui³nchja⁴ya³ je² en¹nta³ xi³ tso²
 nca³ Cristo si¹qui³njen³nch⁷an¹
 ni⁴ma⁴-na¹. Je²-vi⁴ Nai³-le⁴ nca³ts⁷i³.
37 Jon² ya³-nio¹³ je² en¹ xi³ qui³son²
 nca³qui³jnta² Judea. Qui³ts⁷ia³-ni³
 Galilea coan³scan³-ni³ nca³ Juan
 qui³nchja⁴ya³ je² cjoa⁴sa³te¹nta¹.
38 Jon² ya³-nio¹³ je² en¹ xi³ t⁷a³ts⁷e⁴
 Jesús xi³ Nazaret ts⁷e⁴, jo³-s⁷in² nca³
 Ni³na¹ qui³tsjoa³-le⁴ xa¹ cao⁴
 Espíritu Santo cao⁴ nca³n⁷ion¹. Je²
 Jesús xi³ tsa³c⁷a³mjen³ nca³
 to⁴cjoa⁴nta³ qui³s⁷in³, c⁷oa⁴
 qui³si³nta³ nca³ts⁷i³ xi³ je² nai⁴²
 qui³si³cja³⁷a¹ cjoa⁴n⁷ain³, nca⁴ Ni³na¹
 ti¹jna³cao⁴ Jesús. **39** Jin⁴-jin⁴ testigo
 ni¹⁴-jin⁴ nca³yi³je³ jme³-ve⁴ cjoa⁴ xi³
 c⁷oa⁴qui³s⁷in³ i⁴ na³nqui³ Judea cao⁴
 Jerusalén. Je² xi³ cho⁴ta⁴ Judea
 qui³si³c⁷en³ nca³ tsa³c⁷e¹tjen⁴
 v⁷a³nqui³t⁷a³ jnc³ ya¹. **40** Je²-vi⁴ xi³
 Ni³na¹ qui³sco²mi³tjen⁴ nca³
 coan³jan²-ni³ ni⁴chjin³, c⁷oa⁴ xi³
 qui³si³c⁷a³tsen³. **41** A³li²coi³
 qui³si³c⁷a³tsen³-le⁴ nca³ts⁷i³ cho⁴ta⁴
 na⁴xi⁴na³nta¹, to⁴jin⁴
 qui³si³c⁷a³tsen³-na³jin⁴ xi³ testigo

tsa³qui³ncha¹-na³jin⁴ nca³s⁷a⁴,
 jin⁴-jin⁴ xi³ tsa³qui³chi³coai⁴-jin⁴, xi³
 qui³⁷yo²coai⁴-jin⁴, coan³scan³-ni³
 nca³ je³ja³⁷a³ya²jin³-ni³le⁴ c⁷en³.
42 Tsa³ca³te¹xo³ma³-na³jin⁴ nca³
 coi⁴no²cjoa⁴ya³-lai⁴jin⁴ cho⁴ta⁴
 na⁴xi⁴na³nta¹, c⁷oa⁴ nca³ c⁷oai⁴-jin⁴
 en¹-na⁴jin⁴ nca³ je² ni¹ xi³ Ni³na¹
 tsa³ca³sen¹ jo³-ni³ tsa² Juez xi³
 v⁷e¹nta³-jin³ cjoa⁴-le⁴ cho⁴ta⁴ xi³
 tjio¹con³ cao⁴ xi³ c⁷en³. **43** Nca³ts⁷i³
 xi³ qui³nchja⁴ya³ tsjoa¹ en¹ xi³
 t⁷a³ts⁷e⁴, nca³ nca³ts⁷i³ xi³
 coan⁴cjain¹-le⁴ xi³ t⁷a³ts⁷e⁴ Jesús
 cha⁴t⁷a³-le⁴ je¹-le⁴ xi³ to⁴t⁷a³ts⁷e⁴
 Jesús. **44** To⁴jo³ ti¹nchja⁴-sa³ Pedro je²
 en¹ xo⁴ tso²-ve⁴, c⁷ia⁴ nca³ je²
 Espíritu Santo ja³⁷a³s⁷en³jin³ ni⁴ma⁴-
 le⁴ nca³ts⁷i³ xi³ tjio¹nch⁷oe¹ en¹-vi⁴.
45 Je² cho⁴ta⁴ xi³ tjen⁴cao⁴ Pedro, xi³
 coan³cjain¹-le⁴, xi³ ti⁴je²-ni³ cho⁴ta⁴-
 le⁴ cjoa⁴circuncisión coan³xcon¹-le⁴
 nca³ je² cjoa⁴tjao² xi³ je² Espíritu
 Santo c⁷oa⁴-ti⁴ ja³⁷ai³jin³ ni⁴ma⁴-le⁴
 cho⁴ta⁴ xi³ li² judío-jin².
46 Qui³nch⁷oe¹-le⁴ nca³ nchja⁴ xi³
 cja⁴⁷ai¹ en¹-je⁴, c⁷oa⁴ nca³ cjai¹nca³
 nta³ v⁷a³sje³je³ya³ Ni³na¹. **47** C⁷ia⁴
 qui³nchja⁴ Pedro, a³ tjin¹-ni³ cho⁴ta⁴
 xi³ coa⁴te²chjoa² na³nta¹-ve⁴, jme¹-
 ni³ nca³ tsi² sa⁴te¹nta¹-si¹ni³ je²-vi⁴
 xi³ c⁷oa⁴-ti⁴ ca²tjoe¹-le⁴ Espíritu
 Santo, jo³-s⁷in² nca³ ña¹ qui³tjoe¹-
 na¹. **48** C⁷ia⁴ Pedro
 tsa³ca³te¹xo³ma³-le⁴ nca³ sa⁴te¹nta¹
 cao⁴ jan³⁷ain¹-le⁴ Nai³-na¹ Jesús.
 Cho⁴ta⁴ tsa³c⁷e¹ts⁷oa³-le⁴ nca³
 c⁷oe¹jna³-sa³ nqui² jo³ tjin¹ ni⁴chjin³.

Pedro v⁷e¹-le⁴ na⁴jmi¹ ya⁴ Jerusalén

11 Ya⁴ Judea je² pa²stro⁴ cao⁴
 nts⁷e⁴ xi³ ma³cjain¹-le⁴
 qui³nch⁷oe¹ nca³ c⁷oa⁴-ti⁴ je² cho⁴ta⁴

xi³ li² judío-jin² qui³scoe¹tjao²
 en¹-le⁴ Ni³na¹. ²C⁷ia⁴ nca³ Pedro
 qui³mi³ ya⁴ Jerusalén, cho⁴ta⁴-le⁴
 cjoa⁴circuncisión tsa³cjao¹ti³ya³-
 ni³. ³C⁷oa⁴qui³tso²: A¹-ni³ c⁷oa⁴-s⁷in²
 ca²⁷mi³s⁷en³-si¹ni³ ni³⁷ya³-le⁴ cho⁴ta⁴
 xi³ tsi² cjoa⁴circuncisión coan³-
 le⁴, c⁷oa⁴ ca²vi³chi³coai⁴. ⁴C⁷ia⁴
 tsa³c⁷e¹ts⁷ia⁴ Pedro, ntia³ntia³
 qui³tso²ya³-le⁴ jme³ xi³ coan³: ⁵C⁷ia⁴
 nca³ ti²jna⁴ ya⁴ na⁴xi⁴na³nta¹ Jope
 nca³ ti²v⁷e³ts⁷oa²³, tsa³c⁷ai²jnc³-
 na³ ni³jña¹. Tjin¹ xi³ tsa³⁷ve³. Jnc³
 tso³jmi² jo³-ni³ tsa² jnc³ na³jño³ xi³
 n⁷ion¹ te³, xi³ tjin¹n⁷ion¹tjon² nca³
 ño³ xi⁴nqui⁴-le⁴, ji³n³choa³jen³-ni³
 nc⁷a³-jmi³. Ja³⁷ai³ ⁷nta³ jña³ ti²jna⁴.
⁶C⁷ia⁴ nca³ qui³sco²tse³, tsa³⁷ve³-
 nia¹³ cho⁴son³⁷nte³ xi³ ño³ ma³
 ntso⁴co⁴, cao⁴ cho⁴jña¹, cao⁴ cho⁴ xi³
 fi²jve³, cao⁴ ni⁴se³ xi³ fi²tjen⁴nc⁷a¹.
⁷Qui³n³h⁷oe³ jnc³ xi³ qui³tso²-na³:
 Ti⁴so¹tjain⁴ Pedro, ti⁴c⁷ain³, chi⁴nai⁴.
⁸C⁷oi⁴qui³xian³: Ma³jain² Señor.
 Ni⁴to⁴c⁷ia³-jin²la² qui³si³cja³⁷a³s⁷en³
 ntso⁴⁷va³ tso³jmi² xi³ xcon¹, a³xo⁴
 xi³ ch⁷ao³ cjoan³. ⁹Nqui²jnc³c⁷a²
 je² jta⁴ qui³nchja⁴-ni³na³ nc⁷a³jmi³:
 Je² xi³ Ni³na¹ qui³si³tsje³, a³li²
 tso³jmi²xcon¹-jin² ⁷mi²-lai⁴. ¹⁰Jan²
 c⁷a³ nca³ c⁷oa⁴-s⁷in² coan³. Nca³yi³je³
 tso³jmi²-ve⁴ qui³tjoe¹ nqui²ntia³-
 ni³ ya⁴ nc⁷a³jmi³. ¹¹C⁷oa⁴ c⁷ia⁴-⁷ni³
 jan² cho⁴ta⁴x⁷in⁴ ja³⁷ai³ ya⁴ ni³⁷ya³
 jña³ nca³ ti²jna⁴. Jnc³ cho⁴ta⁴ ya⁴
 Cesarea qui³si³ca³sen¹con³-na³.
¹²Je² Espíritu Santo c⁷oa⁴qui³tso²-
 na³ nca³ ya⁴ cjo¹coa⁴, nca³ tsi² tsa²
 jao² c⁷oe³coan³. C⁷oa⁴-ti⁴ qui³cao⁴-
 na³ je² jaon³ nts⁷e⁴. Ji³tja³s⁷ain³-jin⁴
 ni³⁷ya³-le⁴ je² cho⁴ta⁴x⁷in⁴-ve⁴. ¹³Je²
 cho⁴ta⁴x⁷in⁴-ve⁴ tsa³c⁷e¹-na³jjin⁴
 na⁴jmi¹ nca³ tsa³ve³ jnc³ a²ncje⁴

xi³ tsa³ca³sen²jna³ ya⁴³ ni³⁷ya³-le⁴,
 c⁷oa⁴qui³tso²-le⁴: Ti⁴ca³sain¹³ x⁷in⁴
 ya⁴ Jope. Ca²tji³cja³⁷a¹ jnc³ Simón.
 Pedro ⁷mi² je² jan³⁷ain¹-le⁴ xi³
 ma³jao²-ni³. ¹⁴Je² xi³ c⁷oa⁴coi⁴tso⁴-
 li² en¹ jo³-s⁷in² nca³ coi²tjo⁴ntjai²
 cao⁴ nca³ts⁷i³ xi³ ts⁷e⁴ nt⁷ia³-li⁴.
¹⁵C⁷ia⁴ nca³ an³ tsa³c⁷e³ts⁷ia⁴ nca³
 qui³nchja²³, je² Espíritu Santo
 ja³⁷ai³jjin³ ni⁴ma⁴-le⁴ nca³ je², jo³-s⁷in²
 nca³ ja³⁷ai³jjin³ ni⁴ma⁴-na¹ nca³ ña¹
 nca³s⁷a⁴. ¹⁶C⁷ia⁴ ja³⁷ai³tsjen³-na³ en¹-
 le⁴ Nai³-na¹, jo³ qui³tso²: Cjoa⁴qui²xi⁴
 Juan tsa³ca³te¹nta¹-ni³ cao⁴ na³nta¹,
 to⁴nca³ jon² sa⁴te¹nta¹-nio³ cao⁴
 Espíritu Santo. ¹⁷C⁷oa⁴-s⁷in²⁷ni³, tsa²
 Ni³na¹ qui³tsjoa³-le⁴ nca³ je² ti²je²-
 ni³ cjoa⁴tjoa², jo³-s⁷in² qui³tsjoa³-na¹
 nca³ ña¹ xi³ coan³cjain¹-na¹ xi³
 t⁷a³ts⁷e⁴ Nai³-na¹ Jesucristo, ⁷ya¹-ni³
 an³ nca³ coan⁴ coa²te⁴jna³n⁷ion¹-
 le⁴ Ni³na¹. ¹⁸C⁷ia⁴ nca³ qui³n³h⁷oe¹
 nca³yi³je³ xo⁴ tso²-ve⁴,
 tsa³ca³tio²jyo¹. Cjai¹nca³ to⁴je³ya³
 ts⁷a³sje³ Ni³na¹. C⁷oa⁴qui³tso²:
 Cjoa⁴qui²xi⁴-⁷ni³ nca³ Ni³na¹ c⁷oa⁴-
 ti⁴ qui³tsjoa³-le⁴ cjoa⁴nta³ sa³⁷nta³
 cho⁴ta⁴ xi³ li² judío-jin² nca³
 si⁴²c⁷a³ntjai²ya³ cjoa⁴fa³⁷ai³tsjen³-
 le⁴ nca³ s⁷e⁴-le⁴ cjoa⁴vi³jna³chon³
 nca³ntsja².

Bernabé qui³ ya⁴²nta³ Antioquía

¹⁹Nca³ts⁷i³ xi³ qui³tsao³va³ xi³
 to⁴t⁷a³ts⁷e⁴ je² cjoa⁴n⁷ain³ xi³ ja³⁷ai³
 c⁷ia⁴ nca³ tsa³c⁷e²jna³ Esteban,
 tsa³c⁷e²ma³ ya⁴⁷nta³ Fenicia
 cao⁴ Chipre cao⁴ Antioquía.
 Qui³nchja⁴ya³ en¹-le⁴ Ni³na¹, to⁴nca³
 to⁴je² cho⁴ta⁴ judíos xi³ c⁷oa⁴-
 s⁷in² qui³tso²-le⁴, ni⁴⁷ya³-jin²sa³ xi³
 cja⁴⁷ai¹. ²⁰Ya⁴ tjio¹jjin³-le⁴ c⁷a³ cho⁴ta⁴
 xi³ ts⁷e⁴ Chipre cao⁴ cho⁴ta⁴ xi³ ts⁷e⁴

Cirene. C⁷ia⁴ nca³ ja³⁷a³s⁷en³ ya⁴
 Antioquía, je²-vi⁴ tsa³cja¹cao⁴ cho⁴ta⁴
 griegos, c⁷oa⁴ qui³nchja⁴ya³ en¹nta³
 xi³ t⁷a³ts⁷e⁴ Nai³-na¹ Jesús. ²¹Je²
 Nai³-na¹ qui³tsjoa³nca³n⁷ion¹-le⁴.
 Ncjin² coan³ xi³ coan³cjain¹-le⁴, c⁷oa⁴
 qui³t⁷a³-le⁴ Nai³-na¹. ²²Qui³son² je²
 cjoa⁴-vi⁴ sa³⁷nta³ je² na⁴xi⁴na³nta¹-
 le⁴ Cristo xi³ tjo¹ ya⁴ Jerusalén.
 C⁷ia⁴ qui³si³ca³sen¹ Bernabé nca³
 coai⁴ ya⁴⁷nta³ Antioquía. ²³C⁷ia⁴ nca³
 Bernabé ji³cho², tsa³ve³ cjoa⁴nta³-le⁴
 Ni³na¹, coan³tsjoa³-le⁴. Tsa³c⁷e¹ne²
 nca³ts⁷i³ nca³ cao⁴ nca³yi³je³ ni⁴ma⁴-
 le⁴ ca²ta³va³tio²t⁷a³-le⁴ Nai³-na¹.
²⁴Cjai¹nca³ to⁴nta³ cho⁴ta⁴ Bernabé,
 cjai¹nca³ to⁴tjin¹jⁱⁿ³ ni⁴ma⁴-
 le⁴ je² Espiritu Santo, n⁷ion¹ nta³
 ma³cjai¹-le⁴. A³li² to⁴c⁷oa⁴cji³ ncjin²
 cho⁴ta⁴ xi³ ya⁴ ja³⁷a³s⁷en³t⁷a³-le⁴ je²
 Nai³-na¹. ²⁵C⁷ia⁴ qui³ Bernabé ya⁴
 Tarso, qui³ ca¹sjai³ Saulo. C⁷ia⁴ nca³
 qui³sa³co³sjai³-le⁴, ji³n⁷choa³cao⁴
 ya⁴ Antioquía. ²⁶Jnco³ no¹ ya⁴
 coan³ña³t⁷a³-le⁴ na⁴xi⁴na³nta¹-le⁴
 Cristo. Ncjin² cho⁴ta⁴ tsa³ca³co¹ya³-
 le⁴. C⁷oa⁴ cho⁴ta⁴-le⁴ Cristo
 cristianos tsa³c⁷in² nca³ ti¹tjon²
 ya⁴ Antioquía. ²⁷C⁷ia⁴ ni⁴čhjin³-
 ve⁴ ji³tjo³jen³-ni³ Jerusalén cho⁴ta⁴
 xi³ qui³nchja⁴ya³ t⁷a³ts⁷e⁴ Ni³na¹.
 Ja³⁷ai³ ya⁴ Antioquía. ²⁸Jnco³ xi³
 Agabo ⁷mi² tsa³qui³so¹tjen⁴jⁱⁿ³.
 Tsa³ca¹ya³con³ nca³ n⁷ion¹ tse³
 cji³n⁷cha¹ xi³ coan⁴ nca³qui³jnta²
 son³⁷nte³, nca⁴ je² Espiritu Santo xi³
 c⁷oa⁴-s⁷in² qui³tso²-le⁴. C⁷oa⁴coan³
 je² ni⁴čhjin³ c⁷ia⁴ nca³ tsa³c⁷e²jna³
 jnco³ xi³ tsa³ca³te¹xo³ma³ xi³
 Claudio ⁷mi². ²⁹C⁷ia⁴ je² cho⁴ta⁴-
 le⁴ Cristo qui³si³cja³⁷ai³tsjen³ nca³
 tsjoa¹nca³n⁷ion¹-le⁴ jo³-s⁷in² tjⁱⁿ¹-
 le⁴ nca³ jnco¹jnc¹. C⁷oa⁴-s⁷in²

tsa³qui³ncha³cao⁴ nts⁷e⁴ xi³ tjo¹
 ya⁴ Judea. ³⁰C⁷oa⁴-ti⁴s⁷in² qui³s⁷in³,
 qui³si³ca³sen¹-le⁴ cho⁴ta⁴jchi¹nca³.
 Bernabé cao⁴ Saulo qui³cao⁴.

Qui³nto³va² preso Pedro

12 Ti⁴c⁷ia³-ni³ je² cho⁴ta⁴ti¹tjon²
 Herodes tsa³ca³te¹xo³ma³
 nca³ ch⁷ao³ qui³si³cao⁴ c⁷a³ cho⁴ta⁴
 na⁴xi⁴na³nta¹-le⁴ Cristo. ²Cuchillo
 qui³si³c⁷en³-ni³ Jacobo nts⁷e⁴ Juan.
³C⁷ia⁴ nca³ qui³sa³sen³c⁷a³-le⁴
 cho⁴ta⁴ judío, c⁷oa⁴-ti⁴ coan³me³-
 le⁴ nca³ qui³tsoa³ Pedro. Coi³
 ni⁴čhjin³-ve⁴ c⁷ia⁴ nca³ nio⁴xti²la⁴
 xi³ tsin²-le⁴ na⁴⁷yo⁴san³-jin². ⁴C⁷ia⁴
 nca³ qui³nto³va² preso Pedro,
 Herodes qui³si³cja³⁷a³s⁷en³ nto⁴ya¹.
 Qui³sca³ni¹t⁷a³-le⁴ čhja³⁷aon²jnc³
 so³nta²do⁴ xi³ qui³si³coi²nta⁴.
 Herodes me³-le⁴ nca³ c⁷oa⁴sje³-
 le⁴ cho⁴ta⁴ na⁴xi⁴na³nta¹, c⁷ia⁴ nca³
 je³ja³⁷a³to³ s⁷oi¹ pa²xco⁴. ⁵C⁷oa⁴-
 s⁷in² Pedro tsa³c⁷e²jna³tjao²⁷ya³ ya⁴³
 nto⁴ya¹. To⁴nca³ je² na⁴xi⁴na³nta¹-
 le⁴ Cristo li²coi³ va³tio²jyo¹, to⁴jo³
 ña³qui³ n⁷ion¹ tjo¹v⁷e¹ts⁷oa³-le⁴
 Ni³na¹ xi³ t⁷a³ts⁷e⁴ Pedro.

Ji³tjo³ntjai² Pedro

⁶C⁷ia⁴ nca³ me³-le⁴ c⁷oa⁴sje³
 Pedro je² Herodes, ti⁴je²-ni³
 ni⁴tjen⁴ Pedro ti¹qui³jna³fe²⁷ncho²-
 le⁴ jao² so³nta²do⁴. Jao² cadena
 tji¹t⁷a³n⁷ion¹-ni³. Je² xi³ tjo¹ma³
 si¹coi²nta⁴ nto⁴ya¹ ya⁴ncha³ jcho³
 xo⁴ntjoa⁴-le⁴ nto⁴ya¹. ⁷To⁴nca³ coe⁴-
 ni³ je² a²ncje⁴-le⁴ Nai³-na¹ ji³cho².
 Coan³⁷i³sen³son² ya⁴³ nto⁴ya¹. Je²
 a²ncje⁴-ve⁴ qui³si³cao⁴ Pedro t⁷a³jni¹-
 le⁴, qui³si³cja³⁷a¹-le⁴, c⁷oi⁴qui³tso²-le⁴:
 Xa¹ti¹ ti⁴so¹tjain⁴. C⁷ia⁴ je² cadena xi³
 tji¹t⁷a³ ntsja³ Pedro qui³tjo³ca³t⁷a³.

⁸A²ncje⁴ c⁷oa⁴qui³tso²-le⁴ Pedro:
 T⁷e²n⁷ioin¹³ n⁷o¹cja¹ntia³-li⁴, tja³yai³
 jte¹-li⁴. C⁷oa⁴qui³s⁷in³ Pedro.
 A²ncje⁴ c⁷oi⁴qui³tso²-le⁴: Ch⁷a⁴cjai¹³
 tso⁴nca⁴-li⁴, n⁷choa¹tjen⁴nqui³-nai¹³.
⁹C⁷ia⁴ ji³tjo³ Pedro, qui³tjen⁴nqui³-
 le⁴ a²ncje⁴-ve⁴. Li²coi³ ve³ tsa²
 cjoa⁴qui²xi⁴ xi³ qui³s⁷in³ je² a²ncje⁴.
 Qui³si³cja³⁷ai³tsjen³ nca³ to⁴ni³jña¹
 xi³ qui³ts⁷ai²-le⁴. ¹⁰Ja³⁷a³⁷t⁷a³-le⁴ xi³
 se¹jña³ti¹tjon², c⁷oa⁴ xi³ ma³jao²-
 ni³ xi³ tjio¹ma³ si¹coi²nta⁴ nto⁴ya¹.
 Ji³cho² jña³ nca³ xo⁴ntjoa⁴qui⁴cha⁴,
 jña³ nca³ vi³tja¹s⁷en³-nia¹
 na⁴xi⁴na³nta¹. To⁴qui³tjo³⁷ai² to⁴je².
 Ji³tjo³, ja³⁷a³⁷ncho² jnc³ calle. C⁷ia⁴
 a²ncje⁴-ve⁴ ji³tjo³xin² nti⁴ton⁴-le⁴.
¹¹C⁷ia⁴ Pedro qui³si³cja³⁷ai³tsjen³nta³,
 c⁷oi⁴qui³tso²: Nt⁷ai⁴-vi⁴ntai⁴
 ña³qui³ ma³cjain¹-na³ nca³ je²
 Nai³-na¹ ca²si¹ca³sen¹ a²ncje⁴-
 le⁴, ca²fa³⁷a¹xin²-na³ ja⁴ya³ ntsja³
 Herodes cao⁴ nca³ts⁷i³ cho⁴ta⁴ judíos
 xi³ tjio¹ma³ co³ya³-na³. ¹²C⁷ia⁴ nca³
 je³qui³sco³son²-ni³le⁴ je²-vi⁴, Pedro
 ji³cho² ya⁴ ni³⁷ya³-le⁴ María, na⁴-le⁴
 Juan. Je² xi³ Marcos ⁷mi² jan³⁷ain¹-
 le⁴ xi³ ma³jao²-ni³. Ya⁴ ni³⁷ya³-le⁴
 María ncjin² cho⁴ta⁴ tjio¹jtin¹,
 c⁷oa⁴ tjio¹v⁷e¹ts⁷oa³. ¹³Pedro
 qui³si³cja³ne³t⁷a³ xo⁴ntjoa⁴ ni³⁷ya³.
 Ji³tjo³ jnc³ tso²ti³ nca³ cjo¹n⁷ch⁷oe¹.
 Rode ⁷mi² tso²ti³-ve⁴. ¹⁴C⁷oa⁴ je²-
 vi⁴⁷ni³ qui³n⁷ch⁷oe¹ jta⁴-le⁴ Pedro.
 Coan³tsjoa³-le⁴ sa³⁷nta³ li²coi³
 qui³sco³⁷ai² xo⁴ntjoa⁴. To⁴ja³⁷a³s⁷en³
 to³ca³-ni¹ ya⁴ya³ ni³⁷ya³. Tsa³c⁷e¹
 na⁴jmi¹ nca³ je² Pedro ya⁴ se¹jña³
 j⁷cho³ xo⁴ntjoa⁴. ¹⁵Cho⁴ta⁴-ve⁴
 C⁷oa⁴qui³tso²-le⁴: Sca¹-la⁴li². To⁴nca³
 tso²ti³ to⁴jo³ c⁷oa⁴-s⁷in² ti¹tso² nca³
 ña³qui³ je². C⁷ia⁴ c⁷oa⁴qui³tso²
 cho⁴ta⁴-ve⁴: Je²-la⁴ a²ncje⁴-le⁴.

¹⁶C⁷oa⁴ Pedro to⁴jo³ ti¹si¹cja³ne³.
 C⁷ia⁴ nca³ qui³tjo³⁷ai²-le⁴, tsa³⁷ya³-le⁴
 nca³ je². To⁴coan³xcon¹-le⁴ cho⁴ta⁴.
¹⁷To⁴nca³ Pedro qui³sco²mi³tjen³
 ntsja³ nca³ jyo¹ ca²ta³tio². Tsa³c⁷e¹
 na⁴jmi¹ jo³-s⁷in² ts⁷a³sje³-ni³ nto⁴ya¹
 Nai³-na¹. C⁷oa⁴qui³tso²: C⁷oa⁴-
 s⁷in² t²e²-lao⁴³ na⁴jmi¹ Jacobo cao⁴
 nca³ts⁷i³ nts⁷e³². C⁷ia⁴ ji³tjo³ qui³ jña³
 nca³ xin². ¹⁸C⁷ia⁴ nca³ qui³s⁷e³sen¹,
 cjai¹ to⁴qui³s⁷e³-le⁴ cjoa⁴si³ so³nta²do⁴
 xi³ t⁷a³ts⁷e⁴ jo³-s⁷in² ca²ma³-ni³
 nca³ ca²vi³tjo³-ni³ Pedro. ¹⁹C⁷oa⁴
 Herodes tsa³ca¹sjai³, to⁴nca³ li²coi³
 coan³sjai³-le⁴. Qui³tsi²na³nqui³-
 le⁴ nca³ts⁷i³ xi³ tjio¹ma³ si¹coi²nta⁴.
 Tsa³ca³te¹xo³ma³ nca³ coai⁴ ni²c⁷en³.
 C⁷ia⁴ Herodes qui³jen³-ni³ ya⁴ Judea,
 ji³cho² ya⁴ Cesarea, ya⁴ tsa³c⁷e²jña³.

Qui³ni²c⁷en³ Herodes

²⁰Herodes a³li² to⁴c⁷oa⁴cji³
 jti³ coan³-le⁴ cao⁴ cho⁴ta⁴ xi³
 ts⁷e⁴ Tiro cao⁴ Sidón. To⁴nca³
 nca³ts⁷i³ cho⁴ta⁴-ve⁴ to⁴jnc³
 ja³⁷ai³con²-le⁴. Tsa³c⁷e¹chji¹⁷ma³
 Blasto, je² xi³ qui³si³sin³-
 le⁴ cho⁴ta⁴ti¹tjon²-ve⁴. C⁷ia⁴
 qui³si³je¹ nca³ ca²ta³njen³nch⁷an¹
 cjoa⁴si³, nca⁴ je² xi³ qui³squi³ne³
 cho⁴ta⁴-ve⁴ ja³⁷ai³-ni³ na³nqui³-
 le⁴ cho⁴ta⁴ti¹tjon²-ve⁴. ²¹Jnc³
 ni⁴chjin³ xi³ qui³s⁷e³jña³choa⁴,
 Herodes tsa³c⁷a³cja¹ na³jño³ xi³
 ts⁷e⁴ cho⁴ta⁴ti¹tjon², tsa³c⁷e²jña³ne²
 ya¹xi²le⁴-le⁴, qui³nchja⁴ya³jim³-
 le⁴ na⁴xi⁴na³nta¹. ²²N⁷ion¹
 qui³squi³⁷ntia¹ cho⁴ta⁴ na⁴xi⁴na³nta¹:
 Je²-la⁴ve⁴ jta⁴-le⁴ Ni³na¹, a³li² tsa² je²
 xi³ ts⁷e⁴ cho⁴ta⁴. ²³Nti⁴ton⁴ a²ncje⁴-
 le⁴ Nai³-na¹ tsa³c⁷e¹-le⁴ Herodes,
 to⁴coi³ cjoa⁴ nca³ Herodes li²coi³
 qui³tsjoa³-le⁴ cjoa⁴je³ya³ Ni³na¹.

Ya¹ja⁴ qui³s⁷e³-le⁴, c⁷oa⁴-s⁷in² c⁷en³.
24To⁴nca³ je² en¹-le⁴ Nai³-na¹ a³li²
to⁴c⁷oa⁴cji³ qui³son², coan³ncjin²ya³
xi³ coan³cjain¹-le⁴. **25**Bernabé cao⁴
Saulo ji³nchoa³ nqui²ntia³-ni³ ya⁴
Jerusalén, nca³ je³qui³si³jnc³ xa¹-
le⁴. C⁷oa⁴-ti⁴ ji³nchoa³cao⁴ Juan,
je² xi³ Marcos ⁷mi² jan³⁷ain¹-le⁴ xi³
ma³jao²-ni³.

Ma³jnc³-ni³ c⁷a³ nca³ qui³ni²ca³sen¹
Bernabé cao⁴ Saulo

13 Ja⁴jⁱⁿ³-le⁴ na⁴xi⁴na³nta¹-
le⁴ Cristo xi³ ma³ñ^a ya⁴
Antioquía, tjⁱⁿ¹ cho⁴ta⁴ xi³ nchja⁴ya³
cao⁴ xi³ va³co¹ya³: Bernabé, cao⁴
Simón xi³ Niger ⁷mi², cao⁴ Lucio
xi³ ts⁷e⁴ Cirene, cao⁴ Manaén, je²-
vi⁴ coan³jcha¹ cao⁴ Herodes je²
cho⁴ta⁴ti¹tjon², cao⁴ Saulo.

²Nca³ts⁷i³ cho⁴ta⁴-vi⁴
qui³si³xa¹t⁷a³-le⁴ Nai³-na¹,
tsa³ca³tio²nchjan³-ni¹. C⁷ia⁴ qui³tso²
Espíritu Santo: Chja⁴⁷a²xin²-nao¹³
Bernabé cao⁴ Saulo xi³ t⁷a³ts⁷e⁴ xa¹
xi³ an³ qui³nchja²³-ni³le⁴. ³C⁷ia⁴
tsa³ca³tio²nchjan³, c⁷oa⁴ tsa³c⁷e¹ts⁷oa³
cho⁴ta⁴-ve⁴. Tsa³ca¹yo³son² ntsja³
Bernabé cao⁴ Saulo, qui³si³ca³sen¹.
⁴C⁷oa⁴ je²-vi⁴⁷ni³ qui³ni²ca³sen¹
nca³ je² Espíritu Santo xi³
c⁷oa⁴qui³tso², ji³cho²jen³ ya⁴
Seleucia. Ya⁴ qui³son²nta¹ sa³⁷nta³
ya⁴ Chipre. ⁵C⁷ia⁴ nca³ ji³cho²
ya⁴ Salamina, qui³nchja⁴ya³ en¹-
le⁴ Ni³na¹ ya⁴³ nt⁷ia³ sinagoga xi³
ts⁷e⁴ cho⁴ta⁴ judío. C⁷oa⁴-ti⁴ qui³
Juan, tsa³ca³sen¹cao⁴ Bernabé cao⁴
Saulo. ⁶Qui³ nca³qui³jnta² ⁷nte³ ya⁴
Chipre xi³ isla (jñ^a ³tjio¹-jin³ tse³jti³
na³nqui³ nta¹chi³con³). Ji³cho²
sa³⁷nta³ Pafos. Ya⁴ qui³sa³te³jⁱⁿ³
jnc³ cho⁴ta⁴ xi³ tji³⁷e³ cjoan³, jnc³

cho⁴ta⁴ judío xi³ to⁴⁷en¹nti³so³
nchja⁴ya³. Barjesús ⁷mi². ⁷Ya⁴
ti¹jna³cao⁴ je² cho⁴ta⁴ti¹tjon² xi³ ⁷mi²
Sergio Paulo, jnc³ cho⁴ta⁴x⁷in⁴ xi³
cjai¹nca³ nta³ tjⁱⁿ¹ cjoa⁴fa³⁷ai³tsjen³-
le⁴. Je²-vi⁴ xi³ qui³nchja⁴-le⁴
Bernabé cao⁴ Saulo. Me³-le⁴ nca³
cjo⁴i⁴nch⁷oe¹ en¹-le⁴ Ni³na¹. ⁸To⁴nca³
tsa³c²e²jna³n⁷ion¹-le⁴ je² Elimas xi³
cho⁴ta⁴chji⁴ne⁴ tso²-ni³. Me³-le⁴ nca³
cjoa⁴⁷a²xin² je² xi³ ti¹fa³⁷a³s⁷en³jⁱⁿ³
ni⁴ma⁴-le⁴ cho⁴ta⁴ti¹tjon². ⁹C⁷ia⁴
Saulo, xi³ c⁷oa⁴-ti⁴ Pablo ⁷mi²,
cjai¹nca³ nta³ qui³s⁷e³jⁱⁿ³ ni⁴ma⁴-le⁴
je² Espíritu Santo. Qui³sco³⁷a²-ni¹
Elimas. ¹⁰C⁷oi⁴qui³tso²-le⁴: Ja⁴!
A³li² to⁴c⁷oa⁴cji³ cjoa⁴ch⁷a¹na⁴-cha⁴
cjoa⁴taon³ xi³ tjⁱⁿ¹-li², ji³ xi³ ⁷nti¹-le⁴
nai⁴², co²ntran⁴-le⁴ ji³ nca³yi³je³ xi³
cjoa⁴qui²xi⁴. A³ tsi² tsa² coi⁴jna³jyoi¹³
nca³ c⁷oa⁴-s⁷in² ni²qui³xo¹ya³ je²
ntia⁴² xi³ qui²xi⁴ xi³ ts⁷e⁴ Nai³-na¹.
¹¹Ne³ nt⁷ai⁴-vi⁴ntai⁴, je² ntsja³ Nai³-
na¹ co²ntran⁴ coai⁴-li². Coan⁴xcai⁴,
li²coi³ jchai⁴ ts⁷oi¹ jo³ tjⁱⁿ¹ ni⁴xhjin³.
Nti⁴ton⁴ coan³njion²xa⁴-le⁴ xcon⁴,
c⁷ia⁴ ñ^aqui³ n⁷ion¹ coan³njion²-
le⁴ son³⁷nte³ je² Barjesús.
Tsa³c⁷a³mjen³ntai³, tsa³ca¹sjai³
⁷ya³-ni³ve⁴ xi³ coai⁴cao⁴-ni³ ntsja³.
¹²C⁷ia⁴ nca³ je² cho⁴ta⁴ti¹tjon² tsa³ve³
jme³-ve⁴ xi³ coan³, coan³cjain¹-
le⁴. To⁴coan³xcon¹-le⁴ je² cjoa⁴ xi³
tsa³ca³co¹ya³ xi³ ts⁷e⁴ Nai³-na¹.

Pablo qui³nchja⁴ya³ ya⁴ Antioquía

¹³Pablo cao⁴ mi²yo⁴-le⁴ xi³
tjen⁴cao⁴ ji³tjo³-ni³ ya⁴ Pafos. Ja³⁷ai³
ya⁴ Perge xi³ ts⁷e⁴ na³nqui³ Panfilia.
C⁷ia⁴ Juan ji³tjo³xin²t⁷a³-le⁴. Qui³
nqui²ntia³-ni³ ya⁴ Jerusalén. ¹⁴Je²
xi³c⁷a³ to⁴ja³⁷a³to³-ni¹ Perge. Ji³cho²
ya⁴ Antioquía xi³ ts⁷e⁴ na³nqui³

Pisidia. Jnco³ ni⁴čhjin³ ni²cja¹ya³
ja³⁷a³s³en³ ya⁴³ nt⁷ia³ sinagoga. Ya⁴
tsa³ca³tio². ¹⁵C⁷ia⁴ nca³
je³qui³s²e³xquia⁴ je² cjoa⁴te¹xo³ma³
cao⁴ je² xon⁴ xi³ ts⁷e⁴ je² xi³
qui³nchja⁴ya³ t⁷a³ts⁷e⁴ Ni³na¹, je²
cho⁴ta⁴ti¹tjon²-le⁴ nt⁷ia³ sinagoga
qui³nchja⁴-le⁴ Pablo cao⁴ mi²yo⁴-le⁴,
c⁷oa⁴qui³tso²: Nca³ts⁷io³ ⁷nti¹nts⁷e³,
tsa² tjin¹-no³ jme³-ve⁴ en¹ xi³
c⁷oe¹ne²-lao⁴³ na⁴xi⁴na³nta¹,
ti⁴no²cjoa⁴³. ¹⁶C⁷ia⁴ Pablo
tsa³ca³sen²nto³, qui³sco²mi³tjen⁴
ntsja³ nca³ jyo¹ ca²ta³tio²,
c⁷oa⁴qui³tso²: Nca³ts⁷io³ cho⁴ta⁴
israelitas, c⁷oa⁴ jon² xi³ jcon³chao³
Ni³na¹, ti⁴no¹⁷yao²³: ¹⁷Je² Ni³na¹-le⁴
cho⁴ta⁴ israelitas tsa³cja³⁷a¹j³
n⁷ai³jcha¹cjin³-na¹, qui³si³quin³nc⁷a³
je² cho⁴ta⁴-ve⁴ c⁷ia⁴ nca³
ji³cho²ca³tio² jo³ tjin¹ ni⁴čhjin³ ya⁴
na³nqui³ Egipto. To⁴nca³ Ni³na¹
qui³sco²mi³tjen⁴ čhja³-le⁴ nca³
tsa³ca³sen¹cao⁴, ts⁷a³sje³xin²-ni³
⁷nte³-ve⁴ cho⁴ta⁴ israelitas.
¹⁸Ñ³chan²-la⁴ no¹ qui³si³cjin¹
Ni³na¹ jo³-s⁷in² qui³cao⁴ yao³-le⁴
cho⁴ta⁴ israelitas ya⁴
⁷nte³⁷a³xin²⁷a³. ¹⁹Ñ³a³to³ ⁷nte³
qui³si³qui³xo²ya³ ya⁴ na³nqui³
Canaán. To⁴qui³si³c⁷a³vi¹ cjoa⁴tjao²-
le⁴ cho⁴ta⁴ israelitas je² ⁷nte³-ve⁴.
²⁰Ñ³o³ ciento cao⁴-ni³ ñ³chan²te³ no¹
Ni³na¹ qui³tsjao³-le⁴ cho⁴ta⁴
israelitas xca²le⁴ti¹tjon² xi³
tsa³ca³te¹xo³ma³ sa³⁷nta³ Samuel xi³
qui³nchja⁴ya³ t⁷a³ts⁷e⁴ Ni³na¹. ²¹C⁷ia⁴
qui³si³je¹ cho⁴ta⁴ti¹tjon². Ni³na¹
qui³tsjao³-le⁴ jnco³ xi³ Saúl ⁷mi²,
⁷nti¹-le⁴ Cis, jnco³ x⁷in⁴ xi³ ntje⁴-le⁴
Benjamín. Na³chan² no¹
tsa³ca³te¹xo³ma³. ²²C⁷ia⁴ nca³
je³ji³tjo³xin² je²-vi⁴, c⁷ia⁴ qui³sa³sen³

xa¹ cho⁴ta⁴ti¹tjon² David. Xi³ t⁷a³ts⁷e⁴
David Ni³na¹ qui³tsjao³ en¹, nca³
c⁷oi⁴qui³tso²: Je³qui³sa³co³-na³
David, ⁷nti¹-le⁴ Isaí, jnco³
cho⁴ta⁴x⁷in⁴ xi³ tjin¹jnco³-le⁴ con³
ni⁴ma⁴-na⁴, xi³ c⁷oa⁴s⁷in⁴² nca³yi³je³
jo³-s⁷in² me³-na³. ²³Ya⁴ ntje⁴-le⁴
David ja³⁷ai³-ni³ Jesús xi³
c⁷oa⁴sje³ntjai² cho⁴ta⁴ israelitas,
jo³-s⁷in² nca³ Ni³na¹ qui³tsjao³ ts⁷oa³.
²⁴To⁴nqui³-ni³ nca³ ja³⁷ai³ Jesús,
Juan qui³nchja⁴ya³j³in³-le⁴ nca³ts⁷i³
cho⁴ta⁴ israelitas nca³ca²ta³sa³te¹nta¹
je² cho⁴ta⁴ xi³ qui³si³c⁷a³ntjai²ya³
cjoa⁴fa³⁷ai³tsjen³-le⁴. ²⁵C⁷ia⁴ nca³
Juan ti¹fe³t⁷ain³ xa¹ xi³ tso²⁷va³-ni³,
c⁷oa⁴qui³tso²: ⁷ya¹ nia¹³ an³, jo¹
vi³xon¹³. A³li² an³-jian²³ xi³ Cristo.
To⁴nca³ coe⁴-ni³ jnco³ xi³
nchoa¹tjen⁴nqui³-na³, sa³⁷nta³ li²coi³
va³quin²-na³ nca³ sco³jnta¹³
čhjoa⁴xin¹jte¹-le⁴. ²⁶Nca³ts⁷io³
⁷nti¹nts⁷e³, ⁷nti¹xti³-le⁴ xi³ ntje⁴-le⁴
Abraham, c⁷oa⁴ jon² xi³ ti³yo³jion³-
vi⁴, xi³ jcon³chao³ Ni³na¹, jon² nio¹³
xi³ ja³⁷ai³-no³ je² en¹-vi⁴, jo³-s⁷in²
vi²tjo⁴ntje². ²⁷Nca³ts⁷i³ cao⁴
cho⁴ta⁴ti¹tjon²-le⁴ xi³ tjio¹ ya⁴
Jerusalén, li²coi³ tsa³ve³ Jesús, c⁷oa⁴
li²coi³ qui³nch⁷oe¹ en¹-le⁴ cho⁴ta⁴ xi³
qui³nchja⁴ya³ t⁷a³ts⁷e⁴ Ni³na¹, nta³
tsa² jin³j³in³ ni⁴čhjin³ nca³ ni⁴čhjin³
ni²cja¹ya³ s²e³xquia⁴ xon⁴-le⁴. C⁷oa⁴-
s⁷in² cho⁴ta⁴ ya⁴ Jerusalén
qui³si³cji³tjo³son² en¹-le⁴ cho⁴ta⁴ xi³
qui³nchja⁴ya³ t⁷a³ts⁷e⁴ Ni³na¹ nca³
qui³si³cja³⁷a¹ cjoa⁴n⁷ain³ Jesús.
²⁸Nta³ tsa² tsi²jme³ je¹ xi³
coan³sjai³-le⁴ cho⁴ta⁴ xi³ t⁷a³ts⁷e⁴
Jesús, nta³ tsa² tsi²coi³ va³quin²-le⁴
nca³ c⁷oa⁴-s⁷in² qui³ni²c⁷en³-ni³,
cho⁴ta⁴ qui³si³je¹-le⁴ Pilato nca³
si⁴²c⁷en³. ²⁹C⁷ia⁴ nca³

je³qui³si³tjo³son² nca³yi³je³ cjoa⁴ xi³
c⁷oa⁴-s⁷in² tji¹t⁷a³ t⁷a³ts⁷e⁴ Jesús,
tsa³cja³⁷a¹xin²t⁷a³ cro², c⁷oa⁴ qui³
ca¹jna³ya³ tsjo¹. ³⁰To⁴nca³ Ni³na¹
qui³sco²mi³tjen⁴j³in³-ni³le⁴ c⁷en³.
³¹Ncjin² ni⁴čhjin³ tsa³⁷ya³-ni³le⁴. Je²
xi³ tsa³ve³, je² ni¹ xi³
ji³nčhoa³mi³cao⁴-ni³ Galilea sa³⁷nta³
Jerusalén. Je² ni¹ xi³ testigo-le⁴
Jesús, c⁷oa⁴ xi³ v⁷e¹-le⁴ na⁴jmi¹
cho⁴ta⁴ na⁴xi⁴na³nta¹. ³²C⁷oa⁴-ti⁴
jin⁴-jin⁴ c⁷oa⁴-s⁷in² no²cjoa⁴ya³j³in³-
lai²⁴j⁴in⁴ je² en¹nta³ xi³ t⁷a³ts⁷e⁴ je² xi³
Ni³na¹ qui³tsjoa³-le⁴ ts⁷oa³ je²
n⁷ai³jcha¹cjin³-na¹. ³³Coi³ xi³ Ni³na¹
ñ³a³qui³ qui³si³qui³tjo³son²-na¹ xi³
xti³-le⁴ n⁷ai³jcha¹cjin³-na¹, nca³
qui³si³cja³⁷a¹ya³-ni³le⁴ Jesús, jo³-s⁷in²
tji¹t⁷a³ ya⁴ salmo xi³ ma³jao²-ni³: Ji³
ni¹³ ⁷nti¹-na⁴, n⁷ai⁴-vi⁴ ji³ xi³ c⁷oa⁴-
s⁷in² ⁷nti¹-na⁴ xin³-le²³. ³⁴Ni³na¹
qui³sco²mi³tjen⁴j³in³-ni³ xi³ c⁷en³
Jesús, nca³ tsi² c⁷ia³ cjo⁴⁷nto³
yao³-le⁴. C⁷oa⁴qui³tso²: An³ tsjoa³-no³
nca³ jon² je² cjoa⁴nta³ xi³ ñ³a³qui³
c⁷oa⁴tjin¹ xi³ qui³tsjoa³ ntso⁴⁷va³
t⁷a³ts⁷e⁴ David. ³⁵Coi³ nca³ c⁷oa⁴-ti⁴
tso² ñ³a³ tji¹t⁷a³-sa³: Li²coi³
c⁷oi⁴⁷nte³-lai⁴ ⁷nti¹-li⁴ xi³ tsje³ nca³
cjo⁴⁷nto³ yao³-le⁴. ³⁶Cjoa⁴qui²xi⁴,
c⁷ia⁴ nca³ David je³coan³chjen¹-le⁴
na⁴xi⁴na³nta¹-le⁴ qui³si³tjo³son²
jo³-s⁷in² me³-le⁴ Ni³na¹, David
qui³s⁷e³fe². Qui³tjoe¹tjao²t⁷a³-le⁴
n⁷ai³jchi¹nca³-le⁴, yao³-le⁴ ji³⁷nto³.
³⁷To⁴nca³ li²coi³ ji³⁷nto³ yao³-le⁴ je²
xi³ Ni³na¹ qui³sco²mi³tjen⁴.
³⁸Ca²ta³⁷yao³ nca³ts⁷io³ ⁷nti¹nts⁷e³
nca³ to³t⁷a³ts⁷e⁴ Jesús c⁷oa⁴-s⁷in²
no²cjoa⁴ya³j³in³-no³ nca³ cha³⁷a³-no³
je¹-no³. ³⁹Xi³ to⁴t⁷a³ts⁷e⁴ Jesús
nca³ts⁷i³ xi³ ma³cjain¹-le⁴ fe³t⁷a³-le⁴
je¹-le⁴. Je² cjoa⁴te¹xo³ma³ xi³

tsa³c⁷e¹jna³-no³ Moisés li²coi³
qui³si³cje³t⁷a³-no³ je¹. ⁴⁰Ti⁴coi²ntao⁴³
yao³-no³ tso²c⁷oa⁴, jme¹-ni³ nca³ tsi²
c⁷oa⁴coan³t⁷ain³-si¹nio³ jo³ qui³tso²
cho⁴ta⁴ xi³ qui³nchja⁴ya³ t⁷a³ts⁷e⁴
Ni³na¹. ⁴¹Cho¹tsaon³ jon² xi³ taon³
⁷yao³, ca²ta³ma³xcon¹-no³,
ca²ta³chao³. An³ c⁷oa⁴s⁷ian³ jnco³ xa¹
je² ni⁴čhjin³-no³, jnco³ xa¹ xi³ tsi²
coi³ coan⁴cjain¹-no³ tsa² jnco³ xi³
c⁷oe⁴²-no³ na⁴jmi¹. ⁴²C⁷ia⁴ nca³ Pablo
cao⁴ mi⁷yo⁴-le⁴ ji³tjo³-ni³ nt⁷ia³
sinagoga xi³ ts⁷e⁴ cho⁴ta⁴ judíos,
cho⁴ta⁴ xi³ li² judío-jin²
tsa³c⁷e¹ts⁷oa³-le⁴ nca³
ti⁴ca²ta³tso²ya³-nca¹ni³le⁴ je² en¹ je²
ni⁴čhjin³ ni²cja¹ya³ xi³jnc³. ⁴³C⁷ia⁴
nca³ qui³si³xa³t⁷a³ xi¹ncjin¹ nca³ts⁷i³
xi³ coan³ñ³-ve⁴, ncjin² cho⁴ta⁴
judíos cao⁴ cho⁴ta⁴ xi³ qui³t⁷a³-le⁴
cho⁴ta⁴ judíos qui³tjen⁴nqui³-le⁴
Pablo cao⁴ Bernabé. Pablo cao⁴
Bernabé tsa³cja¹cao⁴, n⁷ion¹
tsa³c⁷e¹ne²-le⁴ nca³
ca²ta³v⁷e²jna³j³in³ntsjai² ni⁴ma⁴-le⁴
je² cjoa⁴nta³-le⁴ Ni³na¹. ⁴⁴C⁷ia⁴ nca³
ni⁴čhjin³ ni²cja¹ya³ xi³jnc³, a³li²
to⁴c⁷oa⁴cji³ coan³ñ³ cho⁴ta⁴
na⁴xi⁴na³nta¹, nca³ qui³nč⁷oe¹ je²
en¹-le⁴ Ni³na¹. ⁴⁵To⁴nca³ cjai¹nca³
coan³chi⁴ni⁴ cho⁴ta⁴ judíos, c⁷ia⁴ nca³
tsa³ve³ nca³ n⁷ion¹ ncjin² cho⁴ta⁴
coan³ñ³. C⁷oa⁴qui³tso² nca³ li²coi³
c⁷oa⁴tjin¹ je² en¹-le⁴ Pablo.
Qui³nchja⁴⁷aon³-le⁴. ⁴⁶C⁷ia⁴ Pablo
cao⁴ Bernabé coan³n⁷ion¹con³,
c⁷oa⁴qui³tso²: Cjoa⁴qui²xi⁴
coan³chjen¹-cjoa²la² nca³
qui³nchja⁴ya³j³in³-no³ nca³ jon² je²
en¹-le⁴ Ni³na¹. To⁴nca³ coi³ nca³
cai³-no³, c⁷oa⁴ ni²cja³⁷ai³tsjaon³ nca³
tsi² coi³ va³quin²-no³
cjoa⁴vi³jna³chon³ nca³ntsjai²,

coe⁴-ni³, coa⁴nquin¹chon³-lai⁴jín⁴
 cho⁴ta⁴ xi³ li² judío-jin². 47 C⁷oa⁴-s⁷in²
 tsa³ca³te¹xo³ma³-na³jín⁴ Nai³-na¹,
 c⁷oa⁴qui³tso²: Ji³ tsa³c⁷e³jna²-le²³ xa¹
 nca³ ni⁴⁷i³sen³-lai⁴ cho⁴ta⁴ xi³ li²
 judío-jin², jme¹-ni³ nca³ c⁷oa⁴-s⁷in²
 coi⁴tjo³ntjai²-ni³ cho⁴ta⁴ jña³ sa³⁷nta³
 fe³t³a³-ni³ son³²nte³. 48 C⁷ia⁴ nca³ je²
 cho⁴ta⁴ xi³ li² judío-jin² qui³nch⁷oe¹
 en¹ xo⁴ tjin¹-vi⁴, a³li² to⁴c⁷oa⁴cji³
 coan³tsjoa³-le⁴. Ts⁷a³sje³je³ya³ je²
 en¹-le⁴ Nai³-na¹. Coan³cjain¹-le⁴
 nca³ts⁷i³ xi³ qui³si³ncha³nta³ xi³
 t⁷a³ts⁷e⁴ cjoa⁴vi³jna³chon³
 nca³ntsjai². 49 C⁷oa⁴ je² en¹-le⁴
 Nai³-na¹ qui³son² nca³qui³jnta² je²
 na³nqui³-ve⁴. 50 To⁴nca³ cho⁴ta⁴
 judíos tsa³qui³ncha¹²a³
 cho⁴ta⁴ti¹tjon²-le⁴ na⁴xi⁴na³nta¹-ve⁴
 cao⁴ ya¹nchjin¹ xi³ n⁷ion¹ fi² yo⁴nc⁴,
 c⁷oa⁴ xi³ ya¹nchjin¹-le⁴
 cho⁴ta⁴ti¹tjon². C⁷oa⁴-s⁷in²
 qui³sco²mi³tjen⁴ cjoa⁴si³ nca³
 co²ntran⁴ qui³-le⁴ Pablo cao⁴
 Bernabé. Ña³qui³ tsa³cja³⁷a¹xin² ya⁴
²nte³-le⁴. 51 Pablo cao⁴ Bernabé
 tsa³c⁷e¹tsao³jne³ chao³-le⁴ ntso⁴co⁴.
 C⁷oa⁴-s⁷in² qui³tsjoa³ en¹ co²ntran⁴-
 le⁴ cho⁴ta⁴-ve⁴. Ja³⁷ai³ ya⁴ Iconio.
 52 Cho⁴ta⁴-le⁴ Cristo a³li² to⁴c⁷oa⁴cji³
 coan³tsjoa³-le⁴. Cjain³nca³ nta³
 qui³s⁷e³jín³ ni⁴ma⁴-le⁴ je² Espíritu
 Santo.

**Pablo cao⁴ Bernabé
 qui³nchja⁴ya³ ya⁴ Iconio**

14 C⁷oa⁴coan³ ya⁴ Iconio
 nca³ Pablo cao⁴ Bernabé
 ja³⁷a³s⁷en³ nt⁷ia³ sinagoga xi³ ts⁷e⁴
 cho⁴ta⁴ judíos. A³li² to⁴c⁷oa⁴cji³ nta³
 qui³nchja⁴, sa³nta³ n⁷ion¹ ncjin²
 ma³-ni³ cho⁴ta⁴ judíos cao⁴ cho⁴ta⁴
 griegos xi³ coan³cjain¹-le⁴.

²To⁴nca³ cho⁴ta⁴ judíos xi³ tsi²
 tsa² coan³cjain¹-le⁴ tsa³qui³ncha¹²a³,
 c⁷oa⁴ ch⁷ao³-s⁷in² qui³si³c⁷e¹yo³
 ni⁴ma⁴-le⁴ cho⁴ta⁴ xi³ li² judío-jin²
 nca³ co²ntran⁴ qui³-le⁴ je² nts⁷e⁴.
³Nta³ tsa² c⁷oa⁴coan³t⁷ain³, tse³
 tsa³ca³tio² ya⁴-ve⁴. Coan³n⁷ion¹con³
 nca³ qui³nchja⁴ya³ t⁷a³ts⁷e⁴ Nai³-na¹.
 C⁷oa⁴ je² Nai³-na¹ qui³si³qui²xi⁴ya³
 t⁷a³ts⁷e⁴ en¹ xi³ ts⁷e⁴ cjoa⁴nta³-le⁴
 nca³ qui³tsjoa³ nca³ to⁴ntsja³ Pablo
 cao⁴ Bernabé coan³ni³le⁴ choa⁴
 cao⁴ cjoa⁴xcon¹. ⁴Ja²o² ya³ coan³
 cho⁴ta⁴ na⁴xi⁴na³nta¹. Jnc³ c⁷a² xi³
 cho⁴ta⁴ judíos tjio¹cao⁴, c⁷oa⁴ je² xi³
 nqui²jnc³ c⁷a² pa²stro⁴ tjio¹cao⁴.
⁵Cho⁴ta⁴ judíos, cao⁴ cho⁴ta⁴ xi³
 li² judío-jin², cao⁴ cho⁴ta⁴ti¹tjon²-
 le⁴ ña³qui³ qui³ne²-ni¹ Pablo cao⁴
 Bernabé. Coan³me³-le⁴ nca³ ch⁷ao³
 si⁴²cao⁴, c⁷oa⁴ nca³ coa⁴sen²-le⁴
 la⁴jao⁴. ⁶C⁷ia⁴ nca³ coan³cho⁴ya³-
 le⁴ jme³-ve⁴ xi³ coan⁴t⁷ain³, Pablo
 cao⁴ Bernabé tsa³nca³ ya⁴ Listra
 cao⁴ ya⁴ Derbe, na⁴xi⁴na³nta¹ xi³
 ts⁷e⁴ na³nqui³ Licaonia, c⁷oa⁴ cao⁴
 ya⁴ nca³qui³jnta² ⁷nte³ xi³ ja⁴ntai³-le⁴.
⁷Ya⁴-ve⁴ qui³nchja⁴ya³ je² en¹nta³ xi³
 t⁷a³ts⁷e⁴ Cristo.

Tsa³ca³sen¹-le⁴ la⁴jao⁴ Pablo

⁸Ya⁴ Listra ti¹jna³ jnc³
 cho⁴ta⁴x⁷in⁴ xi³ tsi² tsa² ma³ fi².
 Chi⁴⁷nque¹ cji³ jo³ sa³⁷nta³ nca³
 qui³tsin³. Ni⁴to⁴c⁷ia³-jin² coan³
 ts⁷a³mjen³. ⁹Je²-vi⁴ qui³nch⁷oe¹-
 le⁴ Pablo nca³ qui³nchja⁴. C⁷ia⁴
 nca³ Pablo qui³sco³⁷a², tsa³ve³ nca³
 coan³cjain¹-le⁴ nca³ coan⁴nta³.
¹⁰C⁷ia⁴ n⁷ion¹ qui³nchja⁴ Pablo:
 Ti⁴so¹tjain⁴, ti⁴sen⁴jna³qui²xi⁴-ni³
 ntso⁴coi³. C⁷oa⁴ je² cho⁴ta⁴-ve⁴ni³
 ña³qui³ qui³squi²⁴nc⁷a³-ni¹. Coan³

ts⁷a³mjen³. ¹¹C⁷ia⁴ nca³ tsa³ve³
 nca³ts⁷i³ jme³-ve⁴ xi³ qui³s⁷in³ Pablo,
 n⁷ion¹ qui³nchja⁴ nca³ en¹ licaónica:
 Ni³na¹ xi³ c⁷oa⁴cjoan³ jo³ cjoan³
 cho⁴ta⁴x⁷in⁴ ca²vi³tjo³jen³con³-na¹.
¹²Bernabé, Júpiter qui³tso²-le⁴. C⁷oa⁴
 Pablo, Mercurio qui³tso²-le⁴, nca⁴ je²
 ni¹ xi³ qui³nchja⁴ya³ en¹. ¹³Xco¹son²-
 le⁴ Júpiter se¹jna³ntai³ na⁴xi⁴na³nta¹,
 c⁷oa⁴ je² na⁴mi³-le⁴ ja³ai³cao⁴
 ncha⁴ja⁴ cao⁴ corona ya⁴ xo⁴ntjoa⁴-
 le⁴ nch⁷oa¹-le⁴ na⁴xi⁴na³nta¹. Me³-le⁴
 cao⁴ nca³ts⁷i³ cho⁴ta⁴ na⁴xi⁴na³nta¹
 nca³ si⁴2c⁷en³t⁷a³-le⁴ Pablo cao⁴
 Bernabé. ¹⁴C⁷ia⁴ nca³ qui³nch⁷oe¹
 je² pa²stro⁴ Bernabé cao⁴ Pablo,
 ña³qui³ tsa³ca³sen¹jnta³ na³jño³-le⁴,
 qui³to²ca³jín³-le⁴ cho⁴ta⁴ncjin²-
 ve⁴, qui³squi³ntia¹xa¹-le⁴ nca³ts⁷i³.
¹⁵C⁷oa⁴qui³tso²: Nca³ts⁷io³ ⁷nti¹n⁷ai³,
 a¹-ni³ nca³ c⁷oa⁴n⁷ian²-si¹nio³.
 C⁷oa⁴-ti⁴ jin⁴ cho⁴ta⁴ ni¹⁴-jin⁴, jo³
 ti³ncha³sa³yo³ nca³ jon². C⁷oa⁴-
 s⁷in² ti³no²cjoa⁴ya³jín³-lai²⁴jín⁴ nca³
 ni⁴to⁴jme³-jin² chji¹-le⁴ je² cjoa⁴ xi³
 ti³n⁷iaon²³. Ti⁴n⁷ion¹³ je² cjoa⁴ je²-vi⁴,
 c⁷oa⁴ ta³nquin¹t⁷a³-lao⁴³ je² Ni³na¹ xi³
 ti¹jna³con³, xi³ qui³si³nta³ nc⁷a³jmi³,
 cao⁴ son³⁷nte³, cao⁴ nta¹chi³con³,
 cao⁴ nca³yi³je³ jme³-sa³ xi³ ya⁴
 tjin¹. ¹⁶Je² ni⁴chjin³ xi³ je³ja³⁷a³to³,
 Ni³na¹ qui³tsjoa³⁷nte²-le⁴ nca³ts⁷i³
 cho⁴ta⁴ nca³ tsa³c⁷e²ma³ ntia⁴² xi³
 ti⁴ts⁷e⁴-ni³. ¹⁷To⁴nca³ Ni³na¹ li²coi³
 qui³tsjion³con³ yao³-le⁴, nca tsi² tsa²
 jme³ testigo qui³s⁷e³-le⁴. Cjai¹nca³
 nta³ qui³s⁷in³. Qui³tsjoa³-no³ jtsi¹ xi³
 nc⁷a³jmi³ nchoa³-ni³, c⁷oa⁴ ni⁴chjin³
 jo³-s⁷in² nca³ ma³jcha¹ tso³jmi²ntje².
 Qui³tsjoa³-no³ je² tso³jmi² xi³
 vi³yo³chon³-nio³, cao⁴ cjoa⁴tsjoa³ xi³
 s⁷e³jna³-jin³ ni⁴ma⁴-no³. ¹⁸C⁷ia⁴ nca³
 Pablo cao⁴ Bernabé c⁷oa⁴qui³tso²

je²-vi⁴, to⁴c⁷ia⁴ tsa³ca³te³cja¹ya³
 i⁴tse¹-le⁴ cho⁴ta⁴ na⁴xi⁴na³nta¹,
 jme¹-ni³ nca³ tsi² coi³ qui³tsjoa³-
 si¹ni³le⁴ je² cho⁴ xi³ si⁴²c⁷en³t⁷a³-le⁴.
¹⁹C⁷ia⁴ ji³cho² c⁷a³ cho⁴ta⁴ judíos
 xi³ ji³nchoa³-ni³ ya⁴ Antioquía
 cao⁴ ya⁴ Iconio. Tsa³qui³ncha¹⁷a³
 cho⁴ta⁴ na⁴xi⁴na³nta¹, tsa³ca³sen¹-
 le⁴ la⁴jao⁴ Pablo, tsa³ca¹jve³t⁷a³xin²
 na⁴xi⁴na³nta¹-ve⁴. Je³-la⁴ c⁷en³,
 qui³tso² cho⁴ta⁴. ²⁰To⁴nca³ cho⁴ta⁴-
 le⁴ Cristo coan³ñan³tai³-le⁴ Pablo.
 Pablo ji³so²tjen⁴ nqui²ntia³-ni³,
 ja³⁷a³s⁷en³ nqui²ntia³ na⁴xi⁴-na³nta¹.
 Xi³ coan³nchaon³-ni³ qui³cao⁴
 Bernabé ya⁴ Derbe. ²¹C⁷ia⁴ nca³
 je³qui³nchja⁴ya³-le⁴ je² en¹nta³ xi³
 t⁷a³ts⁷e⁴ Cristo ya⁴ na⁴xi⁴na³nta¹-
 ve⁴, c⁷oa⁴ nca³ je³tsa³ca³co¹ya³-le⁴
 ncjin² cho⁴ta⁴, qui³-nca¹ni³ ya⁴
 Listra, ya⁴ Iconio, ya⁴ Antioquía.
²²Qui³tsjoa³-le⁴ nca³n⁷ion¹ ni⁴ma⁴-
 le⁴ cho⁴ta⁴-le⁴ Cristo. Tsa³c⁷e¹ne²-le⁴
 nca³ c⁷oa⁴-s⁷in² ca²ta³tio²cao⁴-
 ntsjai² xi³ ma³cjain¹-le⁴. Qui³tso²-le⁴
 nca³ cjai¹nca³ ma³chjen¹ nca³ tse³
 cjoa⁴n⁷ain³ chja⁴⁷a² nca³ coi⁴tja¹s⁷en³²
 ya⁴ cjoa⁴te¹xo³ma³-le⁴ Ni³na¹.
²³Nca³ jnc¹ljnc¹ ⁷nte³ jña³ tjin¹
 na⁴xi⁴na³nta¹-le⁴ Cristo, Pablo
 cao⁴ Bernabé tsa³qui³ncha¹nta³-
 le⁴ cho⁴ta⁴jchi¹nca³. C⁷ia⁴
 nca³ je³tsa³c⁷e¹ts⁷oa³ nca³
 tsa³ca³tio²nchjan³, qui³si³ca³tio²cao⁴
 je² Nai³-na¹ nca³ je³coan³cjain¹-le⁴
 xi³ t⁷a³ts⁷e⁴.

Qui³son²nta¹ sa³⁷nta³ Antioquía

²⁴Ja³⁷a³to³ ya⁴ na³nqui³ Pisidia.
 Ji³cho²-nca¹ni³ ya⁴ na³nqui³ Panfilia.
²⁵C⁷ia⁴ nca³ je³qui³nchja⁴ya³ je²
 en¹-le⁴ Ni³na¹ ya⁴ Perge, qui³jen³
 ya⁴ Atalia. ²⁶Ya⁴ qui³son²nta¹

sa³⁷nta³ ya⁴ Antioquía ñña³
 qui³ni²ca³sen¹t'a³-le⁴ je² cjoa⁴nta³-
 le⁴ Ni³na¹ xi³ t'a³ts'e⁴ je² xa¹ xi³
 qui³si³cje³t'a³. ²⁷ C'ia⁴ nca³ je³ji³cho²,
 tsa³c'e¹xco¹ na⁴xi⁴na³nta¹-le⁴ Cristo.
 Pablo cao⁴ Bernabé tsa³c'e¹-le⁴
 na⁴jmi¹ nca³yi³je³, jme³-ve⁴ xi³
 Ni³na¹ tsa³c'e¹nta³ xi³ t'a³ts'e⁴, c'o²oa⁴
 jo³-s'in² Ni³na¹ qui³sco³⁷ai²⁷nte²-
 le⁴ cho⁴ta⁴ xi³ li² judío-jin² nca³
 coan⁴cjain¹-le⁴. ²⁸ Ncjin² ni⁴chjin³
 ya⁴ tsa³ca³tio²cao⁴ cho⁴ta⁴-le⁴ Cristo
 Pablo cao⁴ Bernabé.

Coan³ña³ pa²stro⁴ cao⁴

cho⁴ta⁴jchi¹nca³ ya⁴ Jerusalén

15 C'ia⁴ tjin¹ c'a³ xi³ ja³⁷ai³-
 ni³ ya⁴ Judea xi³ c'o²oa⁴-s'in²
 tsa³ca³co¹ya³-le⁴ je² nts'e⁴: Tsa² tsi²
 je² cjoa⁴circuncisión xi³ coan⁴-no³,
 jo³ tso² cjoa⁴te¹xo³ma³-le⁴ Moisés,
 li²coi³ coan⁴ coi²tjo⁴ntjao²³.

² C'o²oa⁴-s'in² jao² ya³ coan³, c'o²oa⁴
 Pablo cao⁴ Bernabé tsa³cjao¹ti³ya³-
 ni³ cao⁴ xi³c'a³. C'o²oa⁴-s'in²
 tsa³cjao¹ya³-ni³ nca³ ca²ta³fi²mi³-ni³
 Pablo cao⁴ Bernabé ya⁴ Jerusalén,
 cao⁴ c'a³ xi³ cja⁴⁷ai¹. Ca²ta³fi²nch⁷oe²
 pa²stro⁴ cao⁴ cho⁴ta⁴jchi¹nca³
 xi³ t'a³ts'e⁴ cjoa⁴ je²-vi⁴.

³ Je² na⁴xi⁴na³nta¹-le⁴ Cristo qui³
 ca³ni¹ya³ntia³ Pablo cao⁴ Bernabé
 cao⁴ xi³c'a³. Ja³⁷a³to³ ya⁴ Fenicia
 cao⁴ Samaria. Tsa³c'e¹ na⁴jmi¹
 jo³-s'in² nca³ qui³si³c'a³ntjai²ya³
 yao³-le⁴ nca³ qui³t'a³-le⁴ Cristo
 je² cho⁴ta⁴ xi³ li² judío-jin². A³li²
 to⁴c'o²oa⁴cji³ tsjao³ coan³-le⁴ nca³ts'i³
 xi³ nts'e⁴. ⁴ C'ia⁴ nca³ ji³cho² ya⁴
 Jerusalén, a³li² to⁴nta³ qui³scoe¹tjao²
 na⁴xi⁴na³nta¹-le⁴ Cristo cao⁴ pa²stro⁴
 cao⁴ cho⁴ta⁴jchi¹nca³. Tsa³c'e¹-le⁴
 na⁴jmi¹ nca³yi³je³ jme³-ve⁴ cjoa⁴

xi³ Ni³na¹ tsa³c'e¹nta³ xi³ t'a³ts'e⁴.
⁵ To⁴nca³ tjin¹ c'a³ xi³ c'o²oa⁴-ti⁴
 coan³cjain¹-le⁴, xi³ cho⁴ta⁴ fariseos,
 xi³ tsa³qui³ncha³nto³ c'o²oi⁴qui³tso²:
 Cjai¹nca³ to⁴ma³chjen¹ nca³
 cjoa⁴circuncisión coan⁴-le⁴ nca³
 s'e³ne²-le⁴ nca³ ca²ta³si¹tjo³son²
 je² cjoa⁴te¹xo³ma³ xi³ qui³tsjao³
 Moisés. ⁶ Coan³ña³ pa²stro⁴ cao⁴
 cho⁴ta⁴jchi¹nca³, nca³ sco¹son²-
 ni³le⁴ cjoa⁴ xo⁴ tjin¹-vi⁴. ⁷ A³li²
 to⁴c'o²oa⁴cji³ tse³ tsa³cjao¹ya³-
 ni³. C'ia⁴ tsa³ca³sen²nto³ Pedro
 c'o²oi⁴qui³tso²: Nca³ts'i⁷o³ 'nti¹nts'e³,
 jon² 'ya³-nio¹³ nca³ je³coa²tse³ Ni³na¹
 tsa³cja³⁷a¹jin³-na³ nca³ je² cho⁴ta⁴
 xi³ li² judío-jin² cjo⁴i⁴nch⁷oe¹-ni³
 ntso⁴⁷va³ je² en¹nta³ xi³ t'a³ts'e⁴
 Cristo, c'o²oa⁴ coan⁴cjain¹-le⁴⁷ni³.
⁸ C'o²oa⁴ Ni³na¹ xi³ ve³ ni⁴ma⁴-
 na¹ qui³tsjao³ en¹-le⁴ xi³ t'a³ts'e⁴,
 nca³ c'o²oa⁴-ti⁴ qui³tsjao³-le⁴ nca³
 je² Espíritu Santo, jo³-s'in²
 qui³tsjao³-na¹ nca³ ña¹. ⁹ Ni³na¹
 to⁴nc¹son²-s'in² qui³cao⁴-
 na¹ nca³ts'i⁷ia³² cao⁴ ña¹ cao⁴ je².
 Qui³si³tsje³-ni³ ni⁴ma⁴-le⁴ c'ia⁴
 nca³ coan³cjain¹-le⁴. ¹⁰ Nt⁷ai⁴-vi⁴,
 a¹-ni³ nca³ c'o²oa⁴-s'in² cho¹t'a³-
 si¹nio³ Ni³na¹, nca³ c'o²oa⁴-s'in²
 ni²ch⁷a¹nao²³ cjoa⁴ xi³ ñ'ain³ tjin¹
 cho⁴ta⁴-le⁴ Cristo. Sa³⁷nta³ ni⁴je²-
 jin² n'ai³jcha¹cjin³-na¹ ni⁴ña¹-jian²
 qui³jcho¹cjoa⁴-na¹ je²-vi⁴. ¹¹ C'o²oa⁴-
 s'in² ma³cjain¹-na¹ nca³ coi²tjo⁴ntje²
 to⁴t'a³ts'e⁴ cjoa⁴nta³-le⁴ Nai³-na¹
 Jesús jo³-ni³ c'o²oa⁴-ti⁴ je².

Cjoa⁴fa³⁷ai³tsjen³-le⁴ Jacobo

¹² C'ia⁴ nca³ts'i⁷cho⁴ta⁴
 tsa³ca³tio²jyo¹. Qui³nch⁷oe¹-le⁴
 Bernabé cao⁴ Pablo nca³ tsa³c'e¹-
 le⁴ na⁴jmi¹, jo³-s'in² nca³ tse³

choa⁴ cao⁴ cjoa⁴xcon¹ xi³ Ni³na¹
 tsa³c⁷e¹nta³ jin³-le⁴ cho⁴ta⁴ xi³ li²
 judío-jin² xi³ to⁴t⁷a³ts⁷e⁴. **13** C⁷ia⁴
 nca³ je²tsa³ca³tio²jyo¹ Bernabé cao⁴
 Pablo, c⁷ia⁴ Jacobo c⁷oa⁴qui³tso²:
 Nca³ts⁷io³ ³nti¹nts⁷e³, ti⁴no¹⁷ya²-
 nao¹³. **14** Je² Simón c⁷oa⁴-s⁷in²
 tsa³c⁷e¹ na⁴jmi¹ jo³-s⁷in² Ni³na¹
 nca³ ti¹tjon² ji³cho²con³-le⁴ cho⁴ta⁴
 xi³ li² judío-jin², nca³ cjoa⁴⁷a²jin³
 cho⁴ta⁴ xi³ c⁷oin¹-le⁴ nca³ ts⁷e⁴.
15 C⁷oa⁴ je² en¹ xo⁴ tso²-ve⁴ c⁷oa⁴-
 s⁷in² nco¹son² tso²ya³ cao⁴ en¹-le⁴
 je² xi³ qui³nchja⁴ya³ t⁷a³ts⁷e⁴ Ni³na¹,
 xi³ tji¹t⁷a³ xon⁴. **16** Xi³ coan⁴scan³-ni³
 cjoe²⁷e⁴-nia¹³, qui³tso² je² Nai³-
 na¹, c⁷oa⁴ c⁷oe³nta³ya³-nia¹³ je²
 nt⁷ia³-le⁴ David xi³ je²chi³xo²ya³.
 C⁷oa⁴ nqui²jnc³ c⁷a² c⁷oe³nta³-nia³
 xjao¹jto³-le⁴, c⁷oa⁴-s⁷in² nqui²jnc³
 c⁷a² sco³mi³tjen⁴-nia³, **17** jme¹-ni³
 nca³ c⁷oa⁴-s⁷in² coa⁴²sjai³-si¹ni³ je²
 Nai³-na¹ cho⁴ta⁴ xi³c⁷a³, cao⁴ nca³ts⁷i³
 cho⁴ta⁴ xi³ li² judío-jin², jñ³a³-le⁴ xi³
 y⁷a³ jan³⁷ain¹-na⁴. **18** C⁷oa⁴tso² je²
 Nai³-na¹ xi³ tsa³ca³co¹son²tsen³-le⁴
 nca³yi³je³ cjoa⁴-vi⁴ sa³⁷nta³ coa²tse³.
 Je² Ni³na¹ tsa³ve³ nca³yi³je³ xa¹-
 le⁴, jo³ sa³⁷nta³ qui³s⁷e³ son³⁷nte³.
19 Coi³ nca³ an³ xian³ nca³ li²coi³
 si⁴jti³-le⁴² je² nca³ts⁷i³ cho⁴ta⁴ xi³ li²
 judío-jin² xi³ si¹c⁷a³ntjai²ya³ yao³-
 le⁴ nca³ fi²t⁷a³-le⁴ Ni³na¹. **20** To⁴nca³
 chji¹-le⁴² nca³ ca²ta³vi³ncha³xin²-
 le⁴ tso³jmi² xi³ v⁷ai²t⁷a³-le⁴
 xco¹son², ca²ta³vi³ncha³xin²-le⁴
 cjoa⁴cha³jnqui³, cao⁴ yao³-le⁴
 cho⁴ xi³ qui³cho³⁷nto¹sin³, cao⁴
 njin¹. **21** Sa³⁷nta³ coa²tse³ tjin¹ xi³
 nchja⁴ya³ xi³ t⁷a³ts⁷e⁴ Moisés nca³
 jnc¹jnc¹ na⁴xi⁴na³nta¹ ya⁴³ nt⁷ia³
 sinagoga. Ya⁴ s⁷e³xquia⁴ xon⁴-le⁴
 nca³ntsjai² ni⁴čhjin³ ni²cja¹ya³.

22 C⁷ia⁴ nta³ qui³sa³sen³-le⁴ pa²stro⁴,
 cao⁴ cho⁴ta⁴jchi¹nca³, cao⁴ nca³ts⁷i³
 na⁴xi⁴na³nta¹-le⁴ Cristo, nca³
 tsa³cja³⁷a¹jin³ cho⁴ta⁴x⁷in⁴ xi³ ts⁷e⁴
 cho⁴ta⁴ti¹tjon²-le⁴ nts⁷e⁴, je² Judas
 xi³ tjin¹-le⁴ jan³⁷ain¹ xi³ nqui²jnc³
 xi³ Barsabás ⁷mi², cao⁴ Silas.
 Qui³sca³ni¹ ya⁴ Antioquía cao⁴
 Pablo cao⁴ Bernabé. **23** Je² xon⁴ xi³
 qui³squi³-ni³ cao⁴ ntsja³: Je² pa²stro⁴
 cao⁴ cho⁴ta⁴jchi¹nca³, cao⁴ nts⁷e⁴
 ti³ni²ti²⁷nta³-lai²⁴jin⁴ nca³ts⁷io³ xi³
 nts⁷ai⁴-jin⁴ xi³ cho⁴ta⁴ xi³ li² judío-
 jin², xi³ ti³yo³ ya⁴ Antioquía cao⁴
 ya⁴ Siria cao⁴ ya⁴ Cilicia. **24** C⁷oa⁴-
 s⁷in² qui³no²⁷yai²⁴-jin⁴ nca³ tjin¹ c⁷a³
 xi³ ji³tjo³jin³-ni³na³jin⁴ xi³ to⁴si³
 si¹cao⁴-no³ cao⁴ en¹. Tjio¹si¹qui³tson¹
 nqui²jnc³c⁷a²-ni³ ni⁴ma⁴-no³ nca³
 v⁷e¹ne²-no³ nca³ cjoa⁴ circuncisión
 c⁷oi⁴-no³, nca³ c⁷oa⁴-s⁷in² si⁴tjo³son²³
 je² cjoa⁴te¹xo³ma³. Li²coi³ c⁷oa⁴-
 s⁷in² tsa³ca³te²xo³ma³-lai⁴jin⁴ cho⁴ta⁴
 xo⁴cjoan³-ve⁴. **25** Nta³ qui³sa³sen³-
 na³jin⁴ nca³ tsa³c⁷e²xcoi¹⁴-jin⁴
 yao³-na⁴jin⁴, nca³ qui³chja³⁷a²jin³-jin⁴
 cho⁴ta⁴x⁷in⁴ xi³ qui³cha³ni²chon³-
 lai²⁴jin⁴, cao⁴ je² Bernabé cao⁴
 Pablo xi³ tsjao³chai³⁴-jin⁴. **26** Je²
 cho⁴ta⁴x⁷in⁴ tsa³c⁷e¹jnc³con³ nca³
 qui³tsjao³ ni⁴ma⁴-le⁴ t⁷a³ts⁷e⁴
 Nai³-na¹ Jesucristo. **27** C⁷oa⁴-s⁷in²
 qui³cha³ni²⁴-jin⁴ je² Judas cao⁴ Silas.
 Je² xi³ ti⁴coi³-ni³ en¹ xi³ tji¹t⁷a³ xon⁴
 coi⁴tso⁴ya³-no³ nca³ to⁴⁷en¹. **28** Nta³
 qui³sa³sen³-le⁴ je² Espíritu Santo,
 c⁷oa⁴ cao⁴ jin⁴-jin⁴, nca³ tsi² to⁴jo³
 tse³ ch⁷a¹ c⁷oe¹ne²-lai²⁴jin⁴. To⁴je²
 je²-vi⁴ xi³ n⁷ion¹ ma³chjen¹. **29** C⁷oa⁴-
 s⁷in² chja³⁷a²xin²-lao⁴³ yao³-no³ je²
 nca³yi³je³ tso³jmi² xi³ v⁷ai²t⁷a³-le⁴
 xco¹son², cao⁴ njin¹, cao⁴ yao³-
 le⁴ cho⁴ xi³ qui³cho³⁷nto¹sin³, cao⁴

cjoa⁴cha³jnqui³. Tsa² chja^{37a}2²xin²-
lao⁴³ yao³-no³ je² nca³yi³je³
cjoa⁴-vi⁴, cjai¹nca³ to⁴nta³ s⁷iaon⁴³.
Nta³ ca²tji³-no³ ni⁴chjin³. ³⁰C⁷ia⁴
qui³sca³ni¹ Pablo cao⁴ Bernabé,
cao⁴ Judas cao⁴ Silas. Ji³cho²jen³
ya⁴ Antioquía. Tsa³c⁷e¹xco¹ nca³ts⁷i³
cho⁴ta⁴. Qui³tsjoa³ xon⁴ xi³ y⁷a³.
³¹C⁷ia⁴ nca³ tsa³c⁷e¹xquia⁴, cjai¹nca³
to⁴coan³tsjoa³-le⁴ nca³ ji³cho²-le⁴
je² cjoa⁴nta³. ³²Je² Judas cao⁴ Silas
c⁷oa⁴-ti⁴ coan³-le⁴ qui³nchja⁴ya³.
A³li² to⁴c⁷oa⁴cji³ qui³si³je³con³ je²
nts⁷e⁴. Qui³tsjoa³-le⁴ nca³n⁷ion¹. ³³Ya⁴
tsa³ca³tio² jo³ tjin¹ ni⁴chjin³. C⁷ia⁴ je²
nts⁷e⁴ qui³sca³ni¹con³-le⁴ je² pa²stro⁴
nca³ si⁴²ti²⁷nta³. ³⁴To⁴nca³ Silas
nta³ qui³sa³sen³-le⁴ nca³ tsa³c⁷e²jna³
ya⁴-ve⁴. ³⁵Pablo cao⁴ Barnabé ya⁴
tjio¹ ya⁴ Antioquía. Tjio¹va³co¹ya³ je²
en¹-le⁴ Nai³-na¹. C⁷oa⁴ tjio¹nchja⁴ya³
je² en¹nta³ xi³ t⁷a³ts⁷e⁴ Cristo cao⁴
ncjin² xi³c⁷a³.

Pablo cao⁴ Bernabé

tsa³cja^{37a}a³xin²t⁷a³-le⁴ yao³-le⁴ xi¹ncjin¹
³⁶C⁷ia⁴ nca³ coan³ jnco³jao²-ni³
ni⁴chjin³, Pablo c⁷oi⁴qui³ts⁷o²-le⁴
Bernabé: Tjin³chon¹ nqui²ntia³-
le⁴² je² nts⁷e³², nca³qui³jnta²
na⁴xi⁴na³nta¹ jña³ nca³
qui³no²cjoa⁴ya³² je² en¹nta³ xi³
t⁷a³ts⁷e⁴ Nai³-na¹. Jo³-la²xo¹s⁷in² tjio¹
nt⁷ai⁴-vi⁴. ³⁷Bernabé coan³me³-le⁴
nca³ c⁷oa⁴-ti⁴ ca²ta³fi² Juan, je² xi³
tjin¹-le⁴ jan³⁷ain¹ xi³ ma³jao²-ni³ xi³
Marcos ⁷mi². ³⁸To⁴nca³ Pablo li²coi³
qui³sa³sen³-le⁴ nca³ coai⁴cao⁴ je² xi³
tsa³cja^{37a}a³xin²-le⁴ yao³-le⁴ sa³⁷nta³
Panfilia, nca³ tsi² tsa² qui³cao⁴
je² xa¹ xi³ tjio¹ma³-ni³. ³⁹Cjoa⁴si³
qui³s⁷e³-le⁴. Tsa³cja^{37a}a³xin²t⁷a³-le⁴
yao³-le⁴ xi¹-ncjin¹. Bernabé qui³cao⁴

Marcos. Qui³son²nta¹ cao⁴ barco ya⁴
⁷nta³ Chipre. ⁴⁰Pablo tsa³cja^{37a}a³jain³
Silas, c⁷oa⁴ ji³tjo³. Je² nts⁷e⁴
qui³si³ca³tio²cao⁴ cjoa⁴nta³-le⁴ Nai³-
na¹. ⁴¹Ya⁴ tsa³c⁷e²ma³ ya⁴ Siria cao⁴
ya⁴ Cilicia. Qui³tsjoa³-le⁴ nca³n⁷ion¹
na⁴xi⁴na³nta¹-le⁴ Cristo.

Timoteo qui³cao⁴ Pablo cao⁴ Silas

16 C⁷ia⁴ ja³⁷ai³ Pablo ya⁴ Derbe,
c⁷oa⁴ ya⁴ Listra. Coe⁴-ni³ ya⁴
ti¹jna³ jnco³ cho⁴ta⁴-le⁴ Cristo xi³
Timoteo ⁷mi², ⁷nti¹-le⁴ jnco³ chjon⁴²
judía xi³ ma³cjain¹-le⁴, to⁴nca³ je²
n⁷ai³-le⁴ cho⁴ta⁴ griego ni¹. ²Nca³ts⁷i³
nts⁷e⁴ xi³ ya⁴ tjio¹ ya⁴ Listra
cao⁴ ya⁴ Iconio, cjai¹nca³ to⁴nta³
ts⁷a³sje³ je² cho⁴ta⁴-vi⁴. ³Pablo
coan³me³-le⁴ nca³ je² Timoteo
coai⁴cao⁴. C⁷oa⁴ qui³scoe¹-⁷ni³
qui³tsjoa³-le⁴ cjoa⁴circuncisión xi³
to⁴t⁷a³ts⁷e⁴ je² cho⁴ta⁴ judío xi³ tjio¹
je² ⁷nte³-ve⁴, nca⁴ nca³ts⁷i³ ve³-ni¹
nca³ cho⁴ta⁴ griego n⁷ai³-le⁴. ⁴C⁷ia⁴
nca³ ja³⁷a³to³ ya⁴ na⁴xi⁴na³nta¹,
c⁷oa⁴-s⁷in² qui³ts⁷o²-le⁴, nca³
ca²ta³si¹tjo³son² je² cjoa⁴te¹xo³ma³
xi³ c⁷oa⁴-s⁷in² tsa³c⁷e¹nta³ pa²stro⁴,
cao⁴ cho⁴ta⁴jchi¹nca³ xi³ tjio¹ ya⁴
Jerusalén. ⁵C⁷oa⁴-s⁷in²⁷ni³ je²
na⁴xi⁴na³nta¹-le⁴ Cristo nca³qui³jnta²
qui³ni²n⁷ion¹jjin³ nca³ ma³cjain¹-
le⁴. Ña³qui³ nca³ nchaon³nchaon³
coan³ncjin²ya³ cho⁴ta⁴.

Tjin¹ xi³ tsa³ve³ Pablo ya⁴³ ni³jña¹-le⁴

⁶C⁷ia⁴ nca³ je³ja³⁷a³ ya⁴⁷nte³ Frigia,
c⁷oa⁴ ya⁴ na³nqui³ Galacia, je²
Espíritu Santo li²coi³ qui³tsjoa³⁷nte²-
le⁴ nca³ coi⁴nchja⁴ya³ je² en¹-vi⁴ ya⁴
Asia. ⁷C⁷ia⁴ nca³ ja³⁷ai³qui²xi⁴cja¹-le⁴
ya⁴ ⁷nte³ Misia, coan³me³-le⁴ nca³
qui³ ya⁴ na³nqui³ Bitinia, to⁴nca³ je²

Espíritu Santo li²coi³ qui³tsjoa³⁷nte²-le⁴. ⁸C⁷ia⁴ nca³ ja³⁷a³chian³ ya⁴ Misia, ja³⁷a³jen³ ya⁴ Troas. ⁹Tjin¹ xi³ tsa³ve³ Pablo ya⁴³ ni³jña¹-le⁴. Jnco³ cho⁴ta⁴ xi³ Macedonia ts⁷e⁴, tsa³ca³sen² nqui³xcon⁴ Pablo, tsa³c⁷e¹ts⁷oa³-le⁴ c⁷oi⁴qui³tso²: Ti⁴tjai¹³ i⁴ Macedonia, ti⁴sen⁴cao⁴-na³jin⁴. ¹⁰C⁷ia⁴ nca³ Pablo tsa³ve³, nti⁴ton⁴ tsa³cja³sjai³⁴-jin⁴ jo³-s⁷in² coa⁴nquin¹⁴-jin⁴ ya⁴ Macedonia. C⁷oa⁴tsa³qui³xoin¹⁴-jin⁴ nca³ Ni³na¹ xi³ qui³nchja⁴-na³jin⁴, jme¹-ni³ nca³ coi⁴no²cjoa⁴ya³jin³-lai⁷jin⁴ je² en¹nta³ xi³ t⁷a³ts⁷e⁴ Cristo.

**Qui³sca³ni¹ nto⁴ya¹ Pablo
cao⁴ Silas ya⁴ Filipos**

¹¹C⁷ia⁴ nca³ ji²tjo⁴-ni³jin⁴ ya⁴ Troas, tsa³nquin¹jin³nta¹qui²xi⁴-jin⁴ ya⁴ nta³ Samotracia. Xi³ coan³nchaon³-ni³ ji³choi³⁴-jin⁴ ya⁴ Neápolis. ¹²C⁷oa⁴ xi³ ya⁴-ve⁴ tsa³nquin¹⁴-jin⁴ ya⁴ Filipos, xi³ na⁴xi⁴na³nta¹ ti¹tjon² ya⁴ nte³ xi³ ts⁷e⁴ Macedonia, c⁷oa⁴ xi³ nchja⁴-ni³ Roma, ya⁴ tsa³qui³yoi³⁴-jin⁴ jo³ tjin¹ ni⁴chjin³. ¹³Jnco³ ni⁴chjin³ ni²cja¹ya³, ya⁴ ji²tjo⁴-ni³jin⁴ xo⁴ntjoa⁴-le⁴ na⁴xi⁴na³nta¹, ya⁴ tsa³nquin¹-ni³jin⁴ jnco³ nte³ xi³ ti¹jna³ntai³ xo⁴nca¹, jña³ nca³ c⁷oa⁴-s⁷in² ve³ cho⁴ta⁴ nca³ v⁷e¹ts⁷oa³. Ya⁴ tsa³qui³yoi³⁴-jin⁴ qui³chja²coai⁴-jin⁴ nca³ts⁷i³ ya¹nchjin¹ xi³ coan³xco¹. ¹⁴C⁷ia⁴ jnco³ chjon⁴² xi³ Lidia m⁷mi², xi³ va³te¹na³ na³jño³ni², xi³ ya⁴ na⁴xi⁴na³nta¹ Tiatira ts⁷e⁴, tsa³ve³xcon¹ Ni³na¹, ti¹nch⁷oe¹. Je² Nai³-na¹ qui³sco³⁷ai² ni⁴ma⁴-le⁴, tsa³ca³sen¹ xo⁴ño³ jme¹-ni³ nca³ qui³nch⁷oe¹-si¹ni³ xi³ qui³tso² Pablo. ¹⁵C⁷ia⁴ nca³ je³qui³sa³te³nta¹ cao⁴ nca³ts⁷i³ xi³ ts⁷e⁴ nt⁷ia³-le⁴, c⁷oa⁴-s⁷in² tsa³c⁷e¹ts⁷oa³-na³jin⁴: Tsa²

cjoa⁴qui²xi⁴ nca³ ca²ni²cja³⁷ai³tsjaon³ nca³ an³ nta³ fi³⁷a³-le⁴ Nai³-na¹, ti⁴tja¹s⁷aon³ ni³⁷ya³-na⁴, ya⁴ ti⁴yo³. Jo³ cjoa⁴n⁷ion¹ qui³s⁷in³-na³jin⁴. ¹⁶Jnco³ c⁷a³ nca³ c⁷oi⁴coan³ c⁷ia⁴ nca³ tsa³nquin¹⁴-jin⁴ jña³ nca³ v⁷e²ts⁷oa³, jnco³ tso²ti³ xi³ tjin¹-le⁴ ntjao⁴ xi³ nta³jin³ xi³ ma³-le⁴ co³⁷a³-ni³ suerte qui³sa³te³jin³-jin⁴. A³li² to⁴c⁷oa⁴cji³ taon⁴ njen³-le⁴ nai³-le⁴, nca³ tso²ti³-ve⁴ ma³-le⁴ ch⁷a²sje³ suerte. ¹⁷Je² tso²ti³-vi⁴ qui³tjen⁴nqui³-le⁴ Pablo cao⁴ jin⁴-jin⁴. N⁷ion¹ qui³nchja⁴, c⁷oi⁴qui³tso²: Je² cho⁴ta⁴-vi⁴ cho⁴⁷nta³-le⁴ Ni³na¹ xi³ ti¹jna³ nc⁷a¹. Je²-vi⁴ xi³ nchja⁴ya³jin³-no³ jo³-s⁷in² vi²tjo⁴ntje². ¹⁸Ncjin² ni⁴chjin³ nca³ c⁷oa⁴qui³s⁷in³ tso²ti³-ve⁴. To⁴nca³ je² Pablo coan³jti³-le⁴, qui³si³c⁷o¹fa³, c⁷oi⁴qui³tso²-le⁴ je² ntjao⁴ xi³ nta³jin³ xi³ tjin¹-le⁴ tso²ti³-ve⁴: C⁷oa⁴-s⁷in² v⁷e³ne²-le²³ cao⁴ jan³⁷ain¹-le⁴ Jesucristo, ti²tjo⁴xin²-lai⁴ tso²ti³-vi⁴. Ti⁴coi³-ni³ hora ji³tjo³xin²-le⁴. ¹⁹Je² nai³-le⁴ tsa³ve³ nca³ ji³tjo³xin²-le⁴ je² cjoa⁴ma⁴ xi³ tjin¹-le⁴. Qui³tsoa³ Pablo cao⁴ Silas, c⁷oa⁴ ji³cho²cao⁴ nti⁴tsin⁴ ya⁴ nqui³xcon⁴ cho⁴ta⁴xa¹. ²⁰Tsa³ca³sen¹jna³va³sen³ cho⁴ta⁴xa¹, c⁷oi⁴qui³tso²: Je² cho⁴ta⁴ xo⁴cjoan³-ve⁴ cho⁴ta⁴ judío ni¹. Fa³⁷ai³ c⁷e¹jna³ cjoa⁴si³ i⁴ tsan⁴² na⁴xi⁴na³nta¹. ²¹Je² costumbre xi³ tjio¹tso²ya³ li²coi³ nta³ tjin¹ nca³ ña¹ chjoe¹. Ni⁴c⁷oa⁴-jin² s⁷ian⁴², nca³ cho⁴ta⁴ romano nia¹ nca³ ña¹. ²²Ña³qui³ coan³jtin¹ne² cho⁴ta⁴ na⁴xi⁴na³nta¹, qui³ co²ntran⁴-le⁴ Pablo cao⁴ Silas. Je² cho⁴ta⁴xa¹ tsa³ca³sen¹jnta³jon³ na³jño³-le⁴. Tsa³ca³te¹xo³ma³ nca³ coa⁴²-le⁴ cao⁴ ya¹jti³. ²³Cjai¹nca³ tsa³ca¹-le⁴ ya¹jti³. C⁷ia⁴ nca³ je³qui³si³qui²aon³, qui³sca³ni¹

nto⁴ya¹. C⁷oa⁴-s⁷in² tsa³c⁷e¹ne²-
le⁴ je² xi³ si¹coi²nta⁴ nto⁴ya¹, nca³
n⁷ion¹ nta³ ca²ta³vi³ncha³⁷ya³.
24 C⁷ia⁴ nca³ je³c⁷oa⁴tsa³c⁷in²-le⁴,
qui³sca³ni¹s⁷en³ nto⁴ya¹ jña³ nqui²sa⁴
cjin³ ncho². Tsa³ca¹t⁷a³n⁷ion¹
t²a³ya¹ ntso⁴co⁴. 25 C⁷ia⁴ nca³ ji³cho²
va³sen³ni⁴tjen⁴, Pablo cao⁴ Silas
tjio¹v⁷e¹ts⁷oa³, tjio¹se³-le⁴ Ni³na¹. Je²
cho⁴ta⁴ xi³c⁷a³ xi³ tjio¹ cjoa⁴n⁷ain³,
tjio¹nch⁷oe¹. 26 Nti⁴ton⁴ ja³⁷a³ jnco³
chaon¹ xi³ n⁷ion¹, jo³ sa³⁷nta³
qui³tin²ya³ xjao¹ja⁴ma⁴-le⁴ nto⁴ya¹.
C⁷ia⁴ qui³tjo³⁷ai² nti⁴ton⁴ nca³yi³je³
xo⁴ntjoa⁴. Na³qui³ qui³tjo³xin²-le⁴
cadena nca³ts⁷i³ xi³ tjio¹ cjoa⁴n⁷ain³.
27 Je² xi³ si¹coi²nta⁴ nto⁴ya¹ ja³⁷a³-
le⁴. Tsa⁷ve³ nca³ ti⁴x⁷a⁴ xo⁴ntjoa⁴-le⁴
nto⁴ya¹. Ts⁷a³sje³ qui⁴cha⁴nto³-le⁴,
nca³ me³-le⁴ nca³ si⁴²c⁷en³ yao³-
le⁴. Je³-la⁴ qui³ preso, c⁷oi⁴qui³tso².
28 To⁴nca³ n⁷ion¹ qui³nchja⁴ Pablo:
Li²jme³-jin² xi³ ni²coai⁴ yao³-
li⁴. I⁴ ti³yoi³⁴-jin⁴ nca³ts⁷i³-jin⁴.
29 C⁷ia⁴ je² xi³ si¹coi²nta⁴ nto⁴ya¹
qui³si³je¹ l⁷i¹, qui³to²ca³s⁷en³. Jo³
ti¹fa³tse¹. Qui³si³c⁷a³tjen⁴ yao³-
le⁴ nqui³ntso⁴co⁴ Pablo cao⁴ Silas.
30 C⁷oa⁴ tsa³c⁷a³sje³ Pablo cao⁴
Silas. C⁷oa⁴qui³tso²-le⁴: Jon²-
ve⁴, jme¹-ni³ xi³ ma³chjen¹ nca³
c⁷oa⁴s⁷ian³ nca³ coi²tjo⁴ntje²³ an³-vi⁴.
31 C⁷oa⁴ Pablo cao⁴ Silas qui³tso²:
Ca²ta³ma³cjain¹-li² t²a³ts⁷e⁴ Nai³-na¹
Jesuscristo, c⁷oa⁴ coi²tjo⁴ntjai²-
ni¹ nca³ ji³ cao⁴ nca³ts⁷i³ xi³ ts⁷e⁴
ni³⁷ya³-li⁴. 32 Tsa³cja¹cao⁴ je² en¹-
le⁴ Nai³-na¹, cao⁴ nca³ts⁷i³ xi³
tjio¹ ni³⁷ya³-le⁴. 33 C⁷ia⁴ ti⁴coi³-ni³
hora nca³ njion² je² xi³ si¹coi²nta⁴
nto⁴ya¹ qui³cao⁴ Pablo cao⁴ Silas.
Tsa³ca³ne¹jon³ jña³ nca³ qui³s⁷e³-le⁴
ya¹jtj³. C⁷ia⁴ qui³sa³te³nta¹ nti⁴ton⁴

nca³ je², cao⁴ nca³ts⁷i³ xi³ tjio¹
ni³⁷ya³-le⁴. 34 Qui³cao⁴ ni³⁷ya³-le⁴,
tsa³ca³sen¹jna³-le⁴ ya¹mi²xa⁴. A³li²
to⁴tsjoa³ coan³-le⁴ nca³ coan³cjain¹-
le⁴ t⁷a³ts⁷e⁴ Ni³na¹ cao⁴ nca³ts⁷i³
xi³ tjio¹ ni³⁷ya³-le⁴. 35 C⁷ia⁴ nca³
qui³s⁷e³sen¹, je² cho⁴ta⁴xa¹-ve⁴
qui³sca³ni¹ policía. C⁷oi⁴qui³tso²-
le⁴: Ca²ta³fi² cho⁴ta⁴ xo⁴cjoan³-ve⁴.
36 Je² xi³ si¹coi²nta⁴ nto⁴ya¹-ve⁴
qui³tso²ya³-le⁴ Pablo: Je² cho⁴ta⁴xa¹
ca²si¹ca³sen¹cjoa⁴ nca³ coi⁴yo³ntai¹-
nio³. Nt⁷ai⁴-vi⁴ntai⁴ coan⁴ nca³
coa³nquion¹³. Ta³nquin¹-la²na¹ntao³.
37 C⁷ia⁴ Pablo c⁷oi⁴qui³tso²-le⁴:
Ti¹tjon²cjoa²la² tsa³ca¹na³jin⁴
nqui³xcon⁴ na⁴xi⁴na³nta¹, nca³
ni⁴jme³-jin² je¹ tjin¹-na³jin⁴. Jin⁴-
jin⁴ cho⁴ta⁴ romanos ⁷mi²-na³jin⁴.
Qui³cha³ni²-na³jin⁴ nto⁴ya¹. C⁷oa⁴
nt⁷ai⁴-vi⁴ a³ cha⁴ni²⁷ma³-na³jin⁴.
Xi³ cjoa⁴qui²xi⁴, ma³jain². Je² soa³
ca²ta³fa³⁷ai³ c⁷a³sje³-na³jin⁴. 38 Je²
policía c⁷oa⁴qui³tso²-le⁴ cho⁴ta⁴xa¹
jo³ qui³tso² Pablo. Qui³tsa³cjon¹
c⁷ia⁴ nca³ qui³nch⁷oe¹ nca³ cho⁴ta⁴
romano. 39 Ja³⁷ai³nch⁷oe²-nca¹ni³
Pablo cao⁴ Silas, tsa³c⁷e¹ts⁷oa³-
le⁴. Tsa³c⁷a³sje³, c⁷oi⁴qui³tso²-le⁴:
Ti²tjo⁴-nio³ na⁴xi⁴na³nta¹. 40 C⁷ia⁴
nca³ je³ji³tjo³-ni³ nto⁴ya¹, ja³⁷a³s⁷en³
ya⁴ ni³⁷ya³-le⁴ Lidia. Tsa³ve³ nts⁷e⁴,
tsa³cja¹cao⁴, c⁷ia⁴ qui³.

Qui³s⁷e³ cjoa⁴si³ ya⁴ Tesalónica

17 Ja³⁷a³ Pablo cao⁴ Silas ya⁴
Anfípolis cao⁴ ya⁴ Apolonia.
Ji³cho² ya⁴ Tesalónica, jña³ nca³
ti¹jna³ jnco³ nt⁷ia³ sinagoga-le⁴
cho⁴ta⁴ judío.

²Jo³-s⁷in² ma³nca³-le⁴ je² Pablo
ja³⁷a³s⁷en³con³-le⁴ cho⁴ta⁴ judío.
Jan² xo³ma²na⁴ tsa³cja¹cao⁴ cjoa⁴ xi³

tji¹t^{a3} xon⁴ Escritura. ³C⁷oa⁴-s⁷in² qui³tso²ya³, c⁷oa⁴ qui³si³qui²xi⁴ya³ cjoa⁴ nca³ coan³chjen¹ nca³ Cristo tsa³cja³⁷a¹ cjoa⁴n⁷ain³, c⁷oa⁴ nca³ ja³⁷a³ya²jⁱⁿ³-le⁴ c⁷en³. Je² Jesús, je²-vi⁴ je² Cristo. (Je² xi³ an³ c⁷oa⁴ti²xin³-no³, qui³tso² Pablo.) ⁴Coan³cjain¹c⁷a³-le⁴, qui³t^{a3}-le⁴ Pablo cao⁴ Silas. C⁷oa⁴ li² to⁴ncjin² cho⁴ta⁴ griego xi³ ve³xcon¹ Ni³na¹, c⁷oa⁴ li² tsa² choa³-jin² ya¹nchjin¹ti¹tjon². ⁵C⁷ia⁴ je² cho⁴ta⁴ judío xi³ tsi² tsa³ coan³cjain¹-le⁴, n⁷ion¹ coan³chi⁴ni⁴. Qui³scoe¹ c⁷a³ cho⁴ta⁴ts⁷e² xi³ ch⁷ao³ cjoan³. Tsa³c⁷e¹xco¹ xi¹ncjin¹. Tsa³c⁷e¹jna³ cjoa⁴si³ ya⁴ na⁴xi⁴na³nta¹. Ji³cho² ni³⁷ya³-le⁴ Jasón. Me³-le⁴ nca³ tsa³c⁷a³sje³jⁱⁿ³ va³sen³-le⁴ cho⁴ta⁴ na⁴xi⁴na³nta¹ Pablo cao⁴ Silas. ⁶To⁴nca³ li²coi³ coan³sjai³-le⁴. To⁴je² Jasón cao⁴ jnc³jao² nts⁷e⁴ xi³ ja³⁷ai³cao⁴-le⁴ cho⁴ta⁴xa¹ xi³ ts⁷e⁴ na⁴xi⁴na³nta¹. N⁷ion¹ qui³nchja⁴: Je² xo⁴cjoan³-ve⁴ xi³ cjoa⁴si³ tjio¹v⁷e¹jna³ nca³qui³jnta² son³⁷nte³, c⁷oa⁴-ti⁴ i⁴ ca²fa³⁷ai³. ⁷Je² Jasón ca²tsjoa¹-le⁴ n⁷te³. Je² nca³ts⁷i³ co²ntran⁴ qui³-le⁴ cjoa⁴te¹xo³ma³-le⁴ César. C⁷oa⁴tjio¹tso² nca³ tjⁱⁿ¹ nqui²jnc³ cho⁴ta⁴ti¹tjon² xi³ Jesús. ⁸C⁷oa⁴-s⁷in² qui³s⁷e³-le⁴ cjoa⁴jcon³ cho⁴ta⁴ na⁴xi⁴na³nta¹ cao⁴ je² cho⁴ta⁴xa¹-le⁴ na⁴xi⁴na³nta¹, nca³ qui³nch⁷oe¹ je² cjoa⁴-vi⁴. ⁹Cho⁴ta⁴xa¹ qui³scoe¹ en¹-le⁴ Jasón cao⁴ xi³c⁷a³ nca³ taon⁴ c⁷oe⁴²jna³nqui³ yao³-le⁴. C⁷ia⁴ qui³cha³ni²ntai¹.

Ya⁴ Berea tsa³ca³tio² pa²stro⁴

¹⁰C⁷ia⁴ nca³ njion² je² nts⁷e⁴ qui³sca³ni¹ nti⁴ton⁴ Pablo cao⁴ Silas ya⁴ Berea. C⁷ia⁴ nca³ ji³cho²,

ja³⁷a³s⁷en³ nt⁷ia³ sinagoga xi³ ts⁷e⁴ cho⁴ta⁴ judío. ¹¹Nqui²sa⁴ nta³ cho⁴ta⁴ je²-vi⁴ cao⁴ xi³ tjio¹ ya⁴ Tesalónica. Je²-vi⁴ cjai¹nca³ to⁴nti⁴ton⁴ qui³scoe¹ je² en¹-le⁴ Ni³na¹ cao⁴ tse³ cjoa⁴tsjoa³. Nchaon³nchaon³ qui³sco²t^{a3} je² xon⁴ Escritura, tsa² cjoa⁴qui²xi⁴ nca³ c⁷oa⁴tjⁱⁿ¹ je² cjoa⁴-vi⁴. ¹²Ncjin² cho⁴ta⁴-vi⁴ xi³ c⁷oa⁴-s⁷in² coan³cjain¹-le⁴, cao⁴ ya¹nchjin¹ griega xi³ ya¹nchjin¹ti¹tjon², c⁷oa⁴ a³li² tsa² choa³-jin² cho⁴ta⁴x⁷in⁴. ¹³To⁴nca³ qui³nch⁷oe¹ je² cho⁴ta⁴ judío xi³ Tesalónica ts⁷e⁴, nca³ c⁷oa⁴-ti⁴ ya⁴ Berea Pablo qui³nchja⁴ya³ je² en¹-le⁴ Ni³na¹. Ya⁴ qui³ cho⁴ta⁴-ve⁴. C⁷oa⁴-ti⁴ ya⁴ tsa³c⁷e¹jna³-le⁴ cjoa⁴si³ cho⁴ta⁴ na⁴xi⁴na³nta¹-ve⁴. ¹⁴To⁴nca³ je² nts⁷e⁴ qui³sca³ni¹ nti⁴ton⁴ Pablo ntai³ nta¹chi³con³. Silas cao⁴ Timoteo ya⁴ tsa³ca³tio² ya⁴ Berea. ¹⁵Je² xi³ qui³cao⁴ya³ntia³ nca³ qui³si³coi²nta⁴ Pablo, qui³cao⁴ ya⁴ sa³⁷nta³ Atenas. C⁷oa⁴ ya⁴-ve⁴ Pablo qui³si³ca³sen¹cjoa⁴-le⁴ Silas cao⁴ Timoteo nca³ nti⁴ton⁴ ca²ta³nchoa³con³-le⁴. C⁷oa⁴ cho⁴ta⁴-ve⁴ qui³.

Atenas tsa³c⁷e²jna³ Pablo

¹⁶C⁷ia⁴ nca³ Pablo ti¹co³ya³-le⁴ ya⁴ Atenas, a³li² to⁴c⁷oa⁴cji³ xi³ ma³-le⁴ ni⁴ma⁴-le⁴ nca³ tsa³ve³ nca³ je² na⁴xi⁴na³nta¹-ve⁴ cjai¹nca³ to⁴tjⁱⁿ¹-le⁴ xco¹son². ¹⁷N⁷a³qui³ c⁷oa⁴-s⁷in² ya⁴³ nt⁷ia³ sinagoga tsa³cja¹cao⁴ cho⁴ta⁴ judío, cao⁴ je² xi³ ve³xcon¹. C⁷oa⁴ ya⁴ nti⁴tsin⁴-ve⁴ nchaon³nchaon³ tsa³cja¹cao⁴ je² xi³ to⁴coi³ ni⁴chjin³ ya⁴ tjio¹. ¹⁸Tjⁱⁿ¹ c⁷a³ cho⁴ta⁴chji⁴ne⁴ xi³ ts⁷e⁴ cho⁴ta⁴ epicúreos, cao⁴ xi³ ts⁷e⁴ cho⁴ta⁴ estoicos, xi³ tsa³cjao¹ya³-ni³ cao⁴ Pablo. Tjⁱⁿ¹

c⁷a³ xi³ qui³tso²: Jo¹-s⁷in² tso²-ni³ je² cho⁴ta⁴ xi³ c⁷oi⁴-s⁷in² to⁴ma³-le⁴ nchja⁴. Je² xi³c⁷a³: Je²-la⁴ nchja⁴ya³ xi³ t⁷a³ts⁷e⁴ Ni³na¹ xi³ cja⁴⁷ai¹, coi³ qui³tso² nca⁴ Pablo qui³nchja⁴ya³ xi³ t⁷a³ts⁷e⁴ Jesús c⁷oa⁴ xi³ t⁷a³ts⁷e⁴ cjoa⁴fa³⁷a¹ya³. ¹⁹C⁷ia⁴ qui³cao⁴ Pablo. Ja³⁷ai³cao⁴ ya⁴ nti⁴tsin⁴ Areópago, c⁷oi⁴qui³tso²: A³ coan⁴ nca³ jchai⁴-jin⁴ je² cjoa⁴fa³⁷ai³tsjen³ cho⁴tse⁴ xi³ s⁷a⁴ti³⁷mi²yai³. ²⁰Cjai¹nca³ no²⁷yai²⁴-jin⁴ cjoa⁴ cho⁴tse⁴ xi³ mi²ya³-na³jin⁴. Me³-na³jin⁴ nca³ jchai⁴-jin⁴ jo³ tso²-ni³le⁴ je²-vi⁴. ²¹(Je² nca³ts⁷i³ cho⁴ta⁴ atenienses, cao⁴ cho⁴ta⁴ xi³ ya⁴ tsa³ca³tio² xi³ xin² ⁷nte³-le⁴, to⁴coi³ xi³ ma³-le⁴, nca³ nchja⁴, c⁷oa⁴ nca³ nch⁷oe¹, cjoa⁴ xi³ nqui²sa⁴ cho⁴tse⁴.) ²²C⁷ia⁴ nca³ ti¹jna³ Pablo ya⁴ nca³va³sen³-le⁴ nti⁴tsin⁴ Areópago, c⁷oi⁴qui³tso²: Nca³ts⁷io³ cho⁴ta⁴ atenienses, ña³qui³ ⁷ve³-no³ nca³ cjai¹nca³ to⁴nta³ ⁷ya³xcon¹³ xco¹son². ²³C⁷ia⁴ nca³ ja²⁷a⁴, cjai¹nca³ nta³ tsa³⁷ve³ xco¹son²-no³. C⁷oa⁴-ti⁴ qui³sa³co³-na³ jnco³ son²xta² jña³ tji⁴t⁷a³ xi³ c⁷oa⁴tso²: Je² Ni³na¹ xi³ tsi² tsa² ⁷ya³-le⁴. Je² xi³ ⁷ya³xcon¹³ nca³ tsi² tsa² ⁷yao³, je²-vi⁴ xi³ an³ nchja²ya³jin³-no³. ²⁴Je² Ni³na¹ xi³ qui³si³nta³ son³⁷nte³, cao⁴ nca³yi³je³ tso³jmi² xi³ tjin¹ son³⁷nte³-vi⁴, je² ni¹ xi³ Nai³-le⁴ nc⁷a³jmi³, c⁷oa⁴ Nai³-le⁴ son³⁷nte³. Je² a³li²coi³ ya⁴ ti¹jna³ ya⁴³ yo⁴nco⁴ xi³ ntsa⁴² qui³s⁷e³nta³-ni³. ²⁵A³li²coi³ je² ntsja³ cho⁴ta⁴son³⁷nte³ xi³ si¹sin³-le⁴ Ni³na¹ jo³-ni³ tsa² tjin¹ xi³ ma³chjen¹-le⁴ nca³ je². Je² tsjoa¹-na¹ cjoa⁴vi³jna³chon³-na¹, c⁷oa⁴ nca³ chjen³jta³², c⁷oa⁴ cao⁴ nca³yi³je³ tso³jmi². ²⁶To⁴jnc³ njin¹ qui³si³nta³-ni³ nca³ts⁷i³ jco⁴ya³ cho⁴ta⁴ nca³ coa⁴tio⁴ nca³qui³jnta²

son³⁷nte³. To⁴nqui³-ni³ tsa³c⁷e¹nta³ ni⁴chjin³-le⁴, c⁷oa⁴ jña³ sa³⁷nta³ cjoe⁴⁷a³ ⁷nte³-le⁴, ²⁷jme¹-ni³ nca³ coa⁴²sjai³-ni³ Ni³na¹, tsa² coan⁴-le⁴, jo³-s⁷in² nca³ so⁴co²-le⁴ jo³-ni³ tsa² xi³ xca⁴ cji³ xi³ sca¹njon³⁷nte³ nca³ coa⁴²sjai³. To⁴nca³ cjoa⁴qui²xi⁴ nca³ tsi² tsa² cjin³ ti¹jna³-na¹ nca³ jnc¹jnc¹oa¹. ²⁸To⁴t⁷a³ts⁷e⁴-ni¹ nca³ ti³yoa³², ni²cjan³², c⁷oa⁴ ti³yo³choan³², jo³-s⁷in² nca³ c⁷oa⁴-ti⁴ qui³tso² c⁷a³ cho⁴ta⁴chji⁴ne⁴-no³: C⁷oa⁴-ti⁴ ña¹ ntje⁴-le⁴ Ni³na¹ nia¹. ²⁹Tsa² ntje⁴-le⁴ Ni³na¹ nia¹, li²coi³ nta³ tsa² ni²cja³⁷ai³tsjen³ nca³ je² Ni³na¹ c⁷oa⁴cji³ jo³ cji³ taon⁴si³ne², a³xo⁴ jo³-ni³ taon⁴choa³, a³xo⁴ jo³-ni³ la⁴jao⁴, je² xi³ xa¹ coan³nta³-ni³ nca³ to⁴jco⁴ ts⁷a³sje³-ni³ cho⁴ta⁴. ³⁰To⁴nca³ Ni³na¹ li²coi³ qui³si³sin³ je² ni⁴chjin³ xi³ ts⁷e⁴ je² cjoa⁴njon²-vi⁴. To⁴nca³ nt⁷ai⁴-vi⁴ntai⁴ Ni³na¹ v⁷e¹ne²-le⁴ nca³ts⁷i³ cho⁴ta⁴ nca³qui³jnta² son³⁷nte³ nca³ ca²ta³si⁷c⁷a³ntjai²ya³ cjoa⁴fa³⁷ai³tsjen³-le⁴. ³¹Nca⁴ Ni³na¹ tsa³c⁷e¹jna³ jnc³ ni⁴chjin³ c⁷ia⁴ nca³ c⁷oe⁴²nta³jin³ son³⁷nte³ cao⁴ xi³ cjoa⁴qui²xi⁴, to⁴t⁷a³ts⁷e⁴ je² cho⁴ta⁴x⁷in⁴ xi³ tsa³ca³sen¹. C⁷oa⁴-s⁷in² Ni³na¹ qui³tsjoa³-le⁴ cjoa⁴qui²xi⁴ nca³ts⁷i³ nca³ qui³si³cja³⁷a¹ya³jin³-le⁴ c⁷en³ Jesús. ³²C⁷ia⁴ nca³ qui³nch⁷oe¹ nca³ fa³⁷a²ya³-ni³le⁴ xi³ m⁷en³, tjin¹ c⁷a³ xi³ to⁴tsa³qui³jno²que³, c⁷oa⁴ xi³c⁷a³ qui³tso²: Coi⁴no¹⁷ya²-lai²⁴jin⁴ jo³ tjin¹-ni³ je²-vi⁴ nqui²jnc³ ni⁴chjin³. ³³C⁷oa⁴-s⁷in² Pablo jji³tjo³jin³ va³sen³-le⁴. ³⁴To⁴nca³ tjin¹ c⁷a³ xi³ coan³cjain¹-le⁴, xi³ qui³t⁷a³-le⁴ Pablo. Ti⁴je²-ni³ Dionisio, je² xi³ ts⁷e⁴ nti⁴tsin⁴ Areópago, cao⁴ jnc³ chjon⁴² xi³ Dámaris ⁷mi², cao⁴ ncjin²-sa³ xi³c⁷a³ xi³ qui³t⁷a³-le⁴.

Pablo si¹xa¹ ya⁴ Corinto

18 C²ia⁴ nca³ je³ja³⁷a³to³ je² cjoa⁴-vi⁴, Pablo ji³tjo³ ya⁴ Atenas, ji³cho² ya⁴ Corinto.
 Qui³sa³te³jin³ jnco³ cho⁴ta⁴ judío xi³ Aquila ¹mi², xi³ ya⁴ na³nqui³ Ponto qui³tsin³. To⁴s⁷a⁴ choa³ ni⁴chjin³ tjin¹ nca³ ja³⁷ai³-ni³ Italia cao⁴ Priscila chjon⁴²-le⁴ (nca⁴ je² Claudio tsa³ca³te¹xo³ma³ nca³ nca³ts⁷i³ cho⁴ta⁴ judío coi⁴tjo³sje³jin³ ya⁴ Roma). Pablo ji³cho²con²-le⁴. ³Coi³ nca³ ti⁴je²-ni³ xa¹ tjin¹-le⁴ tsa³c²e²jna³cao⁴ nca³ je², qui³si³xa¹cao⁴. Coi³ xa¹ tjin¹-le⁴ nca³ v⁷e¹nta³ carpa. ⁴Ya⁴³ nt⁷ia³ sinagoga ña³qui³ c²oa⁴-s⁷in² tsa³cja¹cao⁴ nca³ntsja² ni⁴chjin³ ni²cja¹ya³. C²oa⁴-s⁷in² coan³me³-le⁴ nca³ si⁴²⁷i³nta³jin³ cho⁴ta⁴ judío cao⁴ cho⁴ta⁴ griego. ⁵C²ia⁴ nca³ ja³⁷ai³jen³-ni³ Macedonia, Silas cao⁴ Timoteo, Pablo ña³qui³ tsa³c²e¹ne²-le⁴ yao³-le⁴ nca³ qui³nchja⁴ya³ je² en¹-le⁴ Ni³na¹. Qui³tsjoa³-le⁴ en¹ cho⁴ta⁴ judío, nca³ je² Jesús xi³ ti⁴je²-ni³ Cristo. ⁶To⁴nca³ je² cho⁴ta⁴-ve⁴ to⁴tsa³ca³te¹cjao³⁷a² Pablo, c²oa⁴ qui³nchja⁴⁷aon³-le⁴. C²ia⁴ Pablo tsa³c²e¹tsao³jne³ na³jño³-le⁴, c²oi⁴qui³tso²-le⁴: Cao⁴ njin¹-no³ t⁷e²chji¹-nio³, tsje³ nia¹³ nca³ an³. Nt⁷ai⁴-vi⁴ cjo¹con³-le⁴ cho⁴ta⁴ xi³ li² judío-jin². ⁷Ji³tjo³-ni³ ya⁴-ve⁴. Ja³⁷a³s⁷en³ ni³⁷ya³-le⁴ jnco³ xi³ Justo ⁷mi², xi³ ve³xcon¹ Ni³na¹. Ni³⁷ya³-le⁴ ya⁴ cjo¹cjao³ cao⁴ nt⁷ia³ sinagoga. ⁸Crispo, je² xi³ cho⁴ta⁴ti¹tjon²-le⁴ nt⁷ia³ sinagoga, cao⁴ nca³ts⁷i³ xi³ tjio¹ ni³⁷ya³-le⁴, coan³cjain¹-le⁴ xi³ t⁷a³ts⁷e⁴ Nai³-na¹. Ncjin² cho⁴ta⁴ corintios xi³ qui³nch⁷oe¹, coan³cjain¹-le⁴, c²oa⁴

qui³sa³te³nta¹. ⁹C²oa⁴ nca³ ni⁴tjen⁴ qui³ts⁷ai²-le⁴ ni³jña¹ Pablo. Je² Nai³-na¹ tsa³cja¹cao⁴: A³li² jcon³-jin²³, ti⁴no²cjoai⁴, a³li²jyo¹-jin² vi³jnai³. ¹⁰An³ ti²jna⁴cao⁴-le²³. Ni⁴⁷ya³-jin² xi³ cja⁴⁷ai¹³nca¹ si⁴²cao⁴-li². An³ cja¹nca³ tjin¹-na³ cho⁴ta⁴ i⁴ ⁷nte³-vi⁴. ¹¹Jnco³ no¹va³sen³ tsa³c²e²jna³ ya⁴-ve⁴. Tsa³ca³co¹ya³-le⁴ en¹-le⁴ Ni³na¹. ¹²C²ia⁴ nca³ Galión coan³ cho⁴ta⁴ti¹tjon² ya⁴ ⁷nte³ Acaya, je² cho⁴ta⁴ judío tsa³qui³so¹tjen⁴ co²ntran⁴-le⁴ Pablo, nca³ to⁴jnco³ tsa³c²e¹ yao³-le⁴. Qui³cao⁴ nt⁷ia³va³sen³. ¹³C²oi⁴qui³tso²: Je² Pablo ti¹vi³ncha¹⁷a³ cho⁴ta⁴ nca⁴ cja⁴⁷ai¹-s⁷in² scoe⁴xcon¹ Ni³na¹, nca³ tsi² tsa² c²oa⁴tjin¹ jo³ tso² cjoa⁴te¹xo³ma³. ¹⁴C²ia⁴ nca³ me³coi⁴nchja⁴ Pablo tsa²cai³, je² Galión c²oa⁴qui³tso²-le⁴ cho⁴ta⁴ judío: Tsa² jnco³ cjoa⁴ts⁷en⁴, a³xo⁴ jnco³ je¹ xi³ tse³ tjin¹, cjoa⁴qui²xi⁴ ni¹ nca³ coi³nch⁷oe³ en¹-no³, ¹⁵to⁴nca³ tsa² je² cjoa⁴ je²-vi⁴ to⁴⁷en¹-ni³, tsa² to⁴jan³⁷ain¹-ni³, c²oa⁴ tsa² to⁴t⁷a³ts⁷e⁴ cjoa⁴te¹xo³ma³-no³, to⁴jon² t⁷e²nta³jion³. A³li²coi³ me³-na³ nca³ an³ c²oe³nta³jian³ je² cjoa⁴ xo⁴tjin¹-ve⁴. ¹⁶Tsa³c²oaon³sje³ nt⁷ia³va³sen³. ¹⁷C²ia⁴ nca³ts⁷i³ cho⁴ta⁴ griego qui³scoe¹ Sóstenes, je² cho⁴ta⁴ti¹tjon²-le⁴ nt⁷ia³ sinagoga. Tsa³ca¹-le⁴ ya⁴ nqui³xcon⁴ nt⁷ia³va³sen³. Galión li²coi³ qui³si³sin³-le⁴ je² cjoa⁴-vi⁴. ¹⁸Ncjin² ni⁴chjin³ tsa³c²e²jna³ Pablo nca³ ya⁴. C²ia⁴ qui³si³xa³t⁷a³ je² nts⁷e⁴. Cao⁴ Priscila cao⁴ Aquila qui³son²nta¹ sa³⁷nta³ ya⁴ na³nqui³ Siria. Tsa³c²e¹jon³ ntsja⁴jco⁴ ya⁴ Cencrea, nca⁴ c²oa⁴-sin² qui³tsjoa³-le⁴ choa⁴ nca³ qui³tsjoa³-le⁴ ts⁷oa³ Ni³na¹.

19 Ja³⁷ai³ ya⁴ Efeso, ya⁴ qui³si³ca³tio¹
Priscila cao⁴ Aquila. Je² ja³⁷a³s⁷en³
ya⁴³ nt⁷ia³ sinagoga. Tsa³cja¹cao⁴
cho⁴ta⁴ judío. 20 Je² cho⁴ta⁴ judío
tsa³c⁷e¹ts⁷oa³-le⁴ Pablo nca³ ncjin²-
sa³ ni⁴chjin³ ca²ta³v⁷e²jna³cao⁴
nca³ je². To⁴nca³ je² coan³cai³-le⁴.
21 Qui³si³xa³t⁷a³ je² cho⁴ta⁴-ve⁴,
c⁷oi⁴qui³tso²: Cjai¹nca³ ma³chjen¹
nca³ ya⁴ ti²jna⁴ je² s⁷oi¹ xi³ nchoa¹
ya⁴ Jerusalén. To⁴nca³ cjoa²⁷ai⁴con³
nqui²jnc³c⁷a²-nca¹ni³no³, tsa² c⁷oa⁴-
s⁷in² me³-le⁴ Ni³na¹. Ji³tjo³-ni³ ya⁴
Efeso.

Pablo qui³-nca¹ni³ Antioquía

22 Ji³cho² ya⁴ Cesarea, ji³tjo³-ni³
barco, qui³mi³ ya⁴ Jerusalén. C⁷ia⁴
nca³ je³qui³si³xa³t⁷a³ na⁴xi⁴na³nta¹-
le⁴ Cristo, qui³jen³ ya⁴ Antioquía.
23 Ya⁴ tsa³c⁷e²jna³ jo³ tjin¹ ni⁴chjin³.
C⁷ia⁴ ji³tjo³. Qui³ xqui⁴ na⁴xi⁴na³nta¹
ya⁴ ⁷nte³ Galacia, ya⁴ ⁷nte³ Frigia.
Qui³tsjoa³-le⁴ nca³n⁷ion¹ nca³ts⁷i³
cho⁴ta⁴-le⁴ Cristo.

Apolos ti¹nchja⁴ya³ ya⁴ Efeso

24 C⁷ia⁴ ji³cho² ya⁴ Efeso jnc³
cho⁴ta⁴ judío xi³ Apolos ⁷mi², xi³
qui³tsin³ ya⁴ Alejandría, jnc³
cho⁴ta⁴x⁷in⁴ xi³ ña³qui³ n⁷ion¹
nta³ ma³-le⁴ nchja⁴ya³. Cjai¹nca³
nta³ ma³-le⁴ xon⁴ Escritura.
25 Je²-vi⁴ xa¹ qui³sco²t⁷a³ya³-ni³
ntia⁴²-le⁴ Nai³-na¹. N⁷ion¹ xa¹ti¹ya³
yao³-le⁴. A³li² to⁴c⁷oa⁴cji³ nta³
qui³nchja⁴ya³, a³li² to⁴c⁷oa⁴cji³
nta³ tsa³ca³co¹ya³ nca³yi³je³ cjoa⁴
xi³ t⁷a³ts⁷e⁴ Nai³-na¹, nta³ tsa²
to⁴je² cjoa⁴sa³te¹nta¹-le⁴ Juan
xi³ je² tsa³ve³. 26 Coan³n⁷ion¹con³,
tsa³c⁷e¹ts⁷ia⁴ nca³ qui³nchja⁴ya³
ya³ nt⁷ia³ sinagoga. C⁷ia⁴ nca³

Priscila cao⁴ Aquila qui³nch⁷oe¹-
le⁴, qui³sco¹ Apolos, nqui²sa⁴nta³
qui³tso²ya³tsen³-le⁴ je² ntia⁴²-
le⁴ Ni³na¹. 27 Apolos coan³me³-le⁴
nca³ coai⁴ ya⁴ Acaya. Tsa³c⁷e¹ne²-
le⁴ je² nts⁷e⁴ nca³ qui³squi³-le⁴ je²
cho⁴ta⁴-le⁴ Cristo nca³ scoe¹tjao².
C⁷ia⁴ nca³ ji³cho², cjai¹nca³ nta³
tsa³ca³sen¹cao⁴ je² xi³ coan³cjain¹-
le⁴ xi³ to⁴t⁷a³ts⁷e⁴ cjoa⁴nta³. 28 A³li²
to⁴c⁷oa⁴cji³ nca³n⁷ion¹ qui³s⁷e³-le⁴
nca³ qui³si³i³nta³j³in³ cho⁴ta⁴ judío
nqui³xcon⁴ nca³ts⁷i³. Tsa³ca³co¹-le⁴
cao⁴ xon⁴ Escritura nca³ je² Jesús xi³
ti⁴je²-ni³ Cristo.

Pablo ya⁴ Efeso

19 C⁷oa⁴coan³ c⁷ia⁴ nca³ ti¹jna³
Apolos ya⁴ Corinto, Pablo
ja³⁷ai³ ya⁴ Efeso. Je²ts⁷a³mjen³
nca³qui³jnta² ja⁴⁷nte³ ja⁴t⁷ain³-ni³.
Qui³sa³te³j³in³ c⁷a³ cho⁴ta⁴-le⁴ Cristo.
2I⁴ qui³tso²-le⁴: A³ qui³tjoe¹-
no³ je² Espíritu Santo c⁷ia⁴ nca³
coan³cjain¹-no³. C⁷oa⁴ je² cho⁴ta⁴-
ve⁴⁷ni³ c⁷oa⁴qui³tso²-le⁴: Ma³jain²,
ni⁴sa³⁷nta³ li²coi³ qui³no²⁷yai²⁴-
jin⁴ tsa² tjin¹ Espíritu Santo.
3C⁷ia⁴ Pablo qui³tso²: ⁷ya¹-ni³
xi³ t⁷a³ts⁷e⁴ qui³sa³te³ntao¹³-⁷ni³.
Cho⁴ta⁴-ve⁴ c⁷oa⁴qui³tso²:
T⁷a³ts⁷e⁴ Juan. 4C⁷oi⁴qui³tso²
Pablo: Je² Juan tsa³ca³te¹nta¹-ni³
c⁷ia⁴ nca³ je³qui³si³c⁷a³ntjai²ya³
cjoa⁴fa³⁷ai³tsjen³-le⁴ cho⁴ta⁴.
C⁷oi⁴qui³tso²-le⁴ cho⁴ta⁴ nca³
ca²ta³ma³cjain¹-le⁴ xi³ t⁷a³ts⁷e⁴
je² xi³ cjoa⁴⁷ai¹tjen⁴nqui³-le⁴, xi³
tso²-ni³ xi³ t⁷a³ts⁷e⁴ je² Jesús xi³
Cristo. 5C⁷ia⁴ nca³ qui³nch⁷oe¹
je²-vi⁴, qui³sa³te³nta¹ xi³ t⁷a³ts⁷e⁴
jan³⁷ain¹-le⁴ Nai³-na¹ Jesús. 6C⁷ia⁴
Pablo tsa³ca¹jna³son²-le⁴ ntsja³,

ja³⁷ai³jín³ ní⁴ma⁴-le⁴ je² Espíritu Santo. Qui³nchja⁴cao⁴ xi³ cja⁴²ai¹ en¹, qui³nchja⁴ya³. ⁷Nca³ts⁷i³ ma³-la⁴ tsa² te³jao² cho⁴ta⁴. ⁸Pablo ja³⁷a³s⁷en³ ya⁴ya³ nt⁷ia³ sinagoga. Coan³n⁷ion¹-con³, jan²-la⁴ sa¹ qui³nchja⁴. Tsa³cja¹cao⁴ tsa³c⁷e¹ne²-le⁴ xi³ t⁷a³ts⁷e⁴ je² cjoa⁴te¹xo³ma³-le⁴ Ni³na¹. ⁹To⁴nca³ ta²ja³ tsa³ca³tio² c²a³. Li²coi³ coan³cjain¹-le⁴. Ch⁷ao³ qui³tso² xi³ t⁷a³ts⁷e⁴ ntia⁴²-le⁴ Nai³-na¹ nqui³xcon⁴ nca³ts⁷i³ cho⁴ta⁴. Pablo tsa³ca³sen²xin²-le⁴, c⁷oa⁴ tsa³c⁷a³sje³jín³-le⁴ cho⁴ta⁴-le⁴ Cristo. Nchaon³nchaon³ tsa³cja¹cao⁴ ya⁴³ nt⁷ia³ scoe²la⁴-le⁴ jnco³ cho⁴ta⁴ xi³ Tirano ⁷mi². ¹⁰Jao² no¹ nca³ c⁷oa⁴coan³. C⁷oa⁴-s⁷in² nca³ nca³ts⁷i³ xi³ tjio¹ ya⁴ Asia, cho⁴ta⁴ judío cao⁴ cho⁴ta⁴ griego, qui³nch⁷oe¹ en¹-le⁴ xi³ t⁷a³ts⁷e⁴ Nai³-na¹ Jesús. ¹¹C⁷oa⁴-s⁷in² nca³ n⁷ion¹ tse³ cjoa⁴xcon¹ xi³ qui³s⁷in³ Ni³na¹ cao⁴ ntsja³ Pablo. ¹²Sa³⁷nta³ c⁷oa⁴-ti⁴ fi² ca³ni¹-le⁴ cho⁴ta⁴ xi³ tjio¹m⁷en³ na³jño³ pa³ne²to⁴ cao⁴ na³jño³fa³t⁷a³ xi³ je³tsa³ca¹t⁷a³ yao³-le⁴ Pablo. Ji³tjo³-ni³le⁴ nca³yi³je³ ch⁷in³-le⁴, cao⁴ je² ntjao⁴ xi³ nta³jín³ xi³ tjin¹jín³ ní⁴ma⁴-le⁴. ¹³C⁷oa⁴-ti⁴ tjin¹ c⁷a³ cho⁴ta⁴ judío xi³ ma³-le⁴ ch⁷a²sje³ suerte xi³ to⁴ya⁴ ntia⁴² si¹ma³. Je² coan³me³-le⁴ nca³ qui³nchja⁴-le⁴ je² jan³⁷ain¹-le⁴ Nai³-na¹ Jesús xi³ t⁷a³ts⁷e⁴ je² xi³ ntjao⁴ xi³ nta³jín³ tjio¹jín³ ní⁴ma⁴-le⁴. C⁷oi⁴qui³tso²-le⁴: An³ va³te³xo³ma³-no³ xi³ to⁴t⁷a³ts⁷e⁴ Jesús, je² xi³ Pablo tso²ya³. ¹⁴Ñ³to³ma³-ni³ xti³-le⁴ jnco³ cho⁴ta⁴ judío xi³ Sceva ⁷mi², xi³ na⁴⁷mi³ti⁷tjon², xi³ c⁷oa⁴qui³s⁷in³. ¹⁵C⁷ia⁴ qui³nchja⁴ je² ntjao⁴ xi³ nta³jín³, c⁷oi⁴qui³tso²: Je² Jesús ⁷ve³-nia¹³ ⁷ya³-ni³ve⁴, c⁷oa⁴-ti⁴

⁷ve³-nia¹³ ⁷ya³ cjoan³ Pablo, to⁴nca³ jon² ⁷ya¹ nio¹³. ¹⁶Je² cho⁴ta⁴x⁷in⁴ xi³ ntjao⁴ xi³ nta³jín³ ti¹jna³jín³ ní⁴ma⁴-le⁴ qui³squi²⁴ne²-le⁴, qui³si³qui³njen³-le⁴ xti³-ve⁴. Nqui²sa⁴ coan³-le⁴ nca³ je² cao⁴-ni³ tsa² xti³-ve⁴. C⁷oa⁴-s⁷in² nca³ to⁴tsa³nca³ ya⁴ ni³⁷ya³-ve⁴, nca³ cjio³jtí², nca³ qui³tsin²⁷aon³. ¹⁷Je²-vi⁴ tsa³⁷ya³-le⁴ t⁷a³ts⁷e⁴ nca³ts⁷i³ xi³ tjio¹ ya⁴ Efeso, cho⁴ta⁴ judío cao⁴ cho⁴ta⁴ griego. Ñ³a³qui³ qui³tso³cjon¹ nca³ts⁷i³. A³li² to⁴c⁷oa⁴cji³ qui³tsin³nc⁷a³ jan³⁷ain¹-le⁴ Nai³-na¹ Jesús. ¹⁸Cjai¹nca³ to⁴ncjin² xi³ coan³cjain¹-le⁴ xi³ ja³⁷ai³ tso²ya³nta³, c⁷oa⁴ qui³tso² jo³ ch⁷ao³ qui³s⁷in³ xa¹-le⁴. ¹⁹C⁷oa⁴-ti⁴ ncjin² xi³ c⁷oa⁴-s⁷in² coan³-le⁴ je² cjoa⁴ch⁷a²-na⁴cha⁴ ja³⁷ai³cao⁴ libro-le⁴ tjio¹va³ca¹ nqui³xcon⁴ nca³ts⁷i³. Tsa³c⁷a³sje³ cuenta jo³ tjin¹ chji¹-le⁴ xon⁴ xi³ tsa³ca³ca¹. Coan³sjai³-le⁴ nca³ ñ³chan²te³ jmi³ chji¹-le⁴ nca³yi³je³. ²⁰C⁷oa⁴-s⁷in² nca³ n⁷ion¹ nta³ tsa³nca³son² je² en¹-le⁴ Nai³-na¹, c⁷oa⁴ n⁷ion¹ qui³s⁷e³-le⁴ nca³n⁷ion¹. ²¹C⁷ia⁴ nca³ je³je³t⁷a³ je² cjoa⁴-vi⁴, c⁷oa⁴-s⁷in² coan³me³-le⁴ ní⁴ma⁴-le⁴ Pablo nca³ qui³ ya⁴ Jerusalén, c⁷ia⁴ nca³ je³ja³⁷a³to³ ya⁴ Macedonia cao⁴ Acaya. C⁷oi⁴qui³tso²: C⁷ia⁴ nca³ je³ti²jna⁴ ya⁴-ve⁴, c⁷oa⁴-la²ti⁴ ma³chjen¹ nca³ cjoia¹³ ya⁴ Roma. ²²C⁷ia⁴ Pablo qui³sca³ni¹ Timoteo cao⁴ Erasto ya⁴ Macedonia. Je² jao²-ve⁴ xi³ tjio¹vi³ncha¹cao⁴. To⁴nca³ Pablo tsa³c⁷e²jna³ jo³ tjin¹ ní⁴chjin³ ya⁴ Asia.

Cjoa⁴si³ xi³ qui³s⁷e³ ya⁴ Efeso

²³C⁷ia⁴ a³li² to⁴jo³ xi³ cji³tse³ cjoa⁴si³ xi³ t⁷a³ts⁷e⁴ ntia⁴²-le⁴ Nai³-na¹. ²⁴Jnco³ cho⁴ta⁴ xi³ si¹xa¹cao⁴

taon⁴choa³ xi³ Demetrio ⁷mi², xi³ si¹nta³-ni³ taon⁴choa³ xco¹son²-le⁴ Diana. Cjai¹nca³ to⁴tse³ cjoa⁴ma⁴ qui³si³qui³njen³-ni³le⁴ je² xi³ ma³-le⁴ xa¹-vi⁴. ²⁵Tsa³c⁷e¹xco¹ xi¹ncjin¹ xi³ je² va¹-vi⁴ ma³-le⁴, cao⁴ xi³c⁷a³ xi³ ti⁴coi³-ni³ cjoa⁴ma⁴ tj¹n¹-le⁴. Je² Demetrio c⁷oi⁴qui³tso²-le⁴. Nca³ts⁷io³ ⁷ya³-nio¹³ nca³ je² xa¹-na¹vi⁴ cjai¹nca³ to⁴tse³ taon⁴ si¹qui³njen³-na¹. ²⁶ya³-nio¹³, c⁷oa⁴ no²⁷ya²-nio¹³ nca³ je² Pablo c⁷oa⁴-s⁷in² qui³si³i³nta³j¹n³ ncjin² cho⁴ta⁴ nca⁴ xin² ntia⁴² qui³, a³li² tsa² to⁴⁷i⁴-j¹n² Efeso-vi⁴, to⁴nca³ me³-la⁴ tsa² nca³qui³jnta² Asia. C⁷oa⁴tso²-le⁴: A³li² Ni³na¹-j¹n² je² xi³ ntsa⁴² ma³nta³-ni³. ²⁷A³li² tsa² to⁴coi³-j¹n² cjoa⁴jcon³ xi³ tj¹n¹ nca³ to⁴coi³ je² cjoa⁴ma⁴ je²-vi⁴ si⁴²soa³-ni³na¹, to⁴nca³ sa³⁷nta³ je² yo⁴nc⁴-le⁴ na⁴-na¹ Diana taon³ jcha⁴, c⁷oa⁴ cjoa⁴je³ya³-le⁴ je² xco¹son²-ve⁴ xi³ ve³xcon¹ nca³ts⁷i³ nca³qui³jnta² Asia, c⁷oa⁴ nca³qui³jnta² son³⁷nte³, coi⁴xo⁴ya³. ²⁸C⁷ia⁴ nca³ qui³nch⁷oe¹ je² en¹ xo⁴ tso²-ve⁴, a³li² to⁴c⁷oa⁴cji³ coan³ji³-le⁴ cho⁴ta⁴-ve⁴. Qui³squi³⁷ntia¹xa¹ c⁷oi⁴qui³tso²: A³li² to⁴nc⁷a³ ti¹jna³ je² Diana xi³ ts⁷e⁴ cho⁴ta⁴ efesios. ²⁹A³li² to⁴c⁷oa⁴cji³ cjoa⁴si³ qui³s⁷e³ ya⁴ na⁴xi⁴na³nta¹-ve⁴. To⁴jnc³ ja³⁷a³s⁷en³jt¹n¹ ya⁴ ⁷nte³j¹n³sen¹ ña³ ma³ña³ cho⁴ta⁴. Qui³tsoa³, c⁷oa⁴ qui³cao⁴ Gayo cao⁴ Aristarco, cho⁴ta⁴ macedonios xi³ mi²yo⁴-le⁴. ³⁰Coan³me³-le⁴ Pablo nca³ cjoa⁴⁷a³s⁷en³con³-le⁴ cho⁴ta⁴ na⁴xi⁴na³nta¹, to⁴nca³ je² cho⁴ta⁴-le⁴ Cristo li²coi³ qui³tsjoa³⁷nte²-le⁴. ³¹C⁷oa⁴-ti⁴ tj¹n¹ c⁷a³ je² xi³ ma³xtoan²ti¹tjon² ya⁴ Asia, xi³ mi²yo⁴-le⁴ Pablo, xi³ qui³si³ca³sen¹cjoa⁴-le⁴. Tsa³c⁷e¹ts⁷oa³-

le⁴ nca³ tsi² ya⁴ coai⁴ ya⁴ ⁷nte³-ve⁴. ³²Qui³squi³⁷ntia¹ nca³ jnc¹oinco¹ c⁷a³ cja⁴⁷ai¹ cja⁴⁷ai¹ qui³tso². Je² junta to⁴qui³s⁷in³ jo³ qui³s⁷in³, c⁷oa⁴ je² xi³ nqui³sa⁴ ncjin² li²coi³ ve³ a³-ni³ve⁴ nca³ coan³ña³-ni³. ³³Tsa³c⁷a³sje³j¹n³-le⁴ cho⁴ta⁴ncjin²-ve⁴ je² Alejandro. Je² cho⁴ta⁴ judío qui³tson²ntsja¹. C⁷ia⁴ Alejandro qui³sco²mi³ ntsja³, jyo¹-la² ti⁴yo³ c⁷oi⁴qui³tso². Me³-le⁴ nca³ tsjoa¹-le⁴ cjoa⁴qui²xi⁴ cho⁴ta⁴ na⁴xi⁴na³nta¹-ve. ³⁴To⁴nca³ tsa³ve³ nca³ je² ni¹ cho⁴ta⁴ judío. Ña³qui³ to⁴jnc³ jta³ qui³ nca³ts⁷i³. Jao² hora-la⁴ c⁷oa⁴-s⁷in² tsa³c⁷e¹jt³: A³li² to⁴nc⁷a³ ti¹jna³ je² Diana xi³ ts⁷e⁴ cho⁴ta⁴ efesio. ³⁵C⁷ia⁴ nca³ je² cho⁴ta⁴ scribano qui³si³c⁷e¹jyo² cho⁴ta⁴, c⁷oi⁴qui³tso²: Nca³ts⁷io³ cho⁴ta⁴ efesio, ⁷ya¹-ni³ cho⁴ta⁴ xi³ tj¹n¹ xi³ tsi²coi³ ve³ nca³ je² na⁴xi⁴na³nta¹-le⁴ cho⁴ta⁴ efesio nta³ si¹coi²nta⁴ je² xco¹son² ni³na¹ Diana, je² xco¹son² xi³ je² Júpiter qui³sca³jen³-ni³. ³⁶C⁷oa⁴-s⁷in²⁷ni³ ni⁴⁷ya³-j¹n² xi³ coan⁴ nca³ c⁷oe⁴²⁷ma³ je²-vi⁴. Cjai¹nca³ ma³chjen¹ nca³ coi⁴yo³jyo¹³, nca³ tsi² tsa³ jme³ xi³ to⁴xquia⁴ s⁷iaon⁴³. ³⁷Jon² ca²fa²⁷ai⁴cao⁴³ je² cho⁴ta⁴-ve⁴, nca³ tsi²jme³ xi³ qui³si³che¹ ya⁴³ yo⁴nc⁴-no³, ni⁴qui³nchja⁴⁷aon³-j¹n²le⁴ je² ni³na¹-no³. ³⁸Tsa² je² Demetrio cao⁴ cho⁴ta⁴ xi³ si¹xa¹cao⁴ tj¹n¹cao⁴-le⁴ cjoa⁴, tj¹n¹ cjoa⁴te¹xo³ma³, tj¹n¹ cho⁴ta⁴ti¹tjon². Ca²ta³va¹nqui³ xi¹ncjin¹. ³⁹C⁷oa⁴ tsa² me³-no³ nca³ fa³nquio³ xi³ cja⁴⁷ai¹ cjoa⁴, ca²ta³s⁷e³jna³ junta jo³ tso² cjoa⁴te¹xo³ma³. C⁷oa⁴ ca²ta³s⁷e³nta³ xi³ cjoa⁴qui²xi⁴. ⁴⁰Jo³-la²ni³ tsa² tj¹n¹ xi³ coa⁴²nqui³-na¹, nca³ ca²v⁷e²jna³² cjoa⁴si³ nt⁷ai⁴. A³li²coi³ coan⁴²

c²oe⁴² en¹ a³-ni³ nca³ c²oa⁴-s²in²
ca²ma³ña³-nia¹ nca⁴ tsi²jme³ cjoa⁴
xi³ tjin¹. ⁴¹C²ia⁴ nca³ je³c²oa⁴qui³tso²,
tsa³c²e¹ne²-le⁴ nca³ts²i³ nca³ qui³-ni³.

**Pablo qui³ ya⁴ Macedonia
cao⁴ ya⁴ Grecia**

20 C²ia⁴ nca³ je³qui³s²e³jña¹
cjoa⁴si³, Pablo
qui³nchja⁴-le⁴ cho⁴ta⁴-le⁴ Cristo.
Tsa³c²e¹ne²-le⁴, qui³tsoa³cja¹, qui³-
si³xa³t²a³, qui³ ya⁴ Macedonia.
²C²ia⁴ nca³ je³tsa³c²a³mjen³ nca³
ya⁴, a³li² to⁴c²oa⁴cji³ ncjin² en¹
qui³tso²ya³-le⁴, ja³ai³ ya⁴ Grecia.
³C²ia⁴ nca³ je³tsa³c²e²jna³ ya⁴-ve⁴
jan² sa¹, me³ coai⁴son²-ni³ na³nta¹
ya⁴ Siria. To⁴nca³ tsa³ca³tio²chjoa²-
le⁴ je² cho⁴ta⁴ judío. C²ia⁴
qui³si³cja³ai³tsjen³ nca³ ti⁴coai⁴to³-
nca¹ni³ ya⁴ Macedonia. ⁴Qui³cao⁴
sa³nta³ Asia je² Sópater cho⁴ta⁴ xi³
ts²e⁴ Berea, c²oa⁴ je² cho⁴ta⁴ xi³ ts²e⁴
Tesalónica, Aristarco, Segundo,
c²oa⁴-ti⁴ Gayo xi³ Derbe ts²e⁴, c²oa⁴
Timoteo, c²oa⁴ Tíquico, cao⁴ Trófimo
xi ts²e⁴ Asia. ⁵Je² nca³ts²i³ cho⁴ta⁴-vi⁴
qui³ti¹tjon². Ya⁴ qui³sco³ya²-na³jín⁴
ya⁴ Troas. ⁶C²ia⁴ nca³ je³ja³a³to³
ni⁴chjin³-le⁴ je² nio⁴xti²la⁴ xi³ tsin²-
le⁴ na⁴yo⁴san³-jin², tsa³nquin¹-ni³jín⁴
ya⁴ Filipino. Tsa³nquin¹son²ntai¹⁴-
jin⁴ cao⁴ barco. Xi³ coan³ aon²-ni³
ni⁴chjin³, ji³cho³nch²oi²⁴-jin⁴
nca³ je² xi³ je³tjio¹ ya⁴ Troas. Ya⁴
tsa³qui³yoi³⁴-jin⁴ ña³to³ ni⁴chjin³.

Tse³ qui³nchja⁴ya³ Pablo ya⁴ Troas

⁷Ni⁴chjin³ tai²nc⁴ coan³ña³
cho⁴ta⁴-le⁴ Cristo nca³ qui³si³xcoa⁴
nio⁴xti²la⁴. Pablo tsa³cja¹cao⁴ nca³
coi⁴tjo³ nca³ nchaon³-ni³. A³li²
to⁴tse³ qui³nchja⁴ya³-ni³ sa³nta³

va³sen³ni⁴tjen⁴. ⁸Cjai¹nca³ to⁴ncjin²
lámpara tjin¹ ja⁴ya³ cuarto jña³ nca³
tsa³ca³tio²tjin¹. ⁹Jnco³ cho⁴ta⁴xti³ xi³
Eutico ⁷mi² ya⁴ ti¹jna³jcho³ ventana.
N²ion¹ coan³ni³jña¹-le⁴ nca³ c²oa⁴-
s²in² to⁴tse³ qui³nchja⁴ Pablo. Ya⁴
tsa³ca¹jna³fe². Qui³sca³nqui³ xi³
ma³jan²-ni³ piso. Je³qui³jna³c²en³
nca³ qui³sco²mi³tjen⁴. ¹⁰C²ia⁴
ji³tjo³jen³ Pablo, tsa³ca¹jna³son²-
le⁴ qui³tsoa³cja¹ c²oi⁴qui³tso²: A³li²
c²oa⁴-jin² ma³-no³, nca⁴ ti¹jna³con³
ni⁴ma⁴-le⁴. ¹¹C²ia⁴ nca³ qui³mi³
nqui²ntia³-ni³ Pablo, qui³si³xcoa⁴
nio⁴xti²la⁴, tsa³cjen². A³li² to⁴c²oa⁴cji³
qui³nchja⁴ nqui²ntia³ sa³nta³
qui³s²e³-le⁴ sen¹. C²ia⁴ qui³-ni³.
¹²Cho⁴ta⁴ ja³ai³cao⁴ je² cho⁴ta⁴xti³-
ve⁴ nca³ ti¹jna³con³. Cjai¹nca³
to⁴tsa³c²e¹ya³tsjoa³-ni³con³ cho⁴ta⁴.

Ja³ai³ ya⁴ Mitilene

¹³C²oa⁴ jin⁴-jin⁴
tsa³nquin¹ti¹tjoin²⁴-jin⁴
jña³ ti¹qui³jna³ barco.
Tsa³nquin¹son²ntai¹⁴-jin⁴ sa³nta³
ya⁴ Asón jña³ nca³ coan³jnc³-
ni³jín⁴ cao⁴ Pablo. Je² c²oa⁴-s²in²
coan³me³-le⁴ nca³ ntia⁴² ntso⁴co⁴
coai⁴-ni³. ¹⁴C²ia⁴ nca³ coan³jncoi³⁴-
jin⁴ ya⁴ Asón, qui³chjoi¹⁴-jin⁴
Pablo ja⁴ya³ chi³tso³, ja²ai⁴-jin⁴
ya⁴ Mitilene. ¹⁵Nqui²jnc³ c²a²
tsa³nquin¹son²ntai¹⁴-jin⁴ cao⁴ barco.
Xi³ coan³nchaon³-ni³ ji³choi³⁴-
jin⁴ ya⁴ nqui³xcon⁴ Quío. C²ia⁴
nca³ ti⁴coan³nchaon³-nca¹ni³
ya⁴ tsa³qui³yoi³⁴-jin⁴ puerto
Samos. Tsa³qui³yo³cja¹yai³⁴-jin⁴
ya⁴ Trogilio. Xi³ coan³nchaon³-
ni³ ji³choi²⁴-jin⁴ ya⁴ Mileto.
¹⁶Pablo qui³si³cja³ai³tsjen³ nca³
coai⁴son²nta¹, to⁴cjoa⁴⁷a³to³qui²xi⁴

Efeso. Cai³-le⁴ nca³ si⁴²tse³ya²-le⁴
yao³-le⁴ ya⁴ Asia. Qui³si³xa¹ti¹ya³
tsa² coi³ ni⁴χjin³ coi⁴cho³nch⁷oe²
s⁷oi¹ Pentecostés ya⁴ Jerusalén.

**Pablo c⁷oi⁴qui³tso²-
le⁴ cho⁴ta⁴jchi¹nca³-le⁴
na⁴xi⁴na³nta¹-le⁴ Cristo**

¹⁷C⁷ia⁴ nca³ ti¹jna³-sa³ ya⁴ Mileto,
qui³si³ca³sen¹cjoa⁴ ya⁴ Efeso.
Qui³nchja⁴-le⁴ cho⁴ta⁴jchi¹nca³-le⁴
je² na⁴xi⁴na³nta¹-le⁴ Cristo. ¹⁸C⁷ia⁴
nca³ ja³⁷ai³con²-le⁴ c⁷oi⁴qui³tso²-
le⁴: Na¹nta³ tjin¹jjin³-no³ jo³-s⁷in²
nca³ qui³coa⁴ yao³-na⁴ c⁷ia⁴ nca³
tsa³ca²te⁴jna³cao⁴-no³ nca³ntsjai²
sa³⁷nta³ nca³ ja²⁷a⁴s⁷en³ti¹tjoan² i⁴
Asia. ¹⁹I³nta³na³nqui³ qui³si³xa¹-
le⁴ je² Nai³-na¹, cjai¹nca³ to⁴tse³
nta¹xcoan³ tsa³c⁷e³jten³. A³li²
to⁴c⁷oa⁴cji³ cjoa⁴ xi³ coan³t⁷en³ nca³
c⁷oa⁴-s⁷in² tsa³ca³tio²chjoa²-na³ je²
cho⁴ta⁴ judío. ²⁰Ni⁴to⁴jme³-jin² xi³
coan³cai³-na³ nca³ qui³nchja²ya³jjin³-
no³ xi³ coan³chjen¹-no³, nca³
qui³xin²ya³-no³ nqui³xcon³
nca³ts⁷io³, c⁷oa⁴ xqui⁴ ni³⁷ya³-no³.
²¹Qui³tsjoa³-le⁴ en¹ je² cho⁴ta⁴
judío cao⁴ cho⁴ta⁴ xi³ li² judío-
jin² nca³ ca²ta³si¹c³a³ntjai²ya³
cjoa⁴fa³⁷ai³tsjen³-le⁴ xi³ t⁷a³ts⁷e⁴
Ni³na¹ c⁷oa⁴ ca²ta³ma³cjai¹-le⁴
xi³ t⁷a³ts⁷e⁴ Nai³-na¹ Jesucristo.
²²Nt⁷ai⁴-vi⁴ntai⁴ tsen³ ma³-na³ nca³
je² ni⁴ma⁴-na⁴ ti¹ca³ni¹-na³, ti²fi³-
nia¹³ ya⁴ Jerusalén. A³li²coi³ ⁷ve³
jme³ xi³ coan⁴t⁷en³ ya⁴-ve⁴. ²³To⁴nca³
je³ Espíritu Santo nca³qui³jnta²
na⁴xi⁴na³nta¹ tsjoa¹-na³ cjoa⁴qui²xi⁴
nca³ ya⁴-xo¹ coa²te⁴jna³ nto⁴ya¹,
c⁷oa⁴ ya⁴ cjoa³⁷a³ cjoa⁴n⁷ain³.
²⁴To⁴nca³ ni⁴jme³-jin² coi²nta⁴-
na³. A³li²coi³ ni⁴ma⁴-na⁴ scon³-le⁴

xi³ to⁴t⁷a³ts⁷an⁴. To⁴coi³ xi³ me³-na³
nca³ nta³ si³cje³t⁷a³ ntia⁴²-na⁴ cao⁴
cjoa⁴tsjoa³, c⁷oa⁴ nca³ nta³ si³cje³t⁷a³
je² xa¹ xi³ qui³tsjoa³-na³ je² Nai³-
na¹ Jesús, nca³ tsjoa³ je² en¹nta³
xi³ t⁷a³ts⁷e⁴ cjoa⁴nta³-le⁴ Ni³na¹.
²⁵C⁷oa⁴ nt⁷ai⁴-vi⁴ tsen³ ma³-na³ nca³
li²coi³ ti⁴cho¹⁷a³-ni³nao¹³ nca³ts⁷io³
jon²-vi⁴ xi³ tsa³c⁷a³mjen³jjin³-no³ xi³
qui³nchja²ya³jjin³-no³ xi³ t⁷a³ts⁷e⁴
je² cjoa⁴te¹xo³ma³-le⁴ Ni³na¹. ²⁶Coi³
c⁷oa⁴xin¹-no³ nt⁷ai⁴-vi⁴ nca³ tsi² tsa²
an³ v⁷a³cao⁴-na³ xi³ t⁷a³ts⁷e⁴ njin¹-
no³. ²⁷Li²coi³ coan³cai³-na³ nca³
c⁷oa⁴-s⁷in² qui³nchja²ya³jjin³-no³
nca³yi³je³ jo³ tso² Ni³na¹. ²⁸Jon² xi³
je² Espíritu Santo tsa³qui³ncha¹nta³-
no³ nca³ si⁴coi²ntao⁴³. Jo³-ni³ tsa²
va³rre² xi³ tjio¹jtin¹, c⁷oa⁴-s⁷in²
ti⁴coi²ntao⁴³ na⁴xi⁴na³nta¹-le⁴ Nai³-
na¹ xi³ je² Nai³-na¹ qui³njen²-le⁴ xi³
ti⁴t⁷a³ts⁷e⁴-ni³ cao⁴ njin¹-le⁴. ²⁹⁷ve³-
nia¹³ nca³ an³ nca³ coan⁴scan³-ni³
nca³ cjoia¹³, cjoa⁴⁷a³s⁷en³jjin³-no³
jo³-ni³ tsa² tsen⁴² xi³ n⁷ion¹
toan¹, xi³ li²coi³ si⁴²cha³⁷t⁷a³-le⁴
cho⁴ta⁴-le⁴ Cristo xi³ jo³-ni³ tsa²
va³rre² tjio¹jtin¹. ³⁰Xi³ ti⁴jon²-
nio³ coi⁴so¹tjen⁴jjin³-no³ cho⁴ta⁴
xi³ coi⁴nchja⁴ en¹ xi³ ch⁷ao³ tjin¹.
Coan⁴me³-le⁴ coai⁴cao⁴ cho⁴ta⁴ xi³ je²
coai⁴t⁷a³-le⁴. ³¹Cjia⁴to³con²³ ti⁴yo³,
ca²ta³fa³⁷ai³tsjen³-no³ nca³ jan² no¹
nca³ ni⁴χjin³ nca³ ni⁴tjen⁴ li²coi³
tsa³ca²te⁴jna³jyo¹³. Cao⁴ nta¹xcoan³
qui³xin²ya³-no³ nca³ jnc¹o¹jnc¹³ jon².
³²Nt⁷ai⁴-vi⁴ntai⁴ nca³ts⁷io³ ⁷nti¹nts⁷e³,
si³ca³tio²cao⁴-no³ Ni³na¹ cao⁴ je²
en¹ xi³ t⁷a³ts⁷e⁴ cjoa⁴nta³-le⁴. Je²
en¹ coan⁴-le⁴ tsjoa¹-no³ nca³n⁷ion¹,
tsjoa¹-no³ cjoa⁴tjao² cao⁴ nca³ts⁷i³
cho⁴ta⁴ xi³ je³coan³tsje³. ³³Ni⁴⁷ya³-
jin² xi³ an³ coan³xin²con³que⁴

taon⁴choa³-le⁴, a³xo⁴ taon⁴si³ne²-le⁴, a³xo⁴ na³jño³-le⁴. ³⁴Na¹nta³ 'yao³ nca³ je² ntsa⁴ qui³si³xa¹ xi³ t'a³ts⁷e⁴ xi³ coan³chjen¹-na³, c'oa⁴ xi³ t'a³ts⁷e⁴ xi³ tjio¹cao⁴-na³. ³⁵Na³qui³ c'oa⁴-s'in² tsa³ca³co³-no³ nca³ cja¹nca³ to⁴ma³chjen¹ nca³ c'oa⁴-s'in² ni²xa¹ nca³ coi⁴ncha³coa⁴² xi³ tjio¹m'en³, nca³ si⁴cja³⁷ai³tsjen³² je² en¹-le⁴ Nai³-na¹ Jesús xi³ qui³tso²: To⁴nqui²sa⁴ nta³-ni¹ nca³ c'oe⁴² cao⁴-ni³ tsa² nca³ chjoe¹. ³⁶C'ia⁴ nca³ je³c'oa⁴qui³tso² tsa³ca³sen²xco¹nch⁷in³ tsa³c'e¹ts'oa³ cao⁴ nca³ts'i³. ³⁷C'ia⁴ ña³qui³ qui³squi³⁷ntia¹-ni³ nca³ts'i³, qui³tsoa³cja¹ Pablo, tsa³c'e¹t'a³ts'oa²-le⁴. ³⁸A³li² to⁴⁷aon³ coan³-le⁴ je² en¹ xi³ qui³tso² nca³ tsi² ti⁴sco¹⁷a³-ni³ je² Pablo. Qui³ ca³ni¹ ya⁴³ ntia⁴² sa³⁷nta³ jña³ qui³jna³ barco.

Pablo qui³ ya⁴ Jerusalén

21 C'ia⁴ nca³ je³tsa³nquin¹t'a³-ni³lai⁴jín⁴ tsa³nquin¹son²ntai¹⁴-jin⁴ tsa³nquin¹qui²xi⁴-ni³jín⁴ sa³⁷nta³ Cos. Xi³ coan³nchaon³-ni³ ji³choi³⁴-jin⁴ ya⁴ Rodas. C'ia⁴ tsa³nquin¹son²ntai¹⁴-jin⁴ ya⁴ Pátara. ²Ya⁴ qui³sa³co³jnc³-na³jín⁴ barco xi³ coai⁴ ya⁴ Fenicia, tsa³qui³yo³yai³⁴-jin⁴ tsa³nquin¹son²ntai¹⁴-jin⁴. ³Qui³cho²tsen³t'ai³-jin⁴ ya⁴ Chipre. I⁴-s'in² ntsai⁴-jin⁴ nca³scoiⁿ¹⁴-jin⁴ ti¹jna³. To⁴jo³ c'oa⁴-s'in² tsa³nquin¹son²ntai¹⁴-jin⁴. Ji³choi³⁴-jin⁴ ya⁴ Siria, ji³choi³-nca¹ni³jín⁴ ya⁴ Tiro nca³ je² ch⁷a¹ xi³ y'a³ barco-ve⁴ ya⁴ ts'a³jen⁴. ⁴Na³to³ ni⁴chjin³ tsa³qui³yoi³⁴-jin⁴ ya⁴-ve⁴ nca³ qui³sa³co³-na³jín⁴ je² cho⁴ta⁴-

le⁴ Cristo. Cho⁴ta⁴ c'oi⁴qui³tso²-le⁴ Pablo nca³ je² Espiritu Santo tsa³cja¹cao⁴, a³li² 'mi³-jin²xoi¹³ ya⁴ Jerusalén. ⁵C'ia⁴ nca³ je³ja³⁷a³to³ je² ni⁴chjin³-ve⁴ ji²tjoi⁴-jin⁴. Qui³ ca³ni¹ya³ntia³-na³jín⁴ nca³ts'i³ cao⁴ ya¹nchjin¹-le⁴ cao⁴ xti³-le⁴ jña³ sa³⁷nta³ nca³ fe³t'a³-ni³ na⁴xi⁴na³nta¹. Tsa³qui³ncha³xco¹nch⁷in³⁴-jin⁴ ya⁴ nta³na³nta¹ tsa³c'e²ts'oi³⁴-jin⁴. ⁶Qui³ni²xa³t'ai³⁴-jin⁴ xi²nqui⁴-jin⁴. C'ia⁴ tsa³nquin¹quin³⁴-jin⁴ barco. C'oa⁴ je² cho⁴ta⁴-ve⁴ qui³-ni³ ni³⁷ya³-le⁴.

Ji³tja³s'ain³-jin⁴ nt'ia³-le⁴ Felipe

⁷C'oa⁴ jin⁴-jin⁴⁷ni³, ji³nchoa³-ni³jín⁴ ya⁴ Tiro, c'ia⁴ nca³ je³ji³tja³to³ntai¹⁴-jin⁴, ji³choi³⁴-jin⁴ ya⁴ Tolemaida. Qui³ni²ti²⁷ntai³⁴-jin⁴ je² nts'e³². Jnc³ ni⁴chjin³ tsa³qui³yo³coai⁴-jin⁴. ⁸Xi³ coan³nchaon³-ni³, ji²tjoi⁴-jin⁴ Pablo cao⁴ jin⁴-jin⁴ xi³ ti³yo³coai⁴-jin⁴, ja²⁷ai⁴-jin⁴ ya⁴ Cesarea. Ya⁴ ji³tja³s'ain³-jin⁴ nt'ia³-le⁴ Felipe, je² xi³ qui³nchja⁴ya³-ni³ xi³ t'a³ts'ea⁴ Ni³na¹. Je² ni¹ jnc³ xi³ ña³to³ ma³-ni³. Ya⁴ tsa³qui³yo³coai⁴-jin⁴. ⁹No³ ma³ xti³ya¹nchjin¹ xo⁴nc¹ xi³ tjín¹-le⁴ Felipe, c'oa⁴ xi³ qui³nchja⁴ya³-ni³ xi³ t'a³ts'ea⁴ Ni³na¹. ¹⁰Ncjin² ni⁴chjin³ ya⁴ tsa³qui³yo³coai⁴-jin⁴. Jnc³ xi³ qui³nchja⁴ya³ t'a³ts'ea⁴ Ni³na¹ xi³ Agabo 'mi² ji³nchoa³jen³-ni³ ya⁴ Judea. ¹¹Ji³cho²con³-na³jín⁴. Qui³scoe¹ je² n'o¹ xi³ v'e¹cja¹ Pablo. Ti⁴je²-ni³ Agabo tsa³c'e¹t'a³n'ion¹ ntso⁴co⁴ cao⁴ ntsja³, c'oa⁴qui³tso²: Je²-vi⁴ xi³ tso² je² Espiritu Santo. Je² cho⁴ta⁴ judío ya⁴ Jerusalén c'oi⁴-s'in² c'oe⁴²t'a³n'ion¹ je² cho⁴ta⁴x'in⁴ xi³ ts'ea⁴ n'o¹-vi⁴. C'oa⁴ si¹⁴ntsja³ cho⁴ta⁴ xi³ li² judío-jin². ¹²C'ia⁴ nca³

qui³no²⁷yai²⁴-jin⁴ je²-vi⁴, jin⁴-jin⁴ cao⁴
 je² xi³ ya⁴ 'nte³-le⁴ tsa³c'e²ts'oa³-
 lai⁴jin⁴ Pablo, nca³ tsi² coai⁴mi³
 ya⁴ Jerusalén. ¹³C'ia⁴ qui³nchja⁴
 Pablo: Jme¹-ni³ xi³ n'iaon²³ nca³
 chi¹⁷nta¹-si¹nio³, to⁴ni²va³-lao⁴³
 ni⁴ma⁴-na⁴. A³li² tsa² to⁴c'oa⁴-jin²s'in²
 ti²jna⁴nta³-nia¹³ nca³ s'e²t'a³n'ion¹-
 na³, c'oa⁴-ti⁴ ti²jna⁴nta³-nia¹³ nta³
 tsa² coi⁴ya¹³-nia¹³ ya⁴ Jerusalén,
 xi³ to⁴t'a³ts'e⁴ je² jan³⁷ain¹-le⁴
 Nai³-na¹ Jesús. ¹⁴A³li²coi³ coan³
 qui³chja³⁷a²xin²-lai⁴jin⁴, to⁴c'oa⁴-s'in²
 tsa³qui³yo³jyo¹⁴-jin⁴. C'oa⁴tsa³c'in²-
 lai⁴jin⁴: Ca²ta³vi³tjo³son²
 jo³-s'in² me³-le⁴ Nai³-na¹. ¹⁵C'ia⁴
 nca³ je³ja³⁷a³to³ ni⁴chjin³-vi⁴,
 tsa³c'e²xcoi¹⁴-jin⁴ tso³jmi²-na⁴jin⁴,
 tsa³nquin¹mi³-jin⁴ ya⁴ Jerusalén.
¹⁶C'oa⁴-ti⁴ ji³nchoa³cao⁴ c'a³-na³jin⁴
 je² cho⁴ta⁴-le⁴ Cristo xi³ ya⁴ Cesarea
 ts'e⁴. Qui³cao⁴-na³jin⁴ ya⁴ ni³⁷ya³-le⁴
 je² xi³ Mnasón 'mi², xi³ Chipre ts'e⁴,
 xi³ coa²tse³ cho⁴ta⁴-le⁴ Cristo. Je²
 coi⁴yo³coai⁴-jin⁴.

Qui³tsoa³ Pablo ya⁴ yo⁴nco⁴

¹⁷C'ia⁴ nca³ ji³choi³⁴-jin⁴ ya⁴
 Jerusalén, je² nts'e³² cjai¹nca³
 to⁴nta³ qui³scoe¹tjao²-na³jin⁴ cao⁴
 cjoa⁴tsjoa³-le⁴. ¹⁸Xi³ coan³nchaon³-
 ni³ Pablo cao⁴ nca³ts'j³⁴-jin⁴
 ji³tja³s'en³chon³-lai⁴jin⁴ Jacobo.
 Nca³ts'i³ cho⁴ta⁴jchi¹nca³ tjio¹xco¹.
¹⁹C'ia⁴ nca³ je³qui³si³ti²⁷nta³,
 Pablo c'oa⁴-s'in² tsa³c'e²tsje³ tsje³
 na⁴jmi¹ jo³ tjin¹ cjoa⁴ xi³ Ni³na¹
 tsa³c'e²nta³jin³-le⁴ cho⁴ta⁴ xi³ li²
 judío-jin² xi³ t'a³ts'e⁴ xa¹-le⁴ Pablo.
²⁰C'ia⁴ nca³ qui³nch'oe¹ cho⁴ta⁴-ve⁴
 ts'a³sje³je³ya³ Ni³na¹. C'oi⁴qui³tso²-
 le⁴: Coe⁴-ni³ na¹nta³ 'yai³, 'nti¹nts'e³,
 a³li² to⁴ncjin² jmi³ cho⁴ta⁴ judío

xi³ tjin¹ xi³ je³coan³cjain¹-le⁴.
 Nca³ts'i³ cjai¹nca³ nta³ si¹cji³tjo³son²
 cjoa⁴te¹xo³ma³. ²¹To⁴nca³
 qui³nch'oe¹ xi³ t'a³tsi⁴, nca³ c'oa⁴-
 s'in² va³co²ya³-lai⁴ nca³ts'i³ cho⁴ta⁴
 judío xi³ tjio¹cao⁴ cho⁴ta⁴ xi³ li²
 judío-jin² nca³ cjoa⁴⁷a²xin²-le⁴
 yao³-le⁴ en¹-le⁴ Moisés. C'oi⁴⁷mi²-
 lai⁴ nca³ tsi² tsa² cjoa⁴circuncisión
 tsjoa¹-le⁴ 'nti¹xti³-le⁴, nca³ tsi² tsa²
 ti⁴c'oa¹mjen³-ni³ jo³ tjin¹ costumbre-
 na¹. ²²Jme¹-ni³ xi³ ma³chjen¹-ni³.
 Cjoa⁴qui²xi⁴-jin²⁷ni³ nca³ coan⁴xco¹
 cho⁴ta⁴, nca³ cjo⁴nch'oe¹ nca³ ji³
 ja²⁷ai⁴. ²³C'oa⁴-la² t'ia⁴-ni³, jo³
 ti³⁷mi²-lai²⁴jin⁴. Ño³ ma³-ni³ cho⁴ta⁴
 xi³ tjio¹jin³-na³jin⁴ xi³ qui³tsjoa³-le⁴
 ts'oa³ Ni³na¹. ²⁴T'in³coai⁴ je²-
 vi⁴, ti⁴tsjai³ yao³-li⁴ cao⁴ je². C'oa⁴
 t'e²chji¹³ xi³ t'a³ts'e⁴, jme¹-ni³ nca³
 c'oe⁴²jon³-si¹ni³ ntsja⁴jco⁴. C'oa⁴-
 s'in² ca²ta³ve³ nca³ts'i³ nca³ tsi² tsa²
 cjoa⁴qui²xi⁴ jña³-le⁴ xi³ qui³nch'oe¹
 t'a³tsi⁴, nca³ c'oa⁴-ti⁴ ji³ c'oa⁴-s'in²
 'mi³coai⁴ yao³-li⁴ nca³ ni²tjo³soin²³
 je² cjoa⁴te¹xo³ma³. ²⁵To⁴nca³ xi³
 t'a³ts'e⁴ je² cho⁴ta⁴ xi³ li² judío-
 jin² xi³ je³coan³cjain¹-le⁴, c'oa⁴-s'in²
 qui³chji³-lai⁴jin⁴ nca³ c'oa⁴-s'in²
 qui³cho³son²-ni³lai⁴jin⁴ nca³ tsi²
 tsa² jme³ cjoa⁴ xi³ si⁴²tjo³son²-
 le⁴. To⁴je² xi³ ca²ta³fa³⁷a¹xin²-le⁴
 yao³-le⁴ je² tso³-jmi² xi³ v'ai²⁷a³-
 le⁴ xco¹son², cao⁴ xi³ njin¹, cao⁴
 yao³-le⁴ cho⁴ xi³ qui³cho³⁷nto¹sin³,
 cao⁴ xi³ cjoa⁴cha³jnqui³. ²⁶C'ia⁴
 Pablo qui³scoe¹ cho⁴ta⁴-ve⁴. Xi³
 coan³nchaon³-ni³ qui³si³tsje³
 yao³-le⁴ nca³ je². Ja³⁷a³s'en³
 yo⁴nco⁴ nca³ c'oa⁴coi⁴tso⁴ jo³ tjin¹
 ni⁴chjin³ coan⁴tsje³-ni³, sa³⁷nta³
 tsjoa¹t'a³ cjoa⁴tjao² xi³ t'a³ts'e⁴ nca³
 jnc¹jnco¹. ²⁷C'ia⁴ nca³ me³ti¹fe³

nca³ ña³to³ ni⁴chjin³, c²a³ cho⁴ta⁴
 judío xi³ Asia ts²e⁴ tsa³ve³ Pablo
 ya⁴³ yo⁴nco⁴. Tsa³c²e¹jna³ cjoa⁴si³
 nca³ts²i³ cho⁴ta⁴ na⁴xi⁴na³nta¹,
 qui³tsoa³ Pablo. ²⁸C²oa⁴-s²in²
 qui³squi³⁷ntia¹xa¹: Nca³ts²io³ n²ai³
 israelitas ti⁴ncha³cao⁴-na³jin⁴.
 Je²-vi⁴ cho⁴ta⁴x²in⁴ xi³ tso²⁷va³
 ca³co¹ya³-le⁴ nca³ts²i³ nca³qui³jnta².
 Je²-vi⁴ xi³ ti¹si¹ca³tio¹ co²ntran⁴-
 le⁴ na⁴xi⁴na³nta¹-na¹ cho⁴ta⁴, c²oa⁴
 co²ntran⁴-le⁴ cjoa⁴te¹xo³ma³, c²oa⁴
 co²ntran⁴-le⁴ je² ²nte³-vi⁴. A³li² to⁴coi³
 je²-vi⁴, sa³⁷nta³ ja³⁷ai³cao⁴ cho⁴ta⁴
 griegos i⁴ yo⁴ncoa⁴². C²oa⁴-s²in²
 qui³si³jnti¹ je² ²nte³tsje³-vi⁴. ²⁹Coi³
 qui³tso² nca⁴ ya⁴ na⁴xi⁴na³nta¹-
 ve⁴ nca³s²a⁴ tsa³⁷ya³xcon³-le⁴
 cao⁴ Pablo je² Trófilo xi³ Efeso
 ts²e⁴. Qui³si³cja³⁷ai³tsjen³ nca³
 je² Pablo ja³⁷ai³cao⁴s²en³ yo⁴nco⁴.
³⁰C²oa⁴-s²in² nca³qui³jnta²
 na⁴xi⁴na³nta¹ qui³sa³co³ cjoa⁴si³,
 coan³ña³ cho⁴ta⁴. Qui³tsoa³ Pablo,
 tsa³c²a³sje³ nti³tsin³-le⁴ yo⁴nco⁴.
 Nti⁴ton⁴ tsa³c²e¹chjoa² xo⁴ntjoa⁴-le⁴.
³¹Coan³me³-le³ cho⁴ta⁴ nca³si⁴²c²en³
 Pablo. Qui³tsjoa³-le⁴ cjoa⁴qui²xi⁴
 je² xi³ nca³jco⁴-le⁴ so³nta²do⁴, nca³
 tjin¹ cjoa⁴si³ nca³qui³jnta² ya⁴
 na⁴xi⁴na³nta¹ Jerusalén. ³²Je²-vi⁴⁷ni³
 qui³scoe¹ nti⁴ton⁴ je² so³nta²do⁴
 cao⁴ nai³-le⁴, qui³to²ca³jen³nch²oe²
 cho⁴ta⁴-ve⁴. C²oa⁴ cho⁴ta⁴-ve⁴
 tsa³ca³tio²jyo¹-ni¹, c²ia⁴ nca³ tsa³ve³
 je² xi³ nca³jco⁴-le⁴ cao⁴ so³nta²do⁴.
 Li²coi³ ti⁴qui³si³qui²⁷aon³-ni³ Pablo.
³³C²ia⁴ ja³⁷ai³ je² xi³ nca³jco⁴-
 le⁴ so³nta²do⁴, qui³tsoa³ Pablo.
 Tsa³ca³te¹xo³ma³ nca³ jao² cadena
 c²oe⁴²n²ion¹t²a³. Qui³sco²na³nqui³
²ya¹-la⁴ni³, c²oa⁴ jme¹-ni³ xi³ qui³s²in³.
³⁴Ya⁴jin³ cho⁴ta⁴ ncjin², nca³ i⁴ nca³

jan¹ qui³nchja⁴ xi³ cja⁴⁷ai¹ qui³tso².
 C²ia⁴ nca³ li²coi³ coan³cho⁴ya³-
 le⁴ jña³-le⁴ xi³ cjoa⁴qui²xi⁴, nca³
 c²oa⁴-s²in² to⁴tjio¹v²e¹jta³ncjin²ya³,
 tsa³ca³te¹xo³ma³-le⁴ so³nta²do⁴-
 le⁴ nca³ coai⁴cao⁴ ya⁴ cuartel.
³⁵C²ia⁴ nca³ ji³cho² ya⁴ escalón,
 je² so³nta²do⁴ tsa³c²a³nc²a³
 Pablo nca³ c²oa⁴-s²in² to⁴xcon¹
 tjio¹ma³s²in¹ cho⁴ta⁴-ve⁴.
³⁶A³li² to⁴c²oa⁴cji³ cho⁴ta⁴ ncjin²
 xi³ ji³nchoa³tjen⁴nqui³-le⁴,
 qui³squi³⁷ntia¹xa¹: Ti⁴c²aon³.

Pablo nchja⁴ntjai² yao³-le⁴

³⁷C²ia⁴ nca³ je³ti¹si¹c²a³s²en³
 ya⁴³ cuartel, Pablo c²oi⁴qui³tso²-
 le⁴ je² xi³ nca³jco⁴-le⁴ so³nta²do⁴:
 A³ c²oi⁴⁷nte³-nai¹³ nca³ cjoa²cao⁴
 i⁴tse¹-le²³. C²oa⁴ je² qui³tso²:
 A³ ma³-li² en¹ griego ? ³⁸A³ tsi²
 tsa² ji³ je² cho⁴ta⁴ egipcio xi³
 qui³cho²mi³tjain⁴ cjoa⁴si³ nca³s²a⁴,
 c²oa⁴ ya⁴ ²nte³t²a³xin²t²a³ c²in³coai⁴
 ño³ jmi³ cho⁴ta⁴ xi³ si¹c²en³ c²en³.
³⁹C²ia⁴ c²oi⁴qui³tso² Pablo: An³-vi⁴
 cjoa⁴qui²xi⁴ ni¹ nca³ cho⁴ta⁴ judío
²mi²-na³. Ya⁴ ts²an⁴ Tarso, jnco³
 na⁴xi⁴na³nta¹ xi³ n²ion¹ ti¹tjon² ya⁴
 na³nqui³ Cilicia. To⁴nca³ si³je¹-le²³
 cjoa⁴nta³ nca³ c²oi⁴nte³-nai¹³ nca³
 coi³nchja²coa⁴ cho⁴ta⁴ na⁴xi⁴na³nta¹.
⁴⁰C²ia⁴ nca³ je³qui³tsjoa³⁷nte²-le⁴,
 Pablo tsa³ca³sen²nto³ ya⁴ escalón,
 qui³sco²mi³-le⁴ ntsja³ cho⁴ta⁴
 na⁴xi⁴na³nta¹. C²ia⁴ nca³ je³jyo¹
 tsa³ca³tio², qui³nchja⁴cao⁴ en¹
 hebrea, i⁴ qui³tso².

22 Nca³ts²io³ ²nti¹nts²e³,
 cao⁴ xi³ n²ao³ ²mi²-no³,
 ti⁴no¹⁷yao²³ je² cjoa⁴qui²xi⁴ xi³
 tsjoa³-no³. ²C²ia⁴ nca³ qui³nch²oe¹
 nca³ en¹ hebrea qui³nchja⁴cao⁴

nqui²sa⁴ tsa³ca³tio²jyo¹. Pablo qui³tso²-le⁴: ³An³-vi⁴ ña³qui³ cjoa⁴qui²xi⁴ ni¹ cho⁴ta⁴ judío mi²-na³. Ya⁴ Tarso qui³tsian³, ts⁷e⁴ na³nqui³ Cilicia. I⁴ coan³jcha¹ na⁴xi⁴na³nta¹-vi⁴. Je² Gamaliel qui³tso²ya³-na³ jña³-le⁴ xi³ ña³qui³ cjoa⁴qui²xi⁴ xi³ t⁷a³ts⁷e⁴ cjoa⁴te¹xo³ma³-le⁴ n⁷ai³jcha¹cjin³-na¹. Cjai¹nca³ nta³ qui³t⁷a³-le⁴ Ni³na¹ nca³ an³, jo³-ni³ nca³ jon² nca³ts⁷io³ nt⁷ai⁴-vi⁴. ⁴An³-vi⁴ c⁷oa⁴-s⁷in² qui³tjen⁴nqui³ co²ntran⁴-le⁴ je² nti⁴2-vi⁴ sa³⁷nta³ nca³ qui³si³c⁷en³. Tsa³c⁷e³t⁷a³n⁷ioan¹³, c⁷oa⁴ qui³sca³ni³-nia¹³ nto⁴ya¹ cho⁴ta⁴x⁷in⁴ cao⁴ ya¹nchjin¹. ⁵Sa³⁷nta³ je² xi³ nca³jco⁴-le⁴ na⁴⁷mi³ testigo-na⁴ cao⁴ nca³ts⁷i³ cho⁴ta⁴jchi¹nca³. Qui³si³je¹-le⁴ xon⁴nca³n⁷ion¹, je² qui³squi³-le⁴ je² nts⁷e³²-ve⁴. Quia³ ya⁴ Damasco, nca³ cjoia⁴n⁷choa³coa⁴ preso i⁴ Jerusalén je² xi³ ya⁴ tjio¹, jme¹-ni³ nca³ c⁷oa⁴-s⁷in² c⁷oai⁴-ni³le⁴ cjoa⁴n⁷ain³.

Pablo c⁷oa⁴qui³tso² jo³-s⁷in² nca³ qui³si³c⁷a³ntjai²ya³ cjoa⁴fa³⁷ai³tsjen³-le⁴

(Hechos 9:1-19; 26:12-18)

⁶To⁴nca³ xi³ coan³-ni³ nca³ ti²fia³. Je³ji³cho³chian³ ya⁴ Damasco, jo³-ni³ tsa² nchi³sen³, to⁴ña³cjoan¹ ja³⁷a³ nca³ coan³⁷i³sen³ntai³-na³ jnc³o³ l⁷i¹ xi³ tse³ xi³ nc⁷a³jmi³ ji³n⁷choa³-ni³. ⁷C⁷oa⁴ qui³sca³t⁷a³ na³nqui³, qui³n⁷ch⁷oe³ jnc³o³ xi³ qui³n⁷chja⁴-na³: Saulo, Saulo, a¹-ni³ nca³ an³ mi³tjen⁴nqui³ co²ntran⁴-si¹ni³nai¹³. ⁸C⁷ia⁴ qui³n⁷chja²-le⁴: ⁷ya¹-ni³ ji³-vi⁴, Señor. C⁷oi⁴qui³tso²-na³: An³-nia¹³ Jesús xi³ Nazaret ts⁷e⁴, xi³ ji³ ti³⁷mi³tjen⁴nqui³ co²ntran⁴-nai¹³. ⁹Je²

nca³ts⁷i³ xi³ tjen⁴coa⁴ ña³qui³ tsa³ve³ xi³ cjoa⁴qui²xi⁴ l⁷i¹-ve⁴, qui³tsa³cjon¹-ni¹. To⁴nca³ li²coi³ qui³n⁷ch⁷oe¹jta³-le⁴ je² xi³ an³ tsa³cja¹cao⁴-na³.

¹⁰C⁷oi⁴qui³xian³: Jme¹-ni³ xi³ s⁷ian³, Señor. C⁷oa⁴ je² Nai³-na¹ c⁷oi⁴qui³tso²-na³: Ti⁴so¹tjain⁴, t⁷in³ ya⁴ Damasco, ya⁴ c⁷oa⁴c⁷oin¹-li² jña³-le⁴ xi³ ti¹s⁷e³jna³choa⁴-li² nca³ c⁷oa⁴s⁷ia⁴n⁴. ¹¹C⁷oa⁴ an³-⁷ni³, a³li²coi³ ti⁴coan³tsen³-ni³na³, nca⁴ c⁷oa⁴-s⁷in² to⁴coan³fa³te³ l⁷i¹-ve⁴. To⁴qui³tsoa³ ntsa⁴ je² xi³ tjen⁴cao⁴-na³. C⁷oa⁴-s⁷in² ji³choa³ ya⁴ Damasco. ¹²C⁷ia⁴ jnc³o³ Ananías xi³ cho⁴ta⁴nta³, xi³ ve³xcon¹ Ni³na¹ jo³ tso² cjoa⁴te¹xo³ma³, xi³ cho⁴ta⁴nta³ tso²-le⁴ nca³ts⁷i³ cho⁴ta⁴ judíos xi³ ya⁴ tjio¹, ¹³ja³⁷ai³con²-na³, ja³⁷ai³ca³sen²t⁷a³-na³, c⁷oi⁴qui³tso²-na³: Ji³ nts⁷e³ Saulo, ca²ta³ma³tsen³-ni³li². C⁷oa⁴ an³-⁷ni³ nti⁴ton⁴ qui³sco³tsen³-le⁴. ¹⁴C⁷oa⁴ je² Ananías c⁷oi⁴qui³tso²: Je² Ni³na¹-le⁴ n⁷ai³jcha¹cjin³-na¹ tsa³ca³sen¹-li², jme¹-ni³ nca³ jcha⁴-si¹ni³ jo³ tso² nca³ je², jme¹-ni³ nca³ cho¹tsen³-si¹ni³lai⁴ je² xi³ tjin¹-le⁴ cjoa⁴qui²xi⁴, jme¹-ni³ nca³ coi⁴no¹⁷ya²-si¹ni³lai⁴ je² en¹-le⁴ ts⁷oa³. ¹⁵Ji³ ni¹³ xi³ testigo coain⁴ xi³ t⁷a³ts⁷e⁴, nca³ c⁷oai⁴-lai⁴ en¹ nca³ts⁷i³ cho⁴ta⁴, jña³-le⁴ xi³ tsa³⁷yai³ cao⁴ xi³ qui³no²⁷yai²³. ¹⁶Nt⁷ai⁴-vi⁴ tso²c⁷oa⁴ a¹-ni³ nca³ vi³sen²jna³jyo¹-si¹ni³. Ti⁴so¹tjain⁴, ca²ta³sa³te¹ntai¹³, ti⁴tsjai³ je¹-li⁴ nca³ no²cjoai⁴ jan³⁷ain¹-le⁴.

Pablo qui³cha³ni²-le⁴ cho⁴ta⁴ xi³ li² judío-jin²

¹⁷C⁷oa⁴coan³-na³ c⁷ia⁴ nca³ ji³choa³ ya⁴ Jerusalén, c⁷ia⁴ nca³ ti²v⁷e³ts⁷oa²³ ya⁴³ yo⁴nc⁴, tsa³c⁷ai²-na³ ni³jña¹. ¹⁸Tsa³⁷ve³-nia¹³ Nai³-na¹,

c²oi⁴qui³tso²-na³: Ti⁴xi¹ti¹yai³,
 ti²tjo⁴jín³ nti⁴ton⁴ Jerusalén. Ni⁴⁷ya³-
 jin² xi³ i⁴ scoe¹ en¹-li⁴ xi³ t⁴a³ts⁷an⁴.
 19 C²oi⁴qui³xin³-le⁴: Señor, ti⁴je²-
 ni³ ve³ nca³ xqui⁴nt⁷ia³ sinagoga
 an³ qui³sca³nia³ nto⁴ya¹, c²oa⁴
 qui³si³qui²⁷oan³ je² xi³ coan³cjai¹-le⁴
 xi³ t⁴a³tsi⁴. 20 C²ia⁴ nca³ qui³xi²jten⁴
 njin¹-le⁴ Esteban, je² testigo-li⁴,
 c²oa⁴-ti⁴ an³ ya⁴ ti²jna⁴-je⁴. C²oa⁴-ti⁴
 tjín¹jncó³coan³ nca³ qui³ni²c²en³.
 Sa³⁷nta³ an³ xi³ qui³si³coi²nta⁴
 na³jño³-le⁴ xi³ qui³si³c²en³ Esteban.
 21 C²oi⁴qui³tso²-na³ Nai³-na¹: T⁷in³
 nca³ cjai¹nca³ cjin³ sca³ni³-le²³, ya⁴
 jña³ nca³ tjio¹ cho⁴ta⁴ xi³ li² judío-
 jin². 22 Cho⁴ta⁴-ve⁴ qui³nch⁷oe¹-le⁴
 Pablo sa³⁷nta³ je² en¹ je²-vi⁴. C²ia⁴
 n²ion¹ qui³nchja⁴, c²oi⁴qui³tso²:
 Chja⁴⁷a²xin²³ i⁴ son³⁷nte³-vi⁴
 je² cho⁴ta⁴ xo⁴cji³-ve⁴. A³li²coi³
 nta³ nca³ c²oe¹jna³con³. 23 C²oa⁴
 cho⁴ta⁴-ve⁴ qui³squi³⁷ntia¹xa¹.
 Qui³si³c²a³tsao³ na³jño³-le⁴.
 Qui³scoe¹ chao³, tsa³c²e¹tsao³nc²a¹.
 24 C²ia⁴ je² xi³ nca³jco⁴-le⁴
 so³nta²do⁴ tsa³ca³te¹xo³ma³
 nca³ coai⁴s²en³cao⁴ Pablo ya⁴³
 cuartel. C²oa⁴ tsa³ca³te¹xo³ma³
 nca³ ca²ta³ni²jtsó²⁷a³ nca³ s²e⁴-le⁴
 chjoa⁴xin¹, jme¹-ni³ nca³ jcha⁴-
 si¹ni³le⁴ a³-ni³ nca³ c²oa⁴-s²in²
 to⁴cji³⁷ntia¹-ni³ co²ntran⁴ ts²e⁴.
 25 C²ia⁴ nca³ tsa³c²e¹t⁴a³n²ion¹-ni³ cao⁴
 n²o¹chjoa⁴xin¹, Pablo c²oi⁴qui³tso²-
 le⁴ je² nai³-le⁴ so³nta²do⁴ xi³ ya⁴
 ti¹jna³: A³ tsjoa¹⁷nte³-no³ nca³
 c²oa⁴-s²in² v⁷e²-lao⁴³ chjoa⁴xin¹
 jncó³ cho⁴ta⁴ romano xi³ cje³⁷ya³-
 jin²le⁴ je¹-le⁴. 26 C²ia⁴ nca³ je² nai³-le⁴
 so³nta²do⁴ qui³nch⁷oe¹ en¹-vi⁴, qui³
 c²e¹-le⁴ na⁴jmi¹ je² xi³ nca³jco⁴-le⁴
 so³nta²do⁴, c²oi⁴qui³tso²: Jo¹ s²iaín⁴,

nca⁴ je² cho⁴ta⁴-ve⁴ cho⁴ta⁴ romano
 ni¹. 27 C²oa⁴ ji³nchoa³con³-le⁴ Pablo
 je² xi³ nca³jco⁴-le⁴ so³nta²do⁴,
 c²oi⁴qui³tso²-le⁴: C²oa⁴t⁷in²-nai¹³ a³
 cho⁴ta⁴ romano ni¹ nca³ ji³. C²oa⁴
 Pablo qui³tso²: Jaon³-na¹. 28 C²oa⁴
 je² xi³ nca³jco⁴-le⁴ so³nta²do⁴
 qui³nchja⁴: An³ cjai¹nca³ tse³ taon⁴
 qui³s²e³nqui³-na³ nca³ cho⁴ta⁴
 romano coan³. C²ia⁴ Pablo qui³tso²:
 To⁴nca³ an³ c²oa⁴-s²in² qui³tsian³.
 29 C²oa⁴-s²in² nca³ tsa³qui³ncha³xin²
 nti⁴ton⁴-le⁴ je² xi³ si¹jtsó²⁷a³ Pablo.
 C²ia⁴ nca³ tjín¹jín³-le⁴ nca³ cho⁴ta⁴
 romano ni¹, sa³⁷nta³ je² xi³ nca³jco⁴-
 le⁴ so³nta²do⁴ qui³tso³cjon¹ nca³
 tsa³c²e¹t⁴a³n²ion¹ Pablo.

**Pablo ti¹jna³ nqui³xcon⁴
 junta-le⁴ cho⁴ta⁴xa¹**

30 Xi³ coan³nchaon³-ni³ coan³me³-
 le⁴ nca³ scoe⁴ xi³ cjoa⁴qui²xi⁴
 a³-ni³ nca³ cho⁴ta⁴ judío
 c²oa⁴-s²in² tsa³ca¹nqui³ Pablo.
 Qui³sco³jnta¹⁷ño¹ Pablo. Qui³nchja⁴-
 le⁴ je² cho⁴ta⁴ti¹tjon²-le⁴ na⁴⁷mi³
 cao⁴ nca³ts⁷i³ junta-le⁴ cho⁴ta⁴xa¹.
 Tsa³c²a³sje³ Pablo. Qui³si³ca³sen²jna³
 va³sen³-le⁴ nqui³xcon⁴ nca³ je².

23 C²ia⁴ Pablo qui³sco³⁷a²
 je² cho⁴ta⁴junta-ve⁴,
 c²oi⁴qui³tso²: Nca³ts⁷io³ nti¹nts²e³,
 an³ ña³qui³ nta³ ti¹jna³ ni⁴ma⁴-
 na⁴, jo³-s²in² qui³coa⁴ yao³-na⁴
 nqui³xcon⁴ Ni³na¹ sa³⁷nta³ nt⁷ai⁴-
 vi⁴. 2 C²ia⁴ je² xi³ na⁴⁷mi³ti¹tjon², je²
 Ananías, tsa³ca³te¹xo³ma³-le⁴ je² xi³
 ncha²t³-le⁴ nca³ si⁴²jtsin³⁷a³ xo⁴
 ti¹tso²-ve⁴. 3 C²ia⁴ qui³tso²-le⁴ Pablo:
 Ji³ xi³ si⁴²jtsin³⁷a³-li² Ni³na¹ xjao¹
 xi³ to⁴coan³ choai³. A³ ji³ xi³ ti³jna³-
 ni³ nca³ c²oe¹nta³jín³-nai¹³ jo³ tso²
 cjoa⁴te¹xo³ma³, c²oa⁴ co²ntran⁴-

le⁴ cjoa⁴te¹xo³ma³ va³te²xo³mai³
 nca³ ni²jtsin³⁷a³-na³. ⁴Je² cho⁴ta⁴
 xi³ ncha³t'a³-le⁴ c'oi⁴qui³tso²: A³
 c'oa⁴-s'in² to⁴ch'ao³ ?mi²-lai⁴ je² xi³
 na⁴⁷mi³ti¹tjon²-le⁴ Ni³na¹. ⁵C'ia⁴ je²
 Pablo qui³tso²: Li²coi³ tjin¹jim³-na³,
 nts'e³, tsa² je² xi³ na⁴⁷mi³ti¹tjon²,
 nca³ c'oa⁴-s'in² tji¹t'a³: Je² xi³
 nca³jco⁴-le⁴ na⁴xi⁴na³nta¹-li⁴, li²coi³
 ch'ao³ c'oin¹-lai⁴. ⁶C'ia⁴ nca³ Pablo
 ve³ nca³ jnco³ c'a³ cho⁴ta⁴-ve⁴ xi³
 cho⁴ta⁴ saduceo, c'oa⁴ xi³jnco³ c'a³
 xi³ cho⁴ta⁴ fariseo, n'ion¹ qui³nchja⁴
 ya⁴ junta-ve⁴: Nca³ts'io³ ?nti¹nts'e³,
 an³ nia¹³ cho⁴ta⁴ fariseo, c'oa⁴
 ?nti¹-le⁴ cho⁴ta⁴ fariseo. Xi³ t'a³ts'e⁴
 je² cjoa⁴nta³ xi³ ti²co³ya³-le⁴ nca³
 cjoa⁴⁷a¹ya³-ni³le⁴ xi³ c'en³, coi³ cjoa⁴
 nca³ c'oa⁴-s'in² ti¹s'e³nta³jim³-ni³na³
 nt'ai⁴. ⁷C'ia⁴ nca³ je²c'oa⁴qui³tso²
 qui³scan³tse³-ni¹ cho⁴ta⁴ fariseo cao⁴
 cho⁴ta⁴ saduceo. Coan³jao²ya³-ni³ xi³
 cho⁴ta⁴ ncjin². ⁸Je² cho⁴ta⁴ saduceo
 c'oa⁴tso² nca³ tsin² cjoa⁴fa³⁷a¹ya³,
 ni⁴ts'e⁴ a²ncje⁴-jin², ni⁴ts'e⁴ espíritu-
 jin². To⁴nca³ je² cho⁴ta⁴ fariseo
 si¹qui²xi⁴ya³ nca³ jao² c'a³ cjoa⁴.
⁹A³li² to⁴c'oa⁴cji³ tsa³c'e¹jt'a³ cho⁴ta⁴-
 ve⁴. Tsa³qui³so¹tjen⁴jim³ je² cho⁴ta⁴
 scribano xi³ ts'e⁴ cho⁴ta⁴ fariseo,
 tsa³cjao¹ti³ qui³tso²: Ni⁴to⁴jme³-jin²
 xi³ ch'ao³ tjin¹ ma³sjai³-na³jim³ xi³
 t'a³ts'e⁴ je² cho⁴ta⁴-vi⁴. Tsa² espíritu
 xi³ qui³nchja⁴cao⁴, a³xo⁴ tsa² a²ncje⁴,
 li² c'oa⁴-jin²s'in² coi⁴yo³n'ion¹-le⁴²
 Ni³na¹. ¹⁰C'ia⁴ nca³ je² cjoa⁴si³-ve⁴
 n'ion¹ coan³tse³, je² xi³ nca³jco⁴-le⁴
 so³nta²do⁴ qui³tso³cjon¹ tsa² cho⁴ta⁴-
 ve⁴ si⁴²xcoa⁴ Pablo. Qui³nchja⁴-le⁴
 so³nta²do⁴, tsa³ca³te¹xo³ma³-le⁴ nca³
 cjoa⁴⁷a²xin² cjoa⁴n'ion¹ Pablo ja⁴jim³-
 le⁴ cho⁴ta⁴-ve⁴, c'oa⁴ nca³ coi⁴cao⁴
 ya⁴ cuartel. ¹¹Xi³ coan³nchaon³-

ni³, c'ia⁴ nca³ coan³ njion², je²
 Nai³-na¹ tsa³ca³sen²t'a³-le⁴ Pablo,
 c'oi⁴qui³tso²-le⁴: A³li² c'oa⁴-jin² ma³-
 li² Pablo. Jo³-s'in² nca³ qui³ts'ai²
 en¹-li⁴ xi³ t'a³ts'an⁴ i⁴ Jerusalén,
 c'oa⁴-s'in² ma³chjen¹ nca³ c'oi⁴ en¹-
 li⁴ c'oa⁴-ti⁴ ya⁴ Roma.

**Tsa³c'e¹nta³ne² cjoa⁴ts'en⁴
 cho⁴ta⁴ judío**

¹²C'ia⁴ nca³ qui³s'e³sen¹,
 tsa³c'e¹nta³ne² cjoa⁴ts'en⁴ cho⁴ta⁴
 judío. C'oa⁴-s'in² qui³tsjoa³ ts'oa³,
 c'oa⁴ Ni³na¹ ca²ta³tsjoa¹-na³jim³
 cjoa⁴n'ain³ qui³tso², nca³ li²coi³
 coa⁴cjen⁴ ni⁴sc'oi¹-jin², jo³ sa³⁷nta³
 nca³ si⁴²c'en³ Pablo. ¹³Ts'a³to³-
 le⁴ ña³chan² ma³-ni³ xi³ c'oa⁴-s'in²
 qui³tsjoa³ ts'oa³. ¹⁴Je² cho⁴ta⁴-vi⁴
 qui³con³-le⁴ je² cho⁴ta⁴ti¹tjon²-
 le⁴ na⁴⁷mi³ cao⁴ cho⁴ta⁴jchi¹nca³,
 c'oi⁴qui³tso²: Jin⁴-jin⁴ c'oa⁴-s'in²
 ca²v'ai²⁴-jin⁴ ntso⁴⁷vai³⁴-jin⁴ nca³
 Ni³na¹ ca²ta³tsjoa¹-na³jim³ cjoa⁴n'ain³
 nca³ tsi²jme³ xi³ coi⁴chi³⁴-jin⁴
 ni⁴s'io⁴-jin²⁴jin⁴, jo³ sa³⁷nta³ nca³
 si⁴c'ain³⁴-jin⁴ Pablo. ¹⁵Nt'ai⁴-vi⁴
 tso²c'oa⁴, jon² cao⁴ cho⁴ta⁴xa¹junta,
 ti⁴cji³nch'oao¹³ je² xi³ nca³jco⁴-le⁴
 so³nta²do⁴ nca³ ca²tji³nchoa¹jen³cao⁴
 je² Pablo nchaon³-li⁴, jo³-ni³ tsa²
 me³-no³ nca³ nqui²sa⁴ nta³ cho⁴t'ao³
 je² cjoa⁴ xi³ t'a³ts'e⁴. C'oa⁴ jin⁴-jin⁴
 coi⁴yo³ntai³⁴-jin⁴, jme¹-ni³ nca³ coan³
 si⁴c'en³-ni³jin⁴ to⁴nqui³-ni³ nca³ je²
 cjo⁴cho³.

**Ti³-le⁴ nti³chja³ Pablo
 tsa³c'e¹-le⁴ na⁴jmi¹**

¹⁶C'ia⁴ jnco³ ti³-le⁴ nti³chja³ Pablo
 qui³nch'oe¹ nca³ coi⁴ca³tio²chjoa²-
 le⁴. Qui³ qui³s'en³ ya⁴³ cuartel,
 tsa³c'e¹-le⁴ na⁴jmi¹ Pablo. ¹⁷C'ia⁴

Pablo qui³nchja⁴-le⁴ jnc³ nai³-le⁴ so³nta²do⁴, c⁷oi⁴qui³tso²: T⁷in³coai⁴ ti³-vi⁴ ya⁴ jñ³a³ nca³ ti¹jna³ je² xi³ nca³jco⁴-le⁴ so³nta²do⁴. Tjin¹ en¹ xi³ ya⁴ c⁷oe⁴²-le⁴ na⁴jmi¹. 18 C⁷ia⁴ je² nai³-le⁴ so³nta²do⁴ qui³scoe¹ ti³-ve⁴, qui³cao⁴-le⁴ je² xi³ nca³jco⁴-le⁴ so³nta²do⁴, c⁷oi⁴qui³tso²: Je² Pablo xi³ ti¹jna³ preso ca²nchja⁴-na³, ca²v⁷e¹ts⁷oa³-na³ nca³ ca²nchoa³cao⁴-le²³ je² ti³ xo⁴cji³-vi⁴. Tjin¹-xo¹ en¹ xi³ c⁷oe⁴²-li² na⁴jmi¹. 19 Je² xi³ nca³jco⁴-le⁴ so³nta²do⁴ qui³scoe¹ ntsja³ ti³-ve⁴, c⁷oa⁴ qui³cao⁴ t⁷a³xin², qui³sco²na³nqui³-le⁴: Jme¹ ni¹³ xi³ c⁷oe¹-nai¹³ na⁴jmi¹. 20 C⁷ia⁴ ti³-ve⁴ qui³nchja⁴: Je² cho⁴ta⁴ judío c⁷oa⁴-s⁷in² tjio¹jnc³con³ nca³ si⁴²je¹-li² cjoa⁴nta³, jme¹-ni³ nca³ nchaon³-li⁴ ch⁷a⁴sja³ c⁷oin¹jen⁴cao⁴-si¹ni³ je² Pablo ya⁴ ts⁷e⁴ cho⁴ta⁴xa¹junta, jo³-ni³ tsa² nca³ nqui²sa⁴ nta³ scoi⁴na³nqui³-xo¹le⁴ jñ³a³-le⁴ xi³ cjoa⁴qui²xi⁴. 21 C⁷oa⁴ ji³, a³li² ma³cjin¹-jin²li², nca⁴ ts⁷a³to³-la⁴ ñ³a³chan² cho⁴ta⁴x⁷in⁴ xi³ ts⁷e⁴ xi³ c⁷oa⁴-s⁷in² va³tio²chjoa²-le⁴ Pablo. Je² cho⁴ta⁴ xi³ qui³tsjoa³ ts⁷oa³ nca³ Ni³na¹ ca²ta³tsjoa¹-le⁴ cjoa⁴n⁷ain³ nca³ tsi² tsa² coa⁴cjen⁴ ni⁴sc⁷oi¹-jin², jo³ sa³⁷nta³ nca³ si⁴²c⁷en³ Pablo. C⁷oa⁴ nt⁷ai⁴-vi⁴ je³tjio¹nta³, tjio¹co³ya³-le⁴ tsi⁴ en¹. 22 C⁷ia⁴ je² xi³ nca³jco⁴-le⁴ so³nta²do⁴ qui³si³xa³ts⁷a³ ti³-ve⁴. C⁷oa⁴-s⁷in² tsa³c⁷e¹ne²-le⁴, nca³ li²⁷ya³ xi³ c⁷oa⁴coi⁴tso⁴-le⁴ nca³ c⁷oa⁴-s⁷in² je³ja³⁷ai³c⁷e¹ na⁴jmi¹.

Pablo qui³cha³ni²t⁷a³-le⁴ Félix

23 C⁷oa⁴ qui³no²cjoa⁴-le⁴ jao² cho⁴ta⁴ xi³ nai³-le⁴ so³nta²do⁴. Je² xi³ nca³jco⁴-le⁴ so³nta²do⁴ c⁷oa⁴-s⁷in² tsa³c⁷e¹t⁷ain³-le⁴ nca³ las

nueve nca³ njion² ca²ta³va³tio²nta³ jao² ciento so³nta²do⁴ xi³ coai⁴ ya⁴ sa³⁷nta³ Cesarea, c⁷oa⁴ jan²can³ cao⁴ te³ xi³ na⁴xin¹ coa⁴tio⁴son², c⁷oa⁴ jao² ciento xi³ lanza c⁷oa⁴. 24 C⁷oa⁴-ti⁴ tsa³c⁷e¹t⁷ain³ nca³ ca²ta³sa³sen¹nta³ na⁴xin¹ cao⁴ xi²le⁴ je² xi³ Pablo c⁷oe¹jna³son², jme¹-ni³ nca³ nta³ coai⁴cao⁴-si¹ni³le⁴ je² Félix cho⁴ta⁴xa¹ti¹tjon². 25 Jnc³ xon⁴carta qui³squi³ xi³ coi³ tsa³c⁷e¹. 26 An³ Claudio Lisias si³ti²⁷nta³-le²³ Félix xi³ c⁷oa⁴-s⁷in² to⁴nc⁷a³ gobernador: 27 Je² cho⁴ta⁴ je²-vi⁴ xi³ qui³tsoa³ je² cho⁴ta⁴ judío. Ja⁴me³ qui³si³c⁷en³. An³ tsa³c⁷a³sje³ntje²³ nca³ ji³cho³coa⁴ so³nta²do⁴, nca⁴ qui³s⁷e³jin³-na³ nca³ cho⁴ta⁴ romano. 28 Coan³me³-na³ nca³ scoe³ jme³ je¹ xi³ tjin¹-le⁴, nca³ c⁷oa⁴-s⁷in² tsa³ca¹nqui³. Qui³cao⁴-nia¹³ ya⁴ ts⁷e⁴ cho⁴ta⁴xa¹junta xi³ ts⁷e⁴. 29 C⁷ia⁴ coan³sja³-na³ nca³ tsa³ca¹nqui³ to⁴je² t⁷a³ts⁷e⁴ cjoa⁴te¹xo³ma³-le⁴ xi³ ts⁷e⁴. Ni⁴jnc³-jin² je¹ tjin¹-le⁴ xi³ va³quin²-le⁴ nca³ coi⁴ya¹ntjai², a³xo⁴ nca³ nto⁴ya¹ c⁷oe¹jna³. 30 To⁴nca³ tsa³c⁷e¹-na³ na⁴jmi¹ nca³ me³-le⁴ coa⁴tio⁴chjoa²-le⁴. C⁷oa⁴-s⁷in² tsa³ca³tio²nta³ je² cho⁴ta⁴ judío. Coi³ ji³ qui³sca³ni³ nti⁴ton⁴-ni³le²³. C⁷oa⁴-ti⁴ tsa³c⁷e³ne²-le⁴ je² xi³ tjio¹va¹nqui³ Pablo, nca³ ya⁴ nqui³xcoin³ c⁷oa⁴ca²ta³tso²-li² jme¹ ni¹³ xi³ tjin¹-le⁴ xi³ co²ntran⁴ ts⁷e⁴. Nta³ ca²ta³fi²-li² ni⁴chjin³. 31 C⁷ia⁴ je² so³nta²do⁴ qui³scoe¹ Pablo jo³-s⁷in² nca³ qui³s⁷e³ne²-le⁴. Qui³cao⁴ nca³ njion² ya⁴ Antípatris. 32 Xi³ coan³nchaon³-ni³ ya⁴ qui³si³ca³tio¹cao⁴ xi³ na⁴xin¹ tjio¹son², nca³ je² xi³ coai⁴cao⁴. C⁷oa⁴ je² xi³c⁷a³ qui³si³c⁷o¹fa³ya³-ni³ ya⁴ cuartel. 33 C⁷ia⁴ nca³ ji³cho² ya⁴

Cesarea, qui³tsjoa³-le⁴ gobernador xi³ ya⁴ ti¹jna³ je² xon⁴carta-ve⁴. C⁷oa⁴-ti⁴ qui³si³ca³sen²jna³va³sen³ Pablo nqui³xcon⁴. ³⁴Je² gobernador tsa³c⁷e¹xquia⁴ xon⁴carta-ve⁴, qui³sco²na³nqui³ jña¹ ni¹³ nte³-le⁴. Coan³j³in³-le⁴ nca³ ya⁴ Cilicia ts⁷e⁴. ³⁵Cjoi³nch⁷oe³-le²³ c⁷ia⁴ nca³ cjoa⁴⁷ai¹ je² xi³ ji³ va¹nqui³-li², qui³tso². C⁷ia⁴ tsa³ca³te¹xo³ma³ nca³ c⁷oe¹jna³ co³ya³ ya⁴ palacio-le⁴ Herodes.

Pablo nchja⁴ntjai² yao³-
le⁴ nqui³xcon⁴ Félix

24 C⁷ia⁴ nca³ coan³⁷aon²-ni³ ni²chjin³, ji³cho² je² na⁴⁷mi³ti¹tjon², je² Ananías. Tjen⁴cao⁴ c⁷a³ cho⁴ta⁴jchi¹nca³, c⁷oa⁴ jnc³ xi³ ma³-le⁴ nchja⁴ya³ xi³ Tértulo m¹i². Ña³qui³ qui³tso²ya³-le⁴ gobernador cjoa⁴co²ntran⁴ t⁷a³ts⁷e⁴ Pablo. ²C⁷ia⁴ qui³no²cjoa⁴-le⁴. Tértulo tsa³c⁷e¹ts⁷ia⁴cao⁴ nca³ tsa³ca¹nqui³, c⁷oi⁴qui³tso²-le⁴: To⁴t⁷a³tsi⁴-sa³ nca³ c⁷oa⁴-s⁷in² n⁷ion¹ nch⁷an¹ ti³yoa³². A³li² to⁴ncjin² cjoa⁴ xi³ ji³ nta³ v⁷e²ntai³ xi³ t⁷a³ts⁷e⁴ cjoa⁴nta³-le⁴ je² na⁴xi⁴na³nta¹-vi⁴, xi³ to⁴t⁷a³tsi⁴ cjoa⁴chji⁴ne⁴. ³Nca³ntsjai² ni⁴chjin³ c⁷oa⁴ nca³qui³jnta²-ni¹ c⁷oa⁴-s⁷in² chjoai¹³-jin⁴ je² cjoa⁴-vi⁴. Can³ c⁷a³ c⁷oa⁴-s⁷in² v⁷ai²-lai²⁴jin⁴ cjoa⁴nta³, ji³ n⁷ni¹n⁷ai³ Félix. ⁴To⁴nca³ cai³-na³j³in⁴ nca³ to⁴sin³ to⁴nta³ ni²si³-lai²⁴jin⁴. Tjin¹-li² cjoa⁴nta³, c⁷oa⁴-s⁷in² v⁷e³ts⁷oa²-le²³ nca³ ti⁴no¹⁷ya² i⁴tse¹-na³j³in⁴ jo³-s⁷in² nca³ tj³in¹-li² cjoa⁴ma⁴ta³con². ⁵C⁷oa⁴-s⁷in² tsa³⁷yai³⁴-jin⁴ je² cho⁴ta⁴-vi⁴ nca³ n⁷ion¹ ch⁷ao³ cjoan³. Je² xi³ cjo³mi³tjen⁴ cjoa⁴si³ jin³-le⁴ nca³ts⁷i³ cho⁴ta⁴ judío nca³qui³jnta² son³⁷nte³. C⁷oa⁴ je² ni¹ cho⁴ta⁴ti¹tjon²-le⁴ je²

cho⁴ta⁴ nazarenos xi³ ntia⁴²t⁷a³xin²-le⁴ Ni³na¹ fi²t⁷a³-le⁴. ⁶Je² xi³ c⁷oa⁴-ti⁴ coan³me³-le⁴ nca³ qui³si³jnti¹ je² yo⁴nc⁴-na⁴j³in⁴. Qui³nto³vai³⁴-j³in⁴, me³-na³j³in⁴ nca³ cho¹t⁷a³-le⁴, jo³ tso² cjoa⁴te¹xo³ma³-na⁴j³in⁴. ⁷To⁴nca³ je² Lisias xi³ nca³jco⁴-le⁴ so³nta²do tsa³cja³-j³in³. Ña³qui³ tsa³cja¹⁷a³-na³j³in⁴ Pablo ya⁴³ ntsai⁴-j³in⁴. ⁸C⁷oa⁴-s⁷in² tsa³ca³te¹xo³ma³-le⁴ je² cho⁴ta⁴ xi³ va¹nqui³ nca³ ca²ta³fa³⁷ai³con³-li². Je² xi³ ji³ c⁷oa⁴-s⁷in² coi⁴no¹⁷ya²-lai⁴ c⁷oa⁴-s⁷in² cho¹son²-ni³lai⁴. C⁷oa⁴-s⁷in² jcha⁴-ni³ jme¹ cjoa⁴-ni³ nca³ fa³nqui³-ni³j³in⁴. ⁹C⁷oa⁴-ti⁴ qui³tsjoa³ en¹ cho⁴ta⁴ judío nca³ c⁷oa⁴tjin¹ je² cjoa⁴-vi⁴. ¹⁰C⁷ia⁴ gobernador qui³sco²mi³-le⁴ ntsja³ nca³ ca²ta³nchja⁴ Pablo. Pablo c⁷oi⁴qui³tso²: An³-vi⁴ v⁷e³-nia¹³ nca³ coan³ ncjin² no¹ ji³ ti³jna³coai⁴ cjoa⁴te¹xo³ma³ i⁴ nte³-vi⁴. C⁷oa⁴-s⁷in² ti⁴⁷an³ coi³nchja²ntjai²-nia³ yao³-na⁴ cao⁴ cjoa⁴tsjoa³. ¹¹Ji³ jcha⁴-ni³ nca³ to⁴s⁷a⁴ te³jao² ni⁴chjin³ nca³ qui³mia³. Qui³c⁷e³ts⁷oa²³ ya⁴ Jerusalén. ¹²Ni⁴sa³jnc³ c⁷a²-jin² ti¹⁷ya³-na³ ya⁴ yo⁴nc⁴ nca³ cho⁴ta⁴ fa²coa⁴, ni⁴cho⁴ta⁴ncjin²-jin² v⁷e³xcoa¹³, ni⁴ ya⁴-jin² nt⁷ia³ sinagoga, ni⁴ ya⁴-jin² na⁴xi⁴na³nta¹. ¹³Li²coi³ coan⁴-le⁴ si⁴²qui²xi⁴ya³-li² je² cjoa⁴, je² xi³ nt⁷ai⁴ ti¹va¹nqui³-na³. ¹⁴To⁴nca³ je²-vi⁴ ña³qui³ c⁷oa⁴²tjin¹ coan³ nca³ c⁷oa⁴xin³-le²³, jo³-s⁷in² ntia⁴²t⁷a³xin²-le⁴ Ni³na¹ tso²-le⁴, c⁷oa⁴-s⁷in² ma³chjen¹-le⁴ an³ je² Ni³na¹-le⁴ n⁷ai³jcha¹cjin³-na⁴, c⁷oa⁴-s⁷in² ma³cjain¹-na³ nca³yi³je³ jo³-s⁷in² tji¹t⁷a³ ya⁴ cjoa⁴te¹xo³ma³, c⁷oa⁴ ya⁴ xon⁴-le⁴ je² xi³ qui³nchja⁴ya³ t⁷a³ts⁷e⁴ Ni³na¹. ¹⁵C⁷oa⁴-s⁷in² ti²co³ya³-le⁴ xi³ t⁷a³ts⁷e⁴ Ni³na¹ nca³ cjoa⁴⁷a¹ya³-

le⁴ xi³ c²en³, nta³ tsa² cao⁴ cho⁴ta⁴
 xi³ tjin¹-le⁴ cjoa⁴qui²xi⁴, cao⁴
 cho⁴ta⁴ts⁷en⁴. C⁷oa⁴-ti⁴s⁷in²ni³ je²
 cho⁴ta⁴ judío co³ya³-le⁴ xi³ t⁷a³ts⁷e⁴
 Ni³na¹ xi³ ti⁴coi³-ni³. 16 Coi³ nca³
 ña³qui³ v⁷e³ne²-le⁴ yao³-na⁴, jme¹-
 ni³ nca³ nta³ ti¹jna³-si¹ni³ ni⁴ma⁴-na⁴
 nca³ntsjai², nca³ tsi²jme³ je¹ xi³
 tjin¹-le⁴ xi³ t⁷a³ts⁷e⁴ Ni³na¹, c⁷oa⁴ xi³
 t⁷a³ts⁷e⁴ cho⁴ta⁴son³⁷nte³. 17 Ja⁴scan³-
 ni³ nca³ ncjin² no¹ ja³⁷a³to³,
 ja²²ai⁴ca³nia³ limosna cao⁴ cjoa⁴tjao²
 na⁴xi⁴na³nta¹-na⁴. 18 C⁷ia⁴ c⁷a³ cho⁴ta⁴
 judío xi³ ts⁷e⁴ Asia tsa³ve³-na³ ya⁴ya³
 yo⁴nc⁴, nca³ coan³tsje³ nca³ an³.
 Ni⁴ cao⁴ cho⁴ta⁴ncjin²-jin², ni⁴ cao⁴
 cjoa⁴si³-jin² tsa³ve³-na³. 19 Je²-jin²
 tsa²cai³ xi³ ca²ta³fa³⁷ai³ nqui³xcoi³.
 C⁷oa⁴-s⁷in² ca²ta³va¹nqui³-
 na³ tsa² jme³-ve⁴ xi³ tjin¹-le⁴ xi³
 co²ntran⁴ ts⁷an⁴. 20 Ti⁴je²-ni³ je²-vi⁴
 c⁷oa⁴ca²ta³tso² tsa² qui³sa³co³sjai³-
 le⁴ jme³-ve⁴ xi³ qui³s⁷ian³ xi³
 tsi²coi³ tsa² nta³ tjin¹, c⁷ia⁴ nca³
 tsa³ca²te⁴jna³ ya⁴ nqui³xcon⁴
 cho⁴ta⁴xa¹junta. 21 To⁴jnc³-jin²
 cjoa⁴ xi³ tjin¹-le⁴ xi³ qui³nchja²³
 c⁷ia⁴ nca³ ya⁴ ti²jna⁴jin³-le⁴ xi³ coi³
 jo³-s⁷in² nca³ cjoa⁴⁷a¹ya³-le⁴ nca³ts⁷i³
 c²en³. Coi³ cjoa⁴ xi³ cji³ma³t⁷en³
 nt⁷ai⁴-vi⁴. 22 Je² Félix cjai¹nca³ nta³
 tjin¹j³-le⁴ jo³-s⁷in² ma³cjain¹-le⁴
 je² cho⁴ta⁴-vi⁴ xi³ ntia⁴²t⁷a³xin²-
 le⁴ Ni³na¹ fi²t⁷a³-le⁴. Coi³ cjoa⁴
 qui³sco³ya³cao⁴cjoa⁴ je² cjoa⁴-ve⁴
 c⁷ia⁴ nca³ je³qui³nch⁷oe¹ nca³yi³je³
 je² en¹-vi⁴ c⁷oi⁴qui³tso²: C⁷ia⁴ nca³
 cjoa⁴⁷ai¹jen³ je² Lisias xi³ nca³jco⁴-
 le⁴ so³nta²do⁴, c⁷ia⁴ cjoe⁴scoe³
 je² cjoa⁴ xo⁴tjin¹-no³vi⁴. 23 C⁷ia⁴
 Félix tsa³ca³te¹xo³ma³-le⁴ nai³-le⁴
 so³nta²do⁴ nca³ si⁴²c²e¹jna³tjao²
 Pablo, nca³ si⁴²xan⁴-le⁴ cjoa⁴n⁷ain³.

Li²coi³ qui³s⁷e³chjoa²-le⁴ je²
 xi¹ncjin¹ xi³ me³-le⁴ nca³ si⁴²sin³-
 le⁴, nca³ cjoa⁴⁷ai¹con³-le⁴. 24 C⁷ia⁴
 nca³ je³ja³⁷a³to³ jo³ tjin¹ ni⁴chjin³,
 ja³⁷ai³ Félix cao⁴ Drusila chjon⁴²-le⁴
 xi³ cho⁴ta⁴ judía ni¹. Qui³nchja⁴-
 le⁴ Pablo, c⁷oa⁴ qui³nch⁷oe¹-le⁴ xi³
 cjoa⁴qui²xi⁴ jo³-s⁷in² ma³cjain¹-na¹
 xi³ t⁷a³ts⁷e⁴ Jesucristo. 25 Pablo
 tsa³cja¹cao⁴ jo³-s⁷in² s⁷e³ne²-na¹
 nca³ s⁷ian⁴² xi³ cjoa⁴qui²xi⁴, nca³
 c⁷oe¹chjoa²-le⁴² yao³-na¹ xi³ t⁷a³ts⁷e⁴
 cjoa⁴chi⁴con¹. C⁷oa⁴ tsa³cja¹cao⁴
 jo³-s⁷in² s⁷a⁴ cjoa⁴⁷ai¹ ni⁴chjin³ xi³
 s⁷e⁴nta³j³in³ cjoa⁴. To⁴qui³tsa³cjon¹
 Félix, c⁷oi⁴qui³tso²: Nt⁷ai⁴-vi⁴ntai⁴
 t⁷in-ni¹³. C⁷ia⁴ nca³ coan⁴⁷a³-
 na³, coi³nchja²-le²³. 26 Félix
 qui³sco³ya²-le⁴ nca³ Pablo taon⁴
 tsjoa¹ntjai² yao³-le⁴, jme¹-ni³ nca³
 si⁴²c²e¹jna³ntai¹-si¹ni³. Coi³ nca³
 ncjin² c²a³ qui³nchja⁴-le⁴, nca³
 tsa³cja¹cao⁴ nca³ je². 27 C⁷ia⁴ nca³
 coan³jao²-ni³ no¹, ts⁷a³ntjai²ya³
 Félix. Je² qui³sa³sen³ xa¹ Porcio
 Festo. Coan³me³-le⁴ Félix nca³
 si⁴²nt⁷e¹t⁷a³-le⁴ je² cho⁴ta⁴ judío.
 C⁷oa⁴-s⁷in² qui³si³c²e¹jna³ cjoa⁴n⁷ain³
 Pablo.

Pablo qui³si³je¹-ni¹ nca³n⁷ion¹-
 le⁴ t⁷a³ts⁷e⁴ César

25 Je² cho⁴ta⁴xa¹ cho⁴tse⁴
 Festo ja³⁷a³s⁷en³ ya⁴⁷nte³-
 le⁴. Xi³ coan³jan²-ni³ ni⁴chjin³,
 qui³mi³-ni³ Cesarea, ji³cho²
 ya⁴ Jerusalén. Jerusalén. 2 Ya⁴
 ja³⁷ai³con²-le⁴ je² cho⁴ta⁴ti¹tjon²-
 le⁴ na⁴⁷mi², cao⁴ cho⁴ta⁴ti¹tjon²-le⁴
 cho⁴ta⁴ judío xi³ qui³tso²ya³-le⁴
 cjoa⁴co²ntran⁴ t⁷a³ts⁷e⁴ Pablo. C⁷oa⁴-
 s⁷in² tsa³c²e¹ts⁷oa³-le⁴: 3 Qui³si³je¹-le⁴
 cjoa⁴nta³ nca³ ca²ta³nchoa¹cao⁴

Pablo ya⁴ Jerusalén. Je² cho⁴ta⁴-ve⁴ coa⁴tio⁴chjoa²-le⁴ jme¹-ni³ nca³ si⁴²c⁷en³che¹-si¹ni³ ya⁴³ ntia⁴². ⁴To⁴nca³ je² Festo c⁷oa⁴-s⁷in² qui³nchja⁴ nca³ je² Pablo ya⁴ ca²ta³v⁷e²jna³tjao² ya⁴ Cesarea. Je² soa³ ya⁴ coai⁴ nti⁴ton⁴. ⁵C⁷oa⁴qui³tso²-le⁴: To⁴⁷ya³-ni³ xi³ jon²-vi⁴ xi³ tjin¹-no³ xa¹, ta³nquin¹jen³cao⁴-nao¹³, tsa² cjoa⁴qui²xi⁴ nca³ je¹ qui³tjen⁴-le⁴ Pablo, c⁷oa⁴ ya⁴ tja³nquio³ nca³ je². ⁶To⁴j³in³-la⁴ to⁴te³-la⁴ ni⁴chjin³ coan³tse³ya²-le⁴ Festo nca³ ya⁴ tsa³c⁷e²jna³cao⁴. C⁷ia⁴ qui³jen³ ya⁴ Cesarea. Xi³ coan³nchaon³-ni³ ji³cho²c⁷e²jna³ne² ya¹xi²le⁴-le⁴. C⁷ia⁴ qui³nchja⁴-le⁴ Pablo nca³ ca²ta³nchoa³cao⁴. ⁷C⁷ia⁴ nca³ ja³⁷ai³cao⁴, jo³ coan³ma³jtin¹ntai³-le⁴ cho⁴ta⁴ judío xi³ ja³⁷ai³-ni³ ya⁴ Jerusalén. A³li² c⁷oa⁴cji³ cjoa⁴ xi³ tsa³ca¹nqui³ Pablo, cjoa⁴ xi³ li²coi³ coan³-le⁴ qui³si³qui²xi⁴ya³t⁷ain³. ⁸C⁷ia⁴ qui³nchja⁴ntjai² yao³-le⁴ je² Pablo: Ni⁴jme³-jin² je¹ xi³ tsa³jnquia³, ni⁴co²ntran⁴ ts⁷e⁴ cjoa⁴te¹xo³ma³ xi³ ts⁷e⁴ cho⁴ta⁴ judío-jin², ni⁴co²ntran⁴ ts⁷e⁴ yo⁴nco⁴-jin², ni⁴co²ntran⁴ ts⁷e⁴ César-jin². ⁹To⁴nca³ Festo coan³me³-le⁴ nca³ si⁴²nt⁷e¹t⁷a³-le⁴ je² cho⁴ta⁴ judío, tsa³cja¹cao⁴ Pablo, c⁷oi⁴qui³tso²: A³ me³-li² nca³ c⁷oin¹mi³ ya⁴ Jerusalén, c⁷oa⁴ ya⁴ c⁷oe¹nta³j³in³-li² nca³yi³-je³ cjoa⁴-vi⁴ nqui³xcoan³ nca³ an³. ¹⁰C⁷ia⁴ Pablo qui³tso²: I⁴ ti²jna⁴t⁷a³-le⁴ cjoa⁴te¹xo³ma³-le⁴ César, jña³ nca³ ma³chjen¹ nca³ s⁷e³nta³j³in³-na³, ni⁴jme³-jin² cjoa⁴taon³ xi³ qui³s⁷in³-le⁴ je² cho⁴ta⁴ judío, jo³-s⁷in² nca³ cjai¹nca³ nta³ ⁷yai³ nca³ ji³. ¹¹Tsa²

tjin¹-na³ je¹, c⁷oa⁴ tsa² jme³ cjoa⁴ xi³ va³quin²-le⁴ nca³ coi⁴ya¹ntje²³, li²coi³ c⁷oe³ts⁷oa³ntje²³ cjoa⁴vi³ya³-na⁴. To⁴nca³ tsa² tsi² tsa² jme³ cjoa⁴ xi³ tjin¹-ni³, jme³ xi³ va¹nqui³-ni³na³ je² cho⁴ta⁴-vi⁴, ni⁴⁷ya³-jin² xi³ ti⁴x⁷a⁴⁷nte³-le⁴ nca³ ya⁴ sca⁴ni²-na³ cao⁴ je² cho⁴ta⁴-vi⁴. Si³je¹-nia¹³ nca³n⁷ion¹-na⁴ t⁷a³ts⁷e⁴ César. ¹²C⁷ia⁴ Festo tsa³cja¹cao⁴ cho⁴ta⁴ junta-le⁴, c⁷oi⁴qui³tso²: A³ je² César qui³ni²je¹-lai⁴ nca³n⁷ion¹. Ya⁴ c⁷oin¹chon³-lai⁴⁷ni³.

**Pablo nqui³xcon⁴ Agripa
cao⁴ Berenice**

¹³C⁷ia⁴ nca³ je³ja³⁷a³to³ jo³ tjin¹ ni⁴chjin³, je² cho⁴ta⁴ti¹-tjon² Agripa cao⁴ Berenice ja³⁷ai³ ya⁴ Cesarea, ja³⁷ai³ si¹xa³t⁷a³ je² Festo. ¹⁴C⁷oa⁴ ncjin² ni⁴chjin³ ya⁴ tsa³ca³tio². Je² Festo tsa³c⁷e¹-le⁴ na⁴jmi¹ cho⁴ta⁴ti¹tjon² je² cjoa⁴-le⁴ Pablo, c⁷oi⁴qui³tso²: Je² Festo qui³si³c⁷e¹jna³ preso jnco³ cho⁴ta⁴. ¹⁵C⁷ia⁴ nca³ quia³ ya⁴ Jerusalén, je² cho⁴ta⁴ti¹tjon²-le⁴ na⁴⁷mi³, cao⁴ je² cho⁴ta⁴jchi¹nca³-le⁴ cho⁴ta⁴ judío qui³tso²ya³-na³ cjoa⁴co²ntran⁴ xi³ t⁷a³ts⁷e⁴ Pablo. Qui³si³je¹ jnco³ cjoa⁴n⁷ain³ xi³ t⁷a³ts⁷e⁴ cho⁴ta⁴-ve⁴. ¹⁶C⁷oa⁴qui³xin³-le⁴ an³, nca³ tsi² tsa³ c⁷oa⁴-s⁷in² ve³ cho⁴ta⁴ romano nca³ to⁴xquia⁴ ni²c⁷en³-le⁴ cho⁴ta⁴. Je²-cjoa²la² xi³ va¹nqui³, ca²ta³vi³ncha³va³sen³ cao⁴ je² xi³ fa³nqui³, jme¹-ni³ c⁷oa⁴-s⁷in² tjo¹⁷nte³-si¹ni³le⁴ nca³ coi⁴nchja⁴ntjai² yao³-le⁴ xi³ t⁷a³ts⁷e⁴ cjoa⁴ xi³ cji³ma³t⁷ain³. ¹⁷C⁷oa⁴-s⁷in² li²coi³ qui³si³tse³ya²³ nca³ an³, c⁷ia⁴ nca³ ja³⁷ai³ts⁷i³ i⁴-vi⁴. Xi³ coan³nchaon³-ni³ nca³ ti²jna⁴ ya⁴

nt'ia³va³sen³ tsa³ca³te³xo³ma³ nca³
 ca²ta³fa³ai³cao⁴ cho⁴ta⁴-ve⁴. ¹⁸C'ia⁴
 nca³ ncha³va³sen³ je² xi³ va¹nqui³,
 ni⁴jme³-jin² cjoa⁴ xi³ qui³si³c'a³tsen³
 jo³-s'in² nca³ co³ya³-le⁴ tsa²cai³.
¹⁹To⁴coi³ qui³co²ntran⁴-ni³le⁴ je²
 cjoa⁴ xi³ t'a³ts'e⁴ jo³-s'in² nca³
 ve³xcon¹ Ni³na¹, c'oa⁴ xi³ t'a³ts'e⁴
 jnco³ xi³ Jesús tsa³c'in² xi³
 je³c'en³. Je² Pablo-ve⁴ c'oa⁴-s'in²
 qui³tso² nca³ ti¹jna³con³. ²⁰C'oa⁴
 an³-ni³ to⁴jao² tjin¹-na³ je² cjoa⁴-
 vi⁴. C'oa⁴qui³xin³-le⁴ Pablo tsa²
 me³-le⁴ nca³ coai⁴ ya⁴ Jerusalén,
 c'oa⁴ ya⁴ s'e⁴nta³jjin³-le⁴ nca³yi³je³
 cjoa⁴ xo⁴tjin¹-vi⁴. ²¹To⁴nca³ Pablo
 qui³si³je¹ nca³ si⁴c'e¹jna³tjao²-le⁴
 sa³nta³ je² Augusto cjo⁴nch⁷oe¹-
 le⁴. C'ia⁴ tsa³ca³te³xo³ma³ nca³
 ca²ta³ni²c'e¹jna³tjao² jo³ sa³nta³
 nca³ sca³ni³-le⁴ je² César. ²²C'ia⁴
 Agripa c'oi⁴qui³tso²-le⁴ Festo: C'oa⁴-
 ti⁴ me³-na³ nca³ cjo⁴nch⁷oe³-le⁴ je²
 cho⁴ta⁴. Festo qui³tso²-le⁴: Nchaon³-
 li⁴ coi⁴noi⁷ya²-lai⁴.

**Tsa³c'a³sje³-le⁴ cho⁴ta⁴ti¹tjon²
 je² Pablo**

²³Xi³ coan³nchaon³-ni³ ja³ai³
 Agripa cao⁴ Berenice. A³li² to⁴jo³
 xi³ coan³ nca³ ja³ai³. Ja³a³s'en³ ya⁴
 nt'ia³va³sen³, cao⁴ je² xi³ nca³jco⁴-le⁴
 so³nta²do⁴, cao⁴ cho⁴ta⁴ti¹tjon²-
 le⁴ ya⁴ na⁴xi⁴na³nta¹-ve⁴. Festo
 tsa³ca³te¹xo³ma³ nca³ qui³chja³a²-le⁴
 Pablo. ²⁴C'ia⁴ Festo c'oi⁴qui³tso²:
 Ji³ ni¹³ cho⁴ta⁴ti¹tjon² Agripa,
 cao⁴ nca³ts'io³ xi³ x'ion⁴³ xi³ i⁴
 ti³yo³cao⁴-na³jjin⁴, cho¹tsen³-lao⁴³
 je² cho⁴ta⁴-vi⁴. Je²-vi⁴ xi³ nca³ts'i³
 cho⁴ta⁴ judío tsa³c'e¹ts'oa³-na³
 co²ntran⁴ xi³ t'a³ts'e⁴ ya⁴ Jerusalén
 cao⁴ i⁴-vi⁴. C'oa⁴-s'in² qui³squi³⁷ntia¹

nca³ tsi² tsa² va³quin²-le⁴ nca³
 c'oe¹jna³con³-sa³. ²⁵To⁴nca³ an³-
 vi⁴⁷ni³ c'oa⁴-s'in² tsa³ve³ nca³
 ni⁴jme³-jin² je¹ xi³ qui³tjen⁴-le⁴,
 xi³ va³quin²-le⁴ nca³ coi⁴ya²ntjai².
 C'oa⁴ je² soa³ c'oa⁴-s'in² qui³si³je¹
 t'a³ts'e⁴ Augusto nca³n'ion¹-
 le⁴. Qui³sco³son²-ni³le⁴ nca³ an³
 nca³ to⁴sa³ ya⁴ sca³ni³nch⁷oe²³.
²⁶To⁴nca³ ni⁴jme³-jin² cjoa⁴qui²xi⁴
 xi³ coan³sjai³-na³ xi³ squi³-ni³le⁴ je²
 César xi³ t'a³ts'e⁴. Coi³ xa¹-ni³ nca³
 ca²v'a³sje³-no³ nca³ jon² je² Pablo.
 Ña³qui³ ji³ ni¹³ xi³ ca²v'a³sje³-
 le²³, cho⁴ta⁴ti¹tjon² Agripa.
 C'oa⁴-s'in² s'e⁴-na³ cjoa⁴qui²xi⁴
 xi³ squi³ni³-le⁴ César, c'ia⁴ nca³
 je³qui³cho²na³nqui³-le⁴² Pablo.
²⁷C'oa⁴²ma³-na³ nca³ li²coi³ nta³ tjin¹
 tsa² sca³nia³ jnco³ preso, tsa² tsi² jo³
 xian³ jme³ cjoa⁴ xi³ tjin¹ co²ntran⁴-
 le⁴ nca³ je².

**Pablo qui³nchja⁴ntjai² yao³-
 le⁴ nqui³xcon⁴ Agripa**

26 C'ia⁴ je² Agripa
 c'oi⁴qui³tso²-le⁴ Pablo:
 V'ai²⁷nte³-li² nca³ coi⁴no²cjoa⁴ntjai²³
 yao³-li⁴. C'ia⁴ Pablo qui³sco²mi³
 ntsja³ tsa³c'e¹ts'ia⁴ nca³
 qui³nchja⁴ntjai² yao³-le⁴:
²Ji³ cho⁴ta⁴ti¹tjon² Agripa
 jo³ to⁴ma³tsjoa³-na³ nca³ nt'ai⁴-
 vi⁴ coi³nchja²ntje²³ yao³-na⁴
 nqui³xcoi³, xi³ t'a³ts'e⁴ je²
 nca³yi³je³ cjoa⁴ xi³ va¹nqui³-ni³na³
 cho⁴ta⁴ judío. ³Nca⁴ ji³ xi³ nqui²sa⁴
 nta³ 'yai³ nca³yi³je³ jo³-s'in² ve³-
 ni³ cho⁴ta⁴ judío, c'oa⁴ nca³yi³je³
 cjoa⁴ xi³ fao¹ya³-ni³. C'oa⁴-s'in²
 t'ian⁴-nai¹³ cjoa⁴nta³ nca³ ti⁴no¹⁷ya²-
 nai¹³ nca³ sin³ nca³ nta³. ⁴Nca³ts'i³
 cho⁴ta⁴ judío tjin¹jjin³-le⁴ jo³-s'in²

qui³coa⁴ yao³-na⁴ sa³⁷nta³ nca³
xtia³, jo³-s'in² sa³⁷nta³ nca³ ti¹tjon²
tsa³ca²te⁴jna³ jin³-le⁴ na⁴xi⁴na³nta¹-
na⁴ ya⁴ Jerusalén. ⁵Tsa² me³-le⁴
nca³ tsjoa¹ en¹-le⁴ je² cho⁴ta⁴ judío
coa²tse³ ve³-na³, nca³ an³ qui³coa⁴
yao³-na⁴ sa³⁷nta³ ti¹tjon² jo³-s'in²
ve³-ni³ je² cho⁴ta⁴ fariseo, je² xi³
nqui²sa⁴ v'e¹ne²-le⁴ yao³-le⁴ nca³
ve³xcon¹ Ni³na¹. ⁶Nt'ai⁴-vi⁴ i⁴
ti²jna⁴t'a³-le⁴ cjoa⁴te¹xo³ma³ xi³
t'a³ts'e⁴ je² cjoa⁴nta³ xi³ ti²co³ya³-
le⁴, xi³ Ni³na¹ qui³tsjoa³-le⁴ ts'oa³ je²
n'ai³jcha¹cjin³-na¹. ⁷Coi³ cjoa⁴nta³
xi³ tjio¹co³ya³-le⁴ xi³ te³jao²
jco⁴ya³ ntje⁴-le⁴ n'ai⁴jcha¹cjin³-
na¹. C'oa⁴-s'in² tjio¹si¹xa¹-le⁴ Ni³na¹
nca³ntsja¹ nca³ ni⁴chjin³ nca³
ni⁴tjen⁴, nca³ tjio¹co³ya³-le⁴ nca³
s'e⁴-le⁴ je² cjoa⁴nta³-ve⁴. C'oa⁴xin³-
le²³ ji³ cho⁴ta⁴ti¹tjon² Agripa nca³
to⁴t'a³ts'e⁴ je² cjoa⁴nta³ xi³ ti²co³ya³-
le⁴, to⁴coi³² cjoa⁴ tjio¹va¹nqui³-ni³na³
cho⁴ta⁴ judío. ⁸C'oa⁴ jon², a¹-ni³ nca³
tsi² ma³cjain¹-si¹ni³no³ nca³ Ni³na¹
si¹cja³⁷a¹ya³-ni³le⁴ c'en³.

**Pablo qui³tjen⁴nqui³ co²ntran⁴-
le⁴ cho⁴ta⁴-le⁴ Cristo**

⁹C'oa⁴ cjoa⁴qui²xi⁴ ni¹ nca³ an³
c'oa⁴-s'in² qui³si³cja³⁷ai³tsjen³ nca³
coan³chjen¹-na³ nca³ c'oa⁴qui³s'ian³
ncjin² cjoa⁴ co²ntran⁴-le⁴ jan³⁷ain¹-
le⁴ Jesús xi³ Nazaret ts'e⁴.

¹⁰C'oa⁴qui³s'ian³ ya⁴ Jerusalén.
A³li² to⁴c'oa⁴cji³ cho⁴ta⁴-le⁴ Cristo
qui³sca³nia³ ya⁴³ nto⁴ya¹. C'oa⁴-
s'in² qui³tsjoa³⁷nte²-na³ je²
cho⁴ta⁴ti¹tjon²-le⁴ na⁴⁷mi³. C'ia⁴ nca³
qui³ni²c'en³, c'oa⁴-s'in² qui³tsjoa³
en¹-na⁴ co²ntran⁴-le⁴ nca³ je².

¹¹Cjai¹nca³ to⁴ncjin² c'a³ tsa³ca¹-le⁴
nca³qui³jnta² ja⁴ya³ nt'ia³ sinagoga,

sa³⁷nta³ cjoa⁴n'ion¹ qui³s'in³-
le⁴ nca³ nchja⁴⁷aon³-le⁴ Ni³na¹.
A³li² to⁴c'oa⁴cji³ jti³ coan³-na³ xi³
co²ntran⁴ ts'e⁴. Ña³qui³ c'oa⁴-s'in²
qui³ co²ntran⁴-le⁴ nta³ tsa² sa³⁷nta³
jña³ nca³ xin² na⁴xi⁴na³nta¹.

Pablo tsa³ve³ jnc³ l'i¹ ya⁴³ ntia⁴²

(Hechos 9:1-19; 22:6-16)

¹²C'ia⁴ nca³ c'oa⁴-s'in² qui³tjen⁴nqui³
co²ntran⁴-le⁴, quia³ ya⁴ Damasco.
Y'a³ orden jña³ nca³ tsa³c'e¹ne²-
na³ je² cho⁴ta⁴ti¹tjon²-le⁴ na⁴⁷mi³.

¹³Ji³-lai²³ cho⁴ta⁴ti¹tjon², c'ia⁴ nca³
nchi³sen³, tsa³⁷ve³ ya⁴³ ntia⁴² jnc³ l'i¹
xi³ nc'a³jmi³ ji³n'choa³-ni³ xi³ nqui²sa⁴
to⁴fa³te³ ma³tsen³ cao⁴-ni³ tsa² ts'oi¹.

Ña³qui³ coan³⁷i³sen³ntai³-na³ cao⁴ je²
xi³ tjen⁴coa⁴. ¹⁴Qui³tsao³tsa³cjan¹-
ni³jin⁴ nca³ts'i³-jin⁴. Qui³nch'oe³-le⁴
jnc³ xi³ qui³nchja⁴-na³ nca³ en¹
hebraea: Saulo, Saulo, a¹-ni³ nca³
an³ 'mi³tjen⁴nqui³ co²ntran⁴-

si¹ni³nai¹³. To⁴si⁴qui²⁷oain³ yao³-li⁴,
tsa² coi⁴njon¹-lai⁴ ya¹ xi³ yao³xcon¹
cji³. ¹⁵C'ia⁴ c'oa⁴qui³xin³-le⁴: 'ya¹ ni¹³
ji³, Señor. C'oa⁴ je² Nai³-na¹ qui³ts'o²:
An³-nia¹³ Jesús xi³ ti³⁷mi³tjen⁴nqui³
co²ntran⁴-nai¹³. ¹⁶To⁴nca³ ti⁴so¹tjain⁴,

ti⁴sen⁴ntoi³. To⁴coi³ xa¹-ni³ nca³ an³
ti²si³c'a³tsen³-le²³ yao³-na⁴, nca³
tsjoa³-le²³ xa¹ nca³ ji³ si⁴xa¹-nai¹³,
c'oa⁴ testigo-na⁴ coain⁴ xi³ t'a³ts'e⁴

je² cjoa⁴ xi³ ca²⁷yai³, c'oa⁴-ti⁴ testigo-
na⁴ coain⁴ xi³ t'a³ts'e⁴ je² cjoa⁴ xi³ s'a⁴
si³c'a³tsen³-le²³ yao³-na⁴. ¹⁷C'oa⁴-
s'in² c'oa³sje³ntjai²-le²³ xi³ t'a³ts'e⁴

cho⁴ta⁴ na⁴xi⁴na³nta¹, c'oa⁴ xi³
t'a³ts'e⁴ cho⁴ta⁴ xi³ li² judío-jin², je²
xi³ sca³ni³jin³-le²³ nt'ai⁴-vi⁴, ¹⁸jme¹-ni³
nca³ c'oa⁴-s'in² cho¹⁷ai²nqui³-si¹ni³
xcon⁴. Ca²ta³vi³tjo³-ni³

cjoa⁴njon²-le⁴, ca²ta³ma³⁷i³sen³.

le⁴, ca²ta³vi³ncha³xin²-le⁴
 je² nca³n⁷ion¹-le⁴ Satanás,
 ca²ta³nchoa¹t⁷a³-le⁴ Ni³na¹, jme¹-
 ni³ nca³ c⁷oa⁴-s⁷in² cha⁴t⁷a³-si¹ni³le⁴
 je¹-le⁴, c⁷oa⁴ s⁷e⁴cjoa⁴tjao²-si¹ni³le⁴
 ja⁴j³in³-le⁴ je² xi³ je³coan³tsje³ nca³
 ma³cjain¹-le⁴ xi³ t⁷a³ts⁷e⁴. ¹⁹Coi³
 cjoa⁴, ji³ cho⁴ta⁴ti¹tjon² Agripa,
 li²coi³ qui³si³ta²ja³-le⁴ yao³-na⁴
 je² xi³ tsa³⁷ve³, xi³ nc⁷a¹ ja³⁷ai³-
 ni³na³. ²⁰To⁴sa³ nca³ ti¹tjon²
 qui³nchja²ya³j³in³-le⁴ je² xi³ tjio¹
 ya⁴ Damasco, c⁷ia⁴ je² xi³ tjio¹ ya⁴
 Jerusalén, c⁷oa⁴ nca³qui³jnta² na³nqui³
 Judea, cao⁴ nca³ts⁷i³ cho⁴ta⁴ xi³ li²
 judío-jin², nca³ ca²ta³si¹c⁷a³ntjai²ya³
 cjoa⁴fa³⁷ai³tsjen³-le⁴, ca²ta³nchoa¹t⁷a³-
 le⁴ Ni³na¹. C⁷oa⁴ ca²ta³s⁷in¹ je² xi³
 cjoa⁴nta³ ⁷mi²-le⁴², xi³ va³quin²-
 le⁴ je² xi³ je³qui³si³c⁷a³ntjai²ya³
 cjoa⁴fa³⁷ai³tsjen³-le⁴. ²¹To⁴t⁷a³ts⁷e⁴
 je² cjoa⁴ xo⁴tjin¹-vi⁴ je² cho⁴ta⁴
 judío qui³tsoa³-na³ ya⁴³ yo⁴nc⁴.
 Coan³me³-le⁴ nca³ si⁴²c⁷en³-na³.
²²To⁴nca³ Ni³na¹ tsa³ca³sen¹cao⁴-na³.
 To⁴jo³ c⁷oa⁴ti²s⁷ian³ sa³⁷nta³ n⁷ai⁴-
 vi⁴. C⁷oa⁴-s⁷in² ti²tsjoa³-le⁴ en¹-na⁴,
 nta³ tsa³ cho⁴ta⁴ xi³ tjen⁴nqui³,
 nta³ tsa² cho⁴ta⁴ti¹tjon². A³li²jme³-
 sa³ xi³ cja⁴⁷ai¹ xi³ xian³, to⁴je²
 nca³yi³je³ cjoa⁴ xi³ je² cho⁴ta⁴ xi³
 qui³nchja⁴ya³ t⁷a³ts⁷e⁴ Ni³na¹ cao⁴
 Moisés c⁷oa⁴qui³tso² nca³ c⁷oa⁴coan⁴.
²³Je² c⁷oa⁴qui³tso² nca³ je² Cristo
 cjoa⁴⁷a³ cjoa⁴n⁷ain³, c⁷oa⁴ nca³ je²
 ti¹tjon² cjoa⁴⁷a¹ya³j³in³-ni³le⁴ c⁷en³.
 C⁷oa⁴-s⁷in² coa⁴co²-le⁴ cjoa⁴⁷i³sen³
 cho⁴ta⁴ na⁴xi⁴na³nta¹ cao⁴ cho⁴ta⁴
 xi³ li² judío-jin². ²⁴C⁷ia⁴ nca³ Pablo
 c⁷oa⁴-s⁷in² qui³nchja⁴ntjai² yao³-le⁴,
 je² Festo n⁷ion¹ qui³nchja⁴: Sca¹-la⁴li²
 Pablo, to⁴coi³-la⁴ cjoa⁴chji⁴ne⁴-li⁴
 si¹sca¹ya³-ni³li². ²⁵To⁴nca³ Pablo

qui³tso²: A³li² sca¹-jin²na³, ji³-lai²³
 Festo, xi³ c⁷oa⁴-s⁷in² to⁴nc⁷a³ ti³jnai³.
 Ña³qui³ en¹qui²xi⁴ xi³ nchja²³, c⁷oa⁴
 nta³ tjin¹coan³. ²⁶Je² cho⁴ta⁴ti¹tjon²
 ve³ nca³yi³je³ cjoa⁴-vi⁴. C⁷oa⁴-ti⁴
 ma³n⁷ion¹coan³ nca³ fa²coa⁴ nca³ je².
 Li²coi³ si³cja³⁷ai³tsjen³ nca³ tji¹⁷ma³-
 le⁴ nca³yi³je³ je²-vi⁴, nca³ tsi² tsa²
 to⁴jña³-jin² ⁷ncho²ño³ c⁷oa⁴coan³.
²⁷A³ ma³cjain¹-li² cho⁴ta⁴ti¹tjon²
 Agripa, t⁷a³ts⁷e⁴ je² xi³ qui³tso² je²
 cho⁴ta⁴ xi³ qui³nchja⁴ya³ t⁷a³ts⁷e⁴
 Ni³na¹. ⁷ve³-nia¹³ nca³ ma³cjain¹-li².
²⁸C⁷ia⁴ Agripa c⁷oa⁴qui³tso²-le⁴ Pablo:
 Ji³ to⁴choa³tse³-ni¹ ni²⁷i³nta³j³in³-
 nai¹³ nca³ cho⁴ta⁴-le⁴ Cristo coan⁴.
²⁹C⁷ia⁴ qui³nchja⁴ Pablo: Jo¹ to⁴nta³
 tsa² to⁴jo³-s⁷in²ni³ tsjoa¹-no³ Ni³na¹
 nca³ to⁴choa³tse³-ni¹ a³xo⁴ n⁷ion¹
 tse³ c⁷oa⁴ca²ta³mao³ jo³-ni³ an³. A³li²
 to⁴ji³-jin², c⁷oa⁴ nca³ts⁷i³ nio¹³ xi³ i⁴
 ti³no²⁷ya²-nao¹³vi⁴ n⁷ai⁴-vi⁴. To⁴je²
 xi³ ti¹t⁷a³n⁷ion¹-na³ xi³ mai³. ³⁰C⁷ia⁴
 nca³ je³c⁷oa⁴qui³tso² nca³yi³je³ en¹-vi⁴,
 tsa³qui³so¹tjen⁴ je² cho⁴ta⁴ti¹tjon² cao⁴
 je² gobernador cao⁴ Berenice cao⁴
 je² nca³ts⁷i³ xi³ ya⁴ tsa³ca³tio²cao⁴.
³¹Tsa³cjao¹t⁷a³xin², c⁷oi⁴qui³tso²-
 le⁴ xi¹ncjin¹: Ni⁴to⁴jme³-jin² cjoa⁴ xi³
 s⁷in¹ je² cho⁴ta⁴-vi⁴ xi³ va³quin²-le⁴
 nca³ coi⁴ya¹ntjai², ni⁴nto⁴ya¹-jin².
³²Je² Agripa c⁷oi⁴qui³tso²-le⁴ Festo:
 Coan⁴-ni¹ tsa²cai³ nca³ cha⁴ni²ntai¹
 cho⁴ta⁴-vi⁴, tsa² tsi² tsa² c⁷oa⁴-s⁷in²
 qui³si³je¹ nca³n⁷ion¹-le⁴ xi³ t⁷a³ts⁷e⁴
 César.

**Pablo qui³son² na³nta¹ cao⁴
 barco sa³⁷nta³ Roma**

27 Je²c⁷oa⁴-s⁷in² qui³s⁷e³nta³
 cjoa⁴ nca³ coa⁴nquin¹soin²⁴.
 jin⁴ na³nta¹ cao⁴ chi³tso³ sa³⁷nta³
 Italia. Je² Pablo cao⁴ xi³c⁷a³ preso

qui³cha³ni²t⁷a³-le⁴ jnc³ nai³-le⁴
 so³nta²do⁴ xi³ Julio ⁷mi². Je² Julio
 ts⁷e⁴ so³nta²do⁴ xi³ y⁷a³ jan³⁷ain¹-le⁴
 Augusta. ²C⁷ia⁴ tsa³nquin¹yai³⁴-jin⁴
 jnc³ barco xi³ ya⁴ Adramitio ts⁷e⁴,
 xi³ cjoa⁴⁷a³to³ je² na⁴xi⁴na³nta¹-le⁴
 Asia xi³ tjio¹ntai³-le⁴ nta¹chi³con³.
 C⁷oa⁴-ti⁴ je² Aristarco, jnc³ cho⁴ta⁴
 macedonio xi³ Tesalónica ts⁷e⁴,
 qui³cao⁴-na³jin⁴. ³Xi³ coan³nchaon³-
 ni³, ji³choi³⁴-jin⁴ ya⁴ Sidón. Je² Julio
 cjai¹nca³ to⁴nta³ tsa³ve³con³ Pablo.
 C⁷oa⁴-s⁷in² qui³tsjoa³⁷nte²-le⁴ nca³
 coai⁴con³-le⁴ mi²yo⁴-le⁴, jme¹-ni³
 nca³ si⁴²sin³-ni³le⁴. ⁴C⁷ia⁴ c⁷oa⁴-s⁷in²
 tsa³nquin¹⁴-jin⁴, jo³-s⁷in² v⁷e¹ ntjao⁴.
 C⁷oa⁴-s⁷in² tsa³nquin¹son²ntai¹⁴-jin⁴
 xi³ncoa³-ni³ ya⁴ ⁷nte³ Chipre, nca⁴ je²
 ntjao⁴-ve⁴ xi³ cja⁴⁷ai¹-s⁷in² qui³. ⁵Ya⁴
 tsa³qui³ma³toi³⁴-jin⁴ nta¹chi³con³
 ya⁴ Cilicia cao⁴ ya⁴ Panfilia. Ya⁴
 qui³ni²ca³sen²jnai³⁴-jin⁴ barco ya⁴
 Mira, na⁴xi⁴na³nta¹ ya⁴⁷nte³ Licia.
⁶Je² nai³-le⁴ so³nta²do⁴ qui³so³co³-
 le⁴ jnc³ barco xi³ ts⁷e⁴ Alejandria
 xi³ ti¹fi²son²nta¹ ya⁴ Italia. Ya⁴
 qui³si³ca³tio¹ya³-na³jin⁴. ⁷A³li²
 to⁴ncjin² ni⁴chjin³ qui³n⁷ia²⁴-jin⁴
 nca³ toi⁴² tsa³nquin¹son²ntai¹⁴-jin⁴.
 To⁴s⁷a⁴ ya⁴ Gnido ji³choi³⁴-jin⁴ to⁴coi³
 nca³ li²coi³ qui³tsjoa³⁷nte²-na³jin⁴
 je² ntjao⁴. To⁴ji³tja³cja¹nqui³-lai⁴jin⁴
 ya⁴ ⁷nte³ Creta, xi³ qui³jna³⁷t⁷a³-
 le⁴ ⁷nte³ Salmón. ⁸A³li² to⁴n⁷ain³
 ji³tja³toi³⁴-jin⁴, ji³choi³⁴-jin⁴ jnc³
⁷nte³ jña³ nca³ Buenos Puertos ⁷mi²,
 chian³-ni³le⁴ jña³-ni³ ti¹jna³ je²
 na⁴xi⁴na³nta¹ Lasea. ⁹Je²ja³⁷a³to³
 ncjin² ni⁴chjin³. Je²xcon¹ chon³
 nca³ tsa³nquin¹son²ntai¹⁴-jin⁴,
 nca⁴ je³ja³⁷a³to³ ni⁴chjin³ c⁷ia⁴
 nca³ tsa³ca³tio²nchjan³ s⁷oi¹.
 Pablo c⁷oa⁴-s⁷in² tsa³c⁷e¹ne²-le⁴,

¹⁰c⁷oi⁴qui³tso²-le⁴: Nca³ts⁷io³ ⁷ve³-
 nia¹³ nca³ cjai¹nca³ to⁴n⁷ain³ cjoian¹,
 c⁷oa⁴ tse³ si⁴cha¹, li² tsa² to⁴je² ch⁷a¹-
 ve⁴, li² tsa² to⁴je² barco-ve⁴, to⁴nca³
 c⁷oa⁴-ti⁴ ña¹-vi⁴ si⁴cha³² yao³-na¹
 tsa² cjoian¹. ¹¹To⁴nca³ je² nai³-le⁴
 so³nta²do⁴ nqui²sa⁴ coan³cjain¹-le⁴
 xi³ qui³tso² je² xi³ ti¹ca³ni¹ barco,
 c⁷oa⁴ xi³ qui³tso² je² nai³-le⁴ barco,
 cao⁴-ni³ tsa² je² xi³ qui³tso² Pablo.
¹²C⁷oa⁴ je² ⁷nte³-ve⁴ li²coi³ nta³
 chon³, li²coi³ coan⁴ nca³ coi⁴yoi³⁴-
 jin⁴ je² chan⁴nch⁷an¹. Je² xi³ nqui²sa⁴
 ncjin² ma³-ni³ c⁷oa⁴-s⁷in² tsa³cjao¹⁷a³
 nca³ ya⁴ cjoa³⁷a³, tsa² coan⁴ nca³
 coi⁴cho³ ya⁴ Fenice, nca³ ya⁴
 cjoa³⁷a³to³-le⁴ je² chan⁴nch⁷an¹. Ya⁴
 Fenice jnc³ puerto xi³ ts⁷e⁴ Creta,
 xi³ co³tsen³⁷t⁷a³ jña³ nca³ ca³ntjai²-ni³
 ts⁷oi¹.

Ja³⁷ai³ne²-le⁴ jtsi¹ntjao⁴

¹³C⁷ia⁴ nca³ to⁴jvi³ ti¹fa³⁷a³
 je² ntjao⁴ xi³ sur fa³⁷ai³-ni³,
 qui³si³cja³⁷ai³tsjen³ nca³ts⁷i³
 nca³ je³ja³⁷ai³-le⁴ xi³ me³-le⁴.
 Qui³son²nta¹-ni³, qui³ chian³-ni³le⁴
 ya⁴ nta³-le⁴ ⁷nte³ Creta. ¹⁴To⁴nca³
 ti⁴⁷a³ ja³⁷ai³-ni³ jnc³ ntjao⁴ xi³ n⁷ion¹
 tjen⁴, xi³ Euroclidón ⁷mi². ¹⁵Ntjao⁴-
 ve⁴ qui³scoe¹-le⁴ barco-ve⁴. Li²coi³
 ti⁴qui³jcho¹cjoa⁴-ni³le⁴. To⁴c⁷oa⁴-
 s⁷in² qui³ts⁷ai²⁷nte³-lai⁴jin⁴ jo³-s⁷in²
 v⁷e¹ ntjao⁴. C⁷oa⁴-s⁷in² je² ntjao⁴-ve⁴
 qui³cao⁴-na³jin⁴. ¹⁶To⁴ña³qui³ qui³-ni¹
 ji³cho²ca³t⁷a³ jnc³ na³nqui³⁷nti¹ xi³
 isla ⁷mi², jan³⁷ain¹-le⁴ Claudia ⁷mi².
 To⁴⁷ya³ qui³chjoai¹⁴-jin⁴ chi³tso³.
¹⁷C⁷ia⁴ nca³ qui³scoe¹ chi³tso³,
 qui³s⁷e³t⁷a³n⁷o¹. Tsa³c⁷e¹t⁷a³n⁷ion¹ je²
 barco-ve⁴. Cjai¹nca³ to⁴qui³tso³cjon¹-
 le⁴, tsa² ya⁴ sca⁴jin³ je² to⁴mi¹ xi³
 Sirte ⁷mi². Tsa³c⁷a³jen³ je² na³jño³

xi³ qui³tjen⁴, to⁴c⁷oa⁴-s⁷in² ntjao⁴-ve⁴ qui³cao⁴. ¹⁸N⁷ion¹ ñ⁷ain³ ti¹s⁷in¹ nca³ ña³qui³ ja³⁷ai³ jtsi¹ntjao⁴. Cjai¹nca³ ch⁷ao³ qui³si³cao⁴. Xi³ coan³nchaon³-ni³ qui³si³c⁷a³tsao³ ch⁷a¹-le⁴. ¹⁹Xi³ coan³jan²-ni³ ni⁴çhjin³ cao⁴ ntsai⁴-jin⁴ ña³qui³ qui³ni²c⁷a³tsoai³⁴-jin⁴ je² tso³jmi²-le⁴ barco-ve⁴. ²⁰Ncjin² ni⁴çhjin³ li²coi³ coan³tsen³ ni⁴ts⁷oi¹-jin², ni⁴ni³ño³-jin². Ti⁴c⁷oa⁴-s⁷in² ja³⁷ai³ne²-nca¹ni³na³jin⁴ jtsi¹ntjao⁴, li² to⁴jo³ xi³ coan³. Li²coi³ qui³cho³ya²-lai⁴jin⁴ nca³ coi²tjo⁴ntjai²⁴-jin⁴. ²¹Je³coan³ ncjin² ni⁴çhjin³ nca³ tsa³qui³yo³nchjain³⁴-jin⁴. C⁷ia⁴ je² Pablo tsa³ca³sen²nto³ nca³va³sen³-le⁴, c⁷oi⁴qui³tso²: Nqui²sa⁴-la² nta³ tsa²cai³ n⁷ai³, tsa² c⁷oa⁴-s⁷in² qui³no²⁷ya²-nao¹³. Li²coi³-ni³ ji²tjo⁴-nia³² Creta tsa²cai³. Li²coi³ c⁷oa⁴-s⁷in² cji³ma³t⁷en³² tsa²cai³. ²²To⁴nca³ nt⁷ai⁴-vi⁴ntai⁴ v⁷e³ts⁷oa²³-no³ ti⁴n⁷ion¹ta³con²³. Ni⁴to⁴jnc³-jin²la² xi³ ña¹ coi⁴ya¹. To⁴je² barco-ve⁴ xi³ si⁴cha³². ²³Nt⁷ai⁴ je² ni⁴tjen⁴-vi⁴ tsa³ca³sen²t⁷a³-na³ je² a²ncje⁴-le⁴ Ni³na¹, je² xi³ an³ c⁷oa⁴-s⁷in² fi³t⁷a³-le⁴, c⁷oa⁴ je² xi³ an³ si³xa¹-le⁴. ²⁴C⁷oa⁴qui³tso²-na³: Pablo, a³li² jcon³-jin²³. Cjai¹nca³ to⁴ma³chjen¹ nca³ ya⁴ coi⁴choi³ nqui³xcon⁴ César. Coe⁴-ni³ Ni³na¹ c⁷oa⁴-s⁷in² qui³tsjoa³-li² nca³ts⁷i³ xi³ ji³ tjio¹fi²cao⁴-li². ²⁵Coi³ n⁷ai³, c⁷oa⁴-s⁷in² ti⁴n⁷ion¹ta³con²³ nca³ jon². An³ c⁷oa⁴-s⁷in² n⁷ion¹t⁷a³coan³ Ni³na¹ nca³ c⁷oa⁴-s⁷in² si³cji³tjo³son² jo³ qui³tso²-na³. ²⁶To⁴nca³ ma³chjen¹ nca³ coi⁴cho³ca³t⁷a³-le⁴² jnc³ isla, jnc³ na³nqui³⁷nti¹. ²⁷Xi³ je³coan³ te³ño³ ni⁴tjen⁴. C⁷ia⁴ qui³cao⁴ ya⁴jin³ na³nta¹ xi³ Adriático ⁷mi². C⁷ia⁴ nca³ coan³ va³sen³ni⁴tjen⁴, je² cho⁴ta⁴

xi³ si¹xa¹ ya⁴ barco c⁷oa⁴qui³tso² nca³ je³cji³ma³çhian³t⁷a³-le⁴ na³nqui³. ²⁸Qui³si³c⁷a³tjen⁴jin³ je² xi³ v⁷e¹cho⁴ya³ jo³ cji³ na⁴nca⁴ na³nta¹. Tsa³c⁷e¹choa⁴. Can³-la⁴ na³nca³ qui³jna³ na³nta¹. C⁷ia⁴ qui³nqui²⁷i⁴tse¹-nca¹ni³, ti⁴nqui²jnc³ c⁷a² ti⁴qui³si³c⁷a³tjen⁴jin³-nca¹ni³ je² xi³ v⁷e¹cho⁴ya³; çhja³⁷ao² na³nca³ ji³cho². ²⁹Cjai¹nca³ to⁴qui³tsa³cjon¹ tsa² ya⁴ coi⁴cho³ca³t⁷a³ ⁷nte³ jña³ c⁷oa⁴ to⁴tjin¹ la⁴jao⁴. Ño³ qui⁴cha⁴ xi³ jo³-ni³ tsa² ya¹nçhji⁴ qui³si³c⁷a³tjen⁴jin³ ya⁴ to²ts⁷in³ barco, jme¹-ni³ nca³ tsi² ya⁴ s⁷e⁴t⁷a³-ni³ la⁴jao⁴. Jo³ coan³ me³-le⁴ nca³ nt⁷ai⁴cjoan¹ ca²ta³s⁷e³sen¹. ³⁰Je² nca³ts⁷i³ xi³ ya⁴ si¹xa¹ ya⁴³ barco-ve⁴ me³-le⁴ nca³ to⁴coai⁴che¹. Qui³sca³ni¹jin³ na³nta¹ je² chi³tso³. To⁴c⁷oa⁴qui³s⁷in³ jo³-ni³ tsa² me³-le⁴ nca³ sca⁴ni¹nto³-sa³ je² qui⁴-cha⁴nçhji⁴ ya⁴jco⁴ barco-ve⁴. ³¹Je² Pablo c⁷oi⁴qui³tso²-le⁴ je² nai³-le⁴ so³nta²do⁴ cao⁴ so³nta²do⁴. Tsa² je² nca³ts⁷i³ cho⁴ta⁴-vi⁴ li²coi³ coa⁴tio⁴ ¹⁴barco-vi⁴, jon² li²coi³ coi²tjo⁴ntjao²³. ³²C⁷ia⁴ je² so³nta²do⁴ tsa³ca³te³ je² n⁷o¹ xi³ tjio¹t⁷a³n⁷ion¹-ni³ je² chi³tso³. To⁴c⁷oa⁴-s⁷in² qui³sca³ni¹ nca³ to⁴je². ³³C⁷ia⁴ nca³ je³qui³s⁷e³sen¹, Pablo tsa³c⁷e¹ts⁷oa³-le⁴ nca³ts⁷i³ nca³ ca²ta³cjen², c⁷oi⁴qui³tso²-le⁴: Nt⁷ai⁴-vi⁴ te³ño³-ni³ ni⁴çhjin³ nca³ c⁷oi⁴-s⁷in² ti³cho³ya²³ ti³yo³nchjaon³, nca³ ni⁴to⁴jme³-jin² xi³ qui³chi³nao³. ³⁴Coi³ nca³ v⁷e³ts⁷oa²³-no³ nca³ ti⁴cho³, jme¹-ni³ nca³ s⁷e⁴-si¹ni³no³ nca³n⁷ion¹. Ni⁴jnc³-jin²la² ntsja⁴jco³ nca³ts⁷io³-vi⁴ xi³ cha⁴. ³⁵C⁷ia⁴ nca³ je³c⁷oa⁴qui³tso², qui³scoe¹ nio⁴xti²la⁴, qui³tsjoa³-le⁴ cjoa⁴nta³ Ni³na¹ nqui³xcon⁴ nca³ts⁷i³. Qui³si³xcoa⁴

tsa³cjen². ³⁶C⁷ia⁴ qui³sa³tio²nta³-ni³con³ nca³ts⁷i³. C⁷oa⁴-ti⁴ tsa³cjen² nca³ je². ³⁷Jao² ciento cao⁴-ni³ jan²can³ cao⁴-ni³ čhja³⁷aon²jnc³ mai³⁴-jin⁴ xi³ ya⁴ ti³yo³yai³⁴-jin⁴ barco-ve⁴. ³⁸C⁷ia⁴ nca³ je³coan³squi³, qui³si³tja⁴-sa³ barco-ve⁴, ya⁴ qui³si³c⁷a³tjen⁴jin³ nta¹chi³con³ je² ch⁷a¹ trigo.

Coan³xcoa⁴ barco-ve⁴

³⁹C⁷ia⁴ nca³ je³qui³s⁷e³sen¹, li²coi³ ve³ je² na³nqui³. To⁴nca³ tsa³ve³ jnc³ ⁷nte³ jña³ tji¹tin³ xi³ to⁴ya⁴ntai³-le⁴ ña³qui³ tso⁴mi¹ ncha³. C⁷oa⁴-s⁷in² qui³si³cja³⁷ai³tsjen³ nca³ ya⁴ si⁴²ca³sen¹jna³ barco tsa² coan⁴. ⁴⁰C⁷ia⁴ tsa³c⁷a³sje³ca³⁷a³ je² qui⁴cha⁴nčhji⁴, ya⁴ tsa³c⁷e¹jna³jin³-le⁴ nta¹chi³con³. C⁷oa⁴-ti⁴ qui³sca³ni¹nto³ je² n⁷o¹ xi³ tjo¹t⁷a³ ya⁴ to²ts⁷in³-le⁴ barco, xi³ c⁷oa⁴-s⁷in² tsjoa¹ coi²nta⁴ jo³-s⁷in² fi² barco. Qui³sca³ni¹mi³nc⁷a³ je² na³jño³ xi³ ti¹tjon² tjen⁴nc⁷a³ jo³-s⁷in² fi²-ni³ ntjao⁴. Qui³ sa³⁷nta³ jña³ nca³ na³nqui³ tjin¹. ⁴¹C⁷ia⁴ nca³ ji³cho² jnc³ ⁷nte³ jña³ nca³ jao² na³nta¹ sa³te¹cjao³, ya⁴ qui³si³ca¹jna³ barco-ve⁴. Ya⁴ jco⁴ qui³sca³t⁷a³n⁷ion¹, li²coi³ ti⁴coan³ qui³si³cjan³-ni³. C⁷oa⁴ ya⁴ to²ts⁷in³ qui³tjo³cjao³ nca³ to⁴je² nca³n⁷ion¹-le⁴ na³nta¹. ⁴²C⁷ia⁴ tsa³cjao¹ya³-ni³ so³nta²do⁴. Coan³me³-le⁴ nca³ si⁴²c⁷en³ je² preso, jme¹-ni³ nca³ tsi² ⁷ya³ xi³ coan⁴nca³-ni³ nca³ coai⁴jin³nta¹. ⁴³To⁴nca³ je² nai³-le⁴ so³nta²do⁴ coan³me³-le⁴ nca³ c⁷oa⁴sje³ntjai² Pablo. To⁴tsa³c⁷e¹chjoa²-le⁴ je² cjoa⁴fa³⁷ai³tsjen³-le⁴. C⁷oa⁴-s⁷in² tsa³ca³te¹xo³ma³ ⁷ya³ xi³ ma³-le⁴ cjen³nta¹, ca²ta³fi²ti¹tjon²,

ca²ta³fi³cho¹ jña³ nca³ na³nqui³ tjin¹. ⁴⁴C⁷oa⁴ je² xi³c⁷a³ ca²ta³fi²son², tsa² ya¹te³, tsa² to⁴jña³-ni³le⁴ tso³jmi² xi³ ts⁷e⁴ barco. C⁷oa⁴coan³ ji³tjo³ntjai² ña³qui³ nca³ts⁷i³. Ji³cho² jña³ nca³ qui³jna³ na³nqui³.

Pablo ya⁴ Malta

28 C⁷ia⁴ nca³ je³ji²tjo⁴ntjai²⁴-jin⁴, c⁷ia⁴ tsa³⁷yai³⁴-jin⁴ nca³ je² ⁷nte³-ve⁴ Malta ⁷mi². ²Je² cho⁴ta⁴yo⁴ma⁴ xi³ ya⁴ tjo¹ cjai¹nca³ to⁴nta³ tsa³ve³-na³jin⁴. Tsa³c⁷e¹tse³ l⁷i¹. Qui³tsjoa³⁷nte²-na³jin⁴ nca³ts⁷i³⁴-jin⁴ nca³ cji³v⁷a³ jtsi¹. A³li² to⁴nch⁷an¹ coan³. ³Pablo tsa³c⁷e¹xco¹ ya¹xi⁴, tsa³qui³ncha¹jin³ l⁷i¹. Jnc³ ye⁴ qui³to²ca³-le⁴ l⁷i¹ nca³ coan³sjoe²-le⁴. Qui³ts⁷on¹jon³ ya⁴ ntsja³ Pablo. ⁴C⁷ia⁴ nca³ je² cho⁴ta⁴yo⁴ma⁴ tsa³ve³ je² ye⁴, nca³ c⁷oa⁴-s⁷in² qui³tjen⁴v⁷a³nqui³-ni³ ntsja³ Pablo, nca³ i⁴ nca³ jan¹ qui³tso²-le⁴ xi¹ncjin¹: Cjoa⁴qui²xi⁴²-la⁴ je² cho⁴ta⁴-vi⁴ xi³ si¹c⁷en³ c⁷en³. Ji³tjo³ntjai²-ni³ nta¹chi³con³, to⁴nca³ xi³ tjin¹-le⁴ cjoa⁴qui²xi⁴ li²coi³ si¹c⁷e¹jna³con³. ⁵To⁴nca³ Pablo tsa³c⁷e¹tsao³jne³jin³ l⁷i¹ je² ye⁴-ve⁴. Ni⁴jme³-jin² xi³ coan³-le⁴. ⁶Nca³ts⁷i³ tjo¹co³ya³-le⁴, c⁷ia⁴ tsa² coi⁴tjo³ya³, c⁷oa⁴ tsa² sca⁴ts⁷o¹tjen⁴, nca³ coi⁴ya² nti⁴ton⁴. Tse³ qui³sco³ya³-le⁴. Tsa³ve³ nca³ ni⁴jme³-jin² xi³ coan³-le⁴. Tsa³ca³tio²jyo¹. Ni³na¹-la⁴vi⁴, c⁷oi⁴qui³tso². ⁷Ya⁴ ⁷nte³-ve⁴ cjai¹nca³ to⁴tjin¹-le⁴ na³nqui³ je² cho⁴ta⁴ti¹tjon² xi³ Publio ⁷mi². Je²-vi⁴ xi³ qui³tsjoa³⁷nte²-na³jin⁴, jan² ni⁴čhjin³ nta³ tsa³qui³yo³coai⁴-jin⁴. ⁸Xi³ coan³ je² n⁷ai³-le⁴ Publio ti¹qui³jna³son² na⁴chan³, ti¹m⁷en³. Nt⁷ai⁴ tjin¹-le⁴ cao⁴ ch⁷in³njin¹.

Pablo ja³⁷a³s⁷en³con³-le⁴. C⁷ia⁴
nca³ je³tsa³c⁷e¹ts⁷oa³, ntsja³
tsa³ca¹jna³son², ña³qui³ coan³nta³-
ni¹. ⁹C⁷ia⁴ nca³ c⁷oa⁴coan³, c⁷oa⁴-ti⁴
je² xi³c⁷a³ xi³ tjio¹m⁷en³-ve⁴ ya⁴
⁷nte³-ve⁴, ji³cho²nch⁷oe². Ña³qui³
coan³nta³-ni¹. ¹⁰A³li² to⁴c⁷oa⁴cji³
tso³jmi² cjoa⁴tjao² qui³tsjoa³-na³jin⁴.
C⁷ia⁴ nca³ tsa³nquin¹⁴-jin⁴, ncjin²
jco⁴ya³ tso³jmi² xi³ coan⁴chjen¹-
na³jin⁴ ya⁴ ntia⁴², qui³tsjoa³-na³jin⁴.

Pablo ji³cho² ya⁴ Roma

¹¹C⁷oa⁴-s⁷in² xi³ coan³ jan² sa¹
tsa³nquin¹yai³⁴-jin⁴ jnco³ barco
xi³ ts⁷e⁴ Alejandria. Ya⁴ ⁷nte³-
ve⁴ tsa³c⁷e²jna³ je² chan⁴nch⁷an¹
xi³ je³ja³⁷a³to³. Tji¹choa⁴-le⁴
barco-ve⁴ je² ni³ño³ xi³ Cástor
cao⁴ Pólux ⁷mi². ¹²C⁷ia⁴ nca³
ji³choi³⁴-jin⁴ ya⁴ Siracusa, jan²
ni⁴chjin³ tsa³qui³yoi³⁴-jin⁴ nca³
ya⁴. ¹³Nca³ ya⁴ tsa³c⁷e²tin³soin²⁴-
jin⁴, sa³⁷nta³ ji³choi³⁴-jin⁴ ya⁴
Regio. Xi³ coan³nchaon³-ni³ je²
ntjao⁴ ji³tjo³mi³-ni³ nca³ qui²xi⁴-le⁴
son³⁷nte³. C⁷oa⁴-s⁷in² xi³ coan³ jao²-
ni³ ni⁴chjin³ ji³choi³⁴-jin⁴ ya⁴ Puteoli,
¹⁴jña³ qui³sa³te³jin³-jin⁴ cho⁴ta⁴-le⁴
Cristo. Tsa³c⁷e¹ts⁷oa³-na³jin⁴ nca³
coi⁴yo³coai⁴-jin⁴ ña³to³ ni⁴chjin³.
C⁷ia⁴ ya⁴ ji³nchoa³-ni³jin⁴ sa³⁷nta³
Roma. ¹⁵Ya⁴ qui³nch⁷oe¹ je² nts⁷e³²,
ji³cho² cja³⁷a¹ya³ntia³-na³jin⁴ ya⁴
sa³⁷nta³ nti⁴tsin⁴-le⁴ Apio, c⁷oa⁴-ti⁴
jña³ Jan² Hotel ⁷mi². C⁷ia⁴ nca³ je²
Pablo tsa³ve³ cho⁴ta⁴-ve⁴, qui³tsjoa³-
le⁴ cjoa⁴nta³ Ni³na¹, se¹coan³je³con³.
¹⁶C⁷ia⁴ nca³ ji³choi³⁴-jin⁴ ya⁴ Roma,
je² nai³-le⁴ so³nta²do⁴ qui³tsjoa³-
le⁴ je² xi³ nca³jco⁴-le⁴ so³nta²do⁴
nca³ts⁷i³ preso. To⁴nca³ je² Pablo
tsa³c⁷ai²⁷nte³-le⁴ nca³ c⁷oe¹jna³ nca³

to⁴je², cao⁴ jnco³ so³nta²do⁴ xi³
si⁴²coi²nta⁴.

Pablo nchja⁴ya³ ya⁴ Roma

¹⁷C⁷ia⁴ nca³ je³coan³ jan²
ni⁴chjin³, Pablo qui³nchja⁴-le⁴ je²
cho⁴ta⁴ti¹tjon²-le⁴ cho⁴ta⁴ judío. C⁷ia⁴
nca³ je³coan³xco¹, c⁷oi⁴qui³tso²-le⁴:
Nca³ts⁷io³ ⁷nti¹nts⁷e³, ni⁴to⁴jme³-
jin² xi³ qui³s⁷ian³ co²ntran⁴-le⁴
na⁴xi⁴na³nta¹, c⁷oa⁴ co²ntran⁴-le⁴
costumbre-le⁴ cho⁴ta⁴jchi¹nca³-
na¹. Ya⁴ qui³si²⁴ntsja³-na³ preso ya⁴
Jerusalén ya⁴ ntsja³ cho⁴ta⁴ romano.
¹⁸C⁷ia⁴ nca³ je³qui³cho²t⁷a³-na³,
coan³me³-le⁴ qui³sca³ni¹ntai¹-na³,
nca³ tsi² tsa² jme³ je¹ tjin¹-na³ xi³
va³quin²-le⁴ nca³ coi⁴ya¹ntje²³.
¹⁹To⁴nca³ cja⁴⁷ai¹ qui³tso² je² cho⁴ta⁴
judío. Cjoa⁴n⁷ion¹ qui³si³je¹-nia¹³
nca³n⁷ion¹-na⁴ t⁷a³ts⁷e⁴ César. An³-
vi⁴ ni⁴jme³-jin² xi³ tjin¹-na³ nca³
na³nqui³-na³ coa³nqui³-nia³. ²⁰To⁴je²
cjoa⁴-vi⁴ nca³ ca²nchja²-ni³no³,
nca³ scoe³-no³ nca³ cjoa²cao⁴-
no³. To⁴t⁷a³ts⁷e⁴ je² cjoa⁴nta³ xi³
ti¹co³ya³-le⁴ cho⁴ta⁴ judío nca³
c⁷oa⁴-s⁷in² tji¹t⁷a³n⁷ion¹-nia³. ²¹C⁷ia⁴
c⁷oi⁴qui³tso²-le⁴: To⁴nca³ jin⁴-jin⁴
ni⁴jme³-jin² xon⁴ ja³⁷ai³-ni³na³jin⁴
xi³ t⁷a³tsi⁴ ya⁴ Judea. Ni⁴jnco³-
jin² nts⁷e³² xi³ ja³⁷ai³ ca¹nqui³-li²,
xi³ ja³⁷ai³ nchja⁴ xi³ ch⁷ao³ tjin¹ xi³
t⁷a³tsi⁴. ²²To⁴nca³ jin⁴-jin⁴ me³-
na³jin⁴ coi⁴no¹⁷ya²-lai²⁴jin⁴ jo³ si³
nca³ ji³. Je³⁷yai³⁴-jin⁴, nca³qui³jnta²
⁷nte³ tjin¹ xi³ cja⁴⁷ai¹ tso² xi³ ntia⁴²
t⁷a³xin² Ni³na¹ tso²-le⁴. ²³Cho⁴ta⁴-ve⁴
tsa³c⁷e¹jna³choa⁴-le⁴ jnco³ ni⁴chjin³
c⁷ia⁴ nca³ ncjin² xi³ ja³⁷ai³con²-le⁴
Pablo ya⁴ nt⁷ia³ jña³ nca³ tsa³c⁷e²jna³.
Pablo ña³qui³ qui³tso²ya³-le⁴
nca³ ta⁴njon² jo³ sa³⁷nta³ nca³

coan³xon², qui³tsjoa³-le⁴ en¹ xi³
 t'a³ts'e⁴ je² cjoa⁴te¹xo³ma³-le⁴
 Ni³na¹. Qui³si³⁷i³nta³j³in³ cho⁴ta⁴-
 ve⁴ xi³ t'a³ts'e⁴ Jesús jo³ tso²
 cjoa⁴te¹xo³ma³-le⁴ Moisés cao⁴
 xon⁴-le⁴ je² xi³ qui³nchja⁴ya³ t'a³ts'e⁴
 Ni³na¹. ²⁴Tjin¹ c'a³ xi³ coan³cjain¹-
 le⁴ je² cjoa⁴ xi³ qui³tso²ya³ Pablo.
 To⁴nca³ tjin¹ c'a³ xi³ tsi² coan³cjain¹-
 le⁴. ²⁵Ti⁴ya⁴ qui³scan³cao⁴-ni³
 xi¹ncjin¹, c'ia⁴ nca³ tjio¹fi². Pablo
 c'o⁴qui³tso²-le⁴ je² en¹-vi⁴: Je²
 Espíritu Santo cjai¹nca³ nta³
 tsa³cja¹cao⁴ je² n'ai³jcha¹cjin³-na¹
 c'ia⁴ nca³ c'o⁴a⁴-s'in² qui³nchja⁴ya³
 Isaías. ²⁶C'o⁴a⁴qui³tso²: T'in³chon¹-
 lai⁴ je² na⁴xi⁴na³nta¹-ve⁴,
 c'o⁴a⁴t'in²-lai⁴: Coi⁴no¹ya²-nio³
 xo⁴ño³, to⁴nca³ li²coi³ coan⁴cho⁴ya³-
 no³. Cho¹tsen³-nio³ xcon³, to⁴nca³
 li²coi³ jchao⁴³. ²⁷Je² ni⁴ma⁴-
 le⁴ je² cho⁴ta⁴ na⁴xi⁴na³nta¹-vi⁴
 to⁴ña³qui³ tjio¹ta²ja³-ni¹. Xo⁴ño³
 to⁴⁷ya³ qui³nch'oe¹-ni³. Xcon⁴

tsa³c'e¹chjoa²nqui³, jme¹-ni³ nca³ tsi²
 ve³-ni³ xcon⁴, nca³ tsi² nch'oe¹-ni³
 xo⁴ño³, nca³ tsi² coan⁴cho⁴ya³-ni³le⁴
 ni⁴ma⁴-le⁴, nca³ tsi² si⁴²c'a³ntjai²ya³
 yao³-le⁴ nca³ si⁴²c'o¹fa³ya³t'a³-na³,
 nca³ an³ si³xqui³-le⁴. ²⁸C'o⁴a⁴-s'in²
 t'e²j³in³ta³con²³ tso²c'o⁴a⁴ nca³ Ni³na¹
 qui³si³ca³sen¹-le⁴ je² cho⁴ta⁴ xi³ li²
 judío-jin² je² cjoa⁴nta³-ve⁴, jo³-
 s'in² v'a³sje³ntjai²-na¹ Ni³na¹. Je²
 cho⁴ta⁴ xi³ li² judío-jin² cjo⁴in⁴nch'oe¹-
 ni¹. ²⁹C'ia⁴ nca³ je³c'o⁴a⁴qui³tso²,
 je² cho⁴ta⁴ judío ji³tjo³. Ña³qui³
 to⁴tsa³cja¹ya³tse³-ni³ nca³ts'i³.
³⁰Je² Pablo jao² no¹ tsa³c'e²jna³
 jnc³ ni³⁷ya³ xi³ to⁴tsa³c'e¹chji¹.
 Cao⁴ cjoa⁴tsjoa³ qui³scoe¹tjao²
 nca³ts'i³ xi³ ja³⁷ai³con²-le⁴.
³¹C'o⁴a⁴-s'in² qui³nchja⁴ya³ xi³
 t'a³ts'e⁴ cjoa⁴te¹xo³ma³-le⁴ Ni³na¹.
 Qui³tso²ya³ je² cjoa⁴ xi³ t'a³ts'e⁴
 Nai³-na¹ Jesucristo. Ña³qui³
 qui³tjo³⁷nte³-le⁴ nca³ qui³tso²ya³,
 li²⁷ya³ xi³ tsa³ca³te¹chjoa²-le⁴.